





BIBLIOTEKA

Zakł. Nar. im. Ossolińskich

XVI

3690





Compendiaria
PRAECIPVARVM RERVM TVRCICARVM

RELATIO

Septem distinctis capitibus

TVRCORVM ORIGINEM,
OECONOMICA, ECCLESIASTICA
ET POLITICA; SEPTEM ITEM PRIN-
cipum, septem Regum, & septem Im-
peratorum res gestas historiophi-
lis exhibens.

1835.
Ex diuersissimis autoribus collecta

Per

M. LAVRENTIVM RISEBERGIVM

Ecclesiasten Gardelegensem.



HELM AESTADII

Excudebat Iacobus Lucius, Anno
M. D. XCVI.

1896.



35.180

3



TVRCVS

ἡνναρχία.

TV CRVS

VT CRVS.



Vrce cauet tibi Christumq; laceffere cessa:

Næ TV CRVS franges, Turce, caue-
to tibi.

Nostra cohors pœnas meruit: tu Turce flagellum

Es DOMINI? Noli verba superba loqui.

Aut VT CRVS frangas, Christum de sede potenti

Deturbare cupis? nælaceras stimulum.

ALIVS.

MAHOMETES

ἡνναρχία.

HAMO SEMET.

Quid Mahomet? Hamus. Quidnam capit? agmina Christi.

Quæ merces? HAMO SEMET in ima trahit.

D. Christophorus Pelargus Generalis
Marchiæ Brandenburgensis
Superintendens.

NOBI.

xvi. gw. 3690



NOBILITATE GENERIS,
 ERVDITIONE ET VIRTUTE PRAE-
 STANTISSIMIS DDN. DN. LVDOLPHO ET
 Dn. IOHAN GEBHARDO ab ALVENSLEVEN fratribus
 germanis, Dn. IOACHIMI ab ALVENSLEVEN p. m. filijs;
 Et Dn. GEBHARDO, Dn. CHRISTOPHO-
 RO & Dn. VVOLFGANGO-FRIDERI-
 CO ab ALVENSLEVEN, Dn. VA-
 LENTINI ab ALVENSLE-
 VEN p. m. filijs:

AC

AMPLISSIMIS ET ORNATIS-
 SIMIS VIRIS, SAPIENTIA, VIRTUTE
 ET DIGNITATE PRAESTANTIBVS DDN.
*Consulibus & Senatoribus Reipublicae
 Gardelegensis*

Dominis & Parronis suis omni animi subiectione colendis,

Gratiam & pacem in Christo.



Anielis vaticinia publicè pro conci-
 one explicari audiens in inclyta a-
 cademia VVittebergensi, & patria
 mea, Nobiles, Magnifici & Clariss.
 viri, non solum calamo excepi, sed
 & D. Philippi, itemq; Iouij & aliorum scripta hi-
 storica

storica euolui, & in compendium redegei, quæ de
Blasphemo regno Turcico cognitu mihi visa fue-
re necessaria, vt quando occasio esset populum ad
vitæ sanctimoniam & preces ardentes in istis tu-
multibus bellicis excitandi, quod nobis verbi mi-
nistris cum ex officio tum ex sapiùs huc missis il-
lustriss. principis Electoris Brãdeburgensis, Domi-
ni nostri clementiss. literis & mandatis incumbit,
argumentum & materiam haberem in promptu,
nonnullorumq; stulticiam seriò arguerem, quo-
rum voces non obscure præ se ferebant, Non esse
vsque adeo miserum & graue sub Turcis viuere,
cum subiugatis hac tempestate Christianis auto-
nomiam relinquerent in religione, & tolerabile
tributum imponderent.

Sed tales toto cœlo, quod dicitur, aberrare,
cognoui & perspexi in hoc studio versans, & Tur-
cicum iugum cane peius & angue fugiendum &
seriò detestandum, dum in illis furoribus perdu-
rat, animaduerti, & honestam mortem pro Chri-
sto & patria longè ei præferendam esse, duxi.

Constat enim hoc impium regnum palàm
conari delere nomen Filij Dei Mediatoris & Sal-
uatoris

uatoris generis humani vnici. Coburgi in arce aliquādo fuit Turcus (vt Seniore VV in shemium saepe retulisse ex parente audio) qui aliquo modo didicerat linguam Germanicam. Hic quoties audiuit Christum nominari DEVM & Dei Filium, toties ita exarsit iracundia, vt parum abfuerit quin interficeret hoc asserentes. Coacti igitur sunt reliqui ministri ipsum è medio submouere, ne alijs vim inferret & manus crudeles in christianorum sanguine tingeret. Tam infesta est gens illa nomini Filij Dei in quem nos credimus. Quod obijci-
tur in Europa tamen adhuc passim sub imperio Turcico reliquas esse & tolerari Ecclesias, sit ita. Sed simul consideremus quàm crudeli & barbarica seruitute illi sint oppressæ.

Liberum religionis Christianæ exercitium quale esse potest, vbi studia literarum coli non possunt & sunt Ecclesiæ sine Doctoribus, quamuis quidam asserant studia illic haberi. Crebrò igitur accidit vt multi paulatim nomen Christianum abijciant. Infantes pueri & puellæ è complexu parentum abripiuntur atq; ad Mahometicas impietates discendas & propagandas adigun-

tur, & contra sanctum baptismi sui foedus Christo in coelis maledicere, vt iam tot seculis gens impia assuevit, docentur.

Hæc longè tristiora esse AEgyptiaca seruitute & Babylonica captiuitate, res loquitur ipsa.

De his & alijs sæpius hac tempestate cum patre meo iuxta prouerbum, Vbi dolor, ibi manus, conferens, & in consilium adhibens clariss. virum Dn. Henricum Laurentij Cos. Gardelegensem affinem meum ceu alterum parentem colendum, qui pro excellenti sua in historijs cognitione non solum libros & eruditam suam operam quotidie mihi communicauit, & studium hoc egregiè adiuuit; sed etiam autor mihi extitit, vt quæ in priuatum vsum collegeram, publica fieri permitterem, nec non alij etiam idem vgerent, vt ex nonnullorum Epigrammatis adiunctis videre est; refragari illis nolui, statuens me iam satis munitum & horum patrocinijs tutum fore aduersus minùs dextra quorundam iudicia, qui mihi insanabile Cacoethes scribendi & alia, obijcere possent.

Vobis autem, nobilissimi Domini ab Aluensleuen,

leuen, Mecoenates obseruandi, hunc exiguum libellum offerre&dedicare volui, non solum vt vestro patrocinio, de quo dixi, labor meus, vt qui multum huic studio tribuitis, à maleuolorum, si qui sunt, friuolis calumnijs vindicaretur: quæ talium dedicationum causâ non est postrema, sed vt potissimum me pro plurimis beneficijs hac qualicunque ratione gratum ostenderem. Nam liberalis illa librorum ex vestra Erxlebianâ Bibliotheca communicatio, ad hanc opellam pertexendam, plurimum emolumenti mihi attulit.

Ad vos autem Patres patriæ meæ, quod attri-
ne, quibus rationibus vestris dignitatibus deuinctus sim, non faciliè dixero, vt qui numquam non in conspectu habetis Esaïæ illud: Et erunt Reges nutricij tui & reginæ nutrices tuæ: reginæ, id est respub. seu ciuitates præbeant hospitium & alimenta Ecclesijs & foueant Doctores & discipulos doctrinæ de DEO & earum artium quæ Ecclesiæ necessariæ sunt, vt commentarij verbis vtar. Pro innumeris igitur beneficijs hanc qualem-
cunque gratitudinis declarationem pro candore vestro in meliorem partem interpretemini.

Quod

Quod superest, inuocemus Filium DEI Do-
minum nostrum IESVM Christum, ut ipse tue-
atur, quod & facturus est, nomen & gloriam
suam, & Turcicum imperium, quod extremum
fore ex vaticinijs Prophetarum & libri apocalypsis
constat, illustri suo ad iudicium extremum ad-
uentu, penitus tollat ac destruat, & Ecclesiam
suam liberet. AMEN.

*Vestris dign. & amplitud.
studiosè deditiss.*

*M. Laurentius Risebergius Ecclē-
siastes Gardelegensis.*

Anno reparatæ salutis

QVIIs pro Me exIbIt? tV DeVsaVXILII.



EPIGRAM-

*EPIGRAMMATA AMICORVM,
IN COMPENDIVM HISTORIÆ*

Turcica M. Laurentij

Risebergij.

HIC Rhodus hic Rhodope est. hic cursibus hic o-
pus armis,
Si cupias hostes præcipitare iugis.
En sua quàm iacent, en quã iuga celsa! sub arctis
Quos prius inclusos scribitur ille vijs.
Nunc vires traxere suas de crimine nostro,
Et caput in Mundi regna tulere suum.
Non opis est nostræ tantas invertere sedes,
Non in mille manus sufficit vna manus.
Fulmine turbentur, mergantur flumine Lethes;
Et votis pereant cœliuoliscq; rotis.
Fiet. & ô fiat tandem. de montibus istis
De folio recidant protinus eiq; solo.
Tela age nunc telis, velis age vela, vel armis
Arma opponamus nostra, Preces, Lacrimas.
Proditur hem nobis, in nos qui prodijt hostis :
Vt tumor exoritur sic furor emoritur.
Hostem nosse suum confert; qui nouerit, illum
Oderit. ille facer corde Riphæus erit.

*Christophorus Pelargus Doctor ac Professor Theologiæ in
academ. Francofordiana ad Oderam. & Generalis
totius Marchiæ Superintendens.*

A L I V D.



Edula sicut apes multis de floribus agri,
 Collectum dulci nectare stipat opus,
 Quod simul est alimentum agrisq; medela salubris,
 Humano generi commoda mille ferens:
 Noster ita evoluit complura volumina scriptor,
 Autoresq; bonos nocte dieq; legit.
 Conficit ex variis scriptis compendia rerum.
 Perspicua historias & breuitate notat.
 Inferuitq; aliis, quos rerum copia terret,
 Impedit & multos voluere cura libros.
 Alterius querit sic commoda candida virtus,
 Sic vos non vobis mella paratis apes.
 Cedite degeneres fuci, qui carpere tantum
 Nostis, sed dignum promere laude nihil.
 Conuenit historiae studium discentibus aequè,
 Hoc sine ieiunus Doctor in arte sua est.
 Hoc quoq; scripturae studio coniungere sacrae
 Versantem in Christi religione decet.
 Exposita historico sunt ordine Biblia Sancta,
 Hunc seruet si quis sacra docere velit.
 Negligit hoc, aliis si quisquam aut exprobrat illud,
 Is sanè verae est non pietatis amans.
 Hortabatur ad hoc studium Reineccius olim
 Autorem, ipsius quod probat authographon.
 Urget idem Henricus Laurent In nomine auito
 Clarus, in vrbe bonus Consul, & Historicus.

*Hic operam & libros confert, Stylum at exhibet alter,
Est utriusq; suo dignus honore labor.
Vir bonus est commune bonum, cui publica semper
Res cordi est, Patriæ prosperitasq; suæ,
Sedulus hanc ornare cupit, curamq; fidelis,
Dum viuit, seræ posteritatis habet.
Huic studio inuigilans autor, quæcunq; relatu
De Turcis legit digna, referre studet.
In quibus autores variant, conferre laborat,
Historicâq; cupit conciliare fide.
Si sed ubiq; satisfacit haud simul omnibus, eius
Sedulitas tamen est non reprobanda bonis.
Omnia sint ingrata licet, de pane lucrando
Et multi quamuis hæc studia esse negent:
Attamen humanæ par est prodesse saluti,
Quod poscit pietas, Gloriaq; ipsa DEI.
Aspicias hic Scythicum quibus est rationibus auctum
Imperium, cuius Turca tuetur opes.
Quæ fuerint huius tetri primordia regni,
Et qui progressus, qualia bella Ducum.
Quàm latè extendit se nunc, quæ Regna subegit,
Romani Imperij diminuitq; decus.
Aduersus sanctos etiam quàm bella cruenta,
Gesserit, atq; ex his sæpe Trophæa tulit.
Pannonia experta est quàm tristia damna tot annos,
Terrestris quondam quæ paradysus erat.*

Sic meruere hominum cumulatæ crimina culpæ
Olim, nunc eadem nos quoq; damna manent.
Cum fastidiret sacri mysteria verbi,
Accumularet atrox orbis & omne nefas.
Omnia dissidiis plena essent, vanaq; verbo
Præferrent cerebri somnia quisq; sui.
Arius inficeret blasphemio dogmate multos,
Spargeret hinc virus Nestoriusq; suum:
Exitit execranda cohors Mahometica, mundum
Ingratum replens Impietate sua.
Nunc non dissimilis status est, eadem ergo sequentur
Nostrosq; inuadent publica damna thoros,
Omnia dissidiis loca plena, furoribus aucta,
Cælestis mannae Nausea corda replet.
Simplicis & verbi perstant fastidia, Docti
Dogmatibus ludunt ceu pueri astragalis.
Pestis auariciæ, lucri ex re quaq; cupido,
Ebrietas, Luxus, fastus & ambitio,
Cum vitiis aliis, nostris dominantur in oris,
Ridetur, quisquam si meliora monet.
Quæ spes nunc reliqua est? nulla est, conuersio vera
Nî sequitur, legi & congrua vita DEI.
Vitam emendemus moniti atq; à turpibus ausis
Diuini flatus abstineamus ope,
Pontificum summi linquant Idola Monarchæ,
Nec Christi membris hospita tecta negent.

Nos quibus exorta est vera lux alma salutis,
 Moribus ornemus dogmata sancta piis.
 Addemusq; preces conuerso è pectore fusas,
 Vt Dominus Scythicum dissipet ipse iugum.
 Turca ferox tandem crudelibus excidat ausis
 Caesaris & nostri concidat ante pedes,
 Tot constat seclis nullos impune tulisse,
 Lædere qui soliti sunt tua iura, **DEV S.**
 Longè alios omnes supereminet iste Tyrannus,
 Qui nostras etiam nunc furit ante fores.
 Te te blasphemum verbumq; tuum impetit ore
 Christe **DEV S.**, verum te negat esse **DEV M.**
 Te supra extollit Mahometi putre cadaver,
 Prædonem iactans se antetulisse tibi,
 Incute vim dextræ, tibi qua contraria deles,
 Blasphemum cornu disijce, frange, rape.
 Sic pia fata ferunt, sunt hæc oracula vatum,
 Perdendum subitis cladibus esse Gogum.
 Hac spe firmati, socij, contendite in hostes
 Coniunctis animis, cætera Christus agat.
 Sic tandem occumbet scelerati Bestia regni,
 Prædator raptas denuo perdet opes.
 Sed non sufficiens si pœna est temporis huius,
 Nec par vlla istis ausibus ira venit.
 Supplicium luat æternum detrusus in orcum,
 Ereptos verò nos tua Regna beent.



Maturato diem quem tandem Christe Redemptor
Et veniant summo gaudia summa die.
Interea in terris parvam defende Sareptam,
Quæsumus, & lacerum pastor ouile tege.
Aduersus Turcam nostris victoria cedat,
Imperij seruet Teutona terra decus.
Alter & Hunniades, Daciæ sit præses in oris.
Et victor Scythicas arceat inde feras.
Inq̃ fugam versi cogantur vertere terga
Fœdisfragi Thraces, perfidus atq̃ Sinon.
Personet hîc tua vox, fiat tua sancta voluntas
Nostraq̃ sit verbo consona vita tuo.
Donec in aduentu postremo quisq̃ reportet
Pœnas, vel studiis præmia danda pijs.

M. Iohannes Scharlach Pastor
Gardelegiensis.

A L I V D.



I Mahometigenæ satagis cognoscere
gentis
Ortum, progressum, dogmata, bella,
duces.

Perlege quæ varijs Rifebergius eruta scriptis,
Hoc compendiolo congerit exiguo.

Diffidiis

Diffidijs cernis nostris, & acinace sæuo.

Exorta, hæc Getici stareq; regna canis.

Audis in Christum diras, conuitia Christos

Blasphemias voces, stupra nefanda, dolos.

Insuper excisas vrbes, cultissima regna,

Cumq; focis aras, diruta templa, scholas.

Ergo si patriæ superest, si cura salutis

Vlla tuæ, sobolis siue nepotis amor.

Vota precesq; D E O persolue, Ecclesia Christi

Vt stet salua, domus, mœnia, templa, scholæ.

Christiadum sedes, ne Turcica bellua vastet,

Immiti nec opus subdere colla iugo.

Valentinus Beneke Pastor

Erchslebiensis.

A L I V D.

Dampada Phœbeam mundo negat ille, necesse
Conscribi historias qui negat esse bonas.

Nam veri lux est, vita sapiensq; magistra,
Quæ facienda iubet, quæ fugienda vetat.

Maecte ergo Riseberge, cruenta quod acta Getarum

Christiadum alueolos qui sine fine premunt.

Colligis, ad seros satagisq; referre nepotes,

Hinc sit vt his ardens calcar, & ansæ precum.

Cadmeos

*Cadmaos tandem DEVS hos exstirpet ut hostes,
Agmina nec per eos sancta perire sinat.
Tu sic annales veros conscribere perge,
Sic tua post obitum fama perennis erit.*

M. Arnoldus Bierstedius patriæ
Consul.

A L I V D.



Tile nosse suas vires, & nosse sodales,
Hostis item mores, vtile nosse sui.
Agnita consilij adeò auxilijsq; reguntur:
Consilium ridens auxilio careat.
Qui cupis ergo tuas vires nouisse, subinde
Diuinæ legis conspicio speculum.
Si vitare voles pœnam, & viuere vitam
In cœlis, vitam hic corrige, liber eris.
Illum pœna manet, qui non resipiscere curat:
Sed veniam culpæ qui resipiscit habet.
SI nouisse cupis vires, moresq; sodalis,
Inspicito temet, tum tua facta vide.
An facis hoc alijs, tibi quod fieri cupis olim?
Anne timens Dominum diligis vsq; tuos?
Propterea inspicito mentem quæ conscia facti,
Et dices: fiet quod DEVS ipse refert.
Væ tibi qui spolijs, quoniam spoliabere rursus:
Rem, famamq; alijs, non tibi, amice, rapis.
DENIQUE si cupies hostis cognoscere mores,
Et melius vires vt repulisse queas.
Hostem scis Satanam mendacem ore Hæreticorum
Interfectorem Turcico in ense, tuum.

Hæreti-

Hæreticorum igitur mendacia tollere discere,
Scripturis sacris non dubitante fide.
Sed si Turcorum gladios, artesq; feroces
Historiæ cupidus discere, amice, cupis.
Exiguum hunc librum exiguo tu tempore volues;
Quem tibi dat Reisberg compater ille meus.
Exiguus liber exiguo non tempore scriptus,
Vtpote collectus pluribus ex alijs.
Est verum: innumeri inueniuntur vbiq; libelli
Turcica qui tradunt mollius, & melius.
Teutonico & Latio sermone, adeoque Pelasgo
Conscripti, nec non Turcico, & Italico.
Si vacat ergo, illos legito, modo habere queas si:
Si non: hunc librum perlegito exiguum.
Quod cupis id capies nisi me mens fallit, amice,
Sed capito gratus, candidus atque lege.

Theodoricus Mundius Consul.

Munda me miserum MVNDVM mundi mediator
Mortiferam massam mundificato meam.

A L I V D.



*H*istorias manet utilitas sua; quiq; laborat
Hæc legi, & sciri posse, favore viget.
Hinc mores, hinc vita regi, velut indice certo,
Vitariq; genus criminis omne potest.
Quæ fugienda notat, quæ sint facienda fidelis
Eligit, ante oculos vtrâq; lector habet.
Illa cauet nocitura videns, amplectitur vltro
Hæc, vt quæ fructus sint habitura suos.

C

Tum

Tum quia fert hominis melior natura subinde
Scire quid expediat, quidq; nocere queat.
Ac didicisse quid hic gens barbara tractet, & illic,
Qui mores, studium, religioq; viris.
Dissimilesq; solet mirari conscia ritus,
Quos foris, atq; domi lege iubente colunt.
Pronior hinc sese oblectat, discendoq; fallit,
Tempora, quæ secum tædia sæpe ferunt.
Mentem quippe velut pictura pascit inani,
Atq; facit curæ non meminisse suæ.
Quinetiam exiguo spatio (mirabile dictu)
Tot mundi partes mens peragrarè potest.
Nec solum peragrarè, sed & quid ubiq; geratur
Perlustrare, breui cunctaq; obire mora.
Vt dubium, num se percurrere posse viator
Speret, iter faciens nocte dieq; suum.
Nedum rite queat percurrere singula visu
Præsens, & solo suetus inesse loco.
Sic quoniam sæuet utilitas, & iuncta voluptas
Historijs, quis non his studuisse velit?
Certè non perdit tempus, quemcumq; legendo
Rerum gestarum voluere scripta iuuat.
Cum primis decus eximium, laudemq; meretur,
Et decet hoc studium præmia iusta sequi.
Ordine qui studet historias disponere iusto,
Et sparsim quæ sunt vndiq; lecta notat.

Inde

Dicta mea : historicum studium coniūgere sacrae
Scripturae studio gaudes, patiensque laborum
Dum facis hoc, illud non negligis : His recreare
Me soleo interdum, tristesque repellere curas
Historicis scriptis : Quia sed iam curia curas
Ingeminat mihi, tū me cura domestica torquet,
Ergo tibi historiae cupido modo lampada trado,
Atque labore tuo fruar, hac methodoq; decenti,
Temporis exigui ut spatio percurrere possim
Turcorum historia: memoriq; reuoluere mente,
Quae prius ex alijs teneo alta mente reposita.
Caucasus ut genus hoc hominum diffuderit orbis
In reliquas partes Asiae, Europaeque, Africaeque:
Atq; ita (ceu quondam diuina voce Propheta
Praedixit Daniel) quali ratione, vel arte
Blasphemum hoc cornu tria cornua deturbarit
De Romanorum bis quinque cornibus : atque
Qua ratione domus sobolem, uxoresq; gubernet :
Qua ratione suum Mahometum tollat ad astra
Praeferat, & I E S V Christo qui solus, & vnus
Est verum, via, vita, salus, sapientia nostra:
Qua ratione colat genere & virtute celebres,
Iudicium & leges veneretur, tempora signet:

Quid

Quid dux, quid princeps, quid Rex, quid & in-
duperator

Quilibet eximij modo gesserit, ordine monstras
Exiguo hoc libro. Quare mea percipe porro
Dicta: typis librum mox tradito, publicus esto.
Inuenies multos auida qui mente reuoluent,
Et candore pio optabunt tibi fata secunda.

Henricus Laurentius
Consul.

A L I V D.



*Hen Turca ferox fidei seuissimus hostis,
Non tantum Helladias occupat arte pla-
gas:*

*At Asia populos, terra & loca lata subegit,
Subiecit Lybia splendida regna sibi.
Pars magna Europa, Aegaei latera aspera ponti,
Turcarum penitus sub ditione iacent.
Fundamenta DE Oposuit quae prisca vetustas,
Sacrilega (infandum) deiecit ille manu.
Sedibus à propriis Musarum Numina pellit
Intrant in quarum fraus, Venus, arma, lares.
Pannoniam totam possit quò vincere, cunctas
Extendit vires Turcica turba suas.*

Vnde trahant ortum, qui mores, vita sit, ecce
Historicum noster prodidit autor opus.
Vnde breui scripto poterit cognoscere Lector,
Quæ passim variis sparsa fuere libris.
Ceu decus hortorum Laurus, gratissima Phæbo,
Crescit, non ullo deijciturq; Noto:
Frondebis at semper formosis leta senescit,
Et virides umbras suppeditare solet:
Sic tua LAVRENTI monumenta perennè virebunt,
Nec metuent morsus, linide Mome, tuos:
Historia & præsens viuet, de gente nefanda,
Scripta, colit reprobi quæ Mahometis opus.
Christicola ite, preces armis miscete parati,
Noster ab horribili gente triumphus erit.
Vtq; Dioneas dulcis Philomela volucres,
Turcica pelletis semina Marte pio.
Sed tibi RISBERGI, quem virtus iungit Olympo,
Pro studiis grates postera turba canet.
Vine valeq; tuos felix pertexe labores,
Vine diu, ut patria commoda plura feras.

Bartholomæus Bylouius Seno ph.B.
& Poëseos Candidatus.

ALIVD

A L I V D.



Nostro misera Ecclesia seculo!

O multis nebulis tristitiæ obsita!

O latratibus obnoxia feruidis

TVRCI & DAEMONIS impij!

Horum quis caneret sauitiem canum?

Horum quis fugeret sat duplices dolos?

Sunt ambo Hectoreo cedere nescij

Pelidæ & stomacho graui.

Hem tu, tu R I S E B E R G I, scelerum patres

Infandos canis, ac omnigenam doces

Turbam, quæ fugiendi ratio hostium

Horum decipulas fiet.

Iras Myſta doces D A E M O N I S efferas

Euitare: files atque tyrannidem

Nunquam, aſt amplificas, vt redeant citò

Ad frugem reprobì bonam.

Nunc de belligeris, doctè vir, horridis

Turcis, exiguo ſine libidinum

Discernunt auidi qui ſcelus, & nefas,

Et fas, dicere præparas.

O gratum exit opus, non ſine gloria

Contextum, monimentum ære perennius

Et

Et certè positu pyramidum altius
Regali, & preciosius!
Hoc non imber edax tempore quolibet
Prorsus diruet, hoc non Aquilo impotens.
Quare, si, R I S E B E R G I, inuidiâ truci
Maior fortè morarier
In terris odio est; per liquidum æthera
Pennis instar auis, non moriens, eas.
Rectè si video, cruribus asperas
Pelles crescere dixerim.
Iam, iam, credito, muteris in alitem
Album: per digitos ac humeros tuos
Læuis pluma videtur benè nascier.
Felix ocyor Icaro
Tandem Dædaleo nunc precor hoc libro
Visas littora germana tuo. Diu
Vitabis Libitinam: Patrio solo
Laus, & fama fies. Vale.

*Nicolaus Rhodenius,
Soltquellenfis.*


RELATIO-

1

RELATIONIS
RERVM TVRCICARVM

CAPVT PRIMVM,

De Origine & appellatione.

aucasus montium Asiæ parens, solo non sufficienter fertili, foecundissimos suos indigenas Scythas, ex Septentrionali suo angulo, in reliquas mundi plagas, veluti alter equus Troianus, per suas angustias (quas portas vocamus) effudit. Alios quidem versùs Occidentem per Sarmaticas *Triplices Scythas* portas: qui Amazonibus, callidè copulati, Tanaim, Tyramq; traiecerunt, & Scythas Europæos, hoc est, Polonos & Vngaros, procrearunt.

Alios versùs Orientem per Sogdianas portas: qui circa Chafelum Sogdianos, Tataros, vicinosq; Scythas Asiaticos plantarunt.

Alios deniq; versùs Meridiem per Caspias (quas Alexandrum Magnum olim contra Scytharum eruptiones & incursiones ferratis trabibus obduxisse legimus) & Armenias portas: qui initiò solito more à depasto ad depascendum locum carris seu mapalibus oberrarunt (vnde nomen Turcorum acceperunt) donec viris & viribus aucti auxiliares copias Hormisdæ (al. Orimasdæ) Persarum regi promittere possent.

Verùm in itinere Hormisdæ cædunt, Persasq; in Saceracenorum potestatem deuenisse audientes, in Corasensæ *Bella Turcorum & Saceracenorum* & Hircaniæ finibus substiterunt: & loci fertilitate capti vrbes

vrbes & regiones sibi subijcere cœperunt, pertæsi nimirum oberrationum, & mutationum soli.

*Turci &
Persæ.*

Mahometus autem, Persarum rebellium Pseudorex, Saracenorum iugum excussurus, implorato auxilio Tangrolipicis Mucaleti capitanei Turcorum, tria millia sagittariorum adducentis, Pissarissum Arabiæ regem vincit, & ampliaturus suum regnum contra Saracenos, rogat Tangrolipicem, vt etiam vlteriùs contra Indos proficiatur. Hoc cum Turci facere recusarent, non solum vt canes abiecti sunt, quando stipendia sua poposcerunt, sed etiam transitus per Araxim eis est denegatus, quo minus redirent ad suos.

Indignabundi itaq; Turci prima vice secedunt, & iniuriam deuorant. Mahometus autem Turcos etiam sibi vi subiecturus, quod precibus obtinere non potuerat, eos ex improuiso adoritur. Verùm dum ad Aspochanum urbem subsistit, & per Curbantidis solitudines dubitat Turcos vlteriùs quærere, à Tangrolipicis copijs obruendis obruitur, & prima vice succumbit: relictis nouis copijs ei secundò obuiam procedit: ast ipsemet Mahometus equo collapso collum frangit, reliqua cohors Tangrolipicem Persiæ Sultanum salutat. Mox Tangrolipix per Cucumetum nepotem suum etiam Arabes sibi subijcit, & Arabum Sultanus creatur.

Saraceni palmam præreptam ægrè ferentes, Turcos aperto adoriuntur bello. Verùm malleus, quod dicitur, ad incudem, & quidem per non paucos annos: donec tandem conuenerunt (vtpote attritis vtrinq; viribus) vt Turci Saracenorum tributarij, Saracenicam religionem (Mahometismum seu Alcoranum) Saraceni Turcorum nomen susciperent.

*Reconuersio
alis prima
inter Tur-
cos & Sa-
racenos.*

Post

Post aliquot annos, Saracenis per mutuas discordias, & à Diogene Græco Imperatore attritis, Turci regnū Asiaticum tibi rapuerunt, & Principes sibi ex suis ita creaverunt, vt tamen regium titulum Calyphis relinquerent.

Elapsis centum nonaginta duobus annis, Tatari expeditionem nouam in Europam suscipiunt, pars eorum Boleslao Pudico Polonorum rege victo Cracouiam, inde Henrico Pio Silesiorum duce ad Lignitium profligato Silesiam incendijs vastat, & vastabunda per Morauiam penetrans suo regi, in Vngaria agenti, se sistit. Coniunctis itaq; viribus rex Tataricus hac expeditione etiam Turcos & Saracenos, mutuis dissidijs implicitos, sibi subiicit. Saraceni Turcos, vt foederis violatores, repudiant, & pristinum suum nomen recipiunt.

Turci Tataris subiecti.

Turci verò suum nomen, vt notum, & Saracenorum religionem, vt salutarem, retinent: & paulò post Tatarici tributis pertæsi, vicinos Græcos excursionibus, & deprædationibus lacerant, si vel vires recolligere, ad excutendum Tataricum iugum, queant, vel alienis in regnis hospitium vi, & armis occupent. Neque etiam eorum votum euentus fefellit. Nam inter Græcos vrbes & regna occuparunt, & sibi duces constituerunt.

Principes seu Duces Turcici.

Cùm autem circa annum Domini 1280. Omar (seu Omar) Persicus Theologus nobilissimus cum Halino (seu Hali) socio, Alcoranum non solum explanaret, verum etiam redargueret, adeoq; crassiora mendacia, & aniles fabulas redolentia narrata expungendo, honorificè & placidè corrigere conaretur, acre mouit certamen. Alcanoristæ enim litteram etiam absurdam, & blasphemam mordicè retinent, & defensant, nouoque nomine se Musulmannos, id est, Orthodoxos (quo nomine Turci hodiè admodum

Reformato Alcorano.

Musulmanni.

Sophi.

gestiunt vocari) appellant. Homaristæ verò contra Alcanoristas istos, Sophi hoc est, Reformati dici volunt. His Persæ, illis Turci in hunc usque diem subscribunt. Hodie verò inter eos quàm plurimi sunt Ammanitæ, qui videlicet amplectuntur religionem Ammæ, id est, PrætoIohannis.

Reges Tur-
cici.

Hanc Theologorum logomachiam (vt sic vocem) arripiunt Duces Turcici, vt optatam occasionem noui belli sacri, & relictis Persicis Homaristis (*quibus bellum indicturos se simulabant*) in mutua viscera ferrum cōuertunt, præcipue verò quatuor familiæ nobiliores de primatu rixam, gladijs ac telis dirimendam, mouent: mutuis vulneribus confecti exterorum auxilia quærunt (*unde adhuc hodie in Turcica aula tam diuersissimarum & remotissimarum regionum lingua frequens est*) donec tandem circa annum nostræ salutis 1300. familia Oguciorum palmam obtinuit, & quidam vir virtute, & robore, vt ingenij acumine, & calliditate præstantissimus, obscuriore parente (*& tamen ex nobili Oguciorum familia, unde Spurius cum fuisse puto*) natus & à patria Othomanus dictus, (*vero autem nomine Delinus seu Gasinus*) primus Rex Turcorum est creatus.

Imperato-
res Turcici

Regium hunc titulum Mahometes, eius nominis secundus, circa annum reparatæ nostræ salutis 1453. ampliavit, & primus Cæsar seu Imperator à suis copijs imperio Byzantino & Trapezontio subactò, salutatus est.

Hanc nostris diebus, non solum maiestatem Turcicam audimus, sed etiam potestatem Othomanicam sentimus, non absque irreparabili damno. DEVS nostri misereatur, pugnetque pro nobis, & excitet suo nos Spiritu, ne Turcicus ille Vlysses Alcorano suo Arianismis referto, Israëliticum Palladium, Thronum Gratiae, & intercessorem nostrum Dominum IESVM CHRISTVM ex templis Sancti Spiritus,

Spiritus, cordibus nostris auferat, & reliqua Græca cohors Germaniam, somno vinoque sepultam, inuadat, id quod clementissimus pater cœlestis auertat, ex animo precor.

Ad APPELLATIONEM quod attinet, D. Philippus vocabulo Turci vastatorem significari asserit, eò quod longè lateq; omnia deuastet. Alij verò quasi geminobellum Troianum ab ovo ordiuntur, dum Turcos vel à Tyras¹, filio Iaphetis; vel à Teucris regione Asiæ: vel à Teucris populis: vel à Turcano Herculis filio: vel à Turco Troili filio, Priami nepote: vel à Turca Persiæ emporio: vel à Tyreck fluuiio: vel à Trux: vel à Tortura dici contendunt. Alij Ebræum vel à Tharah: vel à Tzor: vel à Rachach, deriuari volunt. Alij Græcum malunt vocabulum, & vel quasi *Θουρκος*: vel quasi *Θυρκος*, quæ vox alludit ad nomen Hebræum, HAGAR: vel quasi *ἡγουρα* seu *ἡγουρα*. Alij ita quærent Etymologiam: Turci seu Scythæ. Caucasij, olim Cyrtij dicti sunt: ea appellatio corrupta est per Metathesim Synæresim & Antistichon. Nam *κύρτιον* per Antistechon redditum fuit. Curtius: Sicut *ὄσ* sus *δύο* duo, *ὄσος* *ἑξήρε*. Postea per Synæresim *κύρτιος* Curtos dictos: & tandem per Metathesim Turcos pro Curtos appellatos. Alij etiam à Doscis: alij à Tuscis deducunt Turcos.

Si Originem spectamus, Turci (vel ut ipsi pronunciant *Turki*, aut *Turchi*) ipforum lingua *νέπαδες* pastores, oberrones, Planetas & stelliones, mapalibus hinc inde à depasto ad depascendum solum oberrantes significat.

Dominatores ipforum ab Othomano, Othomanni dicuntur: Sicut Romani Imperatores ab Augusto Augusti: Aegyptiorū Pharaones à Ptolomæo, Ptolomæi olim dicti sunt. Verùm de nominibus dignitatum suo loco dicetur.

infra cap. 4.

D 3

CAPVT

Appellatio

*Farrago
Etymolo-
giarum.*

CAPVT SECVNDVM

De Oeconomicis.



QM de hoc capite Lonicerus, Mol-
lerus & Rauvvolsius omnium manibus teran-
tur, membratim paucissima adjiciam, quem-
admodum ex diuersis relatoribus collegi,
forſan enim non vbiq; eadem ratione œconomiam ad-
ministrant.

1. Coniugium præ cœlibatu tempeſtiuè exoſculantur,
& per manum Sacerdotis in templo copulantur.
2. Vxor viro non adfert dotem, ſiquidem vir virginem
filiam à parentibus emit: vxorem repudiatam, aut viduam
ſine dote inuenit.
3. Sponſam ad templum miris vociferationibus, & in-
ſtrumentorum muſicorum cantu deducunt, ſimiliterq;ue
reducunt.
4. Conuiuia nuptialia præcipuè ſunambuli, pugiles,
præſtigiatores, & id generis homines exornant.
5. Vxores ducunt, quotq; vnanimis conſeruare & a-
lere poſſunt. At pluribus intentis minor eſt ad ſingulas
ſenſus, & vnanimitas ſc. mulierum, cauſa eſt infiniti di-
uortij.
6. Repudiata, libello repudij, vt ſingulari ornatu præ-
ſtans, circuit optimo ſuo ornatu cum pediffequa, donec
alius eam ducat.
7. Inobedientes vxores vehementer verberant, ante-
quam per Cadinum, ſeu Cadileſcherum diuortia fieri
poſcant.

Quæli-

8. Quælibet vxor suam sobolem educat, donec ad scholam mittatur.

9. Non pauci Turcorum nesciunt veras parentes, cum non raro prægnantes repudientur.

10. Liberi reliquas patris sui vxores vocant *Beymütter* aliter Nouercas: suam verò genitricem vocant Matrem.

A victus frugalitate admodum commendantur à pluribus scriptoribus.

Nam 1. diebus Iumar seu Sabbathi sui, finitis sacris, conueniunt singulæ opificum & artificum tribus, & genio indulgent contributis symbolis: ita tamen ne inebrientur. Ebrios autem vocant eos, qui conuiuij lætitiā inturbant, aut in plateis clamant. Aliās enim ita inebriantur, vt vix domum reperire queant.

Reliquis diebus sitim vix aquis fontanis sedant, & vel atro pane ex hesterno iure contenti sunt.

Ad valetudinis conseruationem verò bibunt potum aromaticum, quem *Chaubé* vocant colore atrum, sapore præstantissimum, nostram aqueuitam faciliè, si non superantem, tamen æquantem.

2. Fructus terræ & arborum ante epulas sumunt, & ita illis primas, qui nobis secundas mensas faciunt.

3. Mensam, scabellum, & scamnum non habent, vt nos, sed corium durius, quod substernunt, eorum vicem supplet. Hinc hōspitia publica tibi nihil, nisi parietes & pauimenta præbent.

4. Vbi humi igitur ita super pelles substratas discubuerunt, breui oratione præmissa citissimè vorant, ne verbum quidem sonantes, cum flare & sorbere periculosum secundum medicos, digitis cibos ori admovent, cum cultellis non vtantur: Coquus carnes ita minuit, & pistor
panes

panes, vt digitis ori ad mouere, & quàm citissimè deglutire possint: Panes admodum dulces habent, siquidem farinam semine dulcifico, quod *Saffon* vocant, inspergunt. & ita ad pistorem mittūt, qui ita pinfit, vt vnus blomus duos bolos præbeat: Ferculo vno atq; altero sunt contenti.

5. Finito ientaculo, prandio, aut cœnâ (*rer enim quotidie cibum sumunt*) Pythagoricâ, quisque statim, recitatis precibus eucharisticis, ad suos redit labores. Post cœnam verò si non statim hora precum adest, colloquijs sibi grati se recreant, donec per vocem *Muizini* vocentur ad preces nocturnas, quibus absolutis cubitum se recipiunt.

6. Lectos non habent plumeos, contenti corio, pelle, aut panno crassiore. Sicut enim finitis epulis mensas & scamna ad parietem: Ita manè surgentes stratum suum de clauo parieti infixio, suspendunt.

7. Abstinent à carne porcina, vt à DEO prohibita: à piscibus, vt qui sine vino venenum: à fabis, pisifq; vt sanguinem diuidentibus: delectantur melle, cepis & allijs: affatis item carnibus, quas tamen coquus ita minuit, vt vix a fatas agnoscas.

8. Abstinent & à vino, olim tamen magis quàm hodiè. Amurathes enim vinum bibentes decollauit. Vineas autem colunt, & vina exteris vendunt: inter quæ præstantissima sunt, quæ circa Constantinopolim & Varnam proueniunt, & nobis *Rummeney* vocantur, à regione, quæ illis Romaniola, nobis Thracia dicitur. Secundas dignitates tribuunt vino NISIS, quod ad Armeniæ limites, & in radicibus Antitauri Australibus prouenit.

9. Vini loco habent aquas vel simplices, vt ex fonte hauriunt: vel aromatibus conditas: inter quas Pachmarz est potus ex aquâ & vuis passis; Tscherbet, potus ex Sacro

caro vel melle & aquis: Curmi seu Zythum ex aqua & hordeo: Hassaph potus ex aqua, & Zizyphis, vel melle & rosacea aqua addita.

In *Amictu* quisq; suam conditionem exornat. Ex colore enim, & præstantia vestis, adeoq; tiaræ, agnosces conditionem personæ, & facillimè Bassas à Begis, Ianizaros ab Vlufagis, & Solachis: Sangiacos ab Imralemis distinguēs.

Mulieres in publicum prodeuntes nigro reticulo faciem suam velant. Reticula autem illa vulgus mulierum ex feris equinis, nobiliores matronæ ex serico contextunt.

Aedificia vix inuenias splendidiora, cum etiam Bassæ contenti sint vilissimo domicilio: supellectilem rarissimam & peruilissimam: ianuam procerior non intrabis erectus, utpote humiliorem: mensas, scamna, subsellia non habent, sed pelles: olla vna atq; altera coquo sufficit.

Causa huius est quod omnia, aut sanè potior pars hæreditatis, post obitum mariti cedant Sultano: quapropter potiùs nummos, quàm supellectilem colligunt. Ad parietes tamen suspendunt varia vasa diuersæ præstantiæ, quæ mnemosyna amicorum non ad vsum (*nefas enim esset uti mnemosyno ad rem domesticam*) sed ad ostentationem habent.

Peregrinis præter parietes & pauimenta superiùs & inferiùs nihil suppeditatur ab hospitibus: Cibum inuenies in popina: vinum apud Oenopolam: potum mixtum apud Zythopolam; lectum ad parietem pendentem inuolutum, aut sanè pallium: auenam & stramina præbebunt venditores, subinde ad hospitia publica accedentes, & quærentes, utrum sit, qui indigeat.

Ad mores quod attinet suis virtutibus & vitijs noti sunt.

sunt. 1. Præcipuè verò delectantur officiosis & operosis salutationibus, ne dicam superstitiosis. Nam vel Gallos, & Italos; Belgasque superare dicuntur.

2. Ut voraces ad nos accedentes: ita in Turcia inedia patientissimi, similiter caloris, sudoris, & laboris, cum tempore pacis otio diffluant: frigoris impatientiores perhibentur.

3. Quotidiè exercentur omni genere armorum & certaminis.

4. Mirificè recreantur colloquijs & visitationibus aliorum, præsertim captiuorum exterorum: sæpè enim integros dies istiusmodi collationibus absument.

5. Maximam laudem & promotionem inuenit captiuus, qui eorum virtutes bellicas, victorias, moresque commendat, aut cantillare gestit.

6. Sæpissimè exteris suas res gestas operosa eloquentia exponunt, & ita suo se ore laudant.

7. Quia otiosi plagis apud eos ad labores coguntur, & tamen proniores sint ad otia, quàm negotia, non solum confabulationibus & visitationibus tempus rerunt, sed & venationibus indefessis: obambulationibus in foro & littoribus: adeoque negotiatione, hortorum cultu, & agricultura: talis, alea, præcipuè verò Schachia ludendo: crebrò etiam oberrant in plateis, & vijs publicis, per agros & hortos fidibus suo more cantantes. Musicum Instrumentum vulgatissimum est Quinternio, aliàs quinque, aliàs septem, aliàs decem fidibus constans.

8. Labores grauiores imponunt captiuis Christianis, ut sunt architecturæ, fabrorum ligni & ferri, sutorum, pistorum, sartorum &c.

9. Cùm sint arrogantes & perfidi, nimis faciles aures præbent

præbent delatoribus, quòd sanè maximo suo cum malo maximè experiuntur Visiribassæ, Beglerbegi, Sangiaci & Cadini.

10. Mamelucis, id est, Christianis ad Mahometismum accedentibus non credunt, etsi ore simulent, & gestibus. Dicunt enim, si à DEO suo optimo patre deficit, quomodo fidelis esset mihi hosti, & persecutori suo?

*De prophetis
sentiant.*

11. In captiuos quibusdam in locis admodum sunt liberales, & *operti sunt*, quod vix crederem, nisi me moueret autoritas eorum, qui captiui apud ipsos fuerunt. Quando capiuntur, ita tractantur, vt mori potius optent, quàm viuere: Similiter quando ad Sultanum, vel alios ducuntur: non autem mirum: quis enim lictor mitiùs agit cum captiuis? vbi verò in carcere iam degunt, sentiunt Turcorum largitatem. Quia enim Eleemosynas erogare tenentur, antequam petat egenus, spontè mittunt famulos, qui sciscitantur de captiuorum egestate.

12. Captiuos suos Christianos non semper habent in carcere, sed oriente Sole educunt ad labores agri, vel aratri, opificij, maris, &c. Sole occidente, reducunt ad carcerem, compedibus ligant, & pane doloris cibant: ibi interdum fit, si captiuus ægrotet, vt ad labores educi non possit, vt interdum optimè curetur ab alijs ciuibus: quod tamen rarissimū, & hodiè experientia contrarium probat.

CAPVT TERTIVM

De Ecclesiasticis.



Eligio Turcorum Mahometica, à Mahomete Saracenorum legislatore: Alcoranismus ab Alcorano, hoc est, libro legum Mahometis: Alcoran rectiùs dixeris, nam Al est articulus Ara-

*Jeſe. 6. 10.
Maſomet*

bicus: vt Itali dicunt la-fede, Galli la-foy, Germani der Glaube: ſic Arabes Al-curan, ſeu Al-curaan, ſeu Al-coran: Mahometiſmus à Mahometo appellatur. MAHOMETVS autem (*rectius tamen Muchammetus dixeris*) natus eſt poſthumus, anno Chriſti 571. (*in hac annorum annotatione omnes diuerſitates reijcio, & Alcoranum ſequor*) duodecimo die Sabahen (*aliter duodecimo die menſis Rebial Eucl*) qui reſpondet noſtro 21. Septembris, die Lunæ, vt Aſtronicus calculus probat, ſeu die Veneris, vt Alcanoriſtæ aſſerunt (*unde & dies Veneris eis eſt dies Sabbathi, ſeu feriarum ſacrarum*) in pago Itrarip, Mechæ vicino, patre Abdalla Motalibe Arabe, ciue primario, qui obiit paullò ante filium natum, & matre Emyna, ſeu Hymina, ſeu Hemnya filia Gaubin, Iſmaëlitica fœmina: imperante Iuſtino Iuniore in Oriente & Occidente (quoniam occidentale Orientali tunc reſtitutum fuit, uſq; ad Carolum Magnum) Fratres habuit vndecim.

*Ma-Hu-
Merh.*

Nomen Mahometi diuerſimodè explicatur. Quidam enim quaſi מן מן מן dictum volunt, quæ derivatio reſpicit græcum μάχομαι, quod nimirum legem pro libidine ſua non iure, ſed gladio propaget. Quidam Mahometh reddunt Germanicè Grim. Aſt Muchammet ipſorum lingua deſtructuræ ſonat. Honingerus verò dicit Amatū & laudatū ſonare.

Quando ſecundum agit annum, mater etiam moritur & nutrici Limæ, ſeu Halimæ commendatur: aſt orbus curatur uſitato more, aſinosque paſcere cogitur.

*Adoleſcens
Camelos
paſcit.*

Adoleſcens tredecim, aut ſedecim annorum in Iſrah camelos paſcit: & quia atra nubes ſupra eum apparet vbiunque, mouetur, herus eius conſulit augures, qui reſpondent: Iſte puer atram nubem inducet ſuper orbem Chriſtianum; ſimulque augurum princeps ſui, ſuxq; familiæ

miliæ salutem supplex ab ipso Mahometo impetrauit.

Herus suum quem metuebat Agafonem mercatori Abdimonepli vendit, & ita suam familiam saluare se credit. Ferunt eum vsum præceptore quodam Iacobita, ex ^{Mercator} ~~fr.~~ his qui Christum docent merum hominem Spiritu sancto conceptum &c. quam heresim Saraceni amplectuntur.

Abdimoneples Mahometum, propter calliditatem in negotiatione, admodum diligit, adeoq; ei omnia suæ domus concedit. Erat verò eidem Abdimonepli domesticus sacrificulus Arrianæ sectæ, exul (*Nam fuerat Abbas Monasterij S. Callistrati in vrbe Constantinopoli, & Monothelitarum errorem eiectus in exilium*) Sergius nomine, Italus genere, homo facundissimus, qui Mahometum initia doctrinæ docuit.

Mahometus huc illuc negotiator terra mariq; iactatus, audit diuersissimos concionatores (*fuit enim & insignis Hypocrita, qui conciones vel nunquam quantum potuit, neglexit*) & pro sui ingenij acumine, sentit cōtrarietates nequaquam spernendas: præcipuè cum Euangelium audit esse potentiam DEI ad salutem æternam omni credenti: consulit Ioannem Antiochenum Episcopum Arrianum, consulit Iudæorum Rabbinos, consulit ethnicos Sacerdotes & Augures, conatur conciliare discrepantia, & opera Sergij prima folia Alcorani conscripta reponit.

Interim herus moritur, & Mahometus seruus, auxilio magicarum artium, & suasionibus Sergij Monachi Arriani, vxorem ducit heram suam Chaddigam (*al. Gadi-sam*) vetulam quinquagenariam, cum qua immensas opes adeptus est. Quia verò sterilis erat, duxit subinde alias vxores, ita vt quindecim vxorum maritus obierit (*non numeratis ancillis, & stupratis puellis callide dimissis*) ex quibus ta-

men omnibus tantum tres filias, Fatynam, Ceynem, & Vmicultumam suscepit. Cazinus autem vnicus filius duodecimo ætatis anno mortuus est.

*Persona
descriptio.*

Ad personam quod attinet, vir fuit Mahometus capite admodum magno, naso prægrandi, facie versutiam prode, barba proluxa, pedibus agillimus, statura breuior, sermonis suauitate, & linguæ volubilitate vel saxa ad suâ sententiam pertracturus, morbo tamen Caduco obnoxius: quo morbo ne Chadiggam tristarè, testatur se à DEO vocari, & cum DEO colloqui: ad conspectum verò DEI ita exanimatum concidere.

*Fir Monachus sed
maritatus.*

Anno 38. ætatis mercatura relicta, vt sat diues, solitariam vitam eligit, & quotidie speluncam ingreditur Mechæ proximam, alijs inuiam, adeoq; inuisam: videns & audiens varia, recurrit mœstus ad vxorem, eiq; recenset. Chaddiga consolatur eum, & testatur non diuina oracula sed Diabolica ludibria esse, sicut otium puluinar, & melancholia balneum Diaboli esse solet.

*Visiones
habet.*

Quia verò voces & visa eum sequuntur, Sergio autore & scriptore audita consignat, subindeq; noua folia in cista della men segina, id est, arca legationis reponit.

*Deceptor
rem agit.*

Edocuit & columbam albam eruilia ex aure legere, & in mediâ concione ad aduentum columbæ subticuit, auolante eadem, noua figmenta protulit, quæ à Spiritu Sancto in specie columbæ ei iam reuelata essent. Post Sergij mortem alios amanuenses conduxit, vt qui nec scribere, nec legere nossent, & subinde plura oracula folijs mandauit. Abdalacales Iudæus, Scriba & Cancellarius eius, vir doctissimus, audiens sibi ab hero suo dictari absurda, aut etiam Moisis legi contraria, subinde mutauit verba dictata; & pro suo libitu etiam alia consignauit. Cum hoc

*Alcorani
Exordia,*

hoc per septennium fecisset, & Mahometus non sentiret, sensit DE VM non esse autorem istiusmodi nugarum, & propterea Mahometum vt furiosum reliquit, & quàm plurimos Iudæos ab ipso reuocauit. Horum exemplo & Arabum non pauci ab eo defecerunt. Cùm enim quodam tempore Iudæi eum de Camelis edentem vidissent, statim offensi facto magis Abdalacelis verbis fidem tribuerunt.

In tali rerum discrimine, familiares eius quærunt eum occidere, ast Mahometus, cum per decennium iam Mechæ docuisset, fugit in Almadinam seu Medinam oppidum Arabiæ desertæ, (*ab Australi ad Borealem plagam tendens, & ita versus Palestinam se flectens*) testatur se missum gladio propagare Alcuranum, quapropter corradit fecem vulgi, præcipuè milites, quibus Heraclius mercedem detraxerat, vt canibus mercede indignis: & primò Iudæos nouem prælijs superat: hinc aliquot prælijs etiam Arabes, & quia præclare se gerit armis, filiam Regis Arabum vxorem accipit, præter & contra Consiliariorum & Procerum voluntatem & consilium.

Hac ratione Mahometus ad fastigium Imperij euectus, non rex Arabum, sed Amiras Saracenorum dici vult, simulq; suam (*sic solet: nouus Rex, noua Lex*) legem, seu Alcoranum publicè proponit, & bellum apertum indicit omnibus, suscipere recusantibus. Mosen enim minis: Christum miraculis: se verò gladio missum esse propagare verbum. Amiratum suscepit anno Christi 622. ætatis suæ 52. anno duodecimo Heraclij, 15. Iulij die Iouis.

Vbi verò nouem annis vtrumq; gladium gestauit, suo orbo (*comitali videlicet*) in senectute correptus, venenose loco remedij à medico Albunore propinato, relinquens nouem viduas, miserrimè vitam finiuit, ætatis suæ anno

anno 63. Amiratus nono, Christi 632. Heraclij 23. die 12. mensis Rabe, qui cohæret cum 8. Iunij, fuitq; dies Lunæ.

*Canibus
objicitur.*

Dixerat autem se tertio die resurrecturum, vel cœlos ascensurum, quare custodiunt eum per triduum. Ast nimium foetentem, & cuius ossa etiam venenum roderet, canibus objiciunt.

*In altum
collatur.*

Assentatores verò illius, vndecimo die recolligunt reliquias cadaveris. ferreoq; loculo inclusas Almadinæ, seu in Medinæ Talnabi vrbe in templo reponunt: sed erat magnes in fornice templi dolosè collocatus, qui naturali sua virtute loculum ferreum sursum raptum, in aëre sustinet. Hoc spectaculum plurimos reuocauit ad Alcoranum. DEVS verò fulmine eum deturbat, idololatriam & templum destruens, anno Christi 1488.

*Fulmine
deijcitur.*

*Recolligi-
tur.*

Mahometistæ lugentes recolligunt exuias (quas *ta-men in infernum fulminis virtute coniectas quidam asserunt*) & nouo loculo impositas Mechæ in templo reponunt.

Vrbs.

MECHA autem vrbs est non muris, sed montibus præcipitibus cincta, sita in arenis Arabiæ petreæ: religiosis peregrinationibus Turcorum ad sepulchrum Prophetæ sui admodum celebris. Abundat hæc vrbs columbis, quæ à Sacerdotibus sacris pascuntur. Credunt enim eas esse ex genere candidæ istius columbæ, quæ Mahometo in aurem suggerere videbatur Alcorano addenda, vel subtrahenda: his columbis etiam tanta est licentia, vt grana colligant in ciuium ædibus, imò singularem sibi pollicetur ille ciuis foelicitatem, si sacram columbam alere dignus videatur.

Columba

Templum.

In hac est Templum augustissimum quod ab Angelis iubente DEO ipsi Abrahamo esse ædificatum aiunt, montibus saxa ex longinquis regionibus comportantibus.

forma est planè rotunda, in fornice vnicam fenestram habens: fores eius inæstimabilis pretij, ad quas lapis est magnus à monte tardiore adductus, & vita olim donatus: hodiè verò singulari virtute præstantissimus. Nam hunc aspicientes statim se vita æterna dignos effici statuunt.

In hoc templo est sepulchrum Mahometi memorandum. Primùm enim sunt cancelli ferrei, formâ magnam Sphæram referentes, & ita collocati, vt vna medietas non conspiciatur, muniat tamen sepulchrum, ne quis per subterraneos aditus tantum Prophetam auferat: altera medietas supra terram conspicua est. *Sepul-
crum*

2. In centro huius machinæ ostendunt loculum Mahometi ex purissimo marmore.

3. Ad caput est altior tabula marmorea, literas Arabicas auro obductas exhibens: ad pedes similiter est breuior tabula erecta, Arabicis literis ornata: ad quatuor angulos loculi sunt quatuor fulcra auro induta, & tegumentum (*vulgò calum vocant*) ex viridi Schameloro, sustinentia. In ipso loculo an quicquam sit de exuijs Mahometi valdè dubitatur. Nefas est etiam accedere & introspicere. Beati autem prædicantur qui credunt etsi non vident eius reliquias.

Hæc est legenda de Mahometo, ex ijs quos habere potui scriptoribus in vnum congesta.

Post aliquot autem annos folia Mahometi oracula continentia hinc inde recolligunt, & quia magna inuenitur contrarietas, Amiras Theologos Saracenorum præstantissimos conuocat, omnia folia corradit, eorum officio librum congerit, & in quatuor partes seu tomos distinguit, qui vsitatè vocatur Alcoranus, rectiùs Al-Curan al. Curaam: estq; rythmis Arabicis conscriptus, vt à Turcis

*Al-corani
congestio*

& Saracenis cantari possit, ad exemplum Iudæorum, qui Ebræa Biblia cantillant.

*Alcoran
correctio.*

Circa annum 1290. Omar seu Homar Theologus Persicus correxit Alcoranum, fabulas priscas mutilatè ab indoctis conscriptoribus allegatas compleuit, aniles fabulas deleuit, & Omaristis, id est, Reformatis originem præbuit contra Alcanoristas Turcos, qui Musulmanni, id est, Orthodoxi vocari malunt, & Alcoranum secundum litteram retinent, etiam absurdissima proferentem.

Hic, Alcoranum qui non habent, vt inferant plenioris cognitionis gratia, recurrant ad centuriam septimam ecclesiasticam, aut ad octauum Tomum Germanicum Lutheri Ienensem.

Vt tamen aliquid habeas, candide lector, ecce subijcio tibi quædam honestiora, ex eo libro collecta, secundum Catechismi nostri methodum.

Præcepta habent Octo.

*Decalogus
sc.*

1. Vnum DEVM colito.
2. Parentes gestibus, verbisq. reuerenter honorato.
3. Quod tibi non vis fieri, alteri ne facito.
4. Iusto tempore in templo dieb. Iumar, & Bayram adesto.
5. Quotannis bis ieiunato & sacrificato.
6. Eleemosynas de tuis legitimis bonis, antequam egenus peras, largitor.
7. Coniugium expetito, alteriusq. coniugem, aut ancillam ne tangito.
8. Neminem extra casum necessitatis occidito: cadem fortuitam boni viri redemptione, aut quadraginta egenorum cibatione recompensato.

Hæc præcepta qui seruauit saluabitur, qui contemserit damnabitur.

Credens

Credunt vnicum DEVM creatorem, & conseruator- *Symbolum*
rem rerum, iustum, bonum, omniscium, omnipresentem,
vindicem &c. non edentem, aut bibentem: filio & vxore
carentem: autorem Alcorani & Alforcami: peccata re-
mittentem omnibus in Mahometum credentibus, & bona
operantibus: in manu tenentem tabulas, quas quotidie
centies sexagies inspiciat, & secundum præscripta illa o-
mnia in mundo gubernet & conseruet. Qui DEVS vni-
cus consensu animæ suæ & Angelorum, hominem & o-
mnes creaturas creauerit, & Diabolum, creationi homi-
nis addere suffragium suum superbè recusantem æterna-
liter ex cœlo eiecerit. Qui victum homini creet quadra-
ginta annis antequam nascatur: qui assessores & consilia-
rios suos Moſen, Dauidem, Christum & Mahometum di-
stinctis temporibus miserit conuertere populos: quorum
consilio rediens iudicaturus sit viuos, & mortuos in ex-
tremo die.

Iesum Christum credunt esse *logon*, & magnum Con-
siliarium, seu Visirobassam DEI, natum ex virgine Maria
sub palma deserti Orientalis: hominem verò mundissimo
corpore & anima, afflatu diuino præstantissimum, quem
DEVS tertium miserit miraculis & facundia linguæ con-
uertere populos, quos nec Moſes minis, nec Dauid armis
potuerit redigere in ordinem diuinum: quem Iudæi in-
gratiissimi voluerint crucifigere, ast DEVS dilectus suum
Secretarium eripuerit, & ad pedes suos locarit, Iudæique
loco Christi Apostolum Christo per omnia similem cru-
cifixerint (*in quem nos narrant credere*) Spiritum sanctum
non, nisi in quatuor Consiliarijs DEI agnoscunt.

Credunt in Mahometum DEI postremum & præstan-
tissimum Prophetam 5. Mos. 18. v. 15. & Ioh. 16. v. 7. pro-
missum,

missum, & iusto tempore missum vi & armis conuertere populos nondum conuersos, per prædecessores suos. Beatos eos qui in hūc vt verum promissum Messiam credunt: damnandos cum Iudæis & Seithan, id est, Sathana, omnes non credentes in hunc Mahometum.

Oratio.

Orationem Dominicam & psalmos Dauidis retinent, quibus adijciunt infinitas formulas precum. Sequens oratio ipsis præstantissima est, quæ secundum locum post orationem dominicā habet, quam quotidie quinquies recitant.

„ In nomine misericordis, clementis & optimi DE I.
 „ Gloria DEO regi æternitatis misericordi & benefico re-
 „ gi Diui & Iudicij, seruiamus ei & auxilium inueniemus,
 „ dirigas & ducas nos ad veram metam eorum, qui placent
 „ tibi, & quibus non irasceris & non errabimus neque pec-
 „ cabimus. Amen.

Tertiam dignitatem obtinet Encam, quæ precatio est pro viuis & mortuis, & admodum longa, quotidie quadragies recitanda, ac proinde in aula singulares Sacerdotes aluntur, qui nihil aliud agunt, quàm Encam recitantes pro salute Sultani.

Gestus orationis.

Oraturi lauant os, manus, pudenda, genua & pedes, exuunt calceos (& caput non aperiunt) vt digni qui accedant ad DEVM. & mundi inueniantur: pectus subinde tundunt, & faciem, corpusque modò eleuant, modò demittunt: adorant DEVM, Angelos, elementa, Lunam, stellas & infinitos sanctos, ex quibus nobis solus S. Georgius iuxta placita Pontificorum notus est.

*Baptis-
mus.*

Baptismum non agnoscunt: simile tamen quiddam habent. Nam cum naturali foetore in lucem edantur, Adrichomio referente, infantulos lauant in fonticulo IESV (qui est inter Heliopolim, & Cayrum in Aegypto, in horto ameno & muni-

& munirissimo) vel si eò non possunt deducere infantes, lauant eos in suis Moscheis, vbi referuant aquas ex hoc fonticulo allatas. Lotionibus autem membrorum facilè Pharisæos, & Papistas superant. Partim enim totum corpus, *Lotiones.* partim membra sensuum, partim generationis membra absq; pudore lauant, & nefas non est si puella, aut mulier videat. Hinc peculiari cultu DEVM afficere se credunt, si Thermas, & balnea constituent & exornent. Lota membra oleo, vel vnguentis pretiosis & odoris vngunt.

Circumcisionem autem (quam *Tsuneth* vocant) retinent, & *Circumci-*
quidem infantulos sexto, septimo, octauoq; vel exem-
plo Israëlitis, decimo tertio ætatis anno, circumcidunt, ita
vt *Circumcisio* sit adiaphoron. Saluantur enim ex Turcis
nati, etiam si non circumcidantur, modò in Mahometum
credant.

Turcicos pueros qui Alcorani iam initia didicerunt, *Circumci-*
domi circumcidunt, si pauperiores sint parentes: vel in
templis, si ditiorum filij. Nam magno comitatu & pompa
circumcidendus, equo vel mulo impositus, ducitur ad
Moscheam, seu templum, bos sacrificatur, & sacerdos cir-
cumcidit eum. Nomen autem ante circumcisionem in-
dunt, quàm primum natis infantibus; postea domum re-
ducunt, & in honorem circumcisi assant Taurum inte-
grum excoriatum, & exenteratum, in cuius ventre verue-
cem, in veruece gallinam, in gallina ouum recondunt.
Hæ hoc modo assatæ carnes, postea in minutissimas parti-
culas secantur, vbi satis spectatum propositæ, & epulas
præbent conuiuiis.

Pauperum filij, plerumq; magno numero gratis cir-
cumcidantur, quando alicuius Sultani, aut Bassæ filius
circumciditur.

Puella.

Tertio die post circumcisionem lauant & vngunt eodem pueros, & amplissima eis dona offerunt, pro vt diuites sunt. Mulieres & puellæ non circumciduntur, sed examinantur & si in Mahometum credunt, saluantur absque circumcisione.

*Circumci-
sio Mame-
lucorum.*

Mamelucos autem seu Christianos Mahometismum suscipientes sic circumcidunt.

1. Magno comitatu in forum (*non enim digni qui in Moscheas duci possint*) ducuntur.
2. Crucem propositam ter expuentes pedibus terunt, & Christo crucifixo blasphemis verbis à Sacerdote verbis præcundo recitatis, renunciant.
3. Eleuatis digitis iurant se in DEVM & Mahometum credituros, omnemq; fiduciam suam in eos collocaturos: adeoq; se pro his viuere, & mori paratissimos futuros.
4. Circumciduntur per sacerdotem peculiarem, si volunt, si verò recusant, sufficit abrenunciatio crucifixi, & iuramentum in Mahometum: In signum tamen circumcisionis tres Turci tres Sagittas in coelum emittunt.
5. Nouum nomen eis imponitur, antequam sagittæ emissæ, recidant.
6. Statim deducuntur ad balneum, vbi lauantur & vnguntur.
7. Honoraria amplissima eis donantur, & Cadini vel Cadilescher, vel Sultanus donat eis domum, in qua sibi victum quærant.
8. Deducuntur in donatam domum, & conuiuium opiparè præparatum celebrant.
9. Biduo proximè subsequente, magno gaudio & musicis instrumentis, comitatuq; operoso cunctos ducunt per plateas vrbs, mulo, vel equo optimo impositos, vt ab omnibus

omnibus agnoscantur: Emittere interim globi lætitiæ, vexilla & equites vndique conspiciuntur, frondes & herbe, si æstas est, substernuntur.

(*Ammanite verò in Persia & finibus Turcia retinent etiam baptismum ignis, & cœnam Domini integram.*)

Loco Cœnæ Dominicæ habent sua sacrificia. Sacrificant enim Tauros, vaccas, equos, Camelos, asinos &c. præcipue arietes, exemplo Abrahami. D E O iubente arietem sacrificantis. Dum mactatur victima, vel ad templa, vel sepulcra, vel triuia recitantur certæ preces: excoriata aræ imponitur; tandem in particulas diffecatur. Pellis, pedes & caput sacrificulo, & vna quarta pars Sacerdoti, altera quarta pars amicis adstantibus: reliqua medietas sale conspergitur, & in minimas particulas diuisa pauperibus distribuitur: si quid remanet, id auibus relinquetur.

Corban peculiare sacrificium est, quod vouent ægroti, & offerunt reconualescentes: si non reconualescunt, non tenentur soluere, & voto satisfacere, eò quòd DEVS eos non restituerit sanitati.

Templa triplicia habent.

1. *Meschith* seu Moscheas, in quibus ad preces & conuersiones conueniunt. *Meschit* autem sonat templum ligneum: *Zuma* templum lapideum.
2. *Metraffa*, quæ sunt quasi cœnobiaz; seu sacerdotum habitacula.
3. *Imareth*, quæ sunt *Xenodochia*, & sepultura regum in quibus peregrinis victus per integrum triduum præbetur gratis. Moschææ sunt ædificia rotunda intus aureis literis, tapetibus & facibus ardentibus exornata: ad has contigua est turris rotunda.

Ad

*Precum so-
lemne.*

Ad *Preces publicas* quotidie quinquies, secundum ini-
tia quinque horarum, conveniunt hoc modo:

1. Mezin Sacerdos concendit turrin templo conti-
guam, & stentorea voce Exenochum, id est, inuitatorium
Psalmum declamitat: ibi, quisquis domi, se lauat & vngit,
& ad preces, quantum domestica negotia concedunt, se
præparat.

2. Soffi, id est, cantor. Cantores enim in Moschæa in
duos ordines, ad Austrum & ad Boream diuisi alternatim
canunt aliquot Psalmos Dauidis. Melodias autem si
audires diceret perpetuas fugas esse, ita præcedit & se-
quitur Chorum Chorus. Interea admodum lento gradu,
deuotionem ostentantes, adeunt templum, ad valuas tem-
pli calceos exuunt, & arma deponunt.

3. Ingressi templum non se mutuò, sed Sacerdotem a-
spectant & ad eius gestus suos formant. Absoluto enim
Psalmo Antippinus, in Orientali parte stans, complicat
manus, & eleuat in cælum, versusque meridiem spectans
exclamat: Hala, Hala, Hala: mox in genua, & faciem pro-
cumbit, & terram osculatur: inde rursus erectus pugno
pectus tundit, iterumque in faciem procumbit, & tuas
calamitates DEO murmurando exponit. Idem faciunt
omnes reliqui. Tandem rursus erecti, caput huc illuc mo-
tantes, ter clamant *Sabanala*, id est, misericordia DEI sit
nobiscum, seu κυριε ελεησον.

*Oratio pro
hostibus.*

4. Vesperis precationem claudunt hac formula: DEVS
confunde mentes gentium, in Crucifixum credentium, vt
discordia mutua attritos tuo Visirobassæ Mahometo eos
subiugemus, ad tui & Mahometi gloriam. Vnde & se no-
uo nomine vocant Islami, pacificos, mutuò concordēs,
(quod corruptum אַלְמַשׁ videtur.)

5. Mozin

5. Mezin de turri cantat, seu declamat Missam, seu canticum, quo iubet vnumquemque ad sua, & suos redire.

A templis eorum arcentur. 1. Mulieres vt incircumcise. 2. Christiani, vt incircumcisi, in crucifixum DEVM credentes, & proinde vt blasphemii. 3. Ebrii, vt deuotionis nubatores. 4. Mœchi, & adulteri, vt impuri. 5. Homidæ, vt maledicti. Christiani in eorum Moschæis deprehensi, coguntur ad suscipiendam circumcisionem, vel si recusant interficiuntur.

Ad *Conciones* similiter per Mezin conuocati conueniunt, ast tantum diebus Iumar, seu Sabbathi (*qui nobis dies solennitas.* *Prophani.*) Exornantur autem præstantioribus vestibus & ornamentis.

1. Diebus Parasceues, seu in vigilia Sabbathi, diebus Iouis, vesperi accendunt candelas, quæ per totam noctem in templo ardent, donec vel à se ipsis extinguantur, vel mane ad concionem conueniant.

2. Vbi in templum venerunt cum Soffis, canunt caput Alcorani vnum, atque alterum.

3. Antippinus, id est, concionator conscendit suggestum rotundum, vndiq; patens, & vna manu Zimetaram, seu gladium Turcicum, altera codicem Alcorani tenet.

4. Erectus prælegit caput ex Alcorano, quo finito, gladium vibrans, ait: Hæc sunt verba Mahometi, & DEI nostri, gladio propaganda & defendenda.

5. Inter concionem neminem audias, aut videas expuere, tussire, vel dormire. Nefas enim est, id in loco sacro facere.

6. Talasmanus, id est, Archidiaconus manu dat signum, vt quisq; suam calamitatem DEO precibus exponat. Ibi murmuraciones, congeniculationes, pectoris tunsiones,

& in faciem prostrationes iterantur. Tandem ter exclamant *Sabanala*, id est, misericordia DEI nobiscum.

7. Tandem Mezin missam, seu suum ite missa est, detonat solito more, & quisque domum redit, ad prandium. Quo finito, ad labores vocationis redeunt, cum otium sit pulvinar Sathanæ, & labor mandatum DEI, & *medium*, per quod DEVS homini benedicat. Sub occasum Solis autem genio indulgent in multam noctem.

Christianorum feria. Christiani verò diem Solis celebrant, & ad suas conciones convocantur, per suos Sacerdotes, per plateas eundo, qui baculis maioribus fores Christianorum ita feriunt, vt tota domus audiat. Habent in quibusdam locis sua etiam templa, in alijs verò locis conueniunt in æde maiore, & sua sacra peragunt, vt nos. Quod, vt liceat illis, satis magnum tributum solvunt Sultano.

Festa habent duo:

1. Vlubayram, id est, Pascha prius, al. Buiuc Bairam, quod celebrant per tres dies continuos, in honorem DEI creatoris, & cum eo festo incoant nouum annum.

2. Chuccibayram, id est, Pascha posterius, al. chazi Bairam, al. cuzuc Bairam, quod celebrant etiam per triduum, in honorem Mahometi: eo tempore peregrinationes religiosas (quas *Albage* vocant) admodum frequentes pompa instituunt, ad sepulcrum Prophetæ sui, Mechæ sepulti, vt remissionem peccatorum accipiant.

Media ad salutem consequendam necessaria. Aliàs tria ad salutem necessaria docent. 1. Fidem in DEVM & Mahometum. 2. Credulitatem, quæ statuit omnia vera esse, & saluifica, quæ in Alcorano & Alforcano sunt scripta. 3. Bona opera in Curaam præcepta. Peccatores item posse redire in gratiam, si non amplius peccent, & bonis

bonis operibus (*inter quæ præcipuum est visitare sepulcrum Mahometi, & osculare lapidem nigrum, ad valvas templi sepulcri*) strenuè dent operam.

Ieiunia quotannis duo celebrant, nimirum *Ramadam*, id est, ieiunium magnum, & *Remezan* seu *Cruz*. A ieiunijs tamen liberi sunt. 1. Aegroti. 2. prægnantes 3. lactentes.

2. Tempore ieiunij nulli licet debitum censum, aut locationis pretium accipere.

3. Ieiunant singulis vicibus à plenilunio ad plenilunium, id est, per menstruum spatium.

4. *Ramadan*, id est, ieiunium magnum celebrant, vt præparentur ad festum *Ubayram*.

5. Ieiunant dum solem supra Horizontem vident. Post occasum verò Solis omnia eis concessa sunt, exceptis vxoribus. Quare egregiè Cereri & Libero satisfaciunt, cum ab vxoribus arceantur. Sole redeunte mane etiam ieiunium renouant.

Qui diebus Iumar, Ieiuniorum, & festorum, non in *Conciones* templum veniunt, prima vice 24. plagis castigantur: al- *pernentes* X3.
tera vice scalpæ alligati, per urbem portantur, & reducti ad templum totidem plagis corriguntur. Tertia vice emanentes excommunicantur, & quando tales moriuntur, canibus obijciuntur, & sepultura priuantur.

Eleemosynas dant antequam petat egenus. Nam petenti si dant, gratiam non merentur apud DEVM. Hinc famulos suos mittunt per vicinas ædes, & inquirunt num sit, qui egeat pane, potu, veste &c. inuento mittunt eleemosynam. Qui eleemosynas sumit, cum labore victum quærere possit, triginta plagis virgarum corrigitur, quoties deprehenditur.

Hospitalia seu *Imareth* opulentissimè fouent. præcipuè Sultani

Sultani & Bassæ, qui sua sepulcra in eis faciunt, & maximos redditus annuos eis legant. In his enim licet per integrum triduum gratis cibum sumere, & in vrbe Constantinopoli sunt tot hospitalia, vt si in singulis per triduum cibum sumas, per integrum annum eorum eleemosynas omnes non possis sumere, aut omnia hospitalia visitare. Ab Hospitalibus seu Xenodochijs differunt diuersoria publica, in quibus pecuniam numeranti præbetur quod poscit.

Sacerdotes vt plurimum sunt rudes asini, quia ex plebe sumunt quoslibet, modò legere & scribere possint, id quòd tam pueri, quàm puellæ omnes in iuuetute discunt. Interim tamen & doctos viros habent, in Ecclesia & schola, quorum gradus, & nomina subijcio. Quamuis alij aliter explicent & numerent.

1. *Moffti*, aliter *Mophti*, seu *Mofftinus*, aliàs *Papæ Romano*, vel *Patriarchæ Constantinopolitano* confertur, est enim *Pontifex Maximus*, & *Rex sacrorum*.

2. *Cadilefcher*, id est, *custos iudicij*. Hic *Ecclesiasticis* vt *politicis iudicijs* præest, & est plerumq; vir doctissimus, grauissimus ætate & iudicio.

3. *Cadi*, al. *Kadin* seu *Cadinus*, id est, *iudex vrbis*: seu *vicarius Cadilefcheri*, *Stadtrichter*. In Ecclesia sunt *Episcopi*.

4. *Hozzalar*, id est, *πρεσβύτερος* *Priester*.

5. *Talismanus*, id est, *Archidiaconus*, qui ad preces conuocat.

6. *Eneangiler*, id est, *concionator aulicus* *Hoffprediger*. Tales quadraginta in aula Sultani.

7. *Antippi* al. *Antipin*, seu *Antipinus*, id est, *lector*, *concionator*, al. *Fachi*.

8. *Mezin*

8. Mezin al. Mefen, al. Meizin, id est; inuitator seu ædituus, qui de turri, templo vicina, canit Exenochum, id est, inuitatorium, & Missam, seu, ite Missa est. Qui item cornu cantu horam diei indicat, cum campanas non habeant. Hodie verò quibusdam in locis automata habet.

9. Imam, seu Imamus, id est, sacrificus est, qui victimas distribuit, *der Opfferman*. Imam, id est, præceptor, ludimoderator.

10. Soffi seu Zophin, id est, Cantor.

11. Tres ordines Monachorum sunt, videlicet Deruifi, Geomalier, & Calendrier, qui suas regulas seruant. Eorum princeps Abbas vocatur *Azem Baba*, id est, summus pater.

12. Modeci al. Modecinus, id est, visitator ægrotorum, & sepultor mortuorum seu pollinctor.

Ægrotos creberrimè & magna frequentia visitant, ad quos & Modecinus vocatur, qui beneficio Chiromantiæ diligenter scrutatur diem mortis eius, an moriturus sit. Dicunt enim diem mortis scriptam cuiq; homini in fronte, & sinistra manu.

Morituro aliquoties prælegitur *Encam*, donec expiret. *Mortuus* hoc modo curatur, & sepelitur.

1. Quando emisit spiritum aduocantur viginti vel triginta (*pro ut quisq; diues est*) Imami, qui vbi aduenerunt, defunctum humi collocant, & huc illuc volutant, num etiam verè mortuus sit: & inter volutandum ingeminant suum *Sabanala* seu *κὀρε ἐλέηον*.

2. Iidem Imami deferunt defunctum ad fontem sacrum, & lauant, lotum vngunt, vinctum vestibus proprijs (*quas viuus diebus Iumar, vel Bayram gestauit*) ornant, & loculo imponunt: ad caput verò erigunt baculum, qui sustinet tiaram defuncti.

3. Dum hæc ad dictum fontem fiunt, conueniunt amici maiores, cum minoribus, mares & foeminæ, & lugubri gestu, vestituq; condolentiam testantur.

4. Loculum velamine tegunt cruce notato, & si æstas est, flores & herbas inspergunt.

5. Imami pheretro loculum tollunt, & deferunt ad templum. Hic mixtim præcedunt, sequuntur & comitantur funus magno clamore & vlulatu. Funus enim medio loco est, circum circa verò amici lugentes, & cantantes, plorantesque. Post viros etiam foeminæ & virgines mixtim, cateruam magnam efficientes sequuntur, similiter plorantes.

6. Imami ad fores templi deponunt funus: ibi mulieres reuertuntur domum, & culinam curant: viri verò intrant templum, & sacra peragunt cantilenis & precibus.

7. Electi aliquot familiares, funus à templi ostio ad sepulcrum deferunt. Locus autem sepulcri admodum diuersus est, dum quilibet suum sepulcrum vel in horto, vel agro, vel vinea, vel Xenodochio, vel Thermis vicina domo à se ædificata præparat. Pauperiores verò vt plurimum sua sepulcra habent ad biuia, vel triuia. Constantinopoli certus locus est in Pera.

8. Sepulcro, quod intus: ad dimidium vsque terra est completum, & herbis odoris confitum, loculum imponunt, & primò paululum pulueris terræ in faciem spargentes dicunt: *Terra es, & in terram conuertèris*. Postea asserè aptato ostium sepulcri claudunt, aduersus pluuiam, aut niues. Tandem saxo vno atque altero premunt eundem, ne vi ventorum deturbetur. Ditiores præstantiora habent sepulcra. Asser autem ideò imponitur, vt faciliè remoueri possit, quia mortuos suos crebro visitant, præcipue

cipue mulierculæ, & Manibus epulas offerentes sepulcro super imponunt, quas postea pauperiores diripiunt. Alteram partem epularum inter se distribuunt viri & foeminae mortuum visitantes.

9. In faciem procumbunt, quotquot sepulturæ adfuerunt, & subinde erecti, suspitientesq; cœlum, magno clamore canunt suum *Sabanala Hala hala la Hala Sabanala*.

10. Redeunt ad defuncti domum, & ibidē lacrymas abluunt, sicera & ferculis indulgentes, & mœstos poculis ad satietatem salutantes. (*Hala, puro esse corruptum ex נחמ נחמ quod venit ab נחם.*)

11. Sequenti die mulierculæ flores & herbas plantant, tam circa, quàm in sepulcro, præcipue cupressum, absinthium, & Ocymum.

In *Extremo die* credunt non tam resurrecturos homines, quàm bestias, aues, animas, Angelos bonos & malos.

Resurrectionem bestiarum, auiumq; credunt propter gaudium paradisi sui, ut in eo habeant omnia ad voluptatem necessaria. Animarum resurrectionem credunt ut vitam recipiant: Angelorum ut ministros habeant.

Iudicium extremum sic describunt habendum fore.

*Extremum
iudicium.*

1. Seraphiel al. Iraphil angelus cornu magno canet, ad cuius auditum sonum subito omnia viuentia morientur: & tunc Dominus pluet pluuiam misericordiæ super omnem carnem per quadraginta dies, sicq; lauabit omnes homines & bestias & aues a suis peccatis & maculis.

Quadragesimo die idem Angelus alio cornu canet, ad cuius sonum omnia vitam recipient, & tunc homines boni resurgent candidi, forma humana pristina, dabiturque eis per angelos bonos candida schedula, testimonium suæ innocentiae, quod DEO grati exhibebunt, & paradisi-
sum

sum quisque suum intrabunt, viri & pueri in paradysum ad dextram, foeminae & puellae ad sinistram. In vtroque erit voluptas Epicureis gratissima: dabitur etiam viris licentia eundi in paradysum mulierum, eisq; se recreare.

2. Homines mali resurgent nigri, forma admodum diuersa, auari enim porcino capite: maledici praegrandi lingua: inuidi capite canino &c. dabiturq; eis nigra schedula testimonium suae culpae, qua accepta & inspecta, adeoque conscientia sua rei victi exclamabunt: vae, vae, vae nobis montes & colles tegite nos &c. & non audebunt faciem suam eleuare, & aspicere DEVM iudicem, cum affessoribus Mose & Mahomete ad dextram, Dauide & Christo ad sinistram. Hinc hi per Seithan, id est, per Satanam deducuntur per praeruptos montes ad Abyssum, ad cuius ostium Draco magnus, igniuomis faucibus eos excipiens, salutabit. Post ostium Abyssi incipit pons ferreus, super ostium abyssi expansus, ita vt lunatam, quippe in medio elatior, in extremitatibus depressior, formam representet. De hoc pontem abyssum in principio, medio, & fine praecipitabuntur omnes impij, pro vt peccarunt, & cruciabuntur nigris flammis aeternaliter. Qui in initio pontis deturbantur, non tam valde peccarunt, ideo post centum, aut ducentos annos reducentur ex abyssu, & lauabuntur primò ab Angelis, ita tamen vt macula nigra in fronte remaneat, quam postea DEVS etiam abluet, & in Paradysum transferet.

De Scholis.

Habent certè & *Scholas*, quas *Ochumach grileri* vocant, id est, aedificia in quibus pueri & puellae instituuntur. Ad *Sarayo*, id est, palatium Sultani est atrium, in quo quingenti pueri, vel ex Christianorum decimis, vel ex captiuis electi, & per augures explorati, instituuntur. Prae-

ceptor

ceptor horum vocatur *Hogfialar* al. *Capoglan Bassa*, id est, ludimoderator. Post hunc sunt quinquaginta alij præceptores, qui *Capoglani*, id est, decuriones vocantur: distributi enim sunt Scholastici in decades, seu decurias. Hi per totam noctem candelas ardentes habent. In urbibus etiam habent similes scholas. Constantinopoli verò est, ut Academia, similiter & Nicææ, quam Academiam Orhanes, anno Christi 1330. fundavit, in qua discunt artem regnandi, ex Aristotele & Platone: præcipuè verò discunt belligerandi artem: Ex schola enim quotidie post prandium educuntur in *Topchanam* id est, locum ubi varijs armis, præcipuè bombardis exercentur. Est & alius locus huic vicinus, qui *Lengiodam* vocatur, ubi nimirum gladijs & hastis certant, instar pugilum nostrorum. Alii verò qui non idonei ad Martis studia, Mineruæ castra colunt, & præcipuè in Astrologia, Astronomia, Chiromantia, Physiognomia, similiter & Poësi exercentur. Carmina eorum, ut Ebræorum, Syriorum & Arabum tantum rythmica sunt, & ultimæ syllabæ correspondent, ut exemplum subiectum docet:

Birechen bes on eiledum derdumi
Iaradandam iste miscem Iardumi
Terch eiledum Zabmanumi gurdumi
Ne ileim ieniemezum glunglumi.

Præterea mirificè exercentur in Arithmeticis, & Musicis tam vocalibus, quam instrumentalibus.

In Gynæceo Sultanarum etiam quingentæ puellæ erudiuntur, ut & in urbibus singulis scholæ sunt puellarum, discuntq; legere, scribere, numerare, orare, & nere.

Hæc meritò admiratione digna sunt in tanta barbarie.

H

CAPVT

CAPVT QVARTVM

De Politicis.



Tiamſi Tyrannis potiùs,quàm imperiũ ſit Turcica poteſtas,cũ Mahometus dixerit ſe miſſum à DEO non verbis vel miraculis, vt Moſes & Chriſtus: ſed gladio vt Dauid (*ſic enim abutuntur exemplo Dauidis*) gentes conuertere: Tamen politici regiminis quædam veſtigia reſtant.

De Iudiciis

Cadileſcher vir ſpectabilis, eruditus & ſtipendio maximo ornatus *ḡapḡayos*: cuſtos & executor eſt legum in ſua parte Orbis. Sunt enim tres *Cadileſcheri*: *Natoliæ*, *Europæ* & *AEgypti*.

Poſt hunc ſunt in ſingulis ciuitatibus *Sangiacy* & *Cadini*, quorũ vt ineffabilis *ḡapḡazia*: ita innumerabilis eorũ eiectionio. Nam *Cadeleſcher* quotannis hos viſitat, & iniquos, auaroſq; *Cadinos*, *Subaſcas*, *Sangiacoſq;* punit pro merito.

*Actiones
in foro.*

Quando itaq; quis agit in foro, & ab auaris *Cadinis* premitur, appellat ad *Sangiacum*, aut *Cadileſcherum*, aut etiã inde ad *Baſſas*, & deniq; ad *Sultanũ* ipſum, qui quotannis quater iudiciũ publicè exercet. Si Chriſtianus eſt, licet ei appellare ad *Conſulem*. Sunt enim in emporijs

Conſules

Conſules variarum nationũ, qui materno idiomate audiunt accuſatos abſq; interprete. Hos conſules confirmat, & tolerat *Sultanus* pro annuo tributo. Ad curiã turris eſt carceris, intus quaſi nidulos monedularum ſingulis captiuis ſingula receptacula præbens, in cuius medio eſt columna excauata, quæ per *Siphones* ſingulis captiuis aquam miniſtrat. In hac turri cuſtodiuntur captiui accuſati. Rei conui

conuicti supplicio meritò afficiuntur. Et etsi Sultani crebrò genera supplicij mutant, quoties alter alteri succedit, vilitatè tamen

1. Poena talionis retinetur.
2. Blasphemus comburitur.
3. Otiosus [Turcus plagis castigatur
[Christianus in exilium eijcitur.
4. Violator Magistratus cauda asini alligatus per urbem rapitur.
5. Citatus non cõparens Naribus & iure suo priuatur.
6. Falsis testibus ignominiosè per urbem asino ductis signum inuritur in fronte, vel manu.
7. Proditor palo infigitur.
8. Homicida decollatur.
9. Ebrius octoginta plagis corrigitur.
10. Violator virginitatis ignominiosè asino impositus cum stuprata virgine per urbem ducitur, & soluta dote centum insuper ictibus castigatur.
11. Adulter centum plagis corrigitur. Adultera quatuor fœminis testibus conuicta, domi detinetur vt captiua, donec moritur, nisi Deus aliam ei viam ostenderit.
12. Mendacium in coniugem dicens, vel 80. plagis corrigitur, vel 40. pauperes cibare cogitur : vel captium redimere.
13. Debitor incarceratur donec inueniatur medium solutionis.
14. Fur & latro strangulantur.
15. Iniqua pondera, aut mensuras habentes, pro ratione delicti, vel certis plagis castigantur, vel decollantur.
16. Transgressor legum inferiorum certis plagis corrigitur.

17. *Carauanfarai* seu hospitia publica in urbibus & agris & syluis sarta tecta seruant per suos Ianizaros. Singulis enim certos aliquot Ianizaros attribuunt, qui viatores custodiunt, viam monstrant, & de hospicio ad hospitium ducunt. Verùm hi Ianizari si sentiunt te ditiozem, & pecuniam habere, facilè te interficient in itinere, vbi prima occasio offertur: & quis accusabit comitem homicidij, si solus sis? Deprehensi tamen tales Ianizari, cimetæris difsecantur à Subassis.

De Nobilitate.

Nobiles (quos *Tzlebios* seu *Zelobinos* seu *Celenios* vocant) genere habent quidem, parum autem honorant. Sultani enim sibi ab eis metuentes, ad nullas dignitates eos euehunt, sed Mamelucos eis præferunt, utpote quos quoties libet rursum eiicere absq; periculo seditionis possunt.

Virtute nobiles (quos *Padischa-Humculari*, id est, *mancipia Sultani* vocant) primum locum obtinent, ut qui rebus præclare gestis ad honores euehuntur. Nulla enim gens creditur tam liberalis erga virtute præstantes, atq; Turci. Ast ut maximè euehuntur: ita maximis obijciuntur procellis inuidorum, & ambitiosorum, & avarorum. Sæpè enim vel leuissima de causa traducti vel eiiciuntur, & interficiuntur, etiam non auditi; dum delatoribus aures plus, quàm patulas (ut Tyranni solent) præbent. Ex horum numero Bassæ nobiliores sunt Ibrahim, Hali, Hazon, Acomathes, Sinan, Ferrathes &c.

Hi si felicitate & opibus fruuntur, & placida morte (quod vix contingit) moriuntur, suis vxoribus & liberis nihil omnino hæreditare possunt. Omnia enim cedunt Sultano, (aut certè potior pars) qui orphanis donat quantum libet, & pro ut defunctus in fauore Sultani fuit.

Horum gradus facilè distingues ex comitatu, colore & præ-

& præstantia habitus, adeoque ex reuerentia vulgi. Neque enim promiscuè vestibus utuntur; sed pro ut dignitatibus pollent.

Genere Nobiles rarissimè præclarè gestis noti redduntur, cum nimirum ita priuatam quasi vitam agant in suis castellis, & venationibus præcipuum vitæ tempus consumant.

Familie nobiliores sunt:

1. *Asimhai* qui in Persia plurimum sunt, sub Ismaële Sophino.
2. *Candelori* qui in Ponto.
3. *Caramani* qui in Cilicia à Caramaniæ præfecto sic dicti, & Ciliciæ nomen Caramaniæ dedit tēpore Aladini.
4. *Ogucij* qui Candeloros & Caramanos deleuerunt, & regiam familiam; (*que mutato nomine Othomanica familia ab Othomano vocata est*) fundarunt.
5. *Michalogli*, al. *Michalines* à Michaële Græco Mameluco Othomam promotore. Ex hac familia nobilis est Achmetes, præfectus Achenzorum Solymanni, Viennam obsidentis. Præterea & *Chasan*, qui tertio anno post Viennæ obsidionem à Friderico Palatino est cæsus cum suo exercitu.
6. *Marcozogli* al. *Marcocij*, al. *Malcocij*, al. *Malcozogli*, à Marco græco Mameluco, Othomani euectore sic dicti.
7. *Auramogli* al. *Eurenosogli* ab Auramo Turco Othomani prouectore nuncupati.
8. *Ebrenes*, al. *Vrenezes*, al. *Euronezes*.
9. *Turachani* seu *Turchanogli*.

Imperator seu Sultanus sedem ordinariam hodiè habet in vrbe Constantinopoli. Sedes regum autem fuit

1. Prusæ. 2. Adrianopoli. 3. Constantinopoli.

1. Aula Imperatoria vulgò *Sercefferai* seu Porta vocata, ad littus maris sita. In hac est *Saraio*, id est, palatium auro, gemmisque pretiosissimis ornatissimum, in quo puluina pretiosissima vicem Throni suppleant. Hoc palatium noctes & dies custoditur à Ianizaris, & scholasticis aulicis noctu faces ardentes alentibus. Quicumq; Sultanus debet regnare, is in hoc palatio à Ianizaris est coronandus, & confirmandus.

2. Eschizarai est gynæceum, quæ arx olim fuit sedes Imperatorum, sita inter columnam historicam, & domum Patriarchæ, ferè in medio vrbis.

3. Iadricula, id est, septiturrestis arx omnium munitissima in qua thesauros suos habet Sultanus: sita in vrbis occidentali parte, quæ Vngariam spectat.

Nomenclatura vocatur officia designantium. *Aga* id est, centurio, ein Hauptman. *Alcanzus* al. Akenzus, id est, eques fortunæ ein Schnapphane. Hi plerumque præmittuntur, vt viam præparent exercitui subsequenti.

Amiras, al. Emir, al. AEmir, id est, Rex. Sic Agarenorum Reges vocabantur.

Arbagizus, id est, Rhedarius Gutscher.

Arpaimin id est, præses vicus Proutantmeister.

Asagleri, al. Azapi, al. Asappi id est, pedites Fußengel Fußknechte.

Asapier id est, miles conductus ad quoduis vile officium

Asir id est, coquus Koch. (Trosbube.

Bassa, al. VVascha, al. Bascha, al. Bazus, al. Bascia interpretatur caput q.d. Capitaneus, Heubt des Landes. Significat principem, præfectum provincie Landtherr / Dominum Heubt. al. Locum tenens qui in rebus bellicis consult & populo de iure respondet. Postea Bassa etiâ significat quemcunq; præfectum vt:

Nisan.

Nisangi Bassa id est, custos sigilli Imperatoris

Saray Bassa id est, præses aulae *Schloßhauptman*.

Topichi Bassa id est, præfectus armorum *Zeugmeister*.

Zagarzi Bassa id est, præfectus canum *Hundmeister*.

Zanigli Bassa id est, venatorum præses *Jegermeister*.

Hinc differentiae causa additur aliud nomen dignitatis, ut: *VeZir Bassa* al. *VeZier Azyr Bassa* qui interpretatur consiliarius summus, dominus, vulgo *Visirobassa* al. *VeZirazemis* id est, Archi satrapa: *πρωτοὺς βελλ* *Oberster rath* / *Innerlicher rath*. *Reiserlicher Secretarius*, oder *Rath*.

Horum tres aut ad summum quatuor. Vnus enim in Europa, alter in Asia, tertius in Aegypto, & quartus in aula Imperatoris, qui ad reliquos ablegari solet.

Begus id est, comes, Baro, prouincialis *Grafe* / *Frensherr* / *Landtherr*. Postea significat quemcunque viliores Dominum, ut: *Scander Begus* id est, *Herr Alexander*, seu *Hali-Begus* id est, *Herr Elias*: *Musa Begus* id est, *Herr Moses*, *Ibraim Begus* id est, *Herr Abraham*.

Beglerbegus vulgo *Bellerbeius*, corruptè *Peclarpaces* est *πρωτοπαρχης, ἄρχων ἀρχόντων*. *Constablius* *Feldmarschalck* / *Feldtoberster* *Serascher* al.

De *Beglerbegatibus* infra suo loco.

Cadilescher, al. *Caldelescher*, al. *Læscher* *Cadi* est *ἀρχιπρωτης πρωτοκριτης*, princeps iudicum *Erzrichter*: Estq; in vna parte orbis *Landtrichter* Arabicè *Casi-Ascher*.

Cadi, al. *Cadin*, al. *Kady*, al. *Cadinus*, est *ἐξουσιάρχης, κριτης* Iudex primarius. Est in singulis vrbibus. *Ein Oberster richter*: *Stadtrichter*. Est quasi vicarius *Cadilescheri* in singulis vel pagis, vel oppidis, vel vrbibus.

Chiamb, al. *Chiobus* *Kammerbotte* qui tempore necessitatis equos corradit, absq; vllius tuta interpellatione, tam inter

inter amicos, quàm hostes: habetq; potestatem interficiendi eum, qui recusat dare equum postulatum.

Chiaus, al. Tzausi al. Zausche/ est Ianizarus, qui comitatur viatores Gleitsman.

Chiaux, al. Chiaux al. Tzauci, id est, legatus ein Gesandter/ Ambassator, commissarius.

Chiauler, id est, liCTOR.

Calypha, al. Calyfa, al. Califfe, al. Heliphe, al. Seriffe, al. Seripha, al. Celpha, al. Kelepha interpretatur vicarius. Estque vt Papa id est, Imperator & Pontifex seu Rex, & Sacerdos. Hoc nomine vocantur etiam Reges Aegyptiorum, & olim etiam Saracenorum.

Caian, al. Cayan, praefectus captiuorum Sultani Kerckermeister.

Can, al. Chan, al. Chanis Tattaricum vocabulum, quod interpretatur Rex, Dominator, als Tatar Chan der Taterkönig. Corruptè Magnus Cham, pro, Magnus Chan Großkönig.

Hoc nomine & Turci vtuntur hodiè, Et in Africa Præto-Chan id est, venerabilis Rex, vulgo corruptè effertur pretiosus Iohannes: alij Priester Johan magis corruptè.

Caripizi, al. Caripicus est eques Cataphractus ein rüstreiter/ Rüstesser. Sunt mille equites Imperatorem in bellum euntem sequentes.

Capizir, al. Capigitz, al. Capitzer, ostiarius, Ianitor ein Thorhüter/ Pfortner.

Cimerotus est praefectus castelli, aut pagi ein Schultheiss.

Cozen est emtor & venditor hominum Menschenkueffer.

Dastierdar, al. Tasterdar, al. Tephtar, Quaestor Rentmeister.

sunt tres in Asia, Europa, & Africa. al. ein Kammerrath.

Despota

Despora, al. *Despotes* id est, dominus, foemininum *Despina*.

Sic vocantur principes seruiæ.

Dragoman, al. *Druscheman*, est interpres *Dollmetscher* / *Ausleger*.

Emir, al. *AEmir*, al. *Amir*, al. *Amiras*, est princeps. Sic vocabantur Saracenorum principes, hodie vsitatiss.

Elemin est officialis ein *Amptman*.

Gellerb, al. *Gelles*, al. *Chelles* id est, Apparitor *Stadt knecht*.

Iazir, al. *Chazier*, est scriba, Notarius *Schreiber* / *Copeist*.

Iareys, al. *Iereys*, al. *Chereys* est Amiralus, princeps classis, *Amirall*.

Ianizar-Aga, id est, centurio seu capitaneus *Ianizerorum*.

Ianifar, al. *Genischar*, al. *Genischer*, al. *Iantzaror*, al.

Gantsaroche ein *Janisscher* / oder ein *Janisschar* oder *Janissier*.

Est miles Christiano sanguine natus, & religione vel Christianus, vel Musulmanus, vel Homarista.

Ianifari sunt
præcipuè tri-
plices

[Frontarii die] Grænger qui in præsidii limitum collocantur.

[Viatoribus adsunt] *Gleitstnechte*
per præscriptum iter.

[Vagi qui vel] In bellum educuntur *Feldtnechte*.
Educantur à Turcis, Et mittantur in bellum,
loco Turcorum.

Solachi seu *Isolaci* *Lackeyen* qui perpetuò adsunt *Sultani* *lators*, semperque gestant arcum sagitta instructum, aut bombardam ad ferendum præparatam, Et quouis momento pro *Sultano* possint explodere.

Ex his *Solachis* *Ianifar*is,
fiunt, pro vt
bene se gerunt,
vel

[*Spachi*, al. *Spachi-oglan* id est, *Ianizar* equo donati Por-
tenreuter. Horum mille semper sunt ad dextram *Sultani*
in bellum, Vel prouinciam euntis. (*Spachi* alias etiam
significat quemcumque equitem, *Einspenniger* / *Reuter*.)

[*Ulusagi* id est, *Ianizar* equo donati *Ritter*. Hi quidque ino-
stus corona cingunt suo comitatu, non tam ipsum *Sultani*
num, quam *Spachos* & *Salustros*.

[*Salustri*, al. *Sulaphan* etiam equites mille ex *Ianizar*is crea-
ti, qui videlicet cingunt sinistrum latus *Sultani*.

Ex horum numero plerumque sumuntur Bassæ & Begi, pro vt præclare in bellis se gerunt, & pro latere Sultani agunt.

Imrahin, al. Imbrahin id est, vexillifer, signifer ein *Fehnrich*.

Kiral, al. Kyr al, al. Kral, al. Crales, al. Chrales sonat Regem Bulgarico idiomate, cognatum Polonico Krol Rönig.

Muffi, al. Muphti, al. Mophti id est, pontifex ein *Bapst*. Sic plerumque Patriarcham Constantinopolitanum vocant.

Muchti, al. Mochty, al. Muçtinus est princeps augurum, & aruspicum.

Muthin, al. Mothy, al. Moçtinus, est Iureconsultus, aduocatus.

Mechrer, al. Meçter id est, Atrienſis *Dallaſſenecht*.

Modecis id est, legisperitus, patronus legum.

Mutapharach id est, pedissequus *Folgeſnecht* / *folgeiunge*.

Micaloglus id est, Dux Alcanzorum.

Muselin, al. Moſſelin, al. Muſallinus est Vaſallus *Lehnherre*. Sic vocant omnes ditiores tam nobiles, quam ciues qui alunt Ianizaros, quos ſuo loco in bellum mittunt, vel pedites, vel equites.

Mureſerreca id est, nobilis aulæ *Hoffiuncker*.

Spahieri vaſalli *Lehnherren* qui pro ratione fundi vel ditio- nis certos equites alunt Sultano. *Rittmeſige Lehnherren*.

Peich, al. Pechy, al. Pechus id est, Tabellarius, nuncius Botte.

Peicler id est, nuncius Sultani *Reiſerlicher Botte*.

Phlag, al. Vlach, al. Flach, est celer ein *Poſtreuter* al. *Phlach*. Pegafarius eques.

Simlie,

Simlie, al. *Simli* ein Postbote.

Saraemyn, præfectus viarum & platearum. *Gassenmeister*/
Begmeister/qui vias & plateas tutas & puras red-
dit per suos ministros.

Sangiacheius, al. *Sangiachegus* id est, dux al. *Ritterlicher*
Graff comes equo donatus.

Sangiagus, al. *Sanziaco*, al. *Saniaco*, al. *Sancacus* al. *Sanfa-*
cus ein *Stadthalter*. *Obrister* im gebiet; *Oberhaupt-*
man/qui vel aliquot oppidis vel pagis præest, vel in
Emporijs certæ urbis parti præest. In *Empo-*
rijs enim habent duos vel tres, cum ea diuidant
in tot partes, vt eò melius & citius iudicia exerce-
re possint.

Schah, al. *Schach* est vocabulum Persicum, quod sonat
Rex, Dominator.

Sophi, al. *Soffi*, improprie *sophus*, rectius *Sophinus*, est Per-
sicum & sonat Sanctus, Reformatus. Hoc cogno-
mine seu Epitheto gaudent Persici Reges, propter-
ca quod reformatum Alcoranum habeant.

Sultan, Syris & Arabibus significat Dominatorem. Extat
& hæc vox in Daniele cap. 3. v. 2. Vnde pater rectius
scribi Sulthan quod sonat, sceptrigerum, *Luthero* In-
terprete. Latine *Sultanus*, al. *Soldanus*, *Soldan*. Co-
gnatum *Schultheiß*. Hoc nomine gaudent Turcici
moderatores, als *Sultan* *Stamboll* id est, Cæsar Cõ-
stantinopolitanus. Quidam interpretantur *αὐθέντης*,
quidam corruptè reddunt *aphendes*.

Subasci, al. *subascus* i. est Imperator *Befehlshaber*.

2. Significat & Baronem *Freyherrn*.

3. Significat & vicarium *Cadini*.

Tekur, est *ἀγρονομός, ἡγεμὼν* præses *Landpfleger*.

Sic per contemptum vocabantur Imperatores Orientis à Turcicis regibus.

Visirbassa, vide Bassa Vezir Azem.

Vlusagi vide Ianizari.

Vlach vide phlag, vel phlach. *Vscochi* id est, piratae *See-reuber*.

VVeida al. *VVeiuoda*. Transylvanorum lingua significat palatinum, comitem comitum. *Pfalsgraffen* / *Erzgrafen* / al. *Landvogt*.

Termini Turcici Imperij ex Beglerbegatibus innotescunt.

1. Beglerbegatus Asiae sunt 30.

- | | | |
|---------------------------|--|---|
| Beglerbegus
seu Bassa. | 1. | <i>Natolia</i> residet in <i>Cutatio</i> <i>Phrygia</i> Urbe, <i>pannei</i> 12. <i>Sangiaci</i> |
| | 2. | <i>Caramania</i> in <i>Cesarea</i> <i>Cilicia</i> Urbe 7. <i>Sangiaci</i> imperat. |
| | 3. | <i>Sebastia</i> in <i>Sebastia</i> in <i>Asia</i> minore |
| | 4. | <i>Cappadocia</i> in <i>Amasia</i> 5. <i>Sangiaci</i> praest |
| | 5. | al. <i>Dulgadir</i> 4. <i>Sangiaci</i> imperat. |
| | 6. | <i>Berrhae</i> in <i>Alepo</i> Urbe. |
| | 7. | <i>Damasci</i> in <i>Damasco</i> Syria. |
| | 8. | <i>Tripoleos</i> in <i>Tripoli</i> Syria |
| | 9. | al. <i>Maras</i> ad <i>Armenia</i> fines. |
| | 10. | <i>Mesopotamia</i> in Urbe <i>Edeffa</i> 12. <i>Sangiacos</i> habet. |
| | 11. | <i>Babylonia</i> in <i>Babylone</i> . |
| | 12. | al. <i>Balsara</i> ad sinum <i>Persicum</i> . |
| | 13. | al. <i>Laxa</i> . |
| | 14. | <i>Arabia</i> felicis in <i>Aden</i> ad mare rubrum |
| | 15. | al. <i>Chebetz</i> ad sinum <i>Arabicum</i> ad limites <i>Pretro Chani</i> seu <i>Pretrogiani</i> . |
| | 16. | <i>Aegypti</i> in <i>Alcairo</i> 22. <i>Sangiaci</i> imperat. |
| | 17. | <i>Cypri</i> in <i>Famagusta</i> residet. |
| | 18. | <i>Assyria</i> , <i>Persis</i> vicinus. |
| | 19. | al. <i>VVan</i> , circa <i>Mediam</i> & <i>Armeniam</i> . |
| | 20. | <i>Armenia</i> maioris. |
| 21. | <i>Iberia</i> in <i>Tifflis</i> Urbe <i>Georgianorum</i> . | |
| 22. | <i>Media</i> . | |
| 23. | al. <i>Temircapi</i> ad <i>Caspium</i> mare. | |

- | | |
|-----|--|
| 24. | al. Cars ad Armentam maiorem. |
| 25. | al. Tschildit ad Georgianorum fines. |
| 26. | Colchidis seu Mongrelia in Fassa Vrbe residet. |
| 27. | al. Sochum. |
| 28. | al. Batin. |
| 29. | al. Renan. |
| 30. | al. Somachie. |

Decem posteriores sunt vt recentiores, ita minores illis viginti priscis.

II. in Africa.

Rex { Fasanus
Marocco.

Beglerbegus seu Bassa { Casair in Vrbe Algesair.
Tunis in Tunis.
Tripolis in Tripoli.

III. In Europa.

Beglerbegus vulgò vero Bassa.

1.	Gracia al. Thracia { residet Sophia sen Romaniola { praeest 21. Sangiacatibus qui sunt in	{ Thracia Macedonia Thessalia Peloponneso Aetolia Achaia Albania Seruia
2.	Denirum al. { residet Calliopolis Maritimorum { praeest 14. Sangiacatib. qui sunt in	{ Archipelagi Insulae Mediterraneo mari.
3.	Budanus Vel { residet Buda. Vngaria { praeest 15. Sangiacis qui sedent in	{ Nouigrad Filech Seischym Zolnoik Gran Segedin Stul & Weissenburg Sexard
4.	Temessensis al. { Residet Temessa in Vrbe Temesmat. { Imperat 8. Sangiacis qui delicet in	{ Temesmet Medana Vilaozmar Zianad Vutzaturni Iula Vidin Lipa
		{ Simenterna Coran. Muhatz. Sigeth Jünfftsch. Srimien Semendani.

5.
Bosinus { *residet in Vrbe Bagnialuca.*
Vel
Bosnia { *Habet sub se nouem Sangiacos.*

6.
Capha { *residet Capha in Vrbe Taurica Chersonesi*
nuper Beglerbegus creatus non habet Sangiacos.

Annum diuidunt in 12. menses Lunares.

Duplices numerant } *Hegiras à natinitate Vel exilio Mahometi*
 annos } *Propheta.*
 } *Mahometicos ab ascensione, potius morte,*
 } *Mahometi.*

Menses habent Lunares, vtpote à nouilunio ad nouilunium quorum nomina:

1. Silchize,	Decembri
2. Mucheren,	Ianuario
3. Sepher,	Februario.
4. Rebuel Euel	Martio
5. Rebuel Achir	Aprili
6. Zumafiel Euel	Maio
7. Zumafiel Achir,	Iunio
8. Rezeb,	Iulio
9. Schaban,	Augusto
10. Ramazan,	Septembri
11. Schevval,	Octobri
12. Silcade,	Nouembri.]

nostro adhuc aliquo modo
respondens,
Ex his 9. 10. & 11. dicuntur eis
menses quietis, & libertatis.
Quicquid his mensibus incipunt, id feliciter peragi credunt, quod plurima Victoria restantur.

Lunam autem præ Sole adorant cum stellis & in vexillis gerunt, eò quod lucente Sole, seu interdiu non tam feliciter agunt, atq; noctu lucentis Lunæ.

In Sc.

In Septimanas quatuor diuidunt mensem.

Dies Septimanae sunt	1. Basar-Iuni	diei Solis Contag
	2. Basar-Ertesi	Lunæ Montag
	3. Salli	Martis Dienstag
	4. Sar schamba	Mercurij Mittwoch
	5. Peschemba	Iouis Donnerstag
	6. Iumar al.Zuma	Veneris Frentag
	qui illis dies feriarū	
	7. Zuma-Ertesi	Saturni Sonnabend.
	Afferseirtag	

nos respondens.

Horas numerant septem: (olim tantum Quinque secundum Quinque preces:)

1. Temschi à Gallicinio ad ortum Solis.
2. Sabach-Namas ab ortu Solis ad Nonam
3. Cusuc à Nona ad duodecimam seu Meridiem.
4. Oile à Meridie ad vesperam, quam LaZeran dicunt.
5. IKendi-Namas à Vespera ad occasum Solis.
6. Acfa-Namas ab occasu ad Nonam.
7. Iadsu-Namas à Nona ad Gallicinium.

Hodie verò horologia & automata in aulis, Emporijs, & Episcoporum ædibus inueniuntur, utpote ex nostris locis eò delata per Legatos Imperatoris & negotiatores. Insuper vulgò Clepsydris id est, aquis horologij vicem præstantibus.

Moneta Turcorum tantum characteribus nomen Sultani, aut Bassæ referentibus insignitur. Alcoranus enim prohibet picturas & Iconomachiam docet. Vnde olim monetas Christianorum non tangebant, nisi prius recudissent: Hodie verò Ioachimicos, Daleros quos Piastro

stro vocant & Ducatos (*bicipites*) Vngaricosq; aureos præ
fuis aspeis, & Altumleris amant.

Moneta est vel	Cuprea vt	{	<i>Zibit</i> ein Heller <i>Obolus</i>
			<i>Direm</i> al. <i>Drem</i> , <i>numus</i> Pfennig.
	{	{	<i>Nuccar</i> Blaffert.
			<i>Maguri</i> gilt einen guten pfennig alius ein dreier.
	{	{	<i>Assrus</i> , vel <i>Asser</i> , al. <i>Achs</i> , al. <i>Accla</i>
			Maior 9. Melsint sche Pfennig ein schilling.
	Argentea vt	{	Minor 8. gute pfennig ein Mariengroschen.
			<i>Medinus</i> , al. <i>Maidin</i> , al. <i>Mædyn</i> , al. <i>Matetyn</i> 16. gute pfennig / Bagen.
	{	{	<i>Saictinus</i> , al. <i>Sagetinus</i> , al. <i>Sagetyn</i> ferè 3. Bagen / Schreckenberger.
			<i>Schachinus</i> , al. <i>Schachy</i> 8. <i>Assros</i> .
	{	{	<i>Drama</i> 4. Mariengroschen 2. Bagen / 8. Kreuzer / oder Matthier.
			<i>Sultaninus</i> . <i>Bizantinus</i> id est, Ducatus à Sultanis publicatus 52. <i>assros</i> , hodie 54. <i>assros</i> .
	Aurea vt	{	<i>Altumus</i> , al. <i>Altumler</i> id est, Ducatus à Bassis publicatus 52. <i>assros</i> , hodie 54. <i>assros</i> .
			<i>Seraphinus</i> , al. <i>Saraffinus</i> id est Ducatus <i>Ægyptiacus</i> , 52. <i>assros</i> .
	{	{	<i>Esrephit</i> , al. <i>Serephit</i> id est, Ducatus à Christianis in Turcia publicatus 52. <i>assros</i> .

Quidam tamen aiunt Altumler generaliter significare aureum nummum.

Nota. Annotauī vſitatum valorem in ſcriptoribus noſtrorum vſitatè annotatum. Nam in Turcia valor monetarum aureæ & argentæ creberrimè augetur, & minuitur: quoties videlicet nouus Sultanus creatur: aut Sultano maſcula ſoboles naſcitur: aut peculiaris victoria obtinetur. Vnde certus valor dari non poteſt.

Sultani

Sultanis etiam statis temporibus tributa sunt soluen- *Tributa*
da hoc modo :

1. Turci omnis sexus & ætatis singuli quotannis ducatum pendunt. Extraordinariè verò tempore belli etiam contribunt dimidium tributi Christianorum. *Turcorum*
2. Mameluci id est, Christiani qui Mahometismum susceperunt, præter ducatum etiam decimas filiorum tertio quoque anno, & extraordinariè dimidium tributi, quod Christiani pendunt tempore belli. *Mamelucorum.*
3. Christiani, qui sub Patriarcha Constantinopolitano Christum profitentur, duplo maius onus portant. Nam *Christianorum.*
 1. Singuli quotannis ducatum.
 2. Quartam partem annui proventus, de vino, oleo, frugibus &c.
 3. Ducatum contributionis loco quotannis solunt, *Kriegessteuer.* qui non dat ducatum, cogitur dare filium.
 4. Quinto quoque anno decimas liberorum, pecorum, aviumq; domesticarum. Liberi ex decimis collecti vocantur *Azumoglani*, & in Sarayo educantur ad artes pacis & belli.
 5. Quilibet paterfamilias ducatum soluit pro autonomia retinenda, hoc tributū colligit patriarcha.
 6. Patriarchæ & Consules quotannis magnam vim pecuniæ (*vel 3000. vel 4000. ducatorum*) coguntur Sultano soluere & eo pretio dignitatem sui officij redimere. Hoc faciunt consules & patriarchæ.
 1. Quando inaugurantur. 2. Quotannis. Id pecuniæ igitur à suis subditis corradere coguntur.
 7. Si bella, & necessitas vel fames vrget, hebdomatim etiam certam mensuram vini, olei, farinæ,

hordei, auenæ &c. contribuere coguntur, cum dimidium tantum dent Turci & Mameluci (*ut taceam interim honores & promotiones.*)

Hæ exactionum mitigationes, plurimos Christianos impellunt ad suscipiendum Mahometismum: cum tamen illi honores & fauores tantum sint simulati. Dicunt enim de Mamelucis, quando inter se conueniunt, & Turcicè colloquuntur: *Isti à DEO suo deficiunt benefico, quomodo à nobis suis exactoribus non deficerent?*

CAPVT QVINTVM

De Principibus.



E Ducibus quæ dicenda erant hoc loco omittuntur, non quòd vel nulli fuerint, vel res memoracione dignissimas non gesserint, sed quòd (*ut liceat abuti verbis Hutteri.*)

*Maluit illa ætas, quàm scribere, nitier armis
Edereq; insignes, quæ scriberet altera, pugnas.*

Quapropter certum est eos, præter Tangrolipicem Mucaletum ex expeditione in Persiam notum Ducem, etiam plurimos habuisse pari virtute præditos. Ast dum in ista barbarie scriptores locum sibi tutum non inuenerint, quasi sicco pede præterimus Duces, & de principibus quantum restat, subijcimus.

Principes autem potius, quàm Reges voco eò quod titulum regium Calyphæ Babylonio reliquerunt, à quo suum principem confirmari volunt. Qui tamen potius reges vocare volet, suo abundabit sensu.

Monosti-

Monosticha de dominatoribus Turcicis memoria gratiâ facta

I. Principes.

Primus ad Euxinum rexit Taurumq; Zadochus.

Mesopotamiacos domuit Dogrissa secundus.

Cappadoces domuit sibi tertius Aspasalemus:

Antiochi muros Quartus, Petrumq;, Meleclas.

Volcmarum Quintus superauit Belchiarocus.

Vix sedit Sextus, germanus Belchiaroci.

Tartaricis sceptris Aladinus subijcitur vi.

II. Reges.

Tartaricas pedicas excussit rex Orhomanus.

Orhanes Phrygios domat, Europamq; subintrat.

Tertius Archiuus Amurathes auxilium fert.

Quartus Baiçetes Tamberlani caueam intrat.

Quintus collapsas Celebinus restituit res.

Sextus Natolia Mahomeses regna recepit.

Septimus Huniadis Amurathes praelia sensit.

III. Imperatores.

Byzanti domitor Mahomet prior Induperator.

Alter eum sequitur Baiçetes viribus aequis.

Tertius Aegyptum Selymus Syriamq; subegit.

Obsedit Quartus Solymanus recta Viennæ.

Quintus Vallachiam Selymus Cyprumq; subegit.

Sextus Amurathes Iaurini moenia capit.

Septimus est hodie Mahometes Induperator.

I. ZADOCHVS 2.

Primus ad Euxinum rexit, Taurumq; Zadochus. 1051

Cum iam Saraceni & mutuis dissidijs, & Georgij græci

Imperatoris armis admodum debilitati essent, Turci occasionem arripiunt diu desideratam, & sub prætextu auxiliij Calyphæ contra Georgium præstandi, paulatim vrbes, regiones & regnum sibi rapuerunt, & anno Christi 1051. vnum ex suis Ducibus, Zadochum nomine, virum armis, animisq̃ue acerrimum, genere & ingenio verè Turcum, elegerunt, & à Calypha Babylonico nolente volente confirmationem sui principis obtinuerunt.

Hic Zadochus (*al. Zathocus al. Sadocus*) breuissimo principatus sui tempore, incredibili rerum successu partem illam Asiæ, quam Taurus & Euxinus limitant, sibi subiecit, & ita Turcici regni fundamenta posuit. Et quia tantum per biennium gubernauit accrescentem rem Turcicam, credibile est ipsum in ipso belli cursu vel veneno, vel insidiosè à Saracenis, præreptam potestatem ægrè ferentibus, sublatum.

2. DOGRISSA 23.

1053

Mesopotamiacos domuit Dogrissa Secundus.

Dogrissa, *al. Docrissas*, filius parentis Zadochi vestigijs insistens, fundamenta non tam firmare, quàm ampliare studuit. Quod quidem studium præcipuè Constantinus XII. Ducas, Imperator Orientis, promouit. Dum enim ignauia & auaritia diffuit, Dogrissa ad Constantinopolim peruenit, & plurima Byzantinis ademit, donec tandem partim peste, partim à Bulgaricis copijs est repulsus.

Non tamen iccirco animum abiecit, sed Artotum agnatum suum cum recollectis copijs misit ad sinistram, postquam ad dextram non successerat ex voto.

Artotus homo ad malitiam natus, Edessam (*quæ in sacris literis Rages vocatur*) metropolim vi expugnat, & ita totam

totam Mesopotamiam sui Principis regno adijcit, & Præses Mesopotamiæ salutatur.

Ipse Dogriffa verò Ciliciam petit, virtute & armis plurimam eius prouinciæ partem Romano Diogeni adimit, ipsiusque copias secundo Marte profligat.

Hanc Imperatoris cladem, & Turcorum victoriam prædixisse perhibetur cometa, Anno 1066. in ferijs Paschatis apparens, & per integras tredecim noctes cauda suo vt gladio mœrorem, & mortem Græcis minitans.

Vt verò Græcis circa Tarsum occurrit, & feliciter eodem profligauit, similiter in flore militiæ, principatus sui vicesimo tertio anno occubuit.

3. ASPALEM 10.

1076

Cappadoces domuit sibi tertius Aspasalemus.

Aspasalemus, al. Aspasalem, al. Aspasales, Dogriffæ filius Diogenem (*qui Eudociam Ducæ viduam ducens imperio positus*) aggreditur: Solymanum nepotem cum vno exercitu versus Hellepontum mittit: Alterum verò ipsemet versus Austrum in Syriam ducit.

Solymanus noctes diesq; Nicæam ad Ascaniam lacum sitam, paulò ante terræmotu concussam, vi expugnatam occupat: & Sultanus Nicææ, seu Præses Nicænus appellatur. Quia autem vrbs ista admodum terræmotu & artribus quassata iacebat, magno labore & ingenij acumine eam non solum restaurat, sed ita munit, vt arx inexpugnabilis, adeoq; propugnaculum Turcorum optatissimum esset contra Græcos.

Quia verò Hellepontum (*navigationis ignarus*) traicere nescit, retrocedit versus Orientem, & Cappadociam totam Turcico regno adijcit.

Aspafalemus interim non diffauit otio, sed cum altera exercitus sui parte, Syriæ vrbes subigit: Cui Diogenes occurrit, & in itinere Calepurni & Hierapolim, cum aliquot vicinis castellis recuperat. Aspafalemus hoc audiens Diogeni occurrit, & prodromos exercitus sui profligat. Diogenes ad Theodosiopolim aduersus hostem pugnans, equo ex lethali vulnere collapsus, in hostium manus viuus deuenit.

Axanus Sultanus captiuum honorificè tractauit, & pactus cum eo fœdus certis conditionibus, sancendum connubijs liberorum, incolumem, ac muneribus ornatum dimisit.

Interea quod in odio esset apud Endociam coniugem & liberos ex priore marito Constantino XII. Duca: Byzantini absenti imperium abrogatum Micaëli Parapiriacio (*filio natu maximo Constantini Duca priuiguo Diogenis*) tradiderunt: Qui vitricus ex captiuitate reduci oculos contra fidem datam eruit.

Hanc *à sepe* DEVS ingenti fame, quam fœuissima pestis subsecuta est, puniuit.

Micaël Parapiriacius Philosophicis disputationibus & arithmeticis ludicris intēpestiue deditus rempublicam hostibus diripiendam relinquit: Vnde Constantinopolitani cogunt Nicephorum Botoniatem contra ignauum Micaëlem, imperatorem constituere. Hoc videns Micaël Musis relictis Martem arripit, & exercitum contra amulum cogit. Nicephorus implorato Turcorum auxilio Micaëlem terret, & imperium sibi asserit.

Aspafalemus autem, cum iam limites sui regni admodum extendisset, & subactis prouincijs Turcomannix nomen imposuisset, principatus sui decimo anno fato suo functus est.

4. MELECLAS 9.

Antiochi muros Quartus, Petrumq; Meleclas. 1086

Meleclas (*al. Melecha*) patri successit, & Solymano in Syria agenti auxiliares copias subministravit. Solymanus enim dubio Marte, diu multumque cum Syris subinde rebellibus certat, & Antiochiam tandem longa obsidione enervatam occupat.

Petrum Eremitam magnum Christianorum numerum deuotionis gratia in Palæstinam ducentem, ad interuersionem usque cedit. Petrus autem Dux eorum coniecit se in fugam, & redit in Germaniam, si alios possit educere.

Zachabus, Dux Meleclæ, insulas Chium, Lesbum, Rhodum, & Samum vi occupat. Alexius Comnenus exercitu collecto Turcis occurrit, & in itinere Insulas Cretam & Cyprum, antea à Saracenis præreptas recipit. At Zachabus interim totam Asiam littoralem Alexio adimit.

Meleclas autem cum iam nouem annis res Turcicas gubernasset, naturæ satisfecit.

5. BELCHIAROCVS. 3.

Volcmarum Quintus superauit Belchiarocus. 1095

Belchiarocus nouas copias in Syriam ducit: Antiochiam nouis præsidij munit: Volcmarum & Godescharum Sacerdotes religiosam expeditionem in Palæstinam continuare studentes in Syria littorali, virtute Solymani partim delet, partim repellit.

Anno subsequente, Imperante Alexio Comneno in 1096 Oriente & Henrico 6. in Occidente, GODFRIDVS BIL-
*Expedi-
Biliani,*
 ONAEVS Dux Lotharingæ, consilio cōciliij Claremontani, consensu Imperatoris sui, Ducatum suum paternum Episcopo

Episcopo Leodiensi (*alij Merhensem urbem paternam suis ciuibus*) vendit & omnem pecuniam in belli impendit apparatus. Similiter & plurimi alij principes, & nobiles & tota ferè Europa quisq; suis sumtibus amore religionis, & hortatu Petri illius Eremitæ, hinc inde per Europam concionibus suis (*erat enim vir facundissimus, atq; doctissimus*) homines excitantis, hoc iter sacrum cum Bilonæo ingrediuntur.

Et quia ingens copia Christianorum cruce notatorum militum confluit, exercitus diuidendus est. Et Godfridus Argonauta vnam partem, Alpibus & Italia peragrata, Hydrunti præcipuè nauibus imponit, & per Adriaticum Aegæum & Hellespontum Constantinopolim secundis velis, remisq; ducit. Alteram partem Balduinus frater Godfridi terrâ eodem ducere tentat, viam monstrante Petro Eremita.

Colomanus rex Vngariæ (*Aesopi non absimilis*) transitum eis non solum petentibus denegat, sed & se ipsis, vt latronibus opponit. Balduinus vt ad constitutum tempus se fratri cum suis copijs Constantinopoli sisteret, vi viam sibi facit, & Vngaros secundo Marte cædit. Audiens regem nouas copias adducere, Zemlinum vi occupat, ne transitus porro impediatur. Hoc Vngari animaduertentes clam eis victum & hospitium præbent. Colomanus ad Temesum fl. castra locat, & aciem adornat: vbi verò sentit Vngaros contra regium edictum clam facere, & proinde se parum feliciter pugnaturum cum Balduino, mutato animo non solum viam liberam, sed & victum sufficientem suppeditat.

Hinc Balduinus per Daciam, Mysiam & Thraciam etiam suas copias fratri suo Constantinopoli sistit.

Godfridus

Godfridus totum exercitum lustrat, & inuenit trecenta millia peditum, & centum millia loricatorum equitum.

Alexius Comnenus Imperator Constantinopolitanus, aliquid monstri aliratus, viam ei non solum liberam permittit, sed & auxilijs suis quantum potest, iuuat, & naues plurimas subministrat, modò urbem ab ipsis militibus crucigeris liberet.

Postquam Asiam Hellesponto superato, ingressi sunt, 1097
Raymundus Germanus cum aliquot militibus præmittitur, sed quarto die Turci & Saraceni ex insidijs eum adoruntur: pugnatur acerrimè ab Ortum ad Occasum Solis usque, & Raymundus cruentissimam obtinet victoriam.

Godfridus subsequitur, & totis viribus Nicæam obsidet, eamq; vigesimo obsidionis die (*videlicet 9. Iunij 1097.*) expugnat.

Solymanus Nicææ Sultanus, vir armis acerrimus, laborum patientissimus, in rebus gerendis prouidus, inter Turcos non habens secundum, sedem suam relinquere coactus, & fuga salutem querere. Quapropter relictis nouis turmis, omnia ad viam Christianis eundam, ferro & flammis vastat, ne vel victum, vel hospitium inueniant.

Godfridiani per vastatam & siccam regionem magno periculo pergunt, & tandem Iconium ad Tauri radices expugnatione occupatam urbem Boicundo Apuliæ duci, committunt, & vires colligunt.

Verùm Solymanum redire & insidias frueri sentientes, cautius iter ingrediuntur proximum, ita nimirum vt ab omni latere paratissimi exciperent hostem: currus & machinas bellicas in medio agmine ducentes.

Solymanus paratos ex insidijs adoritur, manum secundo cum Bilionæo conserit. At præter exercitum suum

etiam ante prælium virtute Christianorum territum, etiam propriam vitam amittit. Cum hoc Solymano Nicæno Sultano omnis virtus Turcorum & Saracenorum occubuit.

Christiani victores hoste superato Heracleam occupant, similiterque Tarsum deditionem facientem Taucredo concedunt.

Armenia vi & deditione subacta Palinuro, hominī Armenio, armis acerrimo, demandatur.

6. N. FRATER BELCHIAROCI.

1098

Vix sedit Sextus, germanus Belchiaroci.

Dum Bilonæus in Syria agit vt victor, & Tattari ad Caspium similiter secundo Marte Turcos cædūt, Turcici Sultani planè perturbantur, adeo vt nesciant cui exercitui prius resistendum.

Frater Belchiaroci principatum suscipit, & contra Tattaros exire promittit. Proceres autem de primatu certantes, principem suum, vt imperitum adolescentem in minutissimas partes discerpunt. Hinc noua laniena oritur. Archoius enim vi principatum rapere conatur: resistunt Belchiaroci familiares: ita intestino bello Turci & Saraceni inuoluuntur, duce & capite carentes.

Godfridus crucigeros suos. Antitauro superato, per planiciem proximam deducit, & susceptam expeditionem continuat.

Raymundus Tolosæ comes, Antiochiam ad Orontem sitam nono obsidionis mense, die 28. Iunij, noctu per Pyrrhi prodicionem occupat: Cassianus Rex seu Sultanus Antiochenus cum paucis ciuibus elabitur, & in Antitauro salutem quærit.

In hac vrbe inueniunt abundantiam omnium rerum,
idcirco

idcirco lati crucigeri vires recolligunt. Præcipuè verò lætitiâ eis auxit *Hasta* inuenta, quæ dicebatur Longini fuisse, qua Christi latus in cruce aperuisset. Cassianus autem collectis profugis Saracenis, urbem obsidione cingit, & Christianorum lætitiâ in tristitiâ trimestrem mutat, donec tandem ab eruptionem facientibus profligatur.

Godfridus vicina loca subigit, & in hyberna milites suos distribuit.

7. ALADINVS. I. Mensem.

1098

Tattaricis sceptris Aladinus subiicitur vi.

Aladinus (*al. Aladinas al. Gouiates*) dux exercitus Turcici, fratre Belchiaroci dissecato principatum vi sibi rapit, contra Archotum, & Solymanum de eodem decertantes. Vbi verò Solymanus à Bilionæo cæsus fuit (*vt iam dictum est*) Archotus veteranorum consilio contra Tattaros proficiscitur. Aladinus ab iisdem princeps salutatus, contra Christianos exercitum educit. Mox nunciatur Archoti mors & Tattarorum victoria. Aladinus reducit suos, vt Georgianis Tattarorum socijs occurrat. Tattari enim nouam expeditionem in Europam vltq; susceperant, & Turcos admodum angustabant.

Veterani Aladinum modo huc, modo illuc cedentem, & quasi hostem vtrumq; fugientem, interficiunt, & Solymanum Cappadociæ Sultanum, Ducem suum creant.

Quomodo verò ille duos diuersissimos diuersis in locis agentes hostes cæderet, qui copias non solum minutissimas, sed etiam maximè discordes ducebat? Regnum in sese diuisum collabitur, & vt res paræ Turcorum concordia creuerant; ita vicissim discordia magnæ dilabuntur.

Sub initium veris Godfridus ex hybernis soluens, Tripolim obsidet, deditiōem facientem præsidij munit, & ad Braß. vires recolligit.

Quinto die per Berytum, nobile Emporium Saracenorum, & decimo die Cæsaream cum pertransisset victor, tandem Ierosolymas attingit.

Hæc vrbs erat illa, quæ ipsos ex Europa vocauerat. Non solum autem Saraceni: sed & profugi Turci quamplurimi in ea salutem quarebant. Quapropter Godfridus & Tancredus ab Occasu: Robertus Flandriæ Comes à Septentrione: Raymundus ab Austro urbem oppugnat, & tandem quadragesimo die obsidionis, id est, 15. Iulij die Veneris eandem expugnat.

Sic quadriennij spatio Lycaoniam, Ciliciam, Comagenam, Mesopotamiam & Syriam cum perdomuisset, *Godfridus Bilioneus Primus Rex Ierosolymitanus est creatus*, & non aurea, sed Spinea, ad exemplum Christi, corona est coronatus.

Turci & Saraceni exercitum nouum (*quingentorum milium militum*) recolligunt, & Ierosolymas recuperare laborant. Godfridus autem rex eos cædit, & 18. Iulij animam suam Christo commendat, vndecimo mense regni sui. Successit ei frater Balduinus Bilioneus, qui reliquias Turcorum, & Saracenorum extirpauit cum suis successoribus, ex quibus adhuc populi in montibus, & cauernis Libani inueniuntur, qui Trusci vocantur, & gloriantur sese ex posteris Bilionei, & quia in cauernis & præcipitijs Libani habitant, à Turcis subigi nondum potuerunt hætenus. Hac ratione discordes Turcici principes, & Saracenicæ Sultani cum Calyphis per Tattaros ab vna parte, & per Christianos ab altera parte ad Mediterraneum Asiæ deleti

deleti sunt. Vsq̃ue adeo nulla salus in dissensione, etiam inter barbaros, conspicitur, Cæsare teste. Atque ita desijt & altera potestas Turcorum.

CAPVT SEXTVM

De Regibus Turcorum.



Christianis & Tataris debilitati Turci paulatim vires recolligerunt, & inter Græcos prouincias sibi rapuerunt, quas inter se distribuerunt, & *Caramanum*, mediterraneis Phrygiæ: *Sarchanum* maritimis Ionix: *Calanum* Lydia: *Amuræ* filios Paphlagoniæ: *Sasanum* Magnesiæ: *Orhomanum* & *Teciam* Bithyniæ præfecerunt. Hi postea ambitione inflati, de primatu certarunt, & religionem suo bello intestino prætexunt, vt nimirum Homaristas Reformatos deleturi. Hoc bello deleti sunt ita, vt tantum quatuor familiæ relinquerentur *Assimbeiorum*, *Candolorinorum*, *Cammanorum*, & *Oguciorum*. Quæ & ipsæ vltèrius viderunt intestinum bellum, donec *Orhomanus* auxilio *Micaëlis*, *Marci* & *Aurami* (qui singuli singulare genus nobilitatis suo nomine plantarunt, vt antea dictum est.) Rex Musulmanorum contra Homaristas (quibus Persia etiamnum adheret) & eorum regem *Vsuncafanem* ex *Assymbæorum* familia, salutatus est. *Vsuncafan*es autem se *Sophi Schach* id est, sanctum Regem appellat, eo quod stet à partibus Reformatorum, seu Homaristarum.

Nota

Numeri in sequentibus sic intelligendi sunt (sicut & in præcedenti capite de principibus.)

1. Numerus vel precedens vel sequens in margine, indicat annum Christi, quo coeperunt regnare Rex, vel Caesar.
2. Numerus nomini prapositus ostendit, Quotus sit Rex, vel Caesar.
3. Numerus nomini additus monet, Quotus sit Rex vel Caesar eius nominis.
4. Numerus ultimus nomini postpositus ostendit, Quot annis regnauerit.
5. In Synchronorum annis numerandis duos numeros inuenies. Maior numerus ostendit annum Christi quo incœperint vel sedere pontifices, vel regnare Reges, adiectus numerus docet, Quot annis regnauerint. Exemplum Andronicus pater coepit regnare in Oriente A. C. 1282. & imperauit 43. annis. Sic de reliquis inditendum estq.

1300

I. OTHOMANVS 28.

Tattaricas pedicas excussit Rex Othomanus.

Natales.

Othomanus, al. Osman, Orthobuli Zichi (*Musulmani seu orthodoxi viri, cuius proprium nomen fuit Zichus*) armentarij ex nobili Oguciorum familia in Soguta id est, Iteæ seu salicum vico inter Trapezuntem & Prusam sito, natus, cum in iuuentute pro fatuo haberetur, & tamen paulo post egregium sanæ mentis, & præcellentis virtutis specimen edidisset, & gigantem à Iohanne Comneno, cum exercitu contra Aladinum Iconiæ principem missum, in monomachia superasset, ab Aladino oppidum Othomanzicum præmij loco accepit. Hanc villam, seu oppidum breui post arce ampliauit munitissima, & cum iam ad regnum eueheretur, urbem amplissimam fecit, ciuibsq; Christiano sanguine procreatis commisit, vt qui in bellis egregiam nauassent operam. Ab hoc oppido suam etiam familiam, vtpote Oguciorum, vocauit Othomanicam, & à subditis Othomanus est vocatus, cum alias proprio nomine Gasinus,

finus, al. Delinus, al. Mahometus dictus perhibeatur.

Et quia omne studium collocauit in bellis gerendis, etiam maximis sumtibus Christianos, vt præstantissimos, & maximè idoneos milites sibi educauit, & institui curauit in oppido Sar (*Othomazico proximo*) vocauitq; nouo nomine Geni-Sar, quod interpretatur *iuentus bellica ex oppido Sar*. Hanc iuventutem bellicam Christiano semine natam, Amurathes II. in ordinem redegit, vnde vulgo putatur institutor Genizar, seu Ianizarorum, vt vulgo vocantur.

Ianizarorum origo.

Vbi igitur sibi de tali exercitu selectissimorum militum prospexit, regnum suum Musulmanicum, non tam defendere contra Homaristicū, quàm ampliare tentauit.

Res gesta

Quamobrem Orchanem filium, natu maiorem, exercitu instructissimo contra Christianos Græciæ misit, qui subinde in eorum oppida & pagos irruit, homines & iumenta & pecora abduxit, & Nicæam cum vicinis castellis deuastauit.

Nicæa.

Prusiæ princeps, prædationibus Turcorum excitatus, exercitum conscribit, & prædonibus istis se objicit. Othomanus his succurrit, pugnatur acriter, *Gundus Elpus & Aedogdinus*, duo filij Othomani cadunt in prælio: victoriam tandem obtinet Othomanus: Quare filios sepelit, & hostes profugos ad Prusam urbem sequitur.

In itinere autem Vlubat urbē deditione accipit: Mox Prusam, Principum, seu Regum Bithyniæ sedem, obsidione cingit, & vndiq; viam obsessis intercludit. Elapsis aliquot diebus Christianos obsessis auxilia adducentes cædit, & obsidionem Orchani filio commendat, longè lateque in Christianorum pagos, & agros hostiliter grassatur.

Iosephus itaq; princeps Bithyniæ, vidēs Prusam ulterrius

rius non posse defendi, contra Turcorum insultus, coepit de deditioe cum Orchane agere, & cum vtrinq; conuenissent, Christiani relictis omnibus mobilibus, & immobilibus rebus, cum Iosepho principe suo in exilium iuerunt, & Prusam Turcis reliquerunt A. C. 1327. A. Mahometico 726.

Prusa,

Dum verò hoc bello occupatur, Rhodum insulam amittit, A. C. 1307. Nam hospitalarij S. Iohannis, audientes Othomanum Natoliæ bello implicatum, Rhodum Insulam Marte & arte domitam sibi subiiciunt.

Rhodus,

Similiter Franciscus Daudalus, Dux Venetus A. C. 1326. Petrum Zenonem misit cum ingenti classe in Syriam, qui plurimos Turcos captos suspendit, & non exiguum terrorem incussit.

Mers.

Post captam Prusam Othomanus, dolore pedum laborans, dum quieti se tradere parat, pariter morbo obruitur corporis, & Anno Christi 1328. regni 28. naturæ debitum exoluit Prusæ.

Soboles.

Filius eius	{	Quandus-Elpus	{	qui ambo in prælio ad Prusam occubuerunt.	
		A. Edogdianus.			
	{	Orchane			
	{	Halisfen Elias, al. Halimes.			
Imperatores	{	Orientis	{	Andronicus pater 1282.	23.
		Bizantini		Andronicus filius 1325.	29.
		Occidentis		Henricus VII. Lucelburgensis 1308.	6.
		Romani		Ludovicus IIII. Bavarus.	1314-32.
Pontifices	{	Bonifacius VIII. 1295.	{	Qui intrauit Et Vulpes, re-	
		Benedictus XI. 1303.		gnauit Et lupus (al. leo) ex-	
		Clemens V. 1305.		Spirauit Et canis.	
		Iohannes XXI. 1316.			
Synchroni- cius.	{	Nicolaus V. 1327.	{		
Electores	{	Conradus I. 1304.	{		
Brandes burgici.	{	Iohannes III. 1305.	{		
		Voldemarus I. 1306.		13.	
	{	Voldemarus II. 1319.	{	contra quem Ludovicus senior &	
	{	Iohannes IV. 1322.	{	Cesare est constituta.	
	{	Nicolaus Lyra Brabantius in Anglia illustrauit glossis codices			
	{	A. C. 1320.			
	{				2. ORCHA

2. ORCHANES 22.

1328

Orchanes Phrygios domat, Europāq; subintrat.

Orchanes (*al. Orcannes, al. Vrchan, al. VrchanGasi*) filius O- *Natales.*
thomani, vir ambitione patri non absimilis, re militari *Ingenium*
peritior, copijs instructior, apparatu opulentior, primus
sagittarios in hostem eduxit: liberalitate animi, facilita-
te morum, dexteritate ingenij, felicitate imperandi, com-
moditatis opinione ingentem sibi vndiq; multitudinem
comparauit, & mirifice obædire docuit.

Præoccupatis animis eorum, qui patris fuerunt fami- *Res gesta.*
liarissimi, rebelles Bassas (*al. volunt fratres*) Paphlagoniæ
fugiens, in Olympum montem se recepit cum suo exerci-
tu, & occasionem oblatam arripiens, eos, longiore inter-
uallo diuisos audiens, singulos seorsim adortos cædit, &
ad regnum emergit.

Fratrem Halinum, seu Eliam non solum non interfecit,
sed vt virum prudentem, & consilij potentem secū quàm
fraterno animo habuit. Huius enim consilio in felix sui
regni auspiciū, Nicææ templum augustissimum, Hospi-
tale nobile, & Academiam seu scholam magnam fundauit
in gloriam DEI, & gratiam suorum.

Filium Solymanum Nicææ Bassam: Amurathem, natu
minorem filium, Prusæ Sangiacum constituit.

Solymanus sua largitate, & lenitate, imò singulari
pietate sua vicinas vrbes, & oppida Græcorum facilè ad
Mahometismum, & deditionem perduxit, præcipuè il-
los, qui Græcorum petulantiam, & seditionem vltèrius
ferre recusabant.

Interea Orchanes Paphlagoniam, Lybiam, & My-
siam

fiam fibi subiecit, & præcipuè urbem Pergamum.

Iohannem Cantacuzenum (*regem græcorum, tutorem filiorum Andronici*) à Palæologis intestina odia continuantibus, Byzantio eiectum, familiarissimè excepit, & non solum auxilium sufficiens ac restitutionem promittit, sed & filiam eiusdem vxorem duxit, in perpetuæ amicitiae vinculum. Et quia ipsemet bello Phrygiæ implicatur, Solymano filio exercitum cômittit, & Cantacuzeno adiungit.

*Turci prius-
mo in Eu-
ropam vo-
cantur.*
*Turci di-
scunt nauigare.*
Solymanus iam antea à Gaziele al. Chatite Bassa (*qui in Europam traiecerat, & omnia viderat*) Europæ felicitatem magnificè deprædicari audierat: Iccirco eò libetius, & ardentius hoc negotij in se suscipit: imò & Turci ipsi (*qui hætenus nescierant vsum nauis, & tantum virgis colligatis non sine periculo trajcere consueuerant*) maximo gaudio naues græcorum conscendunt, nauium auxilio Hellepontum, cum copijs armatis trajcere discunt: Græcos mutuis armis implicatos obruunt, & Cantacuzenum Byzantio restitunt.

Bassa autè Nicææ Solymanus, Europæ fertilitate, & amoenitate captus, vt qui mirificè delectabatur venationibus, & visitationibus locorum dirutorum, veterumq; monumentorum, omnibus modis id solum agit, *Ne reconcilientur græci, sed bellum prorogetur.* Et vt eò tutius agat in Europa, arcem Zemenic, ad littus Hellesponti situm, tempore messis obruit, paulo post & urbem Calliopolim, occupatæ arcis proximam occupat, & ita liberum iter Turcis ex Asia in Europam præparat.

Græci intestinis bellis eneruati, se petitum serpentem in sinu alere sentientes, pacis transactiones, at nimis serò, instituunt. Solymanus enim prætendens se pro affine suo agere, & rebellibus græcis hostem venisse, sibi regnū querit: Cumque stipendium pactum ab exhaustis græcis non accipe-

accipere posset, occupatas vrbes, hypothecæ loco, retinuit. Tanto pretio pacem à vocatis Turcis redemerunt Græci. Ferunt Solymanum discessionem ex Europa, & occupatarum vrbium restitutionem promississe, si græci Sexaginta millia drachmarum militibus Turcicis stipendium debitum numerarent.

Andreas Dandalus Dux Venetiæ, periculosum iter per Hellespontum ex hoc bello reddi sentiens, à Sultano Aegypti per legatos suos Marinum Faliers, & Andream Coronati, licentiam negotiandi per Syriam, & Aegyptum suis subditis impetrauit A. C. 1338.

Solymanus Nicæ Præses, Orchanis Filius, pace in græcia lætus, huc illuc obequitat, & dum aliquando liberius in venatione leporem insequitur, equo præcipitato delapsus; vitam miserè ponit, duobus mensibus ante mortem Patris, & in pago Plagiari, Callipoli vicino (*vispote in quo hortum & viuarium habebat*) sepelitur. Id autem absque vlla pompa factum esse testatur res ipsa. Nam hodie nullum vestigium illic loci inuenitur de monumento Solymani: aut sanè græci funditus deleuerunt, si monumentum ibi fuit.

Orchanes autem in Asia Prusam metropolin, & sedem Regū Bithyniæ obsidet, vt suo regno eam restituat. Vt verò audiuit obsessis Tataros succurrere, iisdem nimis festinans, imprudentius occurrens, ad Prusæ agros in prælio sagitta ictus, cum spiculum humeri ossibus infixum, absq; vitæ periculo extrahi non posset, ex febris coorta, vulnus non leue ridens, & proinde minus curans, animam exhalauit, A. C. 1350. Mahometis 749. regni 23.

Orchanis
Fili.

[Solymanus qui secundo mense ante patrem obiit, in Venatione ab equo præcipitatus.
Amurathes, qui patri successit.

Mors.
Scholes.

Orchanis Synchroni	Imperator res	Orientis	{ Orientis, Andronicus lunior 1325. 29.	
			Occidentis	{ Ludouicus Bauarus 1314. 32. Carolus 1111. Rex Boem. 1346. a pontifice ce electus.
		Contra		
	Pontifices	{	Nicolaus V. 1327. 8. Benedictus XII. 1335. 7. Clemens VI. 1342.	{ ab Electo- ribus elec- tus.
	Electoꝝ Brandeburgicus. Ludouicus Bauarus cognom. Senior 1319. filius Imperatoris homonymus patri, contra quem Caro- lus 1111. Imperator Pseudo-Soldanorum illum Mols- torem confirmauit.			
	{ Franciscus Petrarcha, insignis Poeta Romæ qui 1374. ætatis 74. obiit,			
<p><i>ERIPIVNT terris fera CorpVS, fata PetrarChæ:</i> <i>AVreOLO semper peCtore notVS erit.</i></p>				

1350

3. AMVRATHES I. 23.

Tertius Archius Amurathes subsidium fert.

Amurathes (*al. Murath, quod sonat desideratum*) filius Orchanis animi robore, & laborum tolerantia superioribus nequaquam inferior, imò simulandi dissimulandi que egregius artifex, & fallendi magister, qui nusquam fidem & iuramenta seruauit, quoties augendi regni gratia fieri potuit: præstans vocis vocalitate, sermonis æquitate & comitate; ad honorandum vel vilissimos expeditissimus, verbis paucissimus, corpore deformior & debilior. Prusam seu Prusiam regni sedem Tataris repulsis recuperauit. Hinc iudicium reformauit, iudices & sacerdotes ordinauit, & omnia quæ ad pietatem & iusticiam Mahometicam faciunt

faciunt, egregiè procurauit, & ad exemplum Caroli III. Pragæ Academiam fundantis, 1360. etiam anno 1366. Academiam Turcicam in Belezno vrbe Asiæ fundauit, similiterque & templum, & hospitale.

Anno 1363. Marcus Craieuicius Despota Bulgariae à proceribus Graeciae excitatus, Palæologo rebellans Byzantium obsidione cingit. Iohannes Palæologus Imperator cogitur à Turcis auxilium contra rebelles suos subditos, coronam imperij captantes quærere. Amurathes promptus cum duodecim millibus Turcis in Europam traiecit, Marcum repellit, & Calliopolim, quam hætenus hypothecæ loco habuerat, dono accipit ab Imperatore: cui & autor est bellum continuandi, nec cessare, aut vllam conditionem, aut deditionem suscipere.

Interim dum Imperator dubitat, cui parti subscribat, suisne consiliarijs pacem suadentibus, an verò Turcis bellum contra rebelles Græcos continuum volentibus: nouæ copiae 60000. Turcorum ad Calliopolim duobus Carraccis id est, nauigijs Genuensibus nautis sexaginta milia ducatorum nulum soluentes, traiciunt, & Thraciam hostiliter cum penetrassent, & aliquot oppida, & castella subegissent, Adrianopolim obsidione domitam suo regno subiiciunt.

Hoc tempore cum plurimos captiuos Christianos in Asiam deducerent, Ianizarorum numerus nouis militibus est auctus, nimirum filijs Christianorum captiuis, qui prioribus Ianizaris commendati, vt instituerentur in arte militari.

Amurathes secundum sui animi vota omnia succedere videns, ab Imperatore Græco mansionem in Europa impetrat, & Adrianopoli sedem elegit, prætendens se hac

ratione citiùs & expeditiùs posse Imperatori adesse contra rebelles Turcos.

In Seruia verò 50000. Christiani conueniunt, & Adrianopolim obsident. Amurathes nouas copias ex Asia duxit in Europam, & Seruios somno, vinoq; sepultos noctu obruit, atque ita Adrianopolim liberat.

Iohannes in Græciam rediens, vt imperio consulat, filios, Emanuelem Lesbo: Theodoricum Peloponneso præficit: Andronicum autem, vt successorem, retinet.

Conspiratio filiorum contra parentes.

Andronicus Palæologus cum Sautze Amurathis filio clam conspirat, & coniurat vterq; in mortem sui parentis, vt citiùs regno potiantur. Hæc coniuratio filiorum in parentes detegitur: parentesque inito consilio & pacto, quisq; suum filium quærit. Amurathes quidem suum ad Apicridium castra locantem inuenit, Basilas eius pro sua eloquentia in suas partes reuocat, Sautzen filium in Didemotychum fugientem subsequitur, urbem deditione accipit, & filium, secundum pactum, oculis priuat: Proceres qui cum eo senserant, in mare præcipitat, parentesque cogit, vt quisque suum filium trucidet: quotque recusarunt filios rebelles occidere, ab Amurathe dissecti sunt.

Iohannes similiter suum Andronicum, iuxta conventionem, aceto feruido in oculos infuso excæcat.

Inde Marcum Craieucium Bulgariæ, & Lazarum Bulcouicium Seruiæ Despotas aperto Marte adit Amurathes, & omni sæuitiarum genere crudelissimè Seruiam vastat, Lazarumq; captum cimetæra dissecari iubet.

Carbilouicius.

Carbilouicius autem seruus Dominum suum ita ad supplicium rapi videns, rem istam indignè ferens, & tamen deditionem simulans, occasione arrepta petit Amurathem

rathen supplicij istius spectatorem, & aliquot vulneribus inflictis trucidat. Hic fuit exitus Amurathis 1. Intestina *Mors.* eius in campo Cosabo, eadauer reliquum Prusæ mumiatum ad Thermas sepelitur, anno Christi 1373. Mahometis 772. regni 23.

Amurathis primi filij	{	Iagupes, al. Iacuppus, al. Iacobus, qui vt regni amulus occi- sus est à fratre.
		Baiazetes al. Paiafith, al. Paiazites, qui successit patri
		Sauzes, al. Zauces, qui à patre excacatus obiit.
Synchroni	{	Imperatores { Orientis, Iohannes VI. Palaeologus 1354. 30. Occidentis, Carolus IIII. 1355.
		{ Innocentius VI. 1352. 9. Urbanus V. 1362. 8.
	{	Pontifices { Gregorius XI. 1370. 7.
		Electo Brandenburg. Ludotus Romanus 1349. 20. Pseudovol- demari deletor.
		Bartolus de Saxo ferrato Vmbria oppido, Iureconsultus Clarissi- mus, Senator Caroli IIII. eximius, qui Perusy ex morsu ra- biosi canis extinctus est, etatis 46. Christi 1355. anno.

Militiæ vexilla sacre fert Bartolus : errat
Qui sibi vult alium præposuisse ducem.

4. BAI AZETES I. 25.

Quartus Baiazetes Tamerlanicaueam intrat. 1373

Baiazetes primus (al. Baiazites, al. VVeiasit, al. Baiafit) cognominis Hidryn, seu Gildrun id est, fulmen, filius Amurathis primi, vir corpore paruo, animo magno, ambitioso, & prouido ad præripiendas hostibus occasiones. *Ingenium.*

Fratrem Iaguppum natu maiorem, vt iustum regni *Res gestæ.* hæredem ad se accersitū, lætoq; animo, & citato gradu aduenientem crudelissime strangulari iussit, vt solutus omni metu

metu & muli, liberiore animo imperium contra Christianos Græciæ propagaret.

Hinc Marcum Craieucium Bulgariae principem, eo ipso in loco, quo pater à seruo transfossus, cum exercitu eius cædit, Mysios vastat indeque Thessaliam, Macedoniam, Phocidem Bæotiam, & Atticam regiones paucis annis ferè totas suo regno adiecit. Ad hanc victoriam non parum operæ contulerunt discordiæ Græcorum, & expeditio Venetorum, aduersus rebelles Candiotos, seu Cretenses.

1389

Quare animo elatus, cum insuper & Stephani Bulcoiitij Despotæ Seruiæ filiam vxorem duxisset, & vinum bibere à Christiana vxore didicisset, exercitum lustrat, & imperatoriam affectans maiestatem Constantinopolim obsidet: videntque vires vrbs, cunctando eam expugnare decreuit, & propterea partem exercitus sui ad urbem relinquit: alteram verò partem educit in Bessinam, & Vallachiam, vicinasque regiones, & eas variè affligit, ne obseffo Imperatori opem ferant.

Iohannes Palæologus obsidione grauiter pressus confugit ad Venceslaum Imperatorem Occidentis, adeoque ad Carolum VI. Galliarum regem.

VVenceslaus
laus contra
Turcos.

VVenceslaus fratrem Sigismundum Vngariæ Regem iuuenem viginti annorum cum ingenti exercitu in Boëmia, Silesia, Saxonia, Belgio, & Dania collecto mittit in Græciam. His se iungi Iohannes Burgundus, comes Niuernensis cum exercitu Gallico à Carolo VI. missus.

Sigismundus per legatos suos Baiazetem initio monet, vt ab alieno imperio manum retrahat. Hos legatos Baiazetes secum retinet, donec prius totam Mysiam occupauit: tum demum legatos dimisit, & dixit eis *He, & regi vestro*

vestro dicite, mihi ius esse in Mysia: si non credet, accedat, & vel muri, & parietes, arietibus quassati testabuntur.

Hoc Sigismundus audiens, exercitum suum iratus educit vltcrius, & Germanos, Gallosq; de colle in lata planitie cernens, inquit ad Iohannem Comitem:

Non modò iam Turcos, sed & ipsos vicero caelos.

Quare Rascia superata, Oristun, Budinum, & vicina Bulgaricæ castella recuperat. Cumq; obuios Turcos leuibus prælijs terruisset, Nicopolim per sedecim dies terra, mariq; obsidet.

Baiazetes in sua celeritate vsus, in vigilia Micaëlis 1394. 200000. Turcis stipatus Sigismundo se obijcit: præmit-
tit aliquot copias, quæ leuibus prælijs Germanos remo-
rentur, donec aciem, suo more, lunatam instituat. Galli
à Sigismundo primas partes impetrant, primumque con-
gressum cum Turcis. Turci Sultano suo morigeri fugam
simulant, donec aciem suam Galli perturbent: Galli sub-
sequuntur fugientes & cum sibi victoriam, & æternam
laudem persuasissent, vident planè contrarium, & se præ-
sentissimæ morti proximos. Lunata enim acies eos exci-
pit, ita vt Galli desperabundi ab equis cataphracti desili-
rent, & omnes pariter succumberent. Paucissimi retro
currunt ad Germanos, eisq; animum & arma sua fuga, &
vociferatione excutunt.

Sigismundus nihilominus reuocat suos, & aciem in-
struit. Boëmi in fronte collocati, cum hostem vix aspexis-
sent, terga vertunt. Germani, vt qui soli vim Turcicam
sustinere non valerent, subsequuntur: Iohannes Bulcoui-
cius Despota Seruicæ (qui 15000. viris Baiazeti ex pacto opem fe-
rebat) fugientes excipit. Sigismundus denuo acie vtrunq;
instructa se ei opponit: ast 20000. Christianorum acie

N

gladij

28. Septē-
bris pugna
ad Nicopolim.

gladij cadunt: Sigismundus & Magnus Magister Rhodi nauigio arrepto per Istrum Constantinopolim fugiunt, vt vitam saluent suam.

Baiazetes spolijs, & victoria onustus, in Asiam redire properat, & cum iam traicere pararet Hellespontum, incidit in nauigium, quod vehebat profugos Sigismundi, & Magnum Magistrum Rhodi. Pugnatur nauali certamine: ibi si non adfuisset classis Rhodia, & Thomas Mocenigo amiralius classis Venetorum, & succurrisset Sigismundo, certò fuga salutem non inuenisset. Sed Baiazetes sua felicitate contentus, non admodum eis se opponit. Sequenti die antequam omnis exercitus conueneret, & traiceret, Baiazetes sentiens cruentam se obtinuisse ad Nicopolim victoriam, plenus irarum, omnem furorem suum in captiuos euomit, solus Iohannes Burgundus, vt iuuenis animosus, & singulare quid præ se ferens, gratiam inuenit. Cum igitur captiui iam nudati adducerentur, & supplicio afficiendi essent, Baiazetes ad Iohannem Burgundum conuersus ait: Ecce quia iam omnes tui socij funditus delendi, agè, elige prius quinque ex illis, qui tibi in tuo carcere solamen adfint. Iohannes Burgundus, comes Niuersiæ, Philippi filius, sibi carissimos socios quinque (*maluisset quingentos*) Gallos eligit. Quo factò, carnifices gladios Turcicos, seu Cimeteras stringunt in nudatos captiuos. Cumque iam & Buccicaldus (*al. Buciland*) Constablius Gallie nudatus adduceretur, Iohannes largissimis lacrymis ora rigans, supplex procubuit, & etiam Buccicaldum liberat è manu carnificis (*ast hic Buccicaldus admodum ingratus postea fuit, dum nimis inhumano modo in Iohannis posteros senit.*)

Hac ratione septem hi Galli reservati viui in Asiam deducuntur.

deducti sunt, & Prusæ in carcere detenti, donec tandem Iohannes Mitylenarum princeps ducentorum millium aureorum pretio soluto, ipsos redemit. In huius rei memoriam familia Burgundica concatenatum torquem in suis insignibus ostendit.

Palæologus concepta spe frustratus, & per Sigismundum non liberatus, legatos mittit ad Tamerlanem, eo ipso tempore victoriosè Tataros Turcis præripientem, adeoq; Syriam & Aegyptum vastantem, ab eoq; auxilium contra obsessores Turcos per suos legatos petit. Constantinopolim ipsam, hypothecæ loco, ipsi offerens.

Tamerlanes (*al. Tamerlanus rectius Tamer-lan id est Tamer claudicans*) rex Scytharum, cognomine Cuthlum, quod interpretatur ferrum fortunatum, dictus, vir procerus, barbatissimus, vno pede breuiore, humeris latis, adeoq; Hannibali Carthaginensium per omnia simillimus, decies centenis millibus (400000. equitibus, & 600000. peditibus) armatorum Aracosiorum, Sogdianorum, Bactrianorum, Hircanorum, Comagenorum, Parthorum, Medorum, Massagetarum, & Insulariorum ex rubro mari, & Persico sinu (*copiis sanè Xerxis conferendis*) instructus, ad Iaxarten fl. castra locat: inde Natoliam, & Armeniam. Turcorum regiones vastat, si hac ratione fratricidam (*sic Baiazethem vocabat*) ab obsidione vrbs reuocet. Inde Euphrate fl. traiecto, Cappadociam ingressus, Sebastiam vicesimo primo obsidionis die oppugnat: Orthobulus Baiazetis filius capitur, & paulo post in carcere necatur, si filij morte fratricida à Byzantijs obsidione reuocari possit: Reliquos Turcos captiuos, equorum pedibus conculcandos substernit.

Baiazetes, qui iam Constantinopolim ferè ad deditionē

1379

pugna ad
Stellam.

coëgerat, audita clade suorum, exanimatus vrbe relicta
 traiecit in Asiam, corradit militem ab omni, qua potest,
 mundi plaga, trecenta millia equitum, & bis centena mil-
 lia peditum contra Tamerlanem educit, filios Celebinum
 & Mustapham, vt generosiores, & magis regno idoneos
 alio ablegat (*vsq; adeo mens præfaga mali*) ne tota familia in-
 tercidat. Tamerlanes Baiazetem in lata, amplaq; plani-
 tie inter Stellam, & Antitaurum montes, in confinio Ga-
 latiaë, & Bithyniaë, castra locantem, & aciem instruente[m]
 obruit: Concurritur ad Stellam montem, eo ipso in loco,
 quo olim Pompeius Mithridatem vicit: pugnatur vtrinq;
 acerrimè, & callidissimè, quippe Magister cum Magistro
 concreditur, ita vt Euphrates plus sanguinis, quàm vnda-
 rum in mare raperet: Sole iam inclinante Baiazetes suos
 diffugere, suum equum sagittis confixum concidere vi-
 dens, in pedes se conijcit, cum fidelissimo filio Mose (*qui
 à patris latere nunquam discessit*) Ast ad Angorium denuo con-
 curritur: Sub ortū Solis cadunt centum quadraginta mil-
 lia Turcorum, & bis centena millia Scytharum: Pater cum
 filio capti adducuntur Tamerlani commoranti. Tamerla-
 nes Mosē filium dimittit, Baiazeten patrem verò retinet,
 aureisq; catenis ligat. Interim & vxor Baiazetis addu-
 citur captiua, cum suo Gynæceo. Fabricatur cauea fer-
 rea, cui includatur fratricida, qui iam regno Turcico per
 25. annos præfuerat. Nam Baiazetes, & Tamerlanes col-
 loquium habuisse dicuntur, in quo primo Tamerlanes
 D E O gratias egit pro victoria, & postea quæsiuit ex Ba-
 iazete: *Quid fecisses mihi, si me cepisses?* Baiazetes respondit:
Ferrea cauea te inclusissem, & omni ludibriorum genere te claudi-
cantem affecissem. Tamerlanes respondit; *Iudicium placet, fiet*
tibi, quod mihi fecisses: & ita caueæ inclusus est. Tamerlanes
 per hyemem in Asia mansit.

Ad.

Adhæc & legati Byzantini ab Emanuele Palæologo missi, accedunt victorem Tamerlanem, & elegantissima oratione testantur, suo Imperatori tantam vim pecuniæ non esse, vt debitum stipendium tot, tantisq; Scythis soluatur, ac proinde oppignoratâ Constantinopolim, adeoque suum Imperatorem, & seipsos victori glorioso offerunt. His Tamerlanes respondit: Absit à me tale facinus: *Nolo tam celebrem & liberam, adeoque à Tyrannide Turcica iam liberatam urbem in Seruitutem redigere.* Neque enim veni mihi vrbes, bonos Dominos habentes subiicere, sed veni bono Domino, à malo presso, succurrere, & pro libertate pugnare. Quamobrem ite, & vestro, etsi pauperi, tamen bono Domino obœdite, & monetote, vt huius officij sit memor, & olim, si res poscat, gratitudinem factò vtili declaret: Hic autem fratricida, & hostis libertatis mihi pœnas luet meritas.

His peractis Tamerlanes ad suum se regnum recipit, Baiazerem ferreæ caueæ inclusum vehit secum, & toti Asiæ deridendum propinat, & insuper scabelli loco eum habet. Quoties enim equum conscendit, toties fratricida è cauea eductus, & procumbens scabelli vicem præstat, rursusque caueæ includitur. Quoties cibum sumit, toties fratricida è cauea adductus, & sub mensa tripodi aureis catenis alligatus, ossa & micas instar canum ore, vtpote vinc̃tis manibus, colligere cogitur, dum nullus alius cibus præbetur. Dum autem maritus sub mensa cum canibus ossa rodit, vxor Filia Lazari Despotæ seminuda stat à poculis Tamerlanis, eiusq; procerum: Oenochoa quo animo fuerit, facile quisque percipit, præcipue quando nulla ei potestas data, alloqui maritum, aut ei cibum, vel potum præbere.

Gemmarius quidam ditissimus, quoduis pretium soluturus pro Baiazete rege, hoc responsi accepit: *Tu gemmas cura, ego, de fratricida, non de rege supplicium debitum ut sumam, curabo.* Nam potentes potenter tormenta patientur.

Mors.

Baiazetes verò cum tot & tanta ludibria diutius sustinere non posset, innumeris ictibus capite ferreæ caueæ clathris perfracto, illisoq; cerebro, altero à captiuitate anno vitam in Scythia finiuit.

Filij Baiazetis.

Orthobulus al. Mussamanes, qui à Tamerlane, in carcere occisus, reliquisq; filium Zichum, & filiam N. qui capto patre Constantinopolim fugerunt, & ibi obierunt.
 Ila al. Iesse. al. Iesus, qui vel in prælio occubuit, vel à Basis est sublatu:
 Moses al. Musa, qui cum patre captus, sed à Tamerlane rursus dimissus copias patris recollegit, & Celebino resistere tentauit.
 Celebinus qui patri à Basis est suffectus contra Mosén al. Solymanus
 Mahomethes al. Mustapha, sed falsè.
 N. Filia quæ Constantinopolim cum fratre Mustapha missa est,
 Casan, al. Casanes al. Hali.

Synchro-
ni,

Imperatores	Orientis	Iohannes
		Andronicus 1384. 3.
	Occidentis	Emanuel 1388. 30.
		Venceslaus filius Caroli IIII. 1379. 21.
Pontifices	Roma	Vrbani VI. 1378. 11.
		Bonifacius IX. 1390. 14.
	Auiioni	Clemens VII. 1378. 15.
		Benedictus XI. 1394. 30.
Elector. Brandeb.	Otto Romanus 1369. 4. qui anno Christi 1373. Mar- chiam Imperatori Carolo IIII. socero suo pro 200000. Vngaricis vendidit.	Venceslaus 1373. 5.
		Sigismundus 1378. 39.

Bartolus Niger Monachus Franciscanus, & Alchimista nobilis, qui A.C. 1380. bombardas inuenit in monasterio suo.

Sabinus

Sabinus.

*Hoc inuenta fuit sub Casare machina belli,
 Cuius ab impulsu mœnia quassa ruunt.
 Concipiens rapidum qua fomite sulfuris ignem,
 Acta procul nitri puluere saxa iacit.
 Atq; coruscantis flammæ imitatur olympi,
 AEthera terribili concutiente sono.
 Ceu vibrata cadunt trifidis ubi fulgura telis:
 Hoc sibi Germanus vendicat autor opus.*

Qua occasione & ratione inuenerit ostendit Additamentum Vrspergensē
fol. 404.

*Ars bellii Langvet: stridens reperit VrarVnDo.
 Propellet fortes quæ Violenta globos.*

5. CELEBINVS. 6.

Quintus collapsas Celebinus restituit res. 1398

Celebinus (*al. Calapinus, al. Calippinus, al. Tzelebi, al. Chialab, al. Solymanus*) cognomine Cyricelebes (*quod interpretatur Dominus nobilis*) filius Baiazetis, vir valetudinarius, à patre *Ingenium* contra Tamerlanem eunte remissus, Prusæ honorificè à Bassis exceptus, & patri suffectus est. Mosén fratrem cum exercitu recollecto venientem metuens, in Europam fugit, & Adrianopoli, ut loco tutiori mansit. Moses Epicuri de grege porcus, regnum parum curans, hinc inde oberrat quasi solo exercitu metum omnibus alijs & Celebino incussurus, & genio indulget.

Celebinus autem foedus iniuit cū Emanuele Byzantino. *Res gestæ* & in pignus amicitiae Casanem fratrem cum sorore ei tradit. Hocq; pacto pace impetrata vrbes, & arces restaurat & omnia alia ad bellum necessaria. Mahometen fratrem Bassæ titulo ornatum, in gratiam suscipit, & coniuncti id
 vnum

vnus agunt, vt in Europa recipiant, quod pater in Asia amiserat.

*Duo Imperatores et
duo Pontifices.*

Hanc reuiuifcentem Turcorum potentiam non parum fouerunt discordiæ Christianorum. Nam duo Imperatores simul erant VVenceslaus genio potius, quàm imperio indulgens, & Fridericus Bronsuicensis cui ad Frislanam confosso substitutus est Rupertus Palatinus ab Electoribus. Præterea & duo Pontifices simul sedebant, vnus Romæ in Italia, alter Auinione in Gallia. Hic iam quasi cœlitus oblata occasione tempus erat aliquid præclarè gerendi contra Turcos, sed schismata Europæ obstiterunt.

Hoc ipso tempore & in Turcia noua secta *Sophylarorum* extitit, qui præcipuè inuehebantur in Turcorum superbiam, & vestes leuitatem referentes, adeoque in luxum, quem à Mose vini vsum melius & magis ostendente, acceperant. Quia verò tantum mores taxabant, ferè nullibi locum inuenerunt, & sponte sua quasi euanuerunt.

Vt verò Celebinus se viribus aliquo modo adauctum sensit, exercitum contra Ismaëtem Synope principem eduxit, eoque victo magnos prouentus annuos ex eius loci venis metallicis suæ cameræ procurauit.

Hinc & Bassas suos armatos in Bulgariam & Macedoniam misit, qui admodum hostiliter omnia vastarunt. Celebinus autem ipse ad Callipolim nauale prælium cum Petro Lauretano Venetorum classis amiraglio committit; verum vt non satis instructus, & classe pugnare non edoctus, victus & profligatus ad suos se recepit terminos.

Interea Emanuel Palæologus, rursus crescentem Othomanorum potentiam suspectam habens, Isthmum muro (qui *Hexamilum* vocatur, quod eius longitudo sex miliaria Italica, seu sesquimiliare germanicum minus) obducit, veluti olim Pelopon-

Peloponnesij tempore Xerxis fecerant, quoniam perfos-
sionem (antea à Demetrio Iulio & Nerone Imperatoribus & Hero-
de Rege aliquoties frustra captam) irrito conatu denuo tenta-
re noluit.

At Celebinus vt vir valetudinarius in flore ætatis ex-
tinguitur anno Christi 1404. Mahometis 803. regni 6. com-
pleto, septimum iam inchoans.

Filij eius perhi- bentur	{	Orchanes <i>qui à Mose strangulatus.</i>	(enubi.
		Mahometes <i>qui fersan puer obijt. neque enim potuit</i>	
		Mustapha <i>ad imperium est euectus.</i>	

Imperatores	{	Orientis Emanuel Palæologus 1388. 30.
		Occidentis, Rupertus Palatinus 1400. 10.

Pontifices	{	Romæ { Bonifacius IX. 1390. 14.
		{ Innocentius VII. 1404. 2.
		Auenioni { Benedictus XI. 1394. 30. remotus.

Electo Brandeb. Sigismundus 1378. 39. *qui anno 1388.*
Marchiam Io. loco Marchioni Moranie patrueli suo op-
pignorauit. Sed quando A. C. 1411. Imperator salutat,
eandem Marchiam A. C. 1417. 18. Aprilis Friderico V.
Burgauio Noribergensi in Fendum dedit in concilio Con-
stantiensi.

Synchroni
Celebini.

Baldus Perusinus, IC. Clarissimus, qui 1400. 20. Aprilis
diem suum obijt: Fius Epitaphium tale:
Conditur hic Baldus, Francisci regmine fultus,
Doctorem princeps, Perusina natus in vrbe.

Tamerlanes ille Chan Scytharum obiit 1402. 27. Ianuar.

LVX VBI fVL gebat post Pa VLI tertla festVM
TattarVs ILLe orbIs VICtor & horror obIt.

Nota.

Quidam hunc Celebinum omnino omittunt, vel quod Turci cum non habe-
ant, & interim Solymannum etiam omittunt, quem Turci numerant, & Soly-
mannum primum vocant: vel quod impediatur numerum duodenarium, eò quod

contendunt tantum duodecim principes ex Ismaële nascendos, & si Celebinum annumerent, Amurathes 3. esset Tredecimus quod putant contra scripturam sacram 1. Moys. 17. v. 20. esse.

Quidam duos, quidam tres fratres Reges numerant: Solymannum, Celebinum, & Mosen, cum tamen solus Celebinus, quem Turci Solymannum vocant, ad regnum euectus: Moses verò genio indulserit.

Quidam interregnum sexennale statuunt, & Sex illos annos partim Bataze-
ti, partim sequenti Mahometi adscribunt.

1404

6. MAHOMETES I. 14.

Sextus Natoliæ Mahometes regna recepit.

Ingenium. Mahometes primus, Celebini frater, fratrem Mosen, Caramaniæ principis auxilio captum, strangulari curauit, vel vt regni æmulum, vel vt patruelis Orchanis interfectorem. Hinc legatos suos ad finitimos Reges, & Principes misit, pacemq; eis obtulit, vt restorationem regni Turcici à fratre inceptam eò melius continuaret.

Res gesta. Hinc Caramaniæ rebellem Begum bello adortus est, & ad Iconium in prælio superatum, captumq; in carcerem abiecit. Paulò post tamen gratiam inuenit, ea conditione vt præoccupatas vrbes restituat.

Quo peracto, Prusa relicta, vicissim in Europam traiecit, & Adrianopoli sedem elegit, vt eò commodius VValachiam inuaderet. VVeiuoda VValachia videns se Turcis imparem, pacem petit, & præter tributum annuum etiam filium obsidem dat Mahometi.

Sigismundus Turcis ad Danubium transitum interclusurus, cum ipso ad Columbacium congressus, infelicitè pugnavit. Hinc Mahometes primam iram concepit contra Regem Vngariæ, vt VValachis auxilium ferentem. Verùm quia audit in Asia nouas seditiones ortas inter

Bassas

Bassas, & Begos, vindictam suam in Regem Vngariæ diffundere cogitur, & prius motam turbam componere.

Quare Helleſponto traiecto incredibili celeritate non solum rebelles domat, verum etiam ferè omnes vrbes à Tamerlane occupatas, recuperat.

Interea in Europa Constantiense concilium celebratur, quod anno 1414. coepit & 1418. finitum est. In hoc concilio 1415. 18. Iulij; die Lunæ M. Iohannes Hussus pro hæresiarcha combustus est.

Anser Tarpeij custos Iouis inclutus olim:

In Capitolini victores Huisse Iouis.

A. C. 1416. Emanuel Chrysoloras Byzantinus Synodi membrum extremum 15. Aprilis vitam finiuit.

Ille est Emanuel peritura ex Hellade mæstas

Qui primus Musas transtulit in Latium.

A. C. 1416. 9. Septembris, die Lunæ M. Hieronymus Pragensis, eodem in concilio damnatus, & combustus est.

Ansus Pontificum scedos Hieronymæ mores

Carpere: sis Husi fidus ubiq; comes.

A. C. 1417. 18. Aprilis. Sigismundus Imperator Marchiam Brandenburgensem A. C. 1411. à Iodoco redemptam Friderico V. Burgrauio Noribergensi, ut qui egregiam illi in bellis Vngaricis nauasset operam, in feudum dedit, à quo hodierna familia originem ducit, & inter Marchiones Brandenburgenses vocatur FRIDERICVS PRIMVS.

Taceo horrendam eclipsin Solis totalem 1415. 7. Iunij die Veneris, hora 8. A. M.

Mahometes victor Prusam redit, & DE O suo templum à fratre inchoatum absoluit, & insuper scholam, & hospitale amplissimum. Dum hæc agit adhuc ætate floridus vitam finit Prusæ anno Christi 1419. Mahometis 821. Mors. regni 14.

Synchroni Mahometis primi	Liberi Mahometis.	{ Amurathes qui patri successit Mustapha quem impuberem pater moriens Ali-Begocom- mendauit, & in Ciliciam allegauit: at tandem proditi- one curatoris captus, & strangulatus est.	
		{ Imperatores	{ Orientis, Emanuel adhuc imperauit. Occidentis, Sigismundus 1411. 27.
	{ Pontifices		{ Romæ { Gregorius XII. 1406. 8. remotus. Alexander V. 1409. 1. Iohannes XIII. 1410. 5. abdicauit. Martinus III. dictus V. 1417. 13.
		{ Auinioni { Benedictus XI. et si in concilio Pisano re- motus tamen sedet.	
		{ Elector Brandenburgicus, Fridericus I. 1417. 24.	

1419

7. AMVRATHES II. 31.

Septimus Huniadis Amurathes prælia sensit.

Ingenium.

Amurathes eius nominis secundus, filius Mahometis, eius nominis primi, vir prudens, sagax, liberalis in milites heroicos, pro ingenij acumine satellitum regium reformauit, & ad exemplum Phalangis Macedonicæ Alexandri Magni Ianizaros numero auxit, & in ordines certos disposuit. Ad hoc enim tempus usq; tantum pedites erant, & ab Othomano instituti. Iam verò benè meritos equo donauit, & à latere suo comites esse iussit, recens autem receptos satellites, pedites voluit. Quomodo autem disposuerit, supra capite quarto in nomenclatura est ostensum. Hi milites admodum magna habent priuilegia, & licentiam, adeo ut ipsi Sultani sibi ab ipsis metuant. Adhæc liberum eis est Mahometismum in quo instituuntur, si paruuli capiantur, & adducantur in Saraio, vel retinere, vel abijcere: si maiores sint, non necessario vrgentur recipere Alcoranum.

Regni

Regni æmulos habuit duos Mustaphas, videlicet Mustapham patrum, qui ex carcere fratris Mahometis aufugerat, & à Græcis in Lemno captiuus detinebatur: Et Mustapham fratrem in Cilicia, sub cura Ali-Begi, Bassæ Ciliciæ, Caramaniæ exulantem. Hos Amurathes, vt captiuos parum metuens, quietem eligit, & paterno regno contentus, id agit vt iusticiam, & pietatem Othomanicam florentem habeat.

Byzantini, Baiazetes Bassa, & plurimi Bassæ & Begi Europæ hoc sentientes bellum pro pace diligentes, sibi regnum quærent. Quamobrem Mustapham è Lemno reuocatum & exercitu Græco instructum, contra Amurathem patruelem mittunt, iubentes vt regnum, sibi debitum, recuperet. Verùm cum Mustapha iam per triennium restitisset, viuis captus, neruo arcus suffocatus, & de pinaculo muri Adrianopoli suspensus est. Hunc Turci Pseudomustaffam vocant.

Græci hoc supplicio territi pacem petunt supplices, qua non impetrata, Mustapham Amurathis fratrem adulescentem tredecim annorum ex Cilicia aduocant, nouisque copijs contra fratrem emittunt. Hic Mustapha vi quidem Nicæam occupauit, ast à militibus fratris obrutus, & percuratorem Ali-Begum proditus, simili quo alter supplicio vitam perdidit, & Prusæ ad parentis monumentum, sepultus est.

Sublatis dicto modo æmulis, in Georgium seniore Seruiæ Despotâ arma mouet, eiusq; ditionem miserrimè vastat. & hinc Ibrahimum-Bassam Adrianopoli sepelit.

Sequenti anno quasi diuino oraculo monitus exercitum magnū conscribit, præcipuè recreatus natiuitate filij Mahomeris, peragrata Thracia, acceptisq; in ditionem

vrbibus, quæ Byzantino Imperatori reliquæ erant, Thesalonicensem urbem Pauli epistolis, antiquitate, & mercatura nobilissimam vi expugnatam penitus diripit.

Inde Tomaro, & Pindo montibus transiens, continuo victoriæ cursu omnes regiones ad Isthmum usque, incredibili celeritate domat. Iohannes Castriotus princeps Epirotarum, Turcorum vim repellere cum non posset, pacem impetrauit hac conditione, vt Croiam cederet Amurathi, & filios Constantinum, Reposium, & Georgium (qui postea Scanderbegus vocatus) obsides daret.

*Epirus de-
ditionem
facit.*

Epiro hac ratione capta, adeoque deinceps Illyride, Albania & Bosnia partim peruastatis, partim subactis, Bulgariam adiit, & Despotam denuò hostiliter visitauit.

1458

Georgius Despota Turcicam vim cum vltius sustinere non posset, Stephano filio maiori Synderouiae regnum, & arma contra Turcos commendat, assumtoq; minimo filio Lazaro in Vngariam ad Albertum auxilia allaturus proficiscitur. Hunc reliqui praelati & proceres, subsequuntur Turcos fugientes.

*Syndero-
uia expu-
gnatur.*

Turci hoc audientes partim Synderouiam obsident, partim vicinas vrbes Seruiæ domant.

Albertus Austriacus Georgij precibus excitatus, exercitum collectum Budam ducit, & ibidem audiens Episcopum Strigoniensem (qui Archiepiscopus Vngariæ, & corona, regaliumq; regni custos) obijisse, retrocedit. Inde rursus precibus Georgij vocatus, satis lento gradu ad Tibiscum fl. venit, eoq; superato castra intra Tibiscum & Danubium locat.

1439

Interim Turci Synderouiam mense Augusto expugnant, Stephanum, eiusq; fratrem Georgiû Despotæ filios

em-
a-

emasculatos & exoculatos in carcerem detrudunt, & Bassam cum præsidij in vrbe relinquentes in hyberna se recipiunt.

Albertus id audiens etiam retrocedit, & in itinere cum plurimos milites alui fluxu extinctos amisisset, ipsemet eodem morbo correptus, antequam Viennam attingeret, in pago Nesmel circa Posonium 27. Octobris moritur, & Albæ-regali solenni pompa sepelitur.

*Alberti
Mors.*

Georgius spe sua cadens, Amurathi supplex fidem & filiam offert, sperans se hac ratione regnum, & filios (quos nesciebat excacatos) recepturum.

*Despota
deditionem
facit.*

Elisabetha autem Alberti Austriaci (Imperatoris Romani, & regis Vngariæ) relicta vidua grauida (filia Sigismundi Imperatoris) regno præsentis in rerum discrimine volens consulere, consilio procerum Vngariæ, Ladislaum, Ladislai Iagellonis regis Poloniae filium, Lithuaniae ducem, sibi maritum quærere conatur. Ast dum legati Sponso talia renuntiaturi in itinere adhuc morantur, ipsa 22. Februarij parit posthumum, vocatque Ladislaum: iubetque reuocari legatos, ut quæ iam filio velit regnum reseruare: Legatos, qui nihilominus suum mandatum effecerant, ut rebelles supplicio afficit, & cum infante Albam-regalem fugit. Quid multis? Ladislaus Polonus Sponsus venit, & Sponsam fugientem quærit. Hinc Vngaria in duas partes scinditur. Proceres à partibus viduæ stantes, Ladislaum posthumum (Cum enim quatuor Ladislai in his historiis occurrant, eos sic distinguere volui, ut 1. vocem Ladislaum Iagellonem 2. Ladislaum Polonum Iagellonis filium. 3. Ladislaum Vngarum Casimiri Magni filium. 4. Ladislaum posthumum, filium Alberti) Albæ-regali per Dionysium Zechinum Archiepiscopum Strigoniensem Cardinalem, coronant infantem Regem Vngariæ

*Ladislaus
Polonus
Sponsus
quæritur.*

1440

*Ladislaus
posthumus
nascitur.*

Vngariæ in locum defuncti Alberti patris. Mater cistam quandam subornatam vt coronam, & regalia regni continentem, proceribus commendat, & cum coronato infante in Boëmiam & Austriam fugit, veramq; regni coronam & Thesauros secum aufert. Hinc variæ dissensiones, & plurium regum salutationes. Ladislaus Polonus, Sponsam non inueniens, partim blandis verbis, partim donis aliquot proceres Vngariæ in suas partes trahit, inter quos præcipuus fuit Iohannes Huniades comes Bistricensis, à patria Coruinus cognominatus (*à Turcis verò Ionco vocatur*)

Scanderbegus defecit.

Scanderbegus.

In Turcia non minores fuere dissensiones propter defectiones Despotæ, Caramani, & præcipuè Scanderbegi. Georgius enim Castriotus, Iohannis filius, qui hætenus cum fratribus (*quos, post mortem patris, Sultanus sustulit, & Georgium reseruauit*) obsidis loco in aula Turcica fuerat, & in Mahometismo educatus, & propter eximiam indolem Scander-begus quasi alter Alexander, vocatus: cum iam solus Turcico Sultano aliquot victorias obtinuisset, ac proinde apud Sultanum per delatores clam accusatus, ac si coronam affectaret, mutatum Amurathis animum sentiens, qua potuit calliditate celauit metum (*Querebatur enim ad mortem: ista nimirum est merces bene meritum apud Turcos, si delatoribus inuissiant. Nullam enim victoriam reliqui Bassæ, aut Begi obtinere hætenus: Solus Scanderbegus columna erat regni Mahometici*) & aliquot copijs stipatus, contraq; Christianos emissus, oblatam occasionem arripit, & fugiendo in patriam fugit, nouoq; exercitu collecto apertum bellum Amurathi indicit. (*Hanc defectionem Barletius dicit A. C. 1424. factam.*)

Amurathes Mustapham Bassam, vt callidissimum mittit in Epirum, vt Scanderbegum capiat. Scanderbegus verò

verò Vranoconti Croiam, adeoque rem Epiri committens, cum suo exercitu in occursum Mustaphæ properat, eumque inter rusticos pabula quærentem ex improviso obrutum cum 2000. Turcis cædit, & victor ad suos rediens, omnia in Epiro magis, magisque munit.

Similiter Caramaniæ Bassam defectorem infelici prælio conatur reuocare. Interueniente verò Sacerdote reconciliatur Ibrahimus Bassa Caramaniæ Amurathi. *Caramanus defecit.*

Georgius Bulcouicius Seruiæ Despotæ, etiam se ut defectorem ad mortem quæri sentiens, thesauros regni corradit, & assumpto Lazaro filio Ragusum fugit. Post paucos verò dies Amurathes senatum Ragusensem literis monet, ut reddat Despotam. Despotæ id audiens ulterius fugit, & operam suam Huniadi contra Turcos offert. *Despotæ defecit.*

Reliqui Bassæ Turcici in Seruia cum plurima deuastassent, ulterius pergentes quidam Belgradum Vngariæ propugnaculū obsidione cingunt: quidā Nouiogradum expugnant. Iohannes Vranus Florentinus præfectus Belgradi literis Ladislao Polono suam sortem significat, & auxilium petit: & interea dum auxilium expectat, per septem integros menses Belgradum defendit, & Turcorum inauditas vias euertendi urbem sua prudentia intercludit, Turcosque repellit. *Alba Graeca obsidetur. Nouiograd.*

Sub initium veris Ifacus Bassa præfes Synderouien- 1441
sis Belgradum arctius obsidet. Huniades Sauo, Danubioque incredibili celeritate traiecto, intra Belgradum & Synderouiam castra locat, & callidè hostem à tergo aggreditur, & cædit, obfessosque liberat.

Ladislauus Polonus Iohanni Huniadi, Comiti Bistricensi victori, non solum regalia dona mittit, & gratulatur de victoria, sed insuper ipsum Huniadem perpetuum *Huniades fit Vcino da Transyl.*

Transylvaniæ VVeiuodam, seu præsidem creat.

Mezethes hoc audiens Danubio, & Daciæ alpihus magno & periculoso labore superatis *Transylvaniam* inuadit, vt nimirum Huniadem à Belgradi defensione reuocet. VVeiuoda Despotæ Belgradum committit, & assumtis aliquot copijs patriam defensurus Mezethi occurrere parat: Videns autem se copijs imparem hosti retrocedit, & auxilio, consilioq; Georgij Lepen Episcopi Taurunensis (*seu Alba Græcæ*) hostem prædis onustissimum, & Danubiū traijcere laborantem, noctu obruit: Mezethes infidias hinc inde struxerat, & Huniadis copiæ ab ijs profligantur, & Georgius Episcopus Taurunensis ipsemet occumbit. Huniades socij morte cognita rusticos armat cum ciuibus, & dolum sequenti dolo pellit.

Comes si-
duc.

Simon quidam Transylvanus, Huniadi per omnia similis, subornatur armis equitum, & satellitio VVeiuodæ vt Mezethi occurrat. Huniades ipse à latere hostē aggreditur cum rusticis. Mezethes Simonē videt, & Huniadem VVeiuodam credit: Quare relictis omnibus alijs, & spre-
tis rusticis in solo illo Simone moratur, neq; retrocedit priusquā illum sustulerit. Cæso igitur Simone pro Huniade duce seu VVeiuoda, sperat iam reliquum exercitū deductionem facturum: verū dum hæc securus sperat, sequenti nocte à vero Huniade obrutus, cum omnibus Turcis deletur. Erant enim non pauci captiui in Turciā adducendi, hi suum Dominū rustico habitu, & comitatu ornatum agnoscences, in suos abductores conuersi, præcipuam cladem Turcis inferunt. Hac ratione Huniades non solum Mezethen Bassam cum filio & 20000. Turcis cæcidit, sed & innumeros captiuos liberatos in gratiam recepit, & in cacumine Alpium Daciæ monumentū triumphale erexit:
prædam

Mezethes
caditur.

prædam partim DEO, partim militibus, partim suo regi tribuit. Nam milites recreauit: Monasteria quædam restaurauit, quædam fundauit: currum, quem decem candidi equi Turcici trahebant capitibus Turcorum (*inter quæ Mezzerhis, & filij, & tertij cuiusdam Bassæ senioris capita erant supremo loco erecta*) onustum Ladislao dono misit: additâ simul epistolâ, qua rogauit vt reconciliaretur Poloni, Vngari, Boëmi & Germani (*inter alia hoc ipso 1441. anno, & munitissima arx nobilissimorum nobilium ab Aluenschlebe, Erxlebia (quasi Erichleben seu Erixi-sedes) ab Henrico Mansueto Duce Brunsvicensi, & Othone Lunaburgensi duce arctissima obsidione cincta fuit, & tamē seruata*) mutuis bellis & obsidionibus se eneruantes, & coniunctis viribus contra Turcos veniant: cum Turcos hostes publicos repellere sit vtile & gloriosum: subditos intestinis vulneribus conficere noxium & probrosum.

Neq; verò surdis fabulam. Nam reliqui Europæ proceres magnitudinem periculi, & veritatem verborum Huniadis videntes, pacem quærunt, & præcipuè Ladislaum Iagellonem cum Vngaris: Ladislaum Polonum cum Elisabetha Ladislai posthumi matre reconciliant. Nam Iulianus Cæsarinus Cardinalis Legatus Pontificis, solenni ritu sponfos his conditionibus placat, vt regina ambas suas filias duobus fratribus Ladislao Polono, & Casimiro Magno desponderet. At reconciliatione iam confirmata, Elisabetha vidua mater Ladislai Posthumi Iaurini, al. Rabæ, moritur, dum in itinere adhuc est.

Similiter Boëmi, & Poloni, & Vngari in mutuam redeunt gratiam certis conditionibus, vtrinq; approbatis.

Hinc consilio & suasu Iuliani Cardinalis, omnes coniurant in deletionem communis Christiani nominis hostis, militemq; per totam Europam conscribunt.

*Coniuratio
contra Turcos.*

1442

Amurathes autem plenus doloris & irarum Sophiam se recipit, & alios exercitus conscribit, quos per VVallachiam mittat in Vngariam. Quin & alios in Albaniam, & Epirum contra Scander-begum, tertias copias in Asiam contra Ibraimum Caramanix Bassam. Sed Scander-begus desiderabatur, & apud Turcos nulla victoria.

Amurathes abdit cauit.

Quapropter suis rebus desperas Amurathes senectutem, luctumq; de Aladino filio, Amasij defuncto, prætendit, & sceptrum, onusq; regni tradit Mahometi filio adolescenti duodecim circiter annorum (*alii volunt 15. annorum fuisse.*)

Ladislaus Polonus cum 15000. Polonis, Vngaris, & Germanis armatis Budam venit, exercitum lustratum 15. Maij educit Belgradum. Bassæus Bassa ex Macedonia per Mysiam ad Istri ripas venit, castra ad Nicopolim locat, Danubium traijcit, VVallachiam vastat, & Transylvaniam petit. Huic se obijcit Iohannes Hunniades, cognomine Coruinus, pugnatur acerrimè, cumque vno die quinquies concurrissent, tandem Hunniades palmam obtinuit 30000. Turcis cæsis, 4000. captis, & reliquis profligatis.

Sciabadinus Bassa cum suo exercitu Belgradi obsidionem vrgeret laborat. Verùm Ladislaus Polonus cum suis ei occurrit, conflictus vtrinq; fuit acerrimus, ast tandem Sciabadinus succubuit cum suis copijs, & Ladislaus victoriam reportauit.

Moldauia & Sernia pars recuperatur.

Atq; hoc modo hi duo Scipiones coniunctis viribus triumphantes totam *Moldauiam*, & bonam Seruix partem recuperarunt. Neq; verò satiatus Huniades fuit, sed explorata loci ratione, iter in Macedoniam instituit, & angustias Hemi montis (*Turcicè Isladi*) penetrare tentauit.

Verùm

Verùm non tam Casanis (*quem vicit*) & Turcani (*qui fugit*) copijs, quàm violentia hyemis, & præcipitijs montium motus, ad suos redijt, & exercitū in hyberna duxit.

Proceres Turcici pueri imperiū pertæsi adeunt Amurathen Manissæ priuatam vitam agentem, & monent multis motiuis additis, vt recipiat sceptrum, præsertim in tali rerum discrimine, vbi omnia videntur ruinam regni Turcici minitari.

Amurathes reuocatur.

Amurathes sororium suum Carambum-begum, Bassam Phrygiæ (*al. Carambegus*) Bassæi Bassæ fratrem ex Asia in Europam vocat, absq; respectu frigoris.

Carambus begus celeritate Othomanica vsus Huniadi se obijcit, pugnatur acriter. Carambus equo in glacie hæsitante, & titubante capitur, & Scipionibus Ladislao, & Iohanni viuus offertur.

Carambus capitur.

Georgius Despota Carambum virum ætate grauem catenis vinctum ad caminum videns, non tam obstupuit, quàm in lacrymas largissimas est solutus. Cumq; Turcicè cum eo multa locutus esset, conuersus ad Ladislaum suasisit, vt reduceretur exercitus.

Ea ipsa autem nocte, qua Carambus captus est, Alibegus Carambæi successor est constitutus, qui nouo stratagemate, nimirum ad exemplum Fabij, rem cunctando agere decreuit. Ast

Fallitur augurio spes bona sæpè suo,

& nusquam, Cæsare teste, minus consilij respondet euentus quàm in bellis. Nam dum quàm callidissimè omnia hinc inde disponit & frigori confidit, Ladislaus & Iohannes Huniades hyemis patientissimi irruunt in cunctatorem, pugnatur grauiter. Non tam enim cum hoste, quàm cum glacie, & fruticibus erat pugnandum. Tandem

uterque vi frigoris fractus prælium dirimit, & Ladislaus Belgradum victor ingreditur, & in triumpho Carambum-Begum ostentat.

*Angelus
an Mona-
chus perso-
natæ.*

Sub noctem huius pugnae contra Ali-Begum Adolescentem ignotus stola candida indutus equo celeri Constantinopolim ingressus est, & cladem Turcorum nūciauit: insuper monuit ciues Byzantinos, vt ulterius pergant contra Turcos. Hoc sermone finito euauit.

*Nova ex-
peditio cō-
tra Turcos.*

Quapropter nouae induciae inter tres illos Ladislaos in Polonia, Boëmia, & Vngaria sunt factae, pariterq; noui apparatus bellici in Germania. Nam miles ex omni Germaniae angulo, imò ex omni orbe Christiano conscribitur. Iohannes Huniades Coruinus VVeluoda Transyluaniae communi omnium consensu summus Dux militum Christianorum constituitur.

1443

Ineunte vere, in Asia Caramaniae. seu Ciliciae Bassa seu princeps, Christianorum victoria excitatus, denuo fide violata Pontum, & Bithyniam hostiliter inuadit, atque ita sibi regnum proprium quærit.

*Scanderbegus
Rex salu-
tatur.*

In Europa Scander-begus Epirotarum Bassa seu princeps, à suis Rex salutatur. Franciscus Florentinus Cardinalis, amiralius septuaginta triremibus Hellespontum occupat, vt Turcis transitum ex Asia in Europam intercludat: Iohannes Huniades Coruinus ingentes exercitus abducit contra Turcos.

*Turca pa-
cem petit.*

Amurathes se, suarq; suorumque vires considerans, adeoq; Europæum magis, quàm Asiaticum hostem metuens, Legatos ad exercitum Christianum mittit, vt pacem petant, & ad Despotam Georgium, rogatq; vt intercedat apud Ladislaum, & Huniadem, & pacem pro virili suadeat, proq; eo beneficio promittit ei, non tam restitutionem filiorum, quàm regni.

Quia

Quia responsum differtur, non contentus primis legatis etiam secundos ad Huniadem, & tandem etiam tertios ambassatores ad Ladislaum ipsum ablegat, & quibuscumque modis potest, pacem flagitat. Legati postremi 13. Iunii Segedinum veniunt, & insigni oratione, qualem nemo facile in barbaris istis quæsuisset, vel pacem, vel inducias supplices petunt. Consultatur utrinque varijs, multisque rationibus, & demum post multas parlamentationes, *Pax cum Turcis ad decennium literis, & iuramento confirmatur.* *Pax cum Turcis.*

Cum Franciscus Cardinalis Amiralius hanc pacem Iuliano Cæsarino Cardinali, legato pontificio, retulisset, eum (*quod non aduocassent ad tales transactiones*) ira furiosum reddidit. Iulianus enim senatum Cardinalium conuocat, mandatum ex Eugenio pontifice elicit, in Vngariam volat, proceres conuocat, & in frequenti corona eorum, proluxa oratione testatur, has inducias omnino esse rumpendas, cum vel *iniquissimum bellum sit turpi paci præferendum, adeoque fides hosti non seruanda.*

Interea Bassæ Turcici, ne violatores pacis videantur, absque omni interiecta mora vrbes Mysiæ, & Seruiæ restituant Christianis (*sic enim inter alia conuenerant transactiones pacis*) & 40000. ducatis Huniadi numeratis Carambum-Begum redimunt.

Poloni qui diu iam regem suum non viderant, Legatos ad Ladislaum Polonum mittunt, & monent ut tandem aliquando ad patrium regnum redeat, & iudicium, iusticiamque debitam administret. Parum verò impetrant. Respondet enim Ladislaus: redite in patriam, & pro virili concordiam conseruate, iam iam tertia victoria de Turcis cæsis, clarus redibo, & omnia restituiam.

1444

Amurathes pace in Europa impetrata reliquias exercitus sui recolligit, nouisq; auget, & Bassam Caramania, vt tertio rebellantem, funditus delere conatur: simulque & Ferisium Bassam iubet ire in Epirum contra Scander-begum qui subinde arces & vrbes Turcis adimebat.

Scander-begus hoc audiens, suos armat, & callidè inter montes & syluas distribuit, & 12. Augusti Ferisium Bassam cum 9000. Turcis cædit. Inde contra Venetos redit, & cum iisdem nauali prælio certat, & victoriam reportat. Audiensq; Mustapham Bassam in Epiri finibus sæuire, relictis præfidijs contra Venetos, incredibili celeritate vsus Mustapham, ex improviso obrutum, cædit. Mustapha recolligit suos, & secundò se Scander-bego opponit. Scander-begus 5000. Turcos cædit, & 300. captiuos abducit, & tertio cum Mustapha congressus, omnes Mustaphæ copias delet, ipsumq; Mustapham in prælio interimit.

*Expedi-
tio
Ladis-
lai
Poloni.
Crucigeri
quid sint.*

Ladislaus Polonus (seu rex Polonia & Vngaria) interea Christianos exercitus recolligit, eosque lustrans 16000. armatos inuenit (plurimi enim Crucigerorum, qui videlicet vestes & arma sua crucis signo notauerant, ad sua se receperant, vt quibus omnino displicebat consilium Iuliani Cardinalis, & factum Ladislai regis) iubet igitur vt placidè festinent, & Turcis ne minimam iniuriam inferant, ad Hellepontum enim primò hostilem animum detegendum.

Turci his liberum iter, vt suis confœderatis, & amicis concedunt, & insuper hospitalitatem suam eis non obscurè probant.

Vbi ad Nicopolim venit Ladislaus eam urbem oppugnatam intra paucos dies expugnat.

Vladus

Vladus Dracula VVallachia princeps Ladislao se so- Dracula
 ciaturus, & pro liberatione patriæ pugnaturus, vbi ad La-
 dislaum venit, & copias tam exiguas deprehendit mutato
 animo, primo suavit, vt redirent in Vngariam. Nam A-
 murathen pluribus copijs stipatum esse, quando in vena-
 tione proficiscitur, atq; ipsum Ladislaum. Deinde verò
 quia Iulianus Cæsarinus Cardinalis, pro sua eloquentia
 contrarium probat, ipse Dracula pedem retrahit, & in
 VVallachiam reditum parat, cum suis copijs. Ne tamen
 pro proditore habeatur, filium suum cum aliquot militi-
 bus eis socium addit: simulque duos equites, qui Vngaris
 viâ per angustias montium ostendant. Cumq; iam valedi-
 cense equum conscenderet (*in VVallachiam rediturus*) ad La-
 dislaum, & filium suum dixisse perhibetur: Ite, & tu mi
fili age viriliter, & à Ladislao disce militiâ, & graue Mar-
tis opus: si redieritis hisce meis ego oculis videbo.

Ladislaus Rex Draculæ verbis monitus Sagam nobi- *A diabolo*
 lem in pago Sullon consulit, quæ respondet: *Ladislae tu* *constitum*
non redibis, Varnam enim metuo. Iulianus vetulam ridet, & *St Saul.*
 diabolicos lusus spernendos testatur.

Quare incoëptum iter continuant, naues Turcorum in
 Panilo fl. inuentas diripiunt Rex & Cardinalis, nauesq;
 ipsas comburunt. Vngari exemplo superiorum abutun-
 tur, & absq; respectu religionis templa. & monasteria spo-
 liant, virgines vestales stuprant, & quibuscumq; possunt
 modis suam impiam mentem produnt. Hanc impietatem
 cum acrius taxarent concionatores bellici, & propter e-
 andem eis mortem prædicerent, Iulianum mouerunt, vt
 publico edicto talia prohiberentur.

Hinc vterius pergunt, & hinc inde arces suis præsi-
 dijs muniunt, vt liberam viam sibi faciant eundi, & rede-
 undi,

undi. Præcipuæ vrbes, quæ deditiōem fecerant, erant, *Sannium, Pezsch, Macropolis, Calacrium, Galata & Varna.*

Atalum o-
men.

Ad Varnam Ladislaus dolore sinistrae tibiae decumbe-
re incipit; quapropter cursum suum sistit. Interim & epi-
stola Francisci Amiralij adfertur, quæ nuntiat Amurathē
cum maximis copijs redire in Europam, corruptis quippe
auro nautis. Nam Genuensis quidam nauta à singulis Tur-
ad preuen-
tu
cis ducatum naui loco accipiens, eos transuexerat.

Sed dum nuntius aduenit, pariter & Amurathes ipse
Adrianopolim præterit, & audiens ubi Ladislaus iam æ-
grotans sit inueniendus, noctes diesque pergit, & septimo
die Varnæ agros attingit.

Pugna ad
Varnam
1444. 10.
Novembr.

Iulianus & Huniades quàm prudentissimè suis castris
consulunt, & aciem instruunt. Ipseque Ladislaus dolo-
ris obliuiscitur, & vnà videt quid rerum geratur. Etsi i-
gitur Episcopus Agriensis dicit castra potius cruribus,
quàm curribus munienda: Tamen Coruinus, quod bonum
iudicat, facit. Ladislaus in medio, Huniades dextrum,
Micaël Niger sinistrum cornu ducit.

Similiter Amurathes in medio, Bassa Asiæ dextrum,
Bassa Europæ sinistrum cornu tenet.

Concurritur: Asiatici à Nigro profligantur, similiter-
que Europæi à Coruino.

Iam tempus erat, vt vel Franciscus Cardinalis amira-
lius classis Christianæ succurrisset, vel secundum consi-
lium Huniadis prælum suspendissent, vsque ad aduētum
Francisci, quem proximum dicebant.

At Ladislaus Polonus gloriæ cupidus, quadrata acie
in hostem irruit, & magnam stragem edit. Amurathes ex
acie elapsus in colle vicino hoc videns, eleuatis ad cælum
oculis, & manibus dixit: *O Iesu, si tu es verus DEVS, ut isti fedi-*

Turci ora-
tiō

fragi

frangi gloriantur, vindica nomen, & Euangelium tuum per quod in-
rarunt, & pacem decennalem Sanctè promiserunt. Dum loquitur,
 ecce facies alia praelij elucet. Nam Vngari vicinitate ca-
 melorum capti victoriam certissimam sibi somniantes, sta-
 tionem suam deserunt spolia allaturi. Ladislaus solis se-
 ptuaginta equitibus stipatus medios irrumpit in hostes,
 & viriliter agit. Turci partim cæduntur, partim terga ver-
 tunt. Vbi verò Cheser-begus vir ætate grauis vidit Vnga-
 rorum aciem turbatam, eosq; ex præfidiarijs curribus e-
 uocatos, suos reuocauit; Quid fugitis socij iam vicimus,
 in manibus nostris habemus ipsum regem Ladislaũ, respi-
 cite modò, neq; ita turpiter, & infano modo fugite. Hæc
 dicens senior ipsum regem Ladislaũ, Ianizarorum-Agam
 suo gladio transfodientem, aggreditur, satellites succur-
 runt, pedes equo Ladislai abscindunt, ipsumq; vulneribus
 pluribus conficiunt: Cheser-begus, & dextram & caput ei
 abscindit, abscissum pilo infixum Vngaris ostentat. Cor-
 uinus & Niger spolijs onusti sub vesperam victores rede-
 unt, regis autem caput videntes planè exanimatur. Corui-
 nus multum mouet, si regis sui corpus recuperet. Ast ne
 Hercules quidem contra duos; Iulianus Cæsarinus Car-
 dinalis, quam plurimis vulneribus confectus occumbit:
 num sepultus fuerit, dubitatur. Huniades in fugā se conij-
 cit cum vno, atq; altero satellite. Amurathes accedit, & ca-
 put Ladislai cum non absq; largis lacrymis aspexisset, iu-
 bet vt manus & caput Tatarorum Regi dono mittantur, in
 signum nouæ amicitiae. Corpus reliquũ ad Varnam regio
 sumtu sepelit, & columnam ad sepulcrũ erigit, cui inscri-
 pta præclara facinora, & victoriæ tam iuuenis regis. Erat
 enim Ladislaus Polonus iuuenis annis, cõsilijs senex, cor-
 pore procerus, & animo magnus, patientissimus laborũ, &
 inedia: *Hinc Eteostichon*

Ladislaus
Poloni
Mors.

ReX CæsVs GetlCo bonVs InterIt ense LaDisLâVs:
EnqVantas noxas fœDera fraCta trahant !

Notum est & Tetrastichon :

*Romulida Carras , ego Varnas clade notauī:
Discite mortales non temerare fidem.
Me nisi Pontifices inſiſſent rumpere ſœdus,
Non ferrent Scythicum Pannonis ora iugum.*

In huius victoriæ memoriam Amurathes nouos aſpros cu-
dit, & in omnibus téplis DEO & Mahometi gratias agit.

*Huniades
fugit.*

Huniades fuga elapſus primùm mirificè e manibus la-
tronum liberatus, poſtea in opilionis manus incidit, & vi-
uus Draculæ oblatuſ eſt. Dracula eum carceri includit,
& poſt aliquot meſes ſuo comitatu eum reducit in Tran-
ſyluaniam.

1445

Amurathes cum Hexamilo Iſthmi deſtruçto Pelopon-
neſum ſuam feciſſet, Macedoniamq; recuperaviſſet , aduer-
ſus Vngariam redit, & omnia ad Sarnon fl. vſq; deuaviſt.
Huniades ei obuiat, & quia viribus ipſi eſt impar , callidè
ignes hinc inde accèdit, quaſi Vngari genio indulgerent,
ac interim clam aciem inſtruit, & ex inſidijs Turcoſ igni-
bus ſecuroſ reditoſ, obruit, & in fugam conijcit.

*Huniades
prorex Vn-
gariæ.*

Victor itaq; in Vngariam rediens in ferijs Pèntecoſtes
à proceribus regni, ſalutatur Prorex Vngariæ, & curator

1446

Ladiſlai poſthumi, qui erat puer quinquenniſ.

Hinc iniuriam illatam vindicaturuſ, in Draculam ar-
ma mouet, victuſ, captuſq; decollat , filium eiufdem iu-
niorem excæcat , maiorem natu ſucceſſorem patri conſti-
tuit, vt vaſalluſ VVallachiæ, & in Vngariam redit.

Interea Vngari admodum ſolicitè à Friderico III. Im-
peratore, & Ladiſlaum poſthumuſ regem ſuum, & coro-
nam regni Vngarici repoſcunt, ſed fruſtra. Quamobrem

Hunia-

Huniades hostiliter Austriam ingreditur, adeoq; Styriam & Carinthiam, & tandem spolijs onustus redit in Vngariam.

Amurathes recolligit copias in Vngariam mittendas. 1448 Huniades implorat auxilium Despotæ. Georgius Despotæ Seruiæ denegat, vt qui antea per decennalem pacem *Despota proditor.* suum regnum receperat, & iam à Turcis stabat: adeoque ipsi Amurathi omnes conatus Huniadis reuelat.

Huniades ad Scander-begum confugit, monetque vt Turcos à tergo adoriatur, dum ipse eosdem à fronte. Quia verò Scander-begus suum aduentum differt. Huniades nolens volēs die Lucæ, qui dies Iouis erat, Turcis obijcitur, 18. Octob. nox prælium dirimit: sequenti die pugna continuatur ad occasum vsque Solis: Tertio die denuo concurritur, Turci periclitantur, Amurathes denuo ad preces conuersus eleuatis oculis, manibusque in cælum, ait: MI DEVS *Turca ratio.* exiguum hunc gregem orthodoxorum tuorum hoc biduo penè deletorum, ne dato in manus hostium, propter mea multiplicia peccata, sed serua & defende eos in laudem tuam, & dilectissimi tui Mahometi. Vngari audacius rem agentes, & victoriam sibi somniantes, fatigati partim cæduntur, partim fugiunt. Huniades cum vnico satellite salutem quærit, quo à tergo traiecto solus per dumeta euasit ex Turcorum manibus, sed in manus latronum incidit, ex quibus tamen mirabiliter liberatus est: dum videlicet certarunt de torque aureo, quem de collo gestabat Huniades. Hinc casam rustici ingressus ab ipsius seruo proditus, & Despotæ Seruiæ spe premij traditus est. Despotæ eum in carcerem abduci iussit, paulo post tamen vicissim dimisit: in ferijsque natiuitatis Domini Huniades Segedinum redijt, & regno est restitutus.

Amura-

1449

Amurathes audiens Huniadem à Despota dimissum iratus in Despotam, vt parum fidum, arma conuertit. Despota confugit ad auxilium Huniadis, cum nesciat, neminem alium post Scander-Begum, qui Turcis resistere possit. Huniades potius Turcis resistere, quàm illatam iniuriam vindicare volens, Synderouiam festinat, Turcicas cohortes cædit. Seruiamq; liberat.

1450

Amurathes Scander-begum quotidie plura loca Turcica suo regno adijcere audiens, maximas copias ipsemet in Epirotas educit, Croiam arctissima obsidione cingit. Verum prælijs ab eo victus ægrotare cæpit, morbo nimium ex mœrore animi contracto, ex castris Hadrianopolim in lectica deductus est, vbi & paulo post Apoplexia extinctus est anno Christi 1450. anno Mahometi 855. regni 31. 3. Octob. aiunt eum viuas manus instar rabiosi canis momordisse, & rosisse, antequam exspirauerit.

Mors Amurathis
11.

Aladinus, qui in *Amasia* adolescens obiit

A. C. 1442.

Mahometes II. qui successit patri, iuuenis 21. annorum,

Turcicus qui adolescens octodecim annorum, iubente & spectante fratre Mahomete submersus est à Mose-Bassa. Mater iusto Zelo mota Mosem culicella transfodit, & cor eius ex pectore extractum canibus obijcit spectante eodem nouo Sultano Mahomete secundo.

Filii Amurathis II.

Celebinus qui puer sex mensium per Hali-Bassam iussu fratris suffocatus est. Quidam tamen aiunt supposititium puerum ab Halino Bassa suffocatum, & Tyranno oblatum esse. Verum autem Celebinum Byzantium, & Byzantio capto Venetias, & inde Romam missum, & à pontifice baptizatum. Denique in Austria apud Fridericum Imperatorem reliquum tempus vite transgisse.

Iagupes al. Iacuppus, qui similiter à Bassa suffocatus, & Tyranno oblatum, vt ad parentis latus sepeliretur. Alij tamen volunt hunc & Celebinum vnum, eundemque esse.

Synchro-

Synchroni Amurathis II.

Imperatores	Orientis	{	Johannes VIII. Palæol. 1421. 24.
			Constantinus. xv. Palæol. 1444. 8.
	Occidentis	{	Albertus II. Austriacus 1437. 2.
			Fridericus III. Austriacus 1440. 53.
Pontifices	1. Roma	{	Martinus III. dictus V. 1417. 13.
			Eugenius III. 1431. 16. remotus à consilio Basilienfis.
	2.	{	Nicolaus V. 1447. 8. insignis Musarum patronus.
			Auentoni Clemens VIII. 1424. 5. abdicauit.
Electores Brandenburg.	1.	{	Lusanna Felix III. dictus V. 1439. 9. abdicauit.
			Fridericus I. 1417. 24.
			Fridericus II. Marchio cum ferreis dentibus cognominatus A. C. 1441. 30.
Johannes Gutenbergius Argentincnsis, artem impressoriam inuenit, & inde Moguntiam profectus inuentam artem ibidem primò publicauit 1440.			

De quo Sabinus

*Quæ dedit ars nobis impressos ere libellos
 Facta sub hoc primum Cesare nota fuit.
 Hac si temporibus prisca inuenta fuisset,
 Quæ nihil utilius totus hic orbis habet.
 Nostra libris hodie frueretur pluribus ætas,
 Defraudata quibus secula nostra carent.
 Hanc operosa nouam Moguntia protulit artem,
 Quæ celebris Magi nomen ab æmne tenet.*

Eteostichon:

ParCant sCrIptores oCVLI s ManIb VsqVe: reperta ars:

EXIg Vo possVnt are parare Libros.

Fridericus Marchio Misniæ, & Landgravius Thuringiæ, Elector Saxonie constitutus est, 1423. à Friderico Cesare. Cum his Fridericis cæpit AETAS BELLATRIX.

CAPVT

*Aut Lor
 arch
 pographis*

CAPVT SEPTIMVM

De Imperatoribus.

1450

I. MAHOMETES II. 32.

Byzanti domitor Mahometh prior induperator.

Natales.

*A*hometes eius nominis secundus, filius Amurathis II. iuuenis 21. annorum, ex Maria Seruix Despotæ Georgij filiâ, Christiana matre (*Philippo teste*) natus, & in Christianismo educatus, sed anno 25. ætatis ad Mahometismum coactus, ubi ad iustam ætatem peruenit, Epicureismum amplexus est, & nec DEVM nec Mahometum credidit. Vir fuit procerus, pallida facie, ignescentibus oculis, naso ita adunco, vt labra tangeret. Vt erat ætate: ita masculæ Veneri, auaritiæ, ambitioni & periurijs deditissimus: alioquin artium, artificum, & doctorum virorum promotor præstantissimus, in benè meritos largissimus: historiarum cognitionis audissimus, vnde factum, vt eius historia secundum annos possit haberi: Lingux præter vernaculam etiam Græcæ, Persicæ, & Arabicæ peritus: Astrologiæ præ alijs deditus, adeo vt omnes suas actiones ad motum siderum composuerit.

Fratres suos & suspectos procures tempestiuè sustulit: Patrem suum apud Croiam mortuum, cum Adrianopoli excepisset, Octauus Rex Turcicus est salutatus (*post triennium verò, primus Imperator est salutatus.*)

Res gesta.

Quamprimum patrem suum Prusæ sepeliuit, Ibrahimbegum Caramaniæ Bassam primo congressu victum in ordinem redegit, & omnes inde neruos intendit contra Byzantium

zantium. Quamobrem (*ut imperatorio titulo inhians*) arcem præfidiariam contra Constantinopolim, nimirum ad litus Bosphori Orientale circa Chalcedonem ædificauit, ex qua liberiùs in Imperatores grassaretur.

Scander-begum audiens vxorem ducere *Donicam* Har- I 4 5 I
rianitis, Cominatis Epirotarum nobilissimi filiam, & simul Croiam nouis munitionibus instruere, legationes ad eum mittit, & tributum ab eo poscit: nihil autem impetrans, Amesam ingenti exercitu stipatum eò mittit, vt eum coërceat. Ast Scander-begus Amesam cum prodromis suis montem descendente cædit, & subsequentes in fugam conijcit.

Debreas (*al. Debrias*) Begus Amesæ substitutus à Mose Epirotarum ductore pari calliditate cæditur.

Sultanus igitur dolum dolo tentat pellere, & Mosén auro corruptum, in suas partes trahere. Sentiens autem se in saxis seminare, differt hoc bellum, & iam satis paratus *Constantinopolim* obsidet à longè, adducens 20000. pe- I 4 5 2
dites, & decem millia Ianizaros.

Eius autem conatus minuitur diuersis bellis: siquidem Sebaliam Bassam cum 40000. Turcis mittit contra Scander-begum auxilio Apuliæ regis Belgradum obsiden- *Belgrad.*
tem, qui viriliter Scander-begum ab vrbe repulit. Bassam autem Thessaliæ non minoribus copijs instructum contra Athenienses libidinibus, parricidijs, & dissidijs inuolutissimos, emittit, qui *Athenas* funditus deleuit, ita *Athene.*
vt hodiè vix casæ piscatoriæ illic loci in Attica inueniantur.

Sentiens se munitissimam urbem non satis munitis co- I 4 5 3
pijs obsidere, arctiùs eam vt premat, 40000. Turcos adducit, & 5. Aprilis Byzantium terra obsidet, tribusq; in locis *Constanti-
nopolis ob-
sidentur.*
oppu-

oppugnat. Quin & 250. nauibus eandem sedem Imperatorum Orientis mari obsidet, ita vt Bosphorum tegerent, & quasi pontem naualem ex Asia in Europam facerent.

Hinc expugnationem vrget, & modo globis ardentibus per aërem: modo arietibus, & bombardis nuper acceptis per muros: modo rutris, & puluere nitrato per subterraneos aditus viam in urbem quærit. 27. Aprilis generale ieiunium intimat, & 28. Aprilis urbem militibus diripiendam propinat. Auari milites hoc audientes inaudita solertia, & indefesso labore muros, terra, mariq; oppugnant, adeoq; per vices, vt fatigatis succederent, quiete refocillati. 28. Maij Iohannes Iustinianus Genuensis, imperatoris capitaneus in turri muri grauissimè vulneratus, portam angustam aperit, & in Peram traijcit vulnus curaturus. Id Turci vident, prædictam portam vi intrât, & per totam noctem resistunt ciuibus, ne recludatur. Succurrunt subinde reliqui Turci, similiterq; per vices, vt antea: ciues vero omnes simul & semel laborantes, & per vices Turcis resistere non valêtes. 29. Maij post meridiem aliam portam aperiunt, & fuga salutem quærere conantur. Inuadunt Turci urbem in ipsis ferijs Pentecostes 29. Maij, cædunt obuios quosuis, *Constantinus XV. Paleologus* Imperator, vili habitu indutus, cum ciuibus ad portam oppositâ properans, sub ipsa porta conteritur: ex profugis ciuibus 8000. à tergo vulnerati cæduntur: nam ad miliaris Italici spatium fugientes insequuntur. Hinc reuertuntur Turci, Constantinum inter octingentos mortuos inueniunt, caput abscindunt, & pilo præfixum per castra Turcica ostentant: templum Sophiæ spoliant, ossa Sanctorum canibus obijciunt, in monasterijs, & ædibus ciuium non solum auferunt gazas, & supellectilem, sed & virgines, matronas-

tronaſq; ſtupratas diſſecant, exemplo ſui Sultani, filias, & viduã Conſtantini, poſt Veneris uſum, Martis gladio, tradētis: ne dicam interim de iuuenibus. ad turpiora ſemotis. Cumq; ita per triduũ ſæuiſſent, vrhem ſuis militibus Sultanus muniuit, & arcem Imperatoris cum intraſſet, à Iani-
zaris primò omnium ſalutatus eſt *Primus Imperator Turcicus.*

Altera RoMa potens oplbVſqVe ViliſqVe ſVbaCta

CogitVr à torViſ VInCLa ſVblre getiſ.

Munſterus, & ex Mollero Lonicerus teſtantur auaritiã, & ambi-
tionem fuiſſe cauſſam huius expugnationis. Ciues enim ditiores, cum pauperiores iam ſatis expilati, recuſarunt ulterius contribuere ad alendos, & conducendos milites: Pauperiores verò ditiorum opibus in-
hiarunt, & ex rapto vixerūt. Hinc factum vt Imperator ere carens, non potuerit inuenire milites, aut duces, qui Turcis reſiſterent. Eſto ſanè. Aſt cui gazas ſuas reſeruarunt? Interim tamen nec hoc ne-
gandum, quod DEVS ſcelera & flagitia grecorum voluerit puni-
re, vt Philippus, ſeu Peuceus monet.

Deletis hoc modo Athenis, & Byzantio barbaris ſub-
iecto, Muſæ exules in Italia, & Gallia hoſpitia quæ ſue-
runt, deducenſibus eaſ multis præſtantibus viris, quales fuerūt Georgius Trapezontius, Theodorus Gaza, Iohannes Argyropylus Byzantinus (qui hac ipſa ex tempeſtate mirificè auſugiens ſeruatus eſt à Coſmo Mediceo exceptus: cuius filium Pe-
rrum, & nepotem Laurentium informauit, & Græca Florentia, & tandem etiam Romæ docuit, & A. C. 1471. obiit) Iohannes La-
ſcares (qui legatus Laurentij Medicei maximis gazis inſtructus à Turcico Sultano Baiaſete II. reliquias autorum ex reliquiis Biblio-
thecarum Græciæ emtas collegit, & Florentiæ Mediceorum Biblio-
thecam inſtituit) & plurimi alij.

Vrbe ita occupata, tota Thracia, & bona pars Myſiæ dedi- 1454
tionē facit, Deſpota autē Seruiæ fugit in Vngariã: & Moſes
Scăderbegi capitaneus ad Turcos deficit, auro à Mahomete

corruptus. Verùm cum 15000. Turcos contra Epirum eduxisset, & succubisset, sentiens se vt parum fidum, ad mortem quæri, vicissim ad Scander-begum redijt, à quo & humaniter est receptus.

Papa Nicolaus V. eximius Musarum patronus, indulgentias amplissimas offert omnibus contra Turcum exituris, & Monachum disertissimum Iohannem Capistranum per Europam legatum ad hoc negotij commodissimum, emittit, qui suis concionibus (*quibus vim Turcicam, & periculum imminens pro sua eloquentia admodum exaggerauit*) plurimos mouit, præcipuè verò Hunniaden.

1455

Calixtus V. Pontifex, ne suo officio deesse videatur, etiam Iohannem Cardinalem, de S. Angelo, mittit ad principes Europæ, vt coniungant copias, & sedem Imperatoriam recuperent

1456

Interea Sultanus in Macedonia, & Dalmatia plurimas vrbes suas facit.

Mahometes Hemum, præter spem & opinionem Vngarorum, magno & periculoso labore superat, machinas maiores dissoluit, vt commodiùs per angustias duci possent & in Chrysonico vrbe easdem reparat, & 13. Iunij Belgradum Vngariæ propugnaculum cum cætum & quinquaginta millibus obsidet, & vicina loca igne & ferro vastat.

Alba Gra
etia

Iohannes Huniades (*verè Achilles Scythicus, & murus Christiani orbis dictus*) delatorem suum Vlricum Comitem Ciliensem, adeoq; priuatum odium deferens, publici commodi gratia, Ladislaum Posthumum hortatur, vt contra Turcos militem educat. Ladislaus autem Rex adolescens Vlricum Ciliensem magis audit, & cum vix Budam venisset, venationem simulans, clam Viennam recurrit cum Vlrico.

Hunia-

Huniades autem & Capistranus meticuloſo rege (*qui Budam totos 30. dies Turcis patentem reliquit*) relicto, per Danubium ad Belgradi limites exercitum ducunt. Videntes autem urbem terra mariq; ita obſeſſam, vt vix poſſibilis videretur liberatio, rem callidè aggrediuntur, aciem ad litus Danubij diſponunt, & claſſem ſuam in claſſem Turcorum mittunt. Capistranus crucem auream cum vexillo in prora vibrans, ſuis benedicit, & hoſtibus maledicit, hortaturq; ad animoſitatem. Pugnatur nauali certamine: claſſis Turcica ad obſidionem, non autem ad prælium ſubitum inſtructa diſſipatur, & obſeſſis reſpiratio conceditur, 6. Auguſti. Mahometes, qui Byzantium domuerat, potius Belgradum domiturus claſſis cladem negligens, terra muros vehementius quaſſat, ita vt muri parte deiecta Turci urbem intrarent. Sed Huniades auxilio Germanorum eoſdem ex vrbe repellit, cum ipſis in campo prælium committit, Caraccias Baſſa cum 40000. Turcis cadit: Mahometes ipſe ſub ſiniſtro brachio vulneratus, à Baſſis abducitur, vt vulnus curetur: reliqui Sultanium mortuum putantes in fugam ſe coniiciunt. Atq; ita vrbs 47. die obſidionis liberatur. Mahometes vulnus videns rabioſi inſtar canis latrat, & violentas ſibi ipſi manus inferre conatur, aſt à medicis prohibetur.

Iohannes Huniades ſimiliter hoc ipſo prælio ita eneruatus, vt febris contracta, poſt paucos dies morti ſe vicinum cum ſenſiſſet, & filios Ladislaum fortem, & Matthiam piū adoleſcentes ad Iuſtitiam, & Pietatem excitaret, pedes ætate & bello fatigatos componens 10. Septembris placidè exſpirat. Cadaver in patriam deſertur, & Albæ-Julie ſepelitur in templo D. Stephani (*quin & Iohannes Capistranus 26. Octobris etiam obiit.*) Mahometem Huniades

*Huniades
moriſur.*

niadis morte audita à lacrymis sibi temperare non potuisse referunt.

QVI VIVens SCythICIs fVerat trepidatIo TVrCIs,
HVnnlaDen trIstIs VIVere ParCa Vetat.

Et si Matthias proprie dictus fuerit Terror Turcorum tamen Etcosticho aliquid conceditur.

1457

Ladislaus posthumus, Rex Vngariæ cum Vlrico Cilenfi (à quo totus pendebat) Belgradum visit, & non sine admiratione omnia contemplatur, & Hunniadis virtutē laudat. Vlricus autem, qui inuidia ipsa, Huniadis filios accusat, vt coronam affectantes, regisq; adolescentem animum facile mutar. Ladislaus Huniades vbi hoc rescuit Vlricum aggreditur, & poscit vt vel probet, vel reuocet mendacia. Vlricus gladium in Ladislaum stringit: Ladislaus prouocatus similiter vibrat gladium, succurrunt satellites, & Vlricum multis vulneribus conficiunt, suumque herum liberant. Vlrici familiares accusant Ladislaum Hunniadem, & tertio die nondum sufficienti cognitione causæ facta, ipsum stola Purpurea (quam breui ante dono à Rege Ladislao posthumo acceperat) indutum ad supplicium rapiunt. Carnifex ab animoso iuvene sibi metuens, vix quinto ictu caput ei deijcit. Mox & Matthias Huniades, ne fratris mortem vindicet, in carcerem ducitur. Rex Ladislaus Posthumus ingritudinem in Hunniadas videns, & sibi à seditiosis ex carcere elapsis metuens, Viennam fugit, & Matthiam vinctum secum ducit, ne, vt frater, nimis tempestiuè ad supplicium raperetur.

Similem gratiam reportat, & Bassa Turcicus Ali-begus. Nam absq; respectu in cani capitis, & maximorum facinorum pro Turcico regno præstitorum, crudeliter flagris laceratus strangulatur, eò quod diceretur colludere cum

*Ingratitudo.
Mo.*

cum Christianis, & clam ijs fauere. Reuera tamen Mahometes eius opibus, quas cumulauerat, inhiabat.

Interea Mahometes Baiazeten filium suum circumci- *Baiazetes circumci-*
dit Constantinopoli, & conuiuium proceribus suis per a- *ditur.*
liquot dies præbet, egregieq; genio indulget, & vulnus curat, & statim in Macedoniam & Peloponnesum exercitum mittit. Hexamilū destruit, Corinthum occupat, cum plurimis vicinis oppidis. Quin & Ladislaus Posthumus rex Vngariæ uxorem sibi quærit Magdalenam (*alij Margaritam,*) 1458
filiam Caroli VII. Regis Gallia. Ast dum maximè præparatio-
nes fiunt ad nuptias necessariae & ferè omnes Christiani proceres dicuntur ad has nuptias conuenturi, & contra Turcos deliberaturi, Sponsus ipse Ladislaus posthumus a- *Sponsus moritur.*
dolescens 18. annorum 26. Nouembris, 36. hora morbi moritur, & Matthias Huniades ex carcere liberatus per Georgium Podebracium (*al. Pogiebradum*) rex Vngariæ in Ladislai locum constituitur: Ipse autem Podebracius Rex Boëmiæ à Matthia inauguratur.

Mahometes non contentus Byzantino, etiam Trapezuntium imperium affectans, omnia ad bellum necessaria 1459
quàm sollicitè præparat, & Amasiæ Bassam præmittit, qui in Cappadocia vastabundus viam præparet.

Vsun-Casanes (*quod interpretatur magnus Heros*) Cappadociæ, & Armeniæ Dominus (*qui nuper Maleonchre, seu Demiro, Persarum rege interempto Parthiam sibi acquisiuerat, & ingentes gazas inde abduxerat*) legatos magnis gazis doni loco instructos, ad Mahometem mittit, & petit vt à Cappadocia abstineat. Mahometes putans sibi leges præscribi, incredibili celeritate vsus, Vsun-Casani ad Euphratem occurrit, Persici milites & equi insolito more pugnandi & inaudito fragore bombardarum territi fugæ se tradunt: Mahometes.

metes subsequitur & in fuga Zeinaldes regis filius etiam occumbit.

Interea Amesa Scander-begi affinis, auro à Bassis Turcicis corruptus, ad Turcos deficit, cum vxore (*Sorore Scander-begi*) & liberis Constantinopolim venit, & operam suam Mahometi contra Epirum offert. Mahometes cum 50000. Turcis instructum eò mittit, & vt eò constantius agat, neque exemplo Moisis rursus deficiat, præter opes, etiam nouus honor ei offertur, & in itinere Adriano-poli Rex Epirotarum à Visiro-bassa salutatur. Scander-begus sororio suo tempestiuè occurrit, eius prodromos omnes cædit, antequam exercitus coniungat vires. Amesa victus fugit, ast in Emathia capitur, & viuus Scander-bego oblatus, & inde in carcerem deductus est.

1460

Sultanus maius regnum captans, pro tempore inducias à Scander-bego. Apuliæ regi, gratitudinis ergo auxiliares copias ferre volenti, impetrat (*Amesa autem ex carcere dimissus Constantinopolim ad uxorem & liberos rediens post non multos dies moritur*) & in Asia Castamonem, & Synopem vrbes, adeoque totam Paphlagoniam subigit: inde Trapezuntem regiam sedem, terra marique arctissimè angustatam capit, potitus etiam thesauris regijs, & ipso rege Dauide Comneno, filijs duobus, & Calo Iohanne patruele, quos Byzantium præmissos ad triumphum deinceps crudelissimè interemit, atque ita totam Comnenorum stirpem excidit, & imperatoriam arcem iam ingressus denuo *Imperator Turcicus* salutatur.

*Trapezus
expugna-
tur.*

1461

Quare victoriæ cursum continuans, Pyrametto Cili-ciæ principe (*al. Bassa Caramania*) interemto, reuertitur in Europam, & Draculam eius nominis secundum, VValla-chiæ principem terra adoritur; verùm in tantas deuenit angu-

angustias, vndiq; circumcinctus, & conclusus, vt pereundum ipsi fuerit exercitui, nisi maturo consilio Mahometh-Bassa, Ali-bassæ successor (*Christianis parentibus natus*) ingentiq; cursu exitu patefacto perrupisset.

Interim Matthias Rex Vngariæ Bosnam ex Turcico iugo retrahit, & Stephanum constituit Principem Bosnæ. Stephanus autem Lazari Despotæ filiam vnicam, & regni hæredem vxorem ducens, etiam Seruiam suo regno adiicit.

Sinan-Bassa finitis inducijs cum Scander-bego prælium committit, sed victus induciarum continuationem petit.

Mahometes pro occupatis imperijs DEO gratus vt videatur, amplissimum templum, scholam, & hospitale ædificat Constantinopoli: His vt redditus annuos pariat, expeditionem in Lesbum, & Lemnum insulas suscipit, & feliciter dictas Insulas, Nicolao Catalusio Genuensi Lesbi principe crudeliter necato, subigit. Hinc in Peloponneso crudeliter grassatur. 1462

Victor Capello amiralius, & Bartholus ab Este Dux Ferrariensis, ingenti classe instructi à Christophoro Moro, Venetorum duce, in Moream mittuntur. Victor classem per mare ducit. Bartholus autem exercitus terrâ ducit, & in itinere Argo urbem, cum vicinis castellis occupat. Inde ad Isthmum Corinthiacum venit, & suas cum Victoris copijs, Ludoici Loredani classe auctis, coniungit. Hi tres capitanei, cōsilio inito, Hexamilum, spacio quindecim dierum, ministerio 30000. opificum ex veteris stru-
cturæ faxis (*ad celerandum opus*) reædificant Lemnum, Lesbumque recuperant, & Corinthum arctissimè obsident. Argos, Corinthum

Mahometes furiosi instar fræuens, omnem militem

S

suum

suum colligit, Hexamilum nondum satis induratum, utpote recenter restauratum, funditus dissipat, & dissipat ope Mahometis-Bassæ, quem eò miserat. Bartholus Dux Ferrariensis saxo, de muro Corinthi proiecto percussus expirat, dum obsidionem vrbis vrget. Mahometes-Bassa suo aduentu reliquos Venetos ab vrbe repellit: mox & Insulas Lemnum, & Lesbium, cæsis 5000. Venetis, recuperat: & inde ponte, mirabili apparatu supra Euripum constructo, Eubœam inuadit. Veneti, inter se partim dissidentes, partim confusi, hostibus se opponere non audent. Imo & Pizzameni fratres suam operam, & consilium ad destruendum pontem Turcorum offerentes, per Nicolaum Canalem amiraliū à suo proposito auocantur. Turci Chalcidem obsident, & vehementissimè oppugnant. Leonhartus Calbo nigrum vexillum erigit, ostendens se subito auxilio, & liberatione indigere. Nicolaus Canalis, Victoris & Ludoici consilia refutat. Leonhartus viriliter hostes sustinet, & virgines, matronasq; ad defensionem murorum ducit. Quidam etiam Veneti, in scio amiraglio, in Turcos ita impetum faciunt, ut Mahometes desperans de expugnatione, obsidionem soluere cogitaret. Ast Beglerbegus Natoliæ dissuadet, & potius omnia extrema tentanda, quàm urbem deferendam ostendit. Quapropter militibus cum urbem diripiendam propinasset, tertio die expugnatam occupauit, præsidijque Turcicis in ea relictis ad hyberna se recepit.

Veneti Nicolaum Canalem, ut proditorem accusatum dignitate exuunt, non tamen sine insigni dolore amissarum Insularum.

In Epiro Semetrius, & Ballabanus Bassæ à Scanderbego caduntur.

Ad Danubium verò Mahometes Bosniæ regnum dolo- 1464
 sè sibi subiecit. Nam (*ut hæc alijs repetantur*) Hernoia Dux
 Spaletij, vultu & moribus taurinis. Cum aliquando ludi- *Bosna.*
 brij causa per mugitum à Paulo Chupore, præfule pro-
 uinciæ esset salutarus, & Sigismundus rex istud in aula re-
 citari audiens arrisisset, Hernoia contumeliæ impatiens
 & vindictæ cupiditate ardens Turcicas copias sibi addit,
 cædibus & incendijs in Vngaria grassatur: Paulum Chu-
 pore captum, & tergo bouino insutum, in profluentem
 Sauum abijcit, iubens vt iam cum bouina voce, bouinam
 formam induat. Hac leui occasione Turci occasione m ac-
 ceperunt inuadendi Bosnam. Nam Mahometes Isaacum
 Bassam Bosnæ præsidem constituit. Hoc Isaaco à Níco-
 lao Macedone victo, Stephano Losoncio prouincia de-
 mandata est. Hunc Stephanum Lazari Despotæ generum,
 simulata pace Mahometes, callidè ad se vocatum, & dolo-
 sè circumuentum pelle detracta regno, & vita priuat.
 Alij volunt cum etiam palo affixum, & sagittis traie-
 ctum, eò quod auarus & ignauus, auro corruptus regnum
 suum vendiderit Turcis.

Matthias Huniades rex Vngariæ Iayzam urbem muni- *Bosna.*
 tissimam, similiterq; 27. vicinas vrbes expugnatione, & de-
 ditione occupatas, & crebris incurfionibus regnum va-
 stans, totam Bosnam recuperat, Ali-begum cum Turcicis
 præfidijs repellit: adeoq; ipsum Mahometen Sultanum,
 secundò redeuntem, & Iayzam recuperare volentem, ca-
 stris & impedimentis omnibus exutum, repellit, & dum
 viuít, Bosnam contra Turcos defendit.

Hinc igitur omnia arma in Epirum vertit Sulta- 1465
 nus, præmittit duos latrones, auro corruptos, vt Scan-
 der-begum è medio tollant, vel pugione, vel globo,
 S 2 vel

vel veneno. Mox & Ballabanum innumeris copijs instructum eò mittit, qui Croiam obsidione cingit, & nouam munitionem contra Christianos ædificat.

Scander-begus, proprio nomine Georgius Castriotus, Iohannis filius, rex Epirotarum, & bellis & armis enervatus, ad Venetos confugit. Hi triginta triremes mittunt, Duce Petro Mocenigo, non vt Scander-bego succurrât, sed Eubœam recuperent. Petrus autem nihil efficiens, consilio Scander-begi, & Christianæ mulieris in aula Turcica degentis, hortatur suos Venetos, eorumque ducem, vt cum Turcis, tanquam quibus impossibile sit resistere, foedus ineant: quod tandem etiam factum. Nam Venetorum Dux Christophorus Morus, Legatos, Nicolaum Cocco, & Franciscum Capello Constantinopolim mittit, qui de pace agunt. Verum quia non omnibus idem videtur Nicolaus reuocatur: Franciscus autem febris correptus Byzantij moritur. Tandem tamen ad Scodram conueniunt hac conditione vt Turcis 8000. florenos annum tributum soluant.

Veneti tributum.

1466

Scander-begus moritur.

Scander-begus literis pontificum accitus, vt patria eiectus, cum in Italia ostēdisset, Turcorum immanitati non nisi coniunctis Europæ viribus resisti posse, & iam Lyssi ad Dryllum amnem esset, morbumque praualeare sentiret, filium Iohannem successorem constituit, & placidè spiritum emittit in Lyssi vrbe, 27. Ianuarij, A. C. 1466. regni Epirotici 42. ætatis 63. sepelitur ibidem in templo D. Nicolai. Quando verò postea Turci urbem expugnarunt, eius ossa refoffa, auroque inclusa de collo suspenderunt, tanquam singulare amuletum contra hostes. Hic vir Heroicus verè Alexander à Turcis vocatus, tanto robore, & animo fuit, vt pugnam contra Turcos ingredienti è labris, æstuan-

æstuantis animi vehementia fissis, sanguis erumperet.

EXigVa SCaDer-BegVs sepeLitV. In Vrna:

SeD VIVit VItVs LaVs neCe Vera Caret.

Mahometes in Syria contra rebelles Bassas occupatus dum detinetur, Matthias Huniades VValachiam recuperare conatur: Verùm Stephanus princeps VVallachorum eum ex insidijs adortum, cædit. Ipse Huniades tribus vulneribus perceptis in castra reportatur, & læticæ impofitus in Vngariam defertur, vt vulnera curet.

Victor Sultanus Turcicus in AEgypto, formosissimam puellam ex suo gynæceo mittit Cæsimo Indorum regi uxorem, vt ira amicitiam cum ipso ineat.

Nicolaus Canalis amiralius Venedicus cædit 2000. Turcos pacis violatores: & Rex Portugaliæ plurima loca in Africa Turcis adimit.

Bassæ Turcici cruentam cùm victoriam reportassent, reliquas Eubœæ vrbes subigunt, & ita totam Insulam Eubœam suo Sultano subiiciunt.

Veneti cum Matthia agunt, vt contra Turcos exeat. Matthias dolum sentit, & idcirco recusat. Hinc confugiunt ad Ferdinandum Arragoniæ Regem, à quo 17. triremes impetrant. Quapropter coniunctis nauibus Turcis obuiant, Turcicum iugum rursus excussuri: Sed ad Sattaliam Panphiliæ urbem cæduntur, amiralius Rhodi lapide ictus occubuit, reliqua classis profuga in Adriaticum redit.

Mahometes audiens Scander-begum mortuum, & Matthiam Huniadem intestinis turbis obrutum clam 20000. Turcos mittit, qui ad Sani ripam nouam munitionem extruunt, & Zabatz nuncupant. Quapropter Gabriel Archiepiscopus Colociensis, & Iohannes Vngorius mittuntur destruere dictam munitionem. Quia verò inanem

1471

operam sumunt, mutato animo aliam arcem ex opposito exstruunt, ex qua Turcicam destruant.

Veneti Turcici tributum pertæsi, legatos ad Vsun-casane[m] ablegant, eiusque opem contra Turcos pacis violatores implorant.

Vsa-begus in Europa per Illyrium ad Austriæ, & Italiae usque limites, omnia obuia igne & ferro consumit, & 50000. Christianos captiuos Constantinopolim ducit.

In Peloponneso pars, reliqua regionis Mahometi subijcitur ita, ut Venetis tantum tres vrbes manerent, videlicet Modon, Coron & Sonico, quæ ad exiguum tempus tutum hospitium præbuerunt Christianis viatoribus.

1472

Trapezusa.

Vsun-casanes in Natolia plurimas vrbes, præcipuè Sinopolim, & Trapezuntem capit, pariterque literis Christianos proceres ad concordiam, & expeditionem contra Turcos, iam vno regno vicissim exutos, hortatur.

In Europa Isa-begus per Sclauoniam, Istriam & Forum Iulij, ad S. Danielis oppidum usque hostiliter grassatur, Nicolaus Thronus amiralijs auxilijs Parthorum hosti obuiam proficiscitur, parum verò efficit.

1473

Scodra.

Bassa Turcicus in Europa cum 80000. Turcis per Bosnam, Syriam & Carinthiam hostili manu obuia quæque tollit, & innumeros Christianos in captiuitatem Turcicam abducit. Hinc & Scodram, pontem per Boianam fl. facto, obsidet. Nicolaus Marcellus Venetorum Dux, amiralijs suis mittit, ut obsessos liberet. Mocenigo amiralijs cum classe[m] educeret, Corcyne incidit in Commissarios Venetorum Tridianum Gritti, & Ludovicum Benabum. Eorum igitur consilio hostem à tergo obruere conatur. Dum verò rem cautè aggredi parant, Bassa Turci-

Turcicus à suo Sultano in Asiam reuocatur, & obfessi liberantur.

In Asia enim res Turcicæ periclitantur: Mahometes bis concreditur cum Vfun-casane, 30000. Turci cæduntur, inter quos 150. proceres Turcici. Quare victus fugit ad montes, & de verticibus eorum hostes à longè laceffit suis bombardis. Mahometes Vfun-casanem ad Euphratem vincit, sex millia, & octingentos capit, ex quibus domum rediens, in singulis locis, vbi statua habuit, quingentos per diem gladio secat, insepultosque dispergit, totamq; Armeniam horrendo funerum spectaculo complet, & Trapezuntum cum amissis locis recuperat. 1474

Trapez. m.

In Europa Turci crudelissimè sæuiunt, præcipuè quod Sauus ita exsiccatus, vt pedibus pertransire possent: quin & Lepanto per quatuor menses 30000. Turcis obsidet: Antonius Loredanus amiralius Venetus obfessos liberat: Turci repulsi Iusulam Lemnum repetunt.

Hoc ipso tempore & Tatars in Polonia hostiliter obuia quæque sustulerunt.

Matthias Huniades septennali bello intestino finito, tandem nuptias adornat, ducturus Beatricem Ferdinandi regis Neapolitani notham, virginem expeditissimè latinè loquentem. 1475

Stephanus VVallachiae princeps, ab omnibus vicinis relictus, suos subditos armat, 17. Ianuarij Turcos ex insidijs adortos, cædit, plurimos in Istrum præcipites agit, plurimos captos palis infigit: Begos autem, & Bassas captos vicinis regibus dono mittit. VVallas chsa.

Reliquiæ Turcici exercitus in Tauricam Chersonesum iter aëctunt, Capham urbem Venetorum obsident, & ope Præcopitarum Tatarorum, expugnant 16. Iunij. Capha.
Hac

Hac expugnatione Gothi in istis locis funditus deleti sunt.

Huniades interea Sabaciam mense Octobri obsidet, & tricesimo obsidionis die cruentam cum obtinuisset victoriam, etiam urbem expugnat. Dum autem expugnatio vrgetur, ipse Huniades tam profundo, imò miraculoso somno sopitus iacet, vt fragorem non audierit, cum aliàs vel ad leuissimi folij motum euigilaret.

1476

Dum Matthias Huniades nuptialia tractat, Mahometes Stephanum VVallachiae principem à duabus partibus aggreditur. Ab vna quidem parte Tatari, Tanai traiecto, eum obruere parant. Stephanus à Polonis auxilia non impetrans, & se suaq; DEO committens, medios in hostes se proiecit, potius mori, quàm deditiorem facere paratus. Verùm præter spem victoriam obrinet, & Tataros ad Borysthenem vsq; profligat. Ab altera parte Mahometes, Isthro traiecto, eum obruere parat. Stephanus se impari hosti sentiens, suam ipsius regionem incendijs vastat, ne Turcico Tyranno quicquam relinquat: adeoque ex insidijs Turcos subinde adoritur, & intra paucos menses 30000. Turcorum cædit, & in montibus latibula quærit. Turci autem peste oborta repelluntur ex VVallachia.

Hinc Mahometes mittit latrones aliquot, qui castellum à Matthia nuper exstructum destruant: & Ali-begus ad Temesum vsq; populabundus grassatur. Hinc igitur Lupus (*al. VVolfzangus Bulcovir*) Despota Seruiae ad Pozazin occurrit. Ali-begus casum suum exercitum videns Lembo aufugit. Scander-begus frater Ali-begi captus decollatur. Matthias iubet pergere, & Synderouiam obsidere: at dum feruet opus, Matthias reuocatur ad excipiendam Sponsam, quam Turci in Dalmatia intercipere cona-

conabantur, sed frustra, & Beatrix virgo erudita, & latinæ linguæ cognitione præstans, Budæ copulatur Matthiæ Hunniadi Vngariæ regi 13. Decembris.

*Corvinus
uxorem
ducit.*

Mahometes in media hyeme Rasciam clam inuadit, cum 40000. Turcis, vt ita Despotam à Synderouia reuocet. Ali-begus Bassa Mahometis littus maris, vt ducem sequitur, & per Dalmatiam, Istriam, & Forum Iulij ad Venetorum vsq; vrbe[m] vastabundus penetrat, vallum à Venetis nuper exstructum, vt Turcos reprimat, diruit, Driuafo expugnat, ad Taliauentum fl. Venetos obuios credit, & spolijs onustus ad Croiam redit, quæ vrbs annua obsidione fatigata, deditionem facit. Hinc & Scodram obsider Mahometes, & Amar-begum Bassam ad obsidionem vrgendam relinquit, & ad suos in Thraciam redit.

Amar-begus cum Antonio de Legge, qui cum 800. Soldatis in vrbe erat, incipit transigere de pace, & tandem ita conueniunt, vt Scodra. & Lemnus Turcis concedatur, & Veneti tributum annuum 8000. ducatos penderent.

Bassæus Bassa Leucadium, Neritum, Zephaloniam, & Zacinthum Insulas Aegæi maris occupat, & victor Constantinopolim redit.

Sub hoc ipsum tempus Ali-begus Bassa Turcicus Transylvaniam inuadit cum 100000. Turcis. Stephanus Batoræus VVeiuada Transylvaniæ ad Matthiam confugit, & periculum ei exponens auxilium petit. Matthias quia dolore pedum laborat, mittit Stephanum Cherepetrum & Paulum Kinisium, Temesiensem comitem. Hi consilij Matthiæ instructi Ali-bego ad Moroffum fl. non procul ab Alba-Iulia occurrunt (*cum se DEO commendassent, & in audita ratione Sacramentum cænæ Domini sumssissent*) pugnantur prudenter, & feruido Marte. Stephanus Batoræus

*Transylva-
nia.*

T

gravi-

grauiter vulneratur, 8000. Vngari. & 30000. Turci occumbunt, & tamen Christiani victoriā, et si cruentam, obtinēt.

1480 Mahometes tres expeditiones simul, & semel suscipit. Nam I. Mesithen (*al Mesichum*) Bassam mittit, vt Rhodum insulam Venetis præripiat. Verūm Petrus Dabasonius amiralius Venerus eum, cum per totam ætatem insulam concussisset, repellit: imò & ipse Mesithes (*ex Palæologorum stirpe*) occumbit.

Hydruntum.

II. Acomathen Bassam cum ingenti classe in Apuliam mittit. Qui Hydruntum Archiepiscopalem urbem Apuliæ in Italia vi, & armis expugnat, viris partim cæsis, partim vi captis, foeminis virginibusq; stupratis, Sacerdotibus ad aras trucidatis, Archiepiscopo Hydruntino sene annoso (*venerabilem crucem gerente*) raptō, & lignea ferra dissecto, prægnantibus dilaceratis, urbem ipsam Turcicis præsidij munit, & ad suum Sultanum victor redit. Huius urbis expugnatione Papa ita exanimatus, vt clam fugam ex vrbe adornare præsumserit, imò tota Italia nihil nisi Turcos noctes & dies somniabat.

1481

Mahometes fulmine deicitur.

Hoc ipso anno & Mahometi Prophetæ Turcici bustum cum per 848. annos beneficio Magnetis, sub fornice templi Mechæ sustentatum pependisset, fulmine coelitus misso deiectum scribitur.

Mors Mahometis secundus.

III. Ipse Mahometes in Aegyptum expeditionem suscipit. At cum iam vix in Natoliam traiecisset, & ad Nicomediam in Bythinia subsisteret, colica passione correptus, cum per triduum maximos cruciatus, impatienti, & desperabundo animo pertulisset (*& iam duo imperia, duodecim regna, & ducentas vrbes suo sceptro subiecisset, adeoq; septem nepotes suos vidisset*) tandem 3. Maij, ætatis suæ 53. regni 32. Anno Christi 1481. Mahometico 885. animam exhalat.

Liberi

Liberi Ma-
hometis II.

Mustapha qui initio egregiam operam contra Vsun casanem patri praestitit; atq. victoria elatus genio indulsit, & in Venatione ad Iconium equo praecipitatus perijt, ante patris mortem.

Baiazetes qui pater fuit liberorum, quando Mahometes pater exspiravit, & in regno successit.

Gemes al. Zemi, al. Zizimus qui à Mahomete Bassa patri in locum imperator salutatus, sed à Ianizariis reimpulsus.

Impe-
ratores.

Orientis, Constantinus XV. Palaeologus, Vltimus Imperator Christianus, in Oriente 1445. 8.

Occidentis, Fridericus III. 1440. 53.

Pontifi-
ces Ro-
mae.

Calixtus V. 1455. 3.

Pius II. al. Aeneas Sylvius 1458. 6.

Paulus II. 1454. 7.

Sixtus III. 1472. 13.

Synchroni
Mahome-
tis secundi

Electo-
res Bra-
deb.

Fridericus II. Marchio cum ferreis dentibus dictus 1441. 30.

Albertus II. frater Friderici II. Achilles Germanicus dictus 1414. 15.

Bessarion Cardinalis incomparabilis, & patriarcha Constantinopolitanus 1473. obiit.

Gracia me genuit: foveat Itali ora: galero

Roma colit: Vista sum Numa, & arte Plato.

Iohannes Hane (al. Gallus) Germanus, artem Typographicam Romam intulit, de quo Aputians:

Imprimis ille die, quantum vix scribitur anno:

O Germania muneris reperitrix,

Et Beroaldus: Quo nihil vtilius dedit vetustas,

Libros scribere quae doces premendo.

Iam Serè atas fuit bellatrix. Floruerunt enim Iohannes Huniades VVei-
noda Transylvania — Georgius Castricius al. Scanderbegus rex Epiri — Fris Bellatrix
dericus bellicosus Elector Saxonia — Fridericus Victoriosus Palatinus Rheni atas.
— Fridericus Imperator — Fridericus Marchio cum ferreis dentibus, Elector
Brandenburgicus, — Matthias Huniades Corvinus dictus terror Turcorum —
Albertus animosus dictus dextra manus Imperij (à militibus Rolandus) Dux Saxo-
nicus, — Albertus Achilles Germanicus, Elector Brandenburgicus Caithbegus
Sultanus Aegypti. — Quibus successerunt suo tempore Fridericus Sapiens, Iohannes
Constantius, Iohannes Fridericus animosus, Maurinus bellicosus, Electores Saxo-
nici, & plurimi alij.

2. BAI AZETES. II. 31.

Alter eum sequitur Baizetes viribus æquis.

1481 *Baiazetes* eius nominis secundus, filius Mahometis II. vir prudens, beneuolus, pacificus, magis philosophiæ, & Sophisticis Auerrois, quàm bellis, & armis deditus, dum in *Ingenium.* Cappadocia in Musarum castris occupatus detinetur, & coronam paternam parum curat, Gemes in Caramania, à Mahomete Bassa clam mittitur occupare thronum paternum Constantinopoli. Ianizari hoc animaduertentes Mahometh-Bassam obrutum cædunt, & quia tumultus magnus oritur, Christolus Bassa & Aga id est, princeps Ianizarorum per legatos Baiazeten ex Cappadocia aduocant, & vt sedent turbas ortas Isaac-Bassa, & Dauid-Bassa, Corcuthen filium Baiazetis tredecennem substituunt a uo Mahometi II. donec Baiazetes adueniat.

Æmuli. Corcuthes patri aduenienti coronam recusat dare, & se Imperatorem agnoscendum contendit. Pater pacificus filio (*ne turba augeantur*) promittit coronam, quamprimum modo ad iustam ætatem peruenerit. Ea conditione patri coronam Imperij tradit, & in Magnesium proficiscitur.

Gemes copijs multis Prusæ collectis, vi regnum quarit, & armis Natoliam sibi subijcere conatur, Baiazetes igitur Acomathen Bassam, ab expeditione in Italiam reuocat contra Gemem: idq; maximo cum commodo Italiæ.

Hydrunt. Alphonfus enim Rex Calabriae auxilio vicinorum Regum & principum, Hydruntum recuperat, Turcis partim cæsis, partim captis, atque ita Turcos ex Italia repellit. Quantum inde gaudium, quanta Epinicia inter Italos, nemo facilè eloquetur.

Acomathes-Bassa Gemi ad Nicæam occurrit, eius copias

pias funditus delet, ipsumq; Gemem, vſq; ad Tauri radices proſequitur. Gemes in Syriam, & AEgyptum fugit, 1482 & auxilia attrahit contra fratrem. Acamathes-baſſa exterorum potentiam nondum ſatis cognitam metuit: Legatos & Epistolam ad Gemem mittit, & pacem ei doſe offert. Gemes hoc dolo ſe deceptum, atq; interea dum de pace agitur, vndiq; hoſtibus ſeptum ſe ſentiens, per literas telo alligatas, & in caſtra fratris emiſſas, Acomathi & fratri reſpondet: Væ tibi, qui me natu maiorem regno e-eijcis, caueas tibi: Nam & tu regno eijcieris. Quamprimum igitur telum, cui hanc epiſtolam alligauerat in fratrem hoſtem emiſit, in fugam ſe coniecit: AEgyptij cæduntur, & Acomathes victor triumphat.

Gemes verò à Rhodi Magiſtro ſplendide excipitur, & per aliquot dies cum ipſo familiariffimè conuerſatur. *Gemes Romanus* Quia verò Magiſter metuit Turcorum claſſem, propter Gemem, callide eum Romam mittit, vt Pontifici, & proceribus Germaniæ ſuam cauſſam coram exponat, ſimulque ſaluum conductum & dat, & à Pontifice tutum hoſpitiū ipſi impetrat.

Baiazetes per legatos ſuos Innocentio VIII, Pontifici promittit ſepulcrum Domini, & Ieroſolymorum reſtitionem (*que tamen nondum habebat ſub ſua poteſtate*) ſi reſtituat Gemem. Verùm Papa Gemi tutum hoſpitiū promiſerat, ideoque iam cautior redditus calamitate Iuliani, fidem etiam hoſti datam ſeruat.

Sultanus Turcicus igitur lætus, ad ſplendidum conuiuium omnes ſuos proceres inuitat, per aliquot dies genio indulget, ſingulis Baſſis, & Begis veſtem precioliſſimam donat: ſoli Acamathi-Baſſæ verò laqueum pro veſte donat. Quia enim Acomathen (*cuius beneficio & virtute re-* *Acomathes* *gnum*

gnum turum possidebat) suspectum habet, quasi clam sentiat, cum Geme, pugione eum petit: ast cum ebrius aberrasset, iubet vt stranguletur. Id factum est magno cum emolumento Christianorum, quibus Acomathes erat infensissimus.

1483

Casan-begus filius Pyrameti Bassæ Ciliciæ, in aula Turcica moritur, & splendide sepelitur. Hac ratione Cilicia, seu Caramania (*hactenus hereditaria Bassis Caramaniæ*) integrè Sultani potestati subiecta est.

Hoc anno D. Martinus Lutherus Antichristicida Isebij nascitur, patre Iohanne Luthero metallario, & matre Margareta Luderiana, ii. Nouembris in comitatu Mansfeldensi.

NatVs es IsLebII DIVIne propheta LVthere:

ReLLI glo fVI get te DVCE, Papa IaCet.

Sancte pater quoties tua conspicio ora Luthere,

Lætitiam toties, tristitiamque fero.

Lætitiam quod te Lux viuo Dia refulget:

Tristitiam quod te Lux moriente perit.

1484

Bassæ Turcici, quietis & pacis impatientes, licentiam ex Baiazete eliciunt, & inVVallachiam impetum faciunt. Stephanus Princeps Turcos, terra marique accedentes videns, ad Casimirum Poloniæ regem confugit, & auxilium implorat. Poloni audientes totam Bessarabiam, VVallachiæ prouinciam fertilissimam in potestatem Turcorum, expugnatis Lithostomo (*al. Kilial*) & Moncastro (*hodie. Alba Nestri*) castris, deuenisse, dubitant quid faciendum: Stephanus se suumque principatum videlicet VVallachiam in fidem coronæ Poloniæ tradit, vt eliciat auxilia. Verum Poloni hac ratione VVallachiam suo regno adijcentes, exeunt quidem, sed non tam Turcos repellunt, quam sibi de spolijs prospiciunt. Similiter & Turci spolijs onusti ad hyberna se recipiunt.

VValla-

VVallachia.

VVallachia iterum spoliatoribus Turcis obruitur, vt 1485
 deditionem faceret Sultano Turcico, dum ipse Baiazetes
 Adrianopolim, incendio penè totam exustam, reædificat.

Baiazetes hospitale splendidum ædificat ad Hebrum 1486
 & Ali-begus Bassa per VVallachiam in Moldauiam irruit
 & spolia amplissima adfert.

Scander-begus operam suam Hali-bego coniungens 1487
 maxima spolia denuo ex Moldauia adfert.

Exinde bellum in Asiam infelici auspicio transfert, 1488
 poenas sumturus de Cairbego (*quod interpretatur Cairi Do-
 minus & aliàs legitur Cair-begus, vel Cairhbeius*) Circassio, AE-
 gyptici Sultani primario principe Halepi, qui Gemem
 hospitio exceptum sumtu, comeatu & milite iuuerat. Et si
 Baiazetes dissuadet, metuens prophetiam Gemis: tamen
 Bassæ omnes coniunctis viribus expeditionem in AEgy-
 ptum suscipiunt. AEgyptius exercitus obuiam procedit
 Bassis, ratus melius præuenire, quàm præueniri. Concur-
 ritur ad Tharsum Ciliciæ (*vbi antea AEgyptii Gemem restitu-
 ere volentes ab Acomathe Bassa cæsi*) vindicta de Turcis sumitur.
 Tantam quidem cladem accipiunt ab AEgyptijs, vt vix vl-
 lam maiorem percepisse putentur.

Mahometh-begus Bassa Turcicus nouas copias corra-
 dit, & absque respectu imminentis hyemis contra AEgy-
 ptios proficiscitur, sed similiter cadit.

Sequenti anno David-begus (*al Davidbegus Nam Turci Da-* 1489
nidem vocat David bi syllaba voce) certâ sibi victoriam à fatiga-
 tis AEgyptijs promittens, in primo congressu occumbit.

Interera legatus Vngaricus ex aula Turcica humanissi-
 mē dimissus, in itinere à Gasi-Mustapha, propter anti-
 quum odium priuatæ vindictæ cupido, occiditur. Quare
 Vngari id Sultano imputantes nouam turbam mouent.
 Quia

Quia verò Sultanus hoc subolfaciens se purgat per legatos, & pacis continuationem petit, Matthias rex facillè hoc admittit, vt qui intestino bello iam implicatus *Viennam* Austriæ deditioe acceperat, & iam vltèrius victor pergebat.

In Croatia verò Lupus, seu VVolf Bulcovvitz Despotæ Seruiæ 7000. Turcicos Latrones spolijs maximis, & 10000. Christianis captiuis in Croatia, Carinthia & Carniola collectis onustus obruit, plurimos eorum cædit, spolia recuperat, & captiuos Christianos liberat.

Ali-begus (*al. Halibeius*) nouis copijs contractis contra Cair-begum proficiscitur tempore autumnali, & brumali, Adenam, Tharsum, & vicina loca vi occupat, antequam Aegyptij redeant.

1490

Ineunte vere Cair-begus reuocatis copijs Ali-bego occurrit, ipsum cædit, & amissas vrbes omnes recuperat.

Coruinus
moritur.

Hoc anno in Europa Matthias Huniades podagra, & apoplexia superueniente exstinguitur Viennæ Austriæ die palmarum, qui 5. Aprilis, ætatis 74. regni Vngarici 32. Eius symbolum fuit coruus annulum rostro tenens. Nam cum aliquando annulum, Smaragdum pretiosissimum continentem, detraxisset, & coruus eundem abstulisset in venatione, Matthias coruum sequitur, & telo traiecit, atq; ita annulum recuperat. Hinc numi aurei, qui coruini dicuntur, nomen habent. Vnde volunt & coruinum cognominatum: cum tamen Bonfinius, Borecius & alij eius patrem Iohannem etiam cognominent Coruinum ab Holles id est, Coruino patria.

Interea Maximilianus Albam-regalem (*vbi 19. Octobris Iohannes Dux Saxonie primus muros conscendit*) Vesprium, Viennam & reliquas vrbes recuperat.

Bassæ

Bassæ Turcici Adenam & Tharsum rursus occupant. 1491
 Audiens verò Baiazetes nouas copias in Aegypto con-
 scribi, & Larendē urbem ab Aegyptijs occupatam, & no-
 uum generum suum Iacuppum, seu Iagupen Vfuncafanis
 filium, in eius expugnatione occubuisse, legatos ad Cair-
 begum mittit, & pacem petit.

19. Iulij Ladislaus rex Vngariæ recuperat Albam-re-
 galem, quam Maximilianus præcedenti anno præoccup-
 uerat.

Pax inter Turcos, & Aegyptios confirmatur, & Ade- 1492
 na & Tharsus restituuntur Cair-bego.

Similiter & Ladislaus Vngarus (*quem differentie causa
 sic voco, qui aliàs Casimiri Magni, regis Poloniæ filius*) qui ducta
 Beatrice vidua Coruini ad regnum Vngaricum in locum
 Matthiæ euectus erat, pacem à Baiazete impetrat.

Iacuppus seu Iaguppes Aga, (*quod interpretatur Iacobus 1493
 capitaneus nimirum Ianizarorum*) cognomine Cadun-bassa
 (*quod sonat Eunuchus regis, & princeps*) cum suis Ianizaris, &
 aliquot copijs Turcicis, expugnato Dyrrachio Christia-
 nis in Croatia obuiat. Maximilianus enim Ericum co- *Ericus
 Brunsvi-
 censis.*
 gnomine seniore, Ducem Brunsvicensē, tunc tempo-
 ris principem 24. annorum, cum exercitu contra Turcos
 in Croatia, & vicinis regnis, latrocinijs omnia vastantes
 emiserat: Concurritur, & pugnatur acriter ad Sauum fl.
 Iacuppus victus in Thraciam fugit. Ericus victoriam re-
 portat.

Franco-pani (*corruptè frange panis vocatus pro Franc-pani, 1494
 id est, Francicus Dominus, eò quod ex Francia oriundus*) rebellis
 contra Ladislaum Vngariæ regem Iayzam urbem occupat.
 Drencenus à Ladislao Vngaro missus, urbē obsidet. Fran-
 co-pani implorat auxilium Turcicum. Iacuppus Aga ad-
 ducit

AB. AB.

ducit ingentes copias: Emericus Drancenus cum Vngaris ei obuiam properat, sed Vngari cadunt: Emericus viuis captus in castra Iacuppi ducitur, cumque filij & fratris sui capita abscissa vidisset, catenis vinctus Adrianopolim mittitur cum ingenti copia abscissarum narium, in signum victoriæ Baiazeti offerendarum.

Genes mor
Genes al. Zizimus cum Romæ hæctenus apud Pontificem fuisset saluo conducto instructus Neapolim ad Regem Gallia Carolum VII. mittitur, & in reditu, dum in itinere est Tarracinæ repentino morbo obrutus moritur. Aiunt ipsi venenum propinatum, instinctu, Alexandri VI. Pontificis, ne per Carolum Gallia regem Baiazeti restitueretur, & Gallia Turcis arctius deuinciretur.

1497

Veneti qui pacem ad 25. annos cum Turcis inierant, & tributum soluebant, audientes nouam classem à Turcis in Aegæo mari instrui, Legatos suos, quorum præcipuus Andreas Zancanus, Constantinopolim mittunt, scire cupientes ad quid classis illa ad sinum Corinthiacum conueniat. Baiazetis Bassæ respondent, eam classem nihil ad Venetos, pacem enim initam sanctè seruandam.

Philippus Melanchthon nascitur
 Hoc anno D. Philippus Melanchthon (al Schwarzerdt) nascitur 16. Februarij, hora 7. pomeridiana Brettæ Palatinorum (Bretta est oppidum inter Rhenum, & Neccarum fl. ad limites VVirttembergicos 6. miliar. ab Heidelberg, ad scaturiginem Saltæ riuus, (qui ferè sub Spira vrbe in Rhenum se exonerat) non procul ab Haidelsheim, & Maulbron) patre Georgio Schwarzerdt supremo armorum magistro, & matre Barbara Reuterinn. Corpore fuit paruus, pectore magnus, verè πολυλογος, omnem doctrinam quasi vagam, & dissipatam collegit, & ad rectam rationem reuocauit, de quo D. Cœlichius:

Malta

Multa modis multis alij dant probra Philippo:

Et tamen à Christi parte Philippus erat.

Dixeris hunc Sanctæ clarum Pietatis olympum,

Doctrinæq; iubar nobile: verus eris.

Si quod in has dotes crimen malè prouidus error

Intulit, humanis casibus illa dabis.

Sapè ruina venit, quam nemo venire putarat:

Sapè nigrescit humus, quæ prius alba fuit.

Ludoicus Sfortia dux Mediolanensis, videns Papam Venetos, & Galliæ regem coniurasse, & Mediolanensem ducatum vi quærere, ad implorandum auxilium Turcicum adigitur, præcipuè quia Germania intestinis motibus implicata, & clam fauebat Venetis. Quapropter legatos ad Baiazetem mittit, qui classem præparatam emittit, utpote cupiens pacem cum Venetis rumpere, & Peloponnesum sibi integram subijcere, pariterque & Scanderbassam (*id est Alexandrum Principem*) qui terra Venetos adoritur, & per Forum-Iulij ad Teruissium vsque penetrat 4000. captiuos capitali afficit supplicio ad Tiliauentum fl. & Venetos non parum terret.

1498

*Auxilium
Turcicum
imploratur*

Classis Turcica in Peloponneso Methonem urbem longa obsidione domitam occupat: Corona sponte deditio- nem facit, territa exemplo Methonensium (*al. Modon, & Coron vocantur hæc vrbes.*)

1499

Quia igitur Turca non tam auxilium adfert Sfortiæ, quam sibi regnum ampliare studet Peloponneso prorsus domita: Ludoicus Sfortia, cum Friderico Rege Arragoniæ coniunctis viribus cum Gallo & pontifice præliatur: victus autem in Germaniam fugit.

In his turbis Gemes veneno sublati dicitur, à quibusdam, ne videlicet nouas turbas excitaret.

Veneti verò non pacem, sed apertum bellum à Turcis inferri sentientes, consentiente Pontifice classem instruunt, quæ Methonem recuperet. Huius classis Dux erat Antonius Grimanus.

Papa Alexander VI. & Augustinus Barbarigo Dux Venetus, noua tributa Turcica à suis poscunt, nouas preces, seu horas precum contra Turcos ordinant, nouam classem instruunt, quam Nicolao Pesar, & Ludoico Marcello committunt, videlicet 60. triremes, 20. onerarias naues, 50. celoces, & innumera viliora nauigia. Turca contra 100. triremes, 100. celoces, 20. naues onerarias emittit, quibus Peloponnesus vel tota tegitur: & insuper 100000. equites & pedites terra iter suum conficientes.

1500 Papa verò non tam Venetum bellum, quam suum & sui filij Valentini Borgiæ promotionem curans, Iubilæum proclamat, & præter tributum Turcicum, etiam 300000. ducatos à peregrinatoribus deuotis, Iubilæum colentibus colligit, & filium suum Valentinum hoc auro, & insuper ingenti milite instructum mittit ducem exercitus contra Ludoicum Sfortiam.

Borgias

Borgias autem (*vulgo Cæsar. Borgias, è quod ipsius symbolum, & intentum patris fuit, aut Cæsar, aut nullus*) nec Turcam, nec Papam, nec Sfortiam curans aut metuens genio indulget, & tributum à Christianis contra Turcos collectum dilapidat, vno die 100000. ducatos, lusu eum perdidisse perhibent, addito dicterio: *Male quasit male perdit.* Neque sanè mirum si filius patrizauit, & scortis lusoribusque fauit. Nam de Alexandro VI. Papa eius patre, noti sunt versus.

*Vendit Alexander Sacramenta, altaria, Christum
Emerat ille prius vendere iure potest.*

Item.

Item. *Pollicitus cælum Romanus, & astra Sacerdos:*

Per scelus & cedes ad styga pandit iter.

Item de filia eius:

Conditur hoc tumulo Lucretia nomine, sed re

Thais, Alexandri filia, sponsa, nurus.

Hoc 1500. anno iubilæo nascitur Carolus V. in Gan- *Carolus V.*
dauo Flandriæ oppido, patre Philippo Archiduce Au- *nascitur.*
striæ rege Hispaniæ, matre Iohanna regina Castiliæ, &
Arragoniæ die intercalari, seu Matthiæ prima, die Lunæ
mane hora 3. min. 40.

Sena Water Leto FebrVI LVX Constat astro

GanDaVI aD CVnas CaroLe QVinte rVas.

17. Martij die Martis, qui Gertrudis 21. die post Caro-
lum Quintum nascitur Adrianopoli Solymanus, patre
Solymo prima hora meridiei; an verò ex filia Bosphorani
regis natus sit, circumstantiæ declarabunt.

Dum Turcico bello ita implicantur Veneti. & Papa 1501
genio & gulæ indulget (*post horas ordinarias ad preces, contra*
Turcam institutas.) Ludoicus Sfortia Mediolanensem du-
catum recuperat.

Veneti Antonium Grimanum amiraliū, vt suspe- *Grimanus*
ctum proditorem ab officio remouent, & substituunt ei *remouetur*
Melchiorem Triuisanum, qui statim classē in Cephale-
niā insulam ducit, & per aliquot menses eius metropo-
lim horribiliter oppugnando quassat: verū peste obor-
ta retrocedere cogitur, & quasi victus dolore animi ex-
stinguitur.

Benedictus Pisaurius successor Triuisani, auxilio Con-
salui Magni Pylum (*Nestoris patriam hodie Giunco dictam*) ex-
pugnat, & Cephaleniam vi expugnatam suo duci Veneto
restituit.

1502 Veneti diuturno bello fracti, per Antonium Gritti legatum, donis maximis additis, pacem à Turcis impetrant, & quidem perpetuandam.

Ladislaus Vngarus regno Galliæ inhians; cum Pontifice Alexandro agit, Beatricem repudiat, & auro placat, & ducit Annam ex Vasconum familia regia Galliæ oriundam, adeoque vnicam hæredem Gallici regni, cum Ludouico nulla soboles, sed spe frustratur.

1505 Turcici Bassæ periculosissimum bellum, cum Ismaële Persarum rege gerunt, quod Peucerus copiosius describit.

1510 Terræmotus ad certas, statasq; horas per 40. dies Constantinopolim admodum destruit. Conciderunt enim templa, turres, 800. ædes, & bona pars muri vrbis, quin & 3000. (al. 13000.) homines perierunt. Hoc terræmotu post 40. dies finito Baiazetes 80000. murarios Adrianopoli collectos, mittit, vt urbem reædificent. Bassæ Turcici omnem culpam huius casus transtulerunt in Baiazeten, quod à Mahometo propheta ita puniretur, eò quòd non deleret Christianos. Hinc Corcuthes in Asiam mittitur ad sedandos motus intestinos, sed vincitur & post eum etiam Alibegus victus cæditur, donec tandem rebelles ipsi à Scacho Ismaële deleti.

Filius patris insidias feruit.

Interea Selymus Bassa Trapezuntis, Baiazetis filius Euxinum traiecit, & Caphæ inscio patre vxorem ducit, filiam regis Præcopitarum Tatarorum: & instinctu noui foceri à patre suo nouam prouinciã postulat, & ne repulsam patiat, ipsemet ad patrem iter suscipit.

Baiazetes suspectum habens postulatum filij, dat ei Sangiacatum Semendriæ circa Albam Græcam, & Adrianopoli relicta Constantinopolim properat, vt caput Imperij,

perij, & palatium regale præoccupet. Selymus patris I 5 I I
 fugam audiens prætendit se filium venire, & prius salu-
 taturum patrem; postea Semandriam occupaturum. Quia
 verò nec hoc dolo aditum ad patrem inuenit, vi viam
 sibi quærere conatur. Baiazetes podagra laborans ex
 lectica suos hortatur ad prælium. Præcopitæ Tatari
 cæduntur à Spachis. Selymus vulneratus Varnam fu-
 git, & inde naui ad focerum suum. Hunc conatum
 vt bellici animi inditium Ianizari arripiunt, pertæsi Phi-
 losophicorum studiorum Baiazetis & Corcuthis (*quem*
antea Imperatorem elegerant in locum aui donec pater veniret)
 & totis viribus pro Selymo absente laborant, ne alius
 fratrum coronam arripiat. Ac proinde Acomathem
 à Baiazete citatum interceptum in Chalcedone vrbe. Ba-
 iazetes Ianizarorum intentum olfaciens, blandis verbis
 Acomathem monet, vt reuertatur in Amasiam, & cita-
 tus velocius, & callidius aduolet. Acomathes senti-
 ens dolo rem agi, iram in patrem concipit, arma sumit,
 & Natoliam vi sibi subijcere conatur. Alemsciacum
 patruelem suum Iconio pellit: Legatos Baiazetis nari-
 bus abscissis deformatos, sarcasms diris dimittit, & ni-
 hil non crudele in patrem suscipit.

*Alter filius
 contra pa-
 trem.*

Corcuthes ex Magnesia ad patrem Constantinopo-
 lim currit, coronam anno 1481. promissam ex pacto po-
 scit: Pater blandis verbis hunc sedat, & coronam paulo
 post tradendam dicit.

Ianizari Selymum Imperatorem volentes, callidè
 Baiazetem accedunt, petunt vt vindicer iniuriam legatis
 ab Acomathe illatam, ducem sibi poscunt Selymum &
 nullum alium admittere volunt. Baiazethes videns
 se in-

se intra sacrum & saxum hærere, per legatos Selymum vocat, venientem in gratiam recipit, & iubet vt frenet fratrem Acomathen.

Quia verò Selymus, non vt dux, sed Imperator, colitur à Ianizaris, & Mustapha Bassa nomine Ianizarorum Baiazetem adit, & fatis pro imperio poscit, vt corona Selymo tradatur: Baiazetes clam corradit Thesauros Turcici regni, nauem conscendit, & Dimoticum vrbem ad Euxinum petere conatur. Corcuthes sibi metuens, & patrem fugere videns in Magnesium refugit. Ianizari hoc audientes, reuocant suos socios, mittunt legatos, qui consensu Selymi clam agunt cum Archiatro Baiazetis, cui nomen Hamon Iudæus, vt auro accepto Baiazetem veneno tollat. Hamon auro inhians ægrotanti suo Sultano venenum loco medicamenti offert, & ita Baiazetes in pago Chaphze, ad littus Euxini maris moritur ætatis 74. (al. 66. al. 76.) regni 31. salutis nostræ 1512. Mahometico 918. 9. Aprilis.

Baiazetis
Mors.

1. Scianfciacus al. Sinan Schach, al. Scienfciacus, al. Sciemfci qui in Cilicia pacatè vixit, & sua morte intempestua patrem in maximū luctū contexit, reliquit filios { Alemfciacum qui adolescens obiit.
[Mahometū qui à Selymo suffocatus.
2. N. filia Iacuppo Vfun-casanis filio copulata.
3. Alemfciacus qui morbo extinctus reliquit filium Orchanem qui à Selymo strangulatus.
4. Acomathes qui in Amasia fuit, & est { Amurathen qui in Persiam
à fratre occisus, reliquit duos filios { ad Schachum fugit, &
eius filiam duxit.
5. N. Vsgurlesi filio copulata. { Aladinum qui in AEGYPTU
fugit, & febris obiit.
6. N. Dauidi Bassæ copulata.
7. Mahometes qui admodum delectabatur iocis, & comædiis. Nam 1. parentem habitu vísitauit Pirata, eique puerum Christianū donauit, pro quo à patre pretiosam Vessem recepit & pater non sensit filium suum esse. 2. Etiam ad fratrem Acomathen personatus venit, habitu Citharadi, & ad Valuas templi cum à fratre Eleemo-

Soboles

Eleemosynam 5. aspros accepisset, domum rediens epistolam fratris misit, & 5. aspros, obiciens ei tenacitatem, qui tribus musicis tantum 5. aspros donauerit. Sed in Senatione fatigatus Venenum loco vini propinatum sumisit & exspirauit, relinquens unicum filium, qui vocatur Zilebus.

8. Corcuthes al. Corcuthus qui patrisans in Castemo Magnesia Vrbe tantum in Minerva castris Versabatur, & insignis Philosophus fuit, reliquit tres filios impuberes

{ N.
N.
N.

9. Selymus al. Zelym, qui patri in regno successor iam dicto modo constitutus est secundum communem consensum scriptorum nostrorum. Eius filius Solymanus.

Imperatores Occidentis seu Germanici { Fridericus III.
Maximilianus I. 149 & 25.

Pontifices { Innocentius VIII. 1484. 3.
Alexander VI. 1492. 11.
Romani { Pius III. 1503. 26.
Iulius II. 1503. 9. } dies.

Synchro-
ni

Electores { Iohannes Magnus 1486. 13. dictus Germanicus Cicero.
Brandeb. { Ioachimus I. 1499. 35. qui A. C. 1506. 27. April. fundauit
Academiam Francofordianam ad Oderam fl. Mar-
chia noue.

Fridericus Sapiens Elector Saxonicus 1486. 38. qui anno 1501. fundauit
Academiam VVitebergensem.

Americus Vesputius Lusitanus 1498. nouam terram explorauit, quam
suo nomine Americam vocauit.

3. SELYMVS primus. 7.

Tertius AEgyptum Selymus, Syriamq; subegit. 1512

*Selymus eius nominis primus, filius Baiazetis II. vir breui-
bus cruribus, promisso ventre, & proinde eques magis, Ingenium
quàm pedes commendabatur, facie subrotunda, sed & pal-
lida, oculis prægrandibus feritate plenis, cogitabundus,
primus barbam rasit (ne videlicet à Basis huc illuc raperetur vs
pater) venationi deditissimus, temperantia prædecessores
suos omnes superauit, & diligens lector fuit historiarum,
Turcicè redditarum, præcipuè bellorum Alexandri Ma-
gni,*

gni, & Iulij Cæsaris, quorum ad exemplum suas quoque actiones instituere solitus fuit.

In ferijs paschatis Christianorum, seu 11. Aprilis à Ianizaris Imperator salutatus, & solenniter inauguratus, defunctum patrem solenni pompa, & largis lacrymis (*par-ricidium vt caler*) sepelit: militibus stipendia auget, & honoraria largissima distribuit: Hamonem Iudaũ patris Archiatrum gladio ferit, dicens: Tollendus est Sultanicida, ne & me tollat veneno, si maiore vi pecuniæ corrumpatur.

*AEmulis
tolluntur.*

Mox in Asiam traiecit Acomathen fratrem vt tollat; Quia verò ipsum audit in Caramaniam fugisse, Prusæ subsistens, fratrum filios, hinc inde collectos, suffocat.

*Fratri-
dis.*

Corcuthum in Magnesia quærit, antè exortum Solis, vt in lecto obruat eum. Audiens verò eum aufugisse eius filios adolescentes optimæ indolis suffocat, & per 15. dies exploratores emissos expectat, postea Prusam reuertitur. Corcuthes autem fugerat in desertum, & latuerat in spelunca: cum verò fames, & sitis eum cogeret exire, ab exploratore (*al. à venatore*) est comprehensus, & Prusam deductus. Selymus Begum suum neruo instructum ei obuiam mittit, & iubet vt mortuum Prusam adducat. Begus ille in catenis vinctum Corcuthem incidit in oppido Egri-gos, noctu eum obruit, & dormientem suscitatur, dicitque: Ecce hunc neruum dedit mihi frater tuus, vt te suffocem.

Corcuthes.

Corcuthes territus respondet: Eja moriar, sed porrige prius calamum, & chartam, seribam epistolam, illam dabis fratri meo, cum meum cadauer ipsi offeres. Porrigitur quod petit: & pro sua eruditione, & eloquentia aliquot rithmos conscribit noctu ad lucernam, quibus ei obijcit Tyrannidem, & iustum iudicium D E I annunciat. Absolutam epistolam obfignat, & de collo suo suspendit, & iu-
bet vt

bet vt Begus exequatur sententiam fratris : strangulatur, & mane fratri Selymo mortuus offertur, Selymus detegit velum, & perlegit epistolam, & in largissimas solutus lacrymas è vestigio imperat, vt exploratores Corcuthis, qui eum de spelunca traxerant, decollati in mare proijciantur, eo ipso in loco vbi eum cepissent, quod & statim factum. Hinc Mustapha Bassa mittitur, vt Acomathis filios simili supplicio interemptos Prusam ad sepulcrum consanguineorum adducat. Mustapha & commiseratione in adolecentes, & supplicio exploratorum Corcuthis motus, monet vt mater filios aliò mittat (*& quidem Aladinus in Aegyptum, qui tamen in itinere febre extinctus est: Amurathes verò in Persiam fugit, & gener Sophini factus copias collegit quibus vi regnum suum recuperet*) Quin & ipsi Acomathi scribit, vt redeat, & liberos, vxoremque defendat.

1513

Selymo hoc nunciatur, Mustapha ad cœnam vocatus vt rebellis, & perfidus, absq; respectu pristinorum officiorum & periculorum, quæ pro Selymo subierat, in cœnaculo nigra stola donatus (*cum reliqui Bassæ purpureâ*) decollatur.

Gratitudo

Acomathes suam sobolem liberaturus redit, & Selymum solum esse audiens, Bassas autem hinc inde dimissos, festinat 25000. armatis suum fratrem obruere. Verum conatus eius Selymo reuelatur per proditorem. Ianizari per celeres Constantinopoli aduocantur. Acomathes prima vice victoriam reportat. Sequenti verò die succurrunt Ianizari Selymo, & Acomathis exercitus ceditur, ipse Acomathes equo delapsus, & in paludoso loco hærens viuus capitur, & statim suffocatus Prusam defertur, & ad reliquos sepelitur.

Schachus Ismaël Sophi (*id est, Ismaël reformatus rex, seu reformati Alcorani amplexator*) nouum generum suū, Amurathem

then Acomathis filium exulem, magnis copijs instructum, mittit, & ipsemet mox sequitur, 26. Augusti ad Choim urbem in campis Calderanis Turci Persis obuiant, pugnatur egregiè, 30000. Turci cadunt: Ismaël suis succurrit, sed sub vesperam vulneratus Turcis cruentissimam relinquit victoriam.

Postero die Selymus Persas vt profugos obruere conatur: ast illi conuersi calliditate rem gerunt, & ex insidijs ab vtraq; parte Turcos obrutos cadunt, & spolia ampla referunt.

1515

Tertio die Selymus relictis copijs Persas spolijs onustos cedit, Taurin urbem occupat, & victor Aladolum montanis gentibus Tauri, & Antitauri imperantem inuadit, Castagelu cognatus Aladoli iter intercludere conatur, Ast Sinan-bassa tamen penetrat: Aladulus à suis, qui Turcos metuebant capitur, & Sinan-bassæ traditur: Aladoli caput abscissum, cum Asiæ ostentatum fuisset, Senatui Veneto dono mittitur, & foedus cum ipsis renouatur: Filius verò Aladoli in AEgyptum fugit ad Campsonem, & vindictam contra Selymum petit. Aladoli regnum in tres præfecturas Selymus diuidit, & Iconium in Lyconia se confert, & Visiri-bassam Acomathem, adeoq; Scander-begum Bassam generum suum, & Cadilescherum, cum plurimis alijs extremo supplicio afficit, eò quod autores seditionis perhiberentur. Aiunt eum & filio Solymanno misisse vestem veneno tinctam, quam tamen mater prouida cubiculario cuidam tradidit, qui statim interiit.

Iohannes VVeiuoda Transyluaniae, audiens Selymum bellis Asiæ implicatum, colligit copias, & Turcis vim inferre conatur. Ast non solum milites amittit, sed & præfidiarios currus relinquit Turcis. Similiter & Vngari Samandriæ

mandriæ imminent: ast pari infelicitate: nam turpiter repelluntur: & insuper Turcici latrones per Croatiam, & Illyriam crudelissimè grassantur.

Maximilianus Imperator, Ladislaus rex Vngariæ, & Sigismundus Poloniæ rex comitijs & consilijs certant. Selymus præfidijs ad limites contra Christianos relictis, in Asiam reditū parat, cum sentiat nihil deinceps à Christianis moueri, & vindictam sumere de Ismaële, eò quod Amurathen defendendum suscepit, conatur.

Hæc videntur casu facta, sed profectò singulari DEI consilio, qui renascenti Ecclesiæ Halcyonia voluit. Nam Lutherus debebat lucem Euangelij per Germaniam ostendere, & tenebras Papisticas depellere.

Quia igitur Selymus Sophinum Schachum Ismaëlem 1516 vult bello inuadere, non solum ad expeditionem necessaria præparat, sed & legatos ad Campsonem Gaurium Sultanum Aegypti mittit, & monet ne se immisceat bello alieno, præcipuè quia audit Campsonem cum ingenti exercitu aduenire per Syriam.

Campson Gaurius Circassus militem collegerat, & Campson. vt supplicium sumat de perfido Cair-bego, & Aladoli filium regno patruo restituat. Quare cum legatos Selymi audisset, respondit, se non arma depositurum, nisi à prouincijs Ismaëlis abstineat, & Aladoli filio regnum restituat, & simul ad conuiuium suos proceres vocat (*Cuius exemplum vix simile puto. Nam mensa tanta fuit, vt capere poterit 2000. conuiuias, reliqua legantur in Mullero capitibus 13. 14. 15. 16. 17. & 18. parte tertia*) sub dio ad Amanum montem in amoenissima planitie, non procul à littore maris. Finito conuiuium vino pleni deliberant, quid vltèrius agendum, num Turci, an verò Cair-begus prius ad supplicium rapiendus.

Dum hi tam opiparè consultant, Selymus agit: & 24. Augusti die Bartholomæi Campsonem obruit, consilio, & ductu Cairbegi. Pugnatur non æquo Marte, AEgyptij cæduntur, Campson 76. annorum vir armis, abdomine, & ramicis pondere grauis in fuga equo delapsus, pedibus fugientium conteritur.

*Selymus in
AEgyptios*

*Palestina
deditionem
facit.*

Ierusalem.

Gaza.

Selymus mutata sententia bellum Persis quod inferre decreuerat, AEgyptijs infert, & Campsonis socios profugos insequitur ad Damascum vsque. Syria tota exanimata morte Campsonis plurimum deditionem facit. Sidon, Ptolemais, & Samaria exemplo Damasci in Selymi fidem recipiuntur. Ramath (*patria Samuelis*) vi oppugnatur. Ierosolyma deditionem facit: vbi Selymus largissimas eleemosynas distribuit, & sepulcrum Domini bis preces solennes ad D E V M suum facit.

*Iter peris-
culosum
superatur.*

Hinc Sinan-bassam mittit, vt Gazam expugnet. Gazelles præses Syriæ ex AEgypto (*vbi Tomombaum Campsonis in locum creauerat Sultanum Alcairi*) cum copijs redit, & Gazenses liberare conatur. Selymus in Bethlehem ad præsepe, seu cunas Christi preces fundens, & à DEO auxilium per desertas arenas petens, audit hoc: Quare Sinan-bassæ succurrit. Gazelles victus, amissis suis copijs, per solitudines vix euadit. Gaza vi expugnatur, & Turcicis præfidijs munitur.

Hinc accingunt se ad iter periculosissimum per arenas Arabiae. Sinan-bassa præcedit, Cairbego viam monstrante per Pharan desertum. In pago Deire Chusan-bassa suffocatur iussu Selymi, eò quod non solum dissuaserat iter, sed & milites exanimare conatus fuerat, exaggerando difficultatem viæ, siccitates, & arenas maximas deserti & Pharan. & Sur, & sanè nisi toties pluif-

pluisset, Turci in deserto Sur defecissent.

Tomombæus angustias montium deserti Sur præoccupat, & non solum machinas bellicas ibi ordinat, sed & clam maximas fossas fodit, in quas, vt occultas Turci cadant.

Arabes Turcis magis, quàm Tomombæo fidentes Selymo hoc reuelant. Quamobrem iter suum flectit, & viam per innua loca quærit: vbi sanè magis cum loci asperitate, quàm hostis feritate erat pugnandum.

Tomombæus videns sua consilia irrita reddita, 26. Augusti cum prodromis Turcorum concurrat, sed victus recedit.

6. die, qui Epiphaniarum nobis est, Ianuarij, Tomombæus redit cum nouis copijs, vt intercipiat Turcos antequam per angustias montium ducti coniungant vires. 1517

Selymus autem omnia extrema potius tentaturus, quàm recessurus cruentissimam reportat victoriam. Sinan-bassa enim cadit cum multis Turcis: inter quos etiam selectissimi Ianizari.

Tandem superatis locis periculosis ad Nilum castra locat, propè pagum Matharæam ad sextum ab vrbe lapidem. 24. Ianuarij Tomombæus denuo Turcos, antequam perficiant quod volunt, adoritur; pugnatur acerrimè, cumque res in acie nouaculæ versaretur, & Selymus cum suis iam paratus esset potius mori, quàm recedere, Arabes (qui Turcis fauebant, & de suis & sui Tomombæi viribus desperabant) sponte deditionem faciunt: Aegyptij cum Tomombæo in urbem fugiunt, & Selymus 25. (*Calendarium Eberi planè aliter numerat dies*) Ianuarij

nuarij Alcairum obsidet. 27. Februarij Tomombæani eruptionem faciunt, Ionus-bassa superatur: Tomombæus verò retrocedere cogitur 11. vel 13. Aprilis, Alcairum seu Memphis proditione traditur Selymo: ciues cum suo Duce se opponunt hosti: in plateis hinc inde certatur armis: Tomombæus in fugam se conijcit, & in paludibus à suis subditis captus, Selymo traditur. Quare in quæstione diu de thesauris acerbissimè torquetur, ac tandem asino impositus, & per urbem, laqueum de collo gestans, ignominiosè circûductus, in medio vrbis sub porta fori, quam Babfuëlam (*al. Bab-Suvvelam*) vocabant, vnco ferro suspenditur. Hinc Selymus victor reliquos in fidem suam suscipit, vicinas vrbes, præcipuè Alexandriam visit, & Alcairum redit. Cair-begus, & Ionus-Bassa constituuntur præfides Aegypti. Selymus reditum parat in Thraciam Alcairo relicto. Ast Ionus-bassa nolens ferre parem Cair-begum, clam apud Selymum, in initio deserti Sur adhuc hærentem, literis missis accusat, tanquam coronæ affectatorem. Selymus Cair-begum per celeres vocat, & læto animo mox aduolantem ab equo detractum capitali afficit supplicio, non audita eius responsione ad accusationes Ioni-bassæ (*Leuenclausius Ionum-bassam per Cair-begum ita accusatum dicit*) atque ita Cair-begus meritas proditionis poenas luit.

1518

Selymus superatis arenis deserti Sur, & Pharan in Palæstinam, & Syriam redit, Gazellem vasallum & tributarium suum Syriæ Bassam constituit (*ast non absq; odio Iani-Zarorum, qui reprehendunt hoc factum, quod nimirum exteris, qui deditionem fecissent magis tribuat, quàm quorum fidem hætenus probarat*) & adducens plures, quàm quingentas nobiles familias, magnamque foeminarum, & puerorum Aegyptio-

ptio-

*Alcairum
capitur.**Aegyptus
occupatur.**Delator
auditur.*

ptiorum multitudinem triumphabundus Constantino-
polim redit, arma deinceps in Vngaros conuersurus.

In Europa fama hoc subito nunciat. Maximilianus
comitia Augustæ Vindelicorum celebrat, in quibus de me- *Comitia*
dijs, quibus turcica vis repelli possit, agitur, & *Augustæ.* Lutherus
cum Thoma Caietano Cardinale, Legato à latere Leonis
X. per Germaniam, eruditissimè & grauissimè colloqui-
tur de Tezelij auaritia, & theses suas de indulgentijs de-
fendit.

Verùm dum hi inter se conueniunt, & expeditionem *1519*
contra Turcos meditantur, Maximilianus Imperator Ger- *Maximili-*
manicus 12. Ianuarij die Mercurij moritur, & cum ipso *aus mors-*
ipsa expeditio. *tur.*

Selymus verò bello AËgyptiaco & Syriaco tam fe-
liciter confecto, vires recolligit, vt eò atrocius in Chri-
stianos ruat: pariterque filium, regulis vitæ (*Othomanicè*
intelligendo) instruit, Pyrrhoque Bassæ grauiter iniungit,
vt eandem, vt experientia probatas, Solymano crebro in-
culcet. Præterea & effigiem suam in cubiculo ad le-
ctum suspendit, cum hac inscriptione: Sulthanus Se-
lymus Othomanus, Rex Regum, Dominus
Dominorum, Princeps principum, filius & ne-
pos DEI SSSS.

Hanc effigiem postea Solymanus filius admodum ex-
ornauit, & regulas patris tres præcipuas aureis literis ad
Tabulæ latera adscribi curauit.

1. Ad Sinistram tabulæ Sclauonica lingua. 2. Ad dextram
imaginis Selymi, græca lingua; 3. Ad calcem Iconis,
Turcica lingua aureæ istæ regulæ scriptæ fuere, in hunc
modum.

Y

Delin-

1.

Delinquentes secunda vice ne dimittito, sed crudelissimo afflicto supplicio.

2.

Consanguineos suspectos præ aliis festinato è medio tollere, ne sit imperij æmulus.

3.

In bellis ipsemet præsens adesto si cupis fructus vires inde percipere.

1520

*Selymi
Mors.*

Cum itaq; Selymus iam Syriam & Aegyptum suo imperio adiecisset, Constantinopoli relicta (*vel pestem fugiens, vel pascha alibi celebrare volens*) Adrianopolim proficiscitur. At in itinere vlcus in humero nascitur, quod magnos ipsi Selymo parit cruciatus. Quapropter subsistit in itinere, & tentoria figit circa Chiurlum pagum Thraciæ, medicos vocat (*qui apostema pestilentielle esse vident*) & iubet vt current quamprimum. Pyrrhum & Acomathen Bassas Adrianopolim præmittit, vt præparent ad festi paschatis celebrationem necessaria. Ferrathen Bassam verò, vna cum medicis secum retinet, donec sanato vlcere eò sequatur. Ast vindicta diuina adest, apostema longè, lateque cancri instar serpit, & tertio die Selymus eo ipso in loco, quo olim cum Præcopitis Tataris patrem suum Bajazeten opprimere conatus fuerat, exhalat animam, ætatis suæ 46. regni 8. Christi 1520. Mahometis, 926. 7. Scheual, qui tunc respondebat, nostro Septembri: sepelitur Constantinopoli.

Eius Epitaphium tale legitur.

*Hic maximus adsum Selim, qui orbem domui:
Non bella relinquo, sed pergo inquirere grauiā:
Non vlla potuit me fortuna eueriere:
Licet ossa iacent, animus bella querit.*

Sobo.

Soboles Selymi	{	N. Filia copulata Scanderbego Bassæ.	
		Solymanus qui successit patri mirabiliter per matrem seruatus, ne veste venenata interficeretur.	
Synchroni Selymi primi.	{	Imperatores	{ Maximilianus I. 1499. 25. Carolus V. 1519. 39. Iulius II. 1503. 9.
		Pontifices	{ Leo X. 1513. 9. al. Iohannes Medicus Florentinus filius Laurentij magni 39. annorum quando electus in pontificem.
		Electo Brandenburgicus Ioachimus I 1499. 35.	
	{	D. Martinus Lutherus repurgator Evangelij ex tenebris Papistice, lucem salutis in Saxonia accendit A. C. 1517. & inde per totam Europam.	
		Ferdinandus Magellanus Lusitanus mare Mogollanicum inuenit 1520.	

4. SOLYMANVS 46.

Obsedit quartus Solymanus tecta Viennæ.

Solymanus (al. Suleiman, al. Seuleman, al. Seuleimanes quod a-
liis Salomon) vnicus hæres, & successor Selymi primi, ado-
lescens placidus, modestus, religiosus, negotiosus, seu *Ingeniosus*
nunquam otiosus, inuentor rerum ad pacem, & bel-
lum vtilium: vnde agnus dicebatur Leoni succedere. Vir
factus vulgatum dictærum suo exemplo confirmavit:
Angelicus Iuuenis senibus Sathanizat in annis, utpote
qui studia quidem fouit, & memorabili schola, & hospitali
sibi monumenta fecit: Verum interim horrendis libidini-
bus, exstructo tyrannide & ambitione pollutissimus.

Aetatis 20. anno, Octobri mense, patri succedit, ex
Magnesia per Saray-bassam aduocatus: & ut proximo
mense post Carolum V. natus: ita proximo anno post Ca-
rolum salutatus est Imperator.

Parentem suum in proprio suo hospitali (id est adifi-
cio in quo Selymus sibi sepulcrum & pauperibus sustentationem con-
stituerat.

stituerat) cum sepeliuisset, in Sarayo deductus est, & Imperator solenniter salutatus: inde in Sophiæ templum ad preces, & sacrificia: vnde rursus ad conuiuium solenne, in quo Bassis nouas vestes, Ianizaris honoraria regalia pro more distribuuntur. Hinc vicinis Europæ Dominis vel pacem, vel bellum, secundum leges Mahometicas offert.

Res gesta. Sub initium sui imperij Parthis primo bellum infert: iuuenili autem feruore rem agens 100000. suorum amittit vno prælio. Quare Ianizari ipsum, vt imperio non idoneum, clam conantur tollere: ipse verò precibus & lacrymis culpam deprecatur, & quæ in Asia amisit, in Europa recuperare promittit adeoque Albam Græcam, & Vngariam suo imperio adijcere.

1521

Gazelles.

Gazelles Sori-bassa seu Syriæ præses Selymi morte cognita, se suo iuramento satisfecisse ratus, non Solymāno, sed sibi regnum quærere conatur: implorat auxilium Rhodiensium, adeoque consilium, & opem Præsidis Aegypti. Cair-begus Aegypti Præses legatos Gazellis interficit, & per celeres eius seditionem Solymano reuelat. Ferrathes-bassa (*al. Farates*) Gazellem milite Turcico obruit & ad Damascum victum cædit, & Cair-begum lonum-bassam vt fidelem denuo confirmat.

Ianizari verò instant vt promissis Sultanus satisfaciatis suis, hortanturque vt Belgradum primo quoque tempore capteret, cum illa vrbs superbè ostendet trophæa, & anathemata olim Turcicis Sultanis ademta. Alij volunt causam belli fuisse hanc, quod Vngari legatos Solymani pacem, vel bellum offerentes in carcerem coniecerint, vindicaturi suum legatum Barnabam Belum, olim à Selymo I. detentum, ad aliquot annos, non tamen interfectum. Copiæ colliguntur: Ferrathes-bassa ex Syria reuocatur: Vngaris

garis hæc omnia prænuntiantur: ast furdus fabula.

Solymanus Philippopolim, & inde Sophiam peragra- *Alba Gra-*
tus, Belgradi limites attingit: Præfectus Belgradi per ce- *ca capitur.*
leres suos Ludoico regi nuptias adornanti significat, si-
mulque militem, & pecuniam poscit. Ludoicus hoc nun-
tio exanimatus, nescit quid agat: Vngari eius meticulosi-
tatem ridet, iubentque vt exporrigat frontem, rem esse
extra periculum, alius celer venit, & vehementius poscit
opem tantum 100. floren. vt militibus aliquid dari pos-
sit, ne abeant. Rex qui ita à suis proceribus exhaustus, vt
ne vinum quidem, quo sitim sedaret, soluere posset, ad
proceres suos, quos supra modum donis, & honorarijs
infinitis ditauerat, denuò confugit, ast ex silice aquam:
implorat opem Silesiorum qui 500. pedites mittunt (*nole-*
bant enim seruire regi pecunia carenti) ast antequam adueni-
unt, Belgradum, à Turcis vi occupatur. Quantam gratiam
apud Ianizaros Solymano hæc victoria pepererit, non
facile dixerim. Imo & ipsius Sultani mens ex copijs epi-
stolarum eius palam fiet.

1. *Exemplar. Solymanus Taccus DEI gra-*
ria Rex regum, Dominus Dominantium, maximus Impe-
rator Byzantij & Trapezundarum rex prepotentissimus
Persidis, Arabie, Syrie & Aegypti, Dominus Asie & Eu-
rope, princeps Mecha, Alepi, Ierosolymorum Dominator,
possessor maris vniuersi, Reuerendo patri F. Philippo Vi-
lerio Liladamo Magno-Magistro Rhodi, & A-
sie legato, Salutem.

CRatulor tibi aduentum, & nouum principatum, quem
habeas diu faustum, ac felicem cupio. Spes enim mi-
hi est quod virtute ac fide superaturus sis omnes, qui re-
tro

trò in Insula Rhodiensi imperarunt, à quibus maiores mei semper vim suam abstinuerunt: quorum exemplo tecum in eo gratiam & amicitiam. Gaude igitur amice, & gratulare mihi victoriam, & triumphum. Siquidem ætate superiore Danubio traiecto Vngarorum regem, quem occursurum credebam in acie sub signis expectavi inauso prælio decertare. Taurunum totius regionis urbem munitissimam, & vicinas aliquot arces vi abstuli, multis mortalibus ferro, & flamma trucidatis, plerisque in servitutem redactis, victor & triumphator in hyberna regressus sum, ad regiam meam aliam urbem Constantinopolim. Vale.

Alia Epistola.

Solymanus &c. Lilidamo &c. S.

Certior factus sum meam epistolam redditam esse, quam quod rectè intellexisti (*mirum dictu*) quàm placuit. Confide quod victoria Tauruni minimè sum contentus, alteram spero, imò mihi polliceor: Quam tibi, cuius semper sum memor, nequaquam occultam esse finam. Vale ex Constant.

Alia Epistola.

Pyrrhus Apocletus F. Philippo Vilerio
Lilidamo Magno-magistro Rhodi
& Asiæ legato S.

Epistolam tuam, sensu maiorem, quàm literis exhibui maximo Imperatori nostro: tabellarium autem non sum passus admitti, ne plebeio nuncio offenderetur: ad quem mittres deinceps viros illustres, ætate & prudentia commendatos, quibus cum, si in animo habeat, possit de re communi transigere. Quod si facies non te facti, nec me consilij poenitebit. Quem mitto, adfert ad te literas
etiam

etiam a nostro Imperatore, cuius diuino numini quomodo sit respondendum, monitus es. Vale ex Constanti-
nopoly.

Responsio.

Frater Philippus Vlerius Lilidamus

Magnus-magister Rhodi Pyrrho

Apocleto. S.

Literas tuas simul & nuncij mores, & ingenium diligenter perpendi. Consilium tuum non contemno, nec obseruo quidem, dum miles meus agros, portusq; tui Domini deprædatur: quod vt tolerem, fecêre iniuriæ quas à Piratis Turcicis acceperunt. Verùm reuocabo excurrentes, missurus ad Imperatorem tuum oratores, ad quos fidem publicam exeundi, & redeundi eius diplomate testatum præmittas. Vale ex Rhodo.

Alia Epistola.

Solymanus &c. Vlerio, eiusque equi-
tibus, & vniuerso populo.

Commouerunt me afflictissimæ meæ gentis commise-
ratio, & iniuria vestra summa. Impero igitur vobis dediti-
onem piè vltroque concessa gratia securè abeundi cum omni supellectile, aut si libet, manendi sub meo imperio, in nullo nec tributo quidem minuta libertate, aut religione vestra. Si sapitis præferte amicitiam, & pacem crudelissimo bello &c.
Ex his epistolis patet, & quod dixi, & quod postea de occasione occupatæ Rhodi dicetur.

Sub hoc tempus Ali-begus nefariè cum filijs trucidatus, & regno hæreditario priuatus. Nam Ferrathes-Bassa, cum non multis militibus ad eum proficiscitur
(reconciliaturus videlicet suum imperatorem, cuius leserat)
maiestatem

*Morbis
Leonis at
grostantis*

maiestatem) & in itinere simulat se morbo repentino cor-
ripi: mittit legatos ad Ali-begum, testaturque se morti vi-
cinum, ac proinde petit vt mox aduolet, & testamentum
suum accipiat, militemq; sibi commendatum habeat. Vo-
catus accurrit cum vtroq; filio visitaturus suum intimum,
& testamentum cogniturus. Vbi verò tentorium agroti
ingressus fuerat obruitur à lictoribus, & miserè cum filijs
trucidatur. Hac calliditate Ferrathes-bassa Cappado-
ciam, Galatiam & Armeniam (*quibus Ali-begus hæreditariè
præerat*) suo Sultano subijcit, & mox in gratiam recipitur
ab eo, qui omnia regna iustis hæredibus præripere, &
suis subijcere gestiebat.

1522

*Rhodus oc-
cupatur.*

Solymanus Rhodiensium facto (*quod ex superiori epistola
notum*) motus exercitum 200000. Turcorum 240. nauibus
imponit, & 4. Iulij Rhodum Insulam terra mariq; obsidet.
Erat in ea Lilidamus (*al. Viladamus*) cum 700. equitibus or-
dinis S. Iohannis qui viriliter indefessum studium, & la-
borem Turcorum, expugnationem vrbs miris modis vr-
gentium, sustinent, & eorum conatus sæpissimè irritos
reddunt. Quia verò à reliquis Christianis deseruntur,
tandem 25. Decembris deditiorem faciunt, præcipuè
quando vident Ferrathes-Bassam ex Natolia, & Cair-
begum ex Africa plures naues adducere. Equites dediticij
in Italiam fugiunt, & à Carolo V. Maltam Insulam tradi-
tam occupant, suoque studio contra Turcorum insultus
præmuniunt. Hic mutato nomine cœperunt dici equites
Rhodienses, cum antea hospitalarij S. Iohannis diceren-
tur. Cair-begus morbo ad Rhodum contracto, in itinere
moritur, & Ibrahim-Bassa Acomathen Cairi regnum sibi
rapere conantem, delet.

Hoc bellum halcyonia peperit Euangelicis Germa-
nia.

niæ. Nam superiori anno Lutherus VVormatiæ publicè Christum purè professus est: & hoc anno 6. Martij ex Pathmo redijt VVitebergam, vbi Carolstadium Iconomachum, & technophonum expulit, & ornatum templi & seminaria Ecclesiæ Scholas & Academiam restaurauit.

Hoc anno quidam volunt Maltam Insulam obsessam I 523 primò, & frustra à Turcis oppugnatam, eò quod exules equites Rhodi exceperet.

Satanas ægrè ferens scholarum restitutionem & Ec- I 525 clesiæ restorationem, adeoq; coniugij sanctificationem, nouas turbas excitat, per seditiosos rusticos, qui tamen tempestiuè à pio & vigilante magistratu repressi sunt.

Promiserat Solymanus Vngariam subigere, & re ipsa I 526 se regno idoneum probare. Quamobrem Belgradum redit, & inde hostiliter grassatur in obuia. Vngari genio indulgent, & nondum credunt Turcos tam proximos. Ludoicus rex Vngariæ Trepconem mittit ad focerum suum Sigismundum Poloniæ regem, sed egenus nihil impetrat. Comitia Budæ celebrat, ad quæ Albertus Brandenburgicus (*cui Ludoicus maximè commendatus*) Marchio non vocatur: & quia quotidie Turca magis appropinquat, contribucionem satis negligenter Vngari conferunt, milites conscribunt, Paulus Tomori monachus verò thrafonico ingenio præditus, eligitur archidux militum, & vt ei autoritas accedat salutatur episcopus Colociensis. Paulus exercitum 25000. militum non vult educere contra Turcos, nisi rex *Exercitus contra Turcos.* ipse vnà eat: Ludoicus vxorem Mariam Posonium remittit, & cum militibus suis iter ingreditur. Dum portas exit equus titubat ita, vt Ludoicum ferè deiecisset ex Ephippio: Vngari verò tanta læticia exeunt, ac si ad nuptias pergerent. Georgius Zepusienfis (*al. Zepusius*) suas copias

Z

Vnga-

Vngaricis addit: Vngari hunc volunt ducem repudiato Paulo: eò quod Franciscus Perenus Episcopus VVaradini dicebat: Iste Paulus conuertet gentes ita, vt nouum festum 300000. martyrum in Calendarium referendū fuerit. Ast Zepusienſis nunquam gladium in hostem vibrauerat, Paulus cucullum non clypeum, sphaerulas precatorias non globos in hostem emittere didicerat: Rei ignarus militiæ huc illuc à suis rapitur: Ambrosius Saracanus poſcit ſibi 600. equites, vt transitum ad Drauum custodire poſſit, ne Turci traiſciant. Paulus dicit exercitum non diuidendum. Verum ubi plures conſulunt, & nullum conſilium in actum perducitur, omnis impenſa perit, quid multis? Cladibus irruimus, nocituraq; poſcimus arma. Dum hi conſultant & rixantur, Turca agit: venit uſq; ad Mogacium, coquus adit Ludoicum regem, & quærit: Domine ubi vis tibi parare cœnam? reſpondet ille: Dominus qui in altis habitat nouit an, & ubi cœnaturi ſimus: uſque adeo mens præſaga mali: Vngari iras concipiunt in regem tanquam exercitum ſuo exemplo exanimantem. Ast interim Solymanus aciem inſtruxerat: Paulus idem facit 29. Auguſti Ibrahim-Baſſa primus impetum facit, bombardas exonerat, clamorem excitat: Vngari fumo viſo, & clamore audito terga vertunt, ne in cœno cœnare opus ſit. Si-leſij & Moraui, quia relinquuntur ab Vngaris (*qui in comitiis nolebant exterorum auxilia, vt qui ſoli Turcos vel ſobrj*) cadunt. aiunt 15000. Chriſtianos hoc prælio cecidiſſe. Pauli caput Solymano offertur: Georginus Zepusienſis cum Ladislao Archiepiſcopo Strigoniienſi (*qui verè Nabal are diſfluens ne 100. ſtoren. voluerat regi ſuo mutuo dare*) vndis Danubij ſe committit, hoſpitiū in Euxino Ponto quaſiturus, & cum piſcibus cœnaturus: occiſorum capita

in v-

*Pugna Mo-
gazenſis.*

in vnum acervum congeruntur, & comburuntur. Ludoicus rex nuspiam inuenitur, diligentissimè quæsitus (*Zettericius solus sciebat ubi esset suo tempore inueniendus*) 3. Septembris Solymanus Budam urbem ab Vngaris relictam ingreditur, monstratur ei in arce effigies Ludoici, & Mariæ coniugium (*quas sine lacrymis aspicere non potuit*) auferuntur tres columnæ ex Crichalco fusæ, Iconem Herculis, Apollinis & Dianæ referentes: Vrbs, Neandro referente, incendiatur, & conflagrat regia Bibliotheca Huniadis, & receditur in Seruiam in hyberna.

Budaa

Grassante VngarICas TVrCa VICtore per oras

FlēpreDeCeCIs regia BVDa GetIs.

Maria mœsta vidua iubet maritum (*quia hostis iam abierat*) quærere, Zettericius Silesius, (*qui eum viderat curis armisque grauatum cum equo submergi, & liberare non potuerat, præsertim cum exspirasse eum viderat, & proinde in cœnum alius immeraserat, ne à Turcis inueniretur*) eum ex cœno, (*in quo per aliquot dies iacuerat*) extrahit, lauat, vngit, & Albæ regali sepelivit. Hic Ludoicus verè ad miserias in miserijs natus dicitur. Natus est enim sine cute, & proinde cutis ei arte medica facta. Coronatus est ante iustum tempus, vtpote biennis: præcoci fuit ingenio sed ad bella non apto: voce virili ante ætatem Bassum canens multos alios superauit; barbam ante iustam ætatem adeoque 17. anno ætatis canos in capite, & barba aluit: 13. anno ætatis vxorem duxit: 20. anno in cœno expirauit in conflictu, quando cum Solymano iuvene 27. annorum commisit prælium.

*Ludoicus
rex requis
ritur.*

In eius locum Ferdinandus Archidux Austriæ rex Vngariæ creatur. 20. Maij ex Silesia in Boëmiam pergit, vt homagium accipiat, & Budam recuperet. Proceres Vngarici

rici Ferdinando non satis fidentes, Iohannem Zepusien-
sem VVeiuodam Transyluanix suam operam satis magni-
ficè offerentem, Regem Vngariæ contra Ferdinandum sa-
lutant, per Paulum Episcopum Strigoniensem, & Brodo-
ricum episcopum Vazianum coronant Budæ.

1528

*Turcorum
auxilium
implorat
tur.*

Ferdinandus aduersarium suum, vt decet, quærit &
ingentem exercitum Budam ducit. VVeiuoda fugit ex
vrbe in Poloniam, & Hieronymo Lascio autore, ad Soly-
manum, imò ipse (*Laski*) Lascius ad Solymanum profici-
scitur, vt certò impetret auxilia. Ferdinandus Oberdan-
scum etiam Constantinopolim mittit donis onustum, &
petit ne Turca se huic negotio immisceat. Sulthanus sibi
leges præscribi hoc legato prætendens, ocysus vel com-
plosione pedum, totam Thraciam milite replet, & sua ce-
leritate vsus Budam attingit: ciues fugiunt, & urbem ar-
cemq; hosti apertam relinquunt. Solymanus verò vlteri-
us hostem Ferdinandum quærit Blindeburgum, Granum,
Dotis, Comorram & Altenburgum partim vi, partim pro-
ditione Episcopi Strigonensis occupat.

Buda.

Vngaria.

1529

*Vienna ob-
sidetur.*

Subsequenti anno iter cœptum continuat, ast plu-
uijs, & Danubij exundationibus periculosisimis contra
spem & opinionem suam cogitur subsistere ad Verthen
montem. 13. Septembris *Viennam* Austriæ attingit cum
300000. Turcis, ac Tataris: urbem quinq; in locis obsidet
(*Nam Ibrahim-Bassa montem antiquæ arcis: Beram-begus ad D.
Vlrici: Micalogli ad montem templi S. Viti: Iani & arorū Aga ad Scotto-
rum portam: Solymanus ipse ad S. Marci templum castra sua locat*)
10000. senes, matronæ, virgines, infantes & Sacerdotes
clam ex vrbe emissi in sylua vicina à Tataris 25. Septem-
bris intercipiuntur, capita eorum circa muros eriguntur
hastis. Oppugnatio inchoatur, imber sagittarum plateas
omnes

omnes tegit, aditus quæritur per subterraneos cuniculos: obsessi erumpunt aliquoties, sed dissimili fortuna. Ibrahim-Bassa propius ad muros accedens agrè euadit: & quia arietes non habent Bassæ Ianizaros & Turcos gladijs & fustibus cogunt sarmenta colligere, fossas replere, & muros conscendere (*id quod de turri S. Stephani optimè videri potuit*) magno labore pars muri ad D. Claram deiicitur, sed obsessi ciues viriliter hostem repellunt, & ruinam restitunt 12. Octobris ad Carinthiæ portam alia pars muri deiicitur, ast nullo cum commodo Turcorum. 14. Octobris signifer antea captus, iam aurea veste donatus, liber in urbem remittitur, si hac calliditate porta aperiatur. Quia verò Bassæ vident actum agi deficientibus arietibus 15. Octobris noctu abit Solymanus, & abducit 60000. captiuos Christianos, & vt tutior abeat Ibrahim-bassa ad urbem manet per nouem dies 17. Octobris altera pars exercitus abit cum Bassis 24. Octobris reliquiæ abitum parant, sed à ciuibz erumpentibus plurimè eorum caduntur. Hinc magno cum gaudio DEO gratias agunt, pro hac liberatione.

*Cesar in Italia Venit qVo Caro LVs anno
Cintra est Riphals nostra Vienna getis.*

Aliud.

*Gens a Cr1 Cingit pharetrata Cohorte Vienna M:
Sentit at AVstria Cos non CarVisse Vlris.*

Hoc tempore D. Lutherus publicauit suum libellum de bello Turcico, Tom. 4. Ienensi, f. 431. & sermonem bellicum (*seu classicum*) qui extat eodem Tom. f. 472.

DEVS Turcam educit in Eubœam ad sedandos Bassas 1530 seditiones, & insulam recuperandam, & Augustæ in comitijs veritatem coelestem exhiberi curat Carolo V. Imperatori.

tori. Nam Augustæ exhibetur Augustana confessio (quæ Lutherus Germanicè præscripsit, & D. Christian Beyer legit in corona procerum imperij: quam Philippus, & Brentius latinè reddiderunt, & per D. Georgium Pontanum Carolo exhibuerunt) protestantium principum, & Theologorum (quos Carolus V. primus sic vocauit in comitiis Spire 1529. eò quod contra decretum Pontificis protestati essent) Apologia verò confessionis ad manus Caroli non peruenit.

*QVæ sit Certa Fides ratio qVæ Certa saLVtē,
Porrigit Vr scripto Caro Le Dle tibi.*

1531

Antiquus Draco aliam viam ingreditur, vt turbet e-lucescentem lucem Euangelij, & excitat Vtricum Zvvin-glium, qui vtroque gladio politico, & Ecclesiastico coniuncto conatus est suum propagare dogma: ast

*OCCVbVlt patris beLLator Cnlg LIVs ense,
Et pressa est arMls gens popV Lesu sVls.*

Beza de ipso sic scribit:

Cinglius arderet gemino cum sanctus amore

Nempe DE I inprimis: deinde etiam patria.

Dicitur in solidum se deuouisse duobus:

Nempe DE O inprimis, deinde etiam patria.

Quam bene persoluit simul istis vota duobus!

Pro patria exanimis pro pietate cinis.

Ratisbona.

Carolus hoc ipso anno Ratisbonam ex Belgio redit & quia protestantibus autonomiam, & generale concilium promittit, etiam ab iisdem auxilia contra Turcos impetrat. Quapropter 7. Electores, & 24. ciuitates mittunt 100000. milites & tributum promissum, qui Budam pergunt.

1532

Solymanus iam dudum hæc rescuerat, quare circa Mogacium iter flectit, & ad sinistram declinans, Albam Regalem

galem præterit: inde Gesthe monte superato cum Papam oppidum munitissimum oppugnasset, *Guntzum* urbem ad *Guntz.* Gonasum fl. limitibus Austriæ proximam, sed munitissimam obsidet, ut nimirum liberum iter hac ratione in Austriam ex Rascia habeat. Ast cum per 29. dies muros urbis tredecies oppugnasset, & tamen viriliter à Nicolao Iurischitz repelleretur, mutato animo in Persiam iter reflectit: præcipuè quando Carolum audit propius accedere cum ingentibus copijs: & tamen ne Christianis quies relinqueretur, aut Turcica vis minuta, aut Mahometici metuere viderentur aduentum eorum, Cason-bassam (*al. Casanum al. Casonum*) cum 15000. Turcis illic loci relinquit.

Casonus audiens Viennæ confluere Christianos eam urbem, ut iam ante tentatam, & nunc magis munitam ad dextram relinquit, & rectà ad Anisum fl. usque excurrit, Fridericus (*alii Philippus*) Palatinus summus Dux 200000. Christianorum Casonis exercitum partim obrutum cædit: Carolus qui Aredatam (*al. Lintium Lintz*) nuperrimè attigerat, Casonum ad urbis agros usque populabundum penetrasse sentiens, Vienna vocat Palatinum, qui 17. Septembris Casonum victum in fugam conijcit.

In Asia verò Sophi Persicus, Solymani aduentum rescuerat, quare ei in Armenia occurrit, & antequam copias coniungat, Constantinopolim repellit.

Hariadenus Mitylenæus cognomine Barbarossa Algerij præses, ingenti classe in Africam iuxta littus mediterranei nauigat, & Tuneti Metropolim regno homonymam callidè adit, & pacem simulans urbem intrat, obuia quæque tollit ferro & flammis, Regem & filium occidit: Mulcasses alter filius in Hispaniam fugit ad Carolum V. & auxilia quarit.

Soly-

1534 Solymanus Barbarossam pro isto officio, quod Punicum regnum Turcico iugo subiecerat, nouis honoribus ornat, & Visiro-bassam Africæ littoralis seu Barbariæ constituit, vt eò magis studeat plura regna in Africa sibi subijcere. Erat enim hoc primum regnum quod Turci in Africa occuparunt.

1535 Mendax autem & homicida ille ab initio, nouas turbas excitat, contra illucescentem veritatem Christi, per Hans Leiden Sartorem, & pseudoregem, Herm Staped institorem, Bernhardum Rothman Theologum, Bernhardum Knipperdolling Consulem, Gebhardum Kippenbrugen Senatorem, Iohannem Tausentschevvr pseudopropheta, & id genus Anabaptistarum Monasteriensium, quorum historia nota ex Sleidano.

Dum Solymanus Thamaso (*al. Thome*) Persarum Regulo Mesopotamiam, Assyriam & Babyloniam adimit. Carolus V. in Africam nauigat 16. Iunij Tunetum (*al. Carthago*) oppugnat 21. Iulij expugnatam sibi subijcit. Hinc Barbarossam ad Goletam cædit, & reliquis regni Tunetani locis deditione occupatis, Muleassen, vt Valallum, & tributarium suum Tunetano regno præficit, & in Europam victor reuertitur.

*Cæsaris horribil' Cospe Ctat Cartago triv' Mphos
Et ne Ce p'vnti Vr rex Anabaptano Va.*

Hoc ipso anno & *Germanica Biblia* in Germania per Lutherum publicantur.

1536 Solymani classis in Apuliam mittitur, consilio Barbarossæ Siciliam captantis pro Carthagine. Veneti foederibus non satis fidentes, classem suam armatam ad Corcyram Duce Andrea d' Oria (*al. Andrea Doria al. Andrea de Auria*) mittunt, si Turci quicquam hostile tentent. Turci verò piraticam exercent.

Dum

Dum igitur hæc in mari parantur, & Bassæ Turcici terrâ Moldauiam suo Sultano subijciunt, Ferdinandus *Moldauia.* 8000. equitibus, & 16000. peditibus stipatus Turcos ex *Possaga* id est, territorio Temesiensi, & vicinis propulsurus in Vngariam proficiscitur. Ast circa Quinqueecclesias concurrit Turcus, & Christianus miles, Turcicus vincit, & præter opima spolia etiam 6000. (al. 600.) Christianos in captiuitatem abducit.

Andreas D' Oria classiarius Venetus 12. naues Turcorum hostiliter palantes obruit, cruentam victoriam obtinet, & naues reliquas incendit. Barbarossa vim suam conuertit in Venetos, vt foederis violatores, & pariter in Carolum V. Quare Castro vrbs Calabriae maritima crudeli *Castro.* ter diripitur, Venetorum classis petitur, certatur velitari prælio. Quamobrem Veneti bellum pro pace arripiunt, Hieronymum Pesaro alia classe instruunt, qui *Scardonam Obroazgo, & Ostrouizgo,* Turcicas vrbes in Dalmatia sitas, diripit. Classis autem Turcica Caneam Cretæ urbem occupat Ericusam exurit, & circa Velonam, Hydruntum recuperatura naufragio perit.

Barbarossa noua classe Turcica instructus redit in Adriaticum, seu Venedicum sinum, Nouocastellum Dalmatiæ expugnat.

Veneri tot cladibus fracti, & cum Imperatore Romano non consentientes, Laurentium Gritti (*qui Constantino- poli educatus fuit*) mittunt ad Solymanum: Hoc defuncto Thomam Contarinum mittunt, qui nihil impetrare potuit, tandem Ludoicum Badoer Constantinopolim (*nuper incendio ad carcerem publicum exorio laceratam*) mittunt, qui duris conditionibus pacem à Solymano impertrauit.

Iohannes comes Zepusiensis VVeiuoda Transyluaniae mori-

moritur: Isabella vidua (*filia Sigismundi Poloniae regis*) filium Iohannem 7. Iulij natum conatur substituere defuncto patri Iohanni. Quia verò sibi metuit à Ferdinando, legatos ad Solymanum mittit, petit vt tutelam viduæ, & pupilli suscipiat. Interim Albæ-regali maritum defunctum sepe-
lit, & infantem coronat, consilio procerum Vngariæ.

Ferdinandus Hieronymum Laski etiam Constantino-
polim mittit, eique omnem rem exponit (*at Laski in carce-
rem abducitur*) Mox & Nicolaum comitem Salmensem mit-
tit ad Isabellam, promittitque infanti comitatum Zepu-
sensem: Isabellæ verò regiam dotem, si Vngariam reddat. Isabella dilationem negotij petit, prætexens id consilio Patris Sigismundi Regis Poloniae faciendum. Ast Nico-
laus dolum olfaciens retrocedit, & aduentum Turcorum suo regi Ferdinando annunciat, hortaturq; vt Budam oc-
cupet, antequam Turci adueniant. Bassæ verò Turcici, Mahometes, & Vstrephus urbem VVezen occupant, & spolijs onusti in hyberna redeunt.

1541

In comitijs VVormatiensibus Ferdinandus auxilium contra Turcos obtinet, & VVilhelmum à Rockendorff mittit, vt Budam occupet: ast VVilhelmus prius obsidi-
onem parare cogitur. Superueniunt Turci: Rockendorff-
fius in tentorio suo epistolam exarans inter scribendam magno globo feritur: 3000. Christiani cadunt. Bassæ *Pe-
stum* vi expugnant, 20000. deditioem facientes crudeli-
ter trucidant: Solymanus ipse subsequitur, & quia fœ-
tor cadaverū ei aduersatur, vltterius pergit versus *Sirigo-
nium* ibique sua castra, vt loco puriore, locat. Addu-
cuntur ei 60. captiui, inter quos vnus procerior corpore Bauarus (*al. Noricus*) natione. Hunc inermem, & ma-
nibus vinctum pumilioni suo committit (*visus excitandi gra-
tia*)

ita) vt occidat: pumilio tibias & crura Gigantis pluribus ictibus ferit donec succumberet, iacenti caput vix vigesimo ictu abscindit, & Solymanno offert: mox & reliqui 59. dissecantur à Satrapis.

Hinc denuo concurrunt Turci, & Christiani. Turci victoriam optatissimam reportant: Christiani ferè omnes, vt, qui potius mori, quàm in captiuitatē abduci volebant, cadunt acie gladij. Cum igitur Budam ab obsidione libera-
Budaca
Pla
 rasset; Isabella proceres ad Solymanum mittit, & gratias agit pro liberatione. Solymanus Iohanni Zepulienfi mittit tres equos VVallachos pretiosissimis honorarijs onustos, adeoq; singulis Vngaricis proceribus vestes purpura & auro contextas & petit vt Isabella Iohannē filiolum in castra mittat: se enim nō posse discedere nisi prius osculatus fuerit Iohannem. Vidua exanimata cōsilio procerum mittit filium suū: Solymanus eum osculo excipit, & quia plorando plorat, filijs suis Selymo & Baiazeti eum tradit, vt motu brachiorum sedent eius eiulationem: proceres ad prandium sumendum retinentur: indulgetur genio, aliquot Ianizari vrbem ingrediuntur, vt nunquam antea visam, redeunt, & gloriantur de eius præstantia; & alios secum adducunt, quasi monstraturi illis vrbem: sed hoc dolo ferè tota vrbs Turcis oppletur: Templum D. Mariæ sacrum vaftatur, ara, suggesto, & baptisterio destructo, signum Turcicum de turri templi D. Mariæ suspenditur: Solymanus signum videns epulas interrumpit, Vrbem, comitantibus eum Proceribus Vngariæ ingreditur, prætendens se filium Matri restitutum. Mox intrat templum, quod sibi præparari iusserat destructa ara, & D E O gratias agit pro hac victoria: Inde arcem ingreditur, Isabellam vocat, filium reddit, iubet-

que vt cum eo Lippiam eat, vbi tutior effet, & patri viciniore: testaturque necessarium esse, vt Buda Turcis tradatur: se enim citius posse ibi ipsis opem ferre contra Ferdinandum & alios hostes. Hæc facta dicuntur 29. & 30. Augusti. Quo animo vidua cum filio, & consiliarijs suis Proceribus Vngariæ exiuerit, cordatus quisque facile intelliget. Buda Turcicis præsidij munitur.

LXX oCraVa pigrI Septembris ab orbe fluebat

TvrCa Vbi Pestanas Corrupta a Ceropes.

Nam 8. Septembris & Pestum occupauit & ita Budam totam in hunc vsque diem plenariè occupat.

Ferdinandus hoc sentiens honoraria Solymano mittit amplissima (*inter quæ automatum argenteum, quod spacia herarum, motus siderum, aspectus planetarum exactissima ratione indicabat*) & pacem ab illo petit. Sultanus & Turcici proceres obstupescunt ad automati considerationem, quod artifex ipse exhibebat, & librum addebat, qui doceret, quomodo singula regenda, & corrigenda, si corrumpantur. Solymanus tandem respondet: pacem inibo cum tuo rege & pro hoc admirando dono vt gratus sim tolerabile tributum mihi soluet Austria quotannis: Vngaria autem mihi iure debetur, vt pro qua toties tantum iter perfeci, vocatus liberare pressos à tuo Domino. Quapropter ex Vngaria nunquam recedam, sique tuus Rex eam mihi non concedet vt stipendium debitum, vi & armis mihi subijciam. Hæc vbi dicta dedit pretiosis vestibus ornatos legatos ad Ferdinandum remittit.

Post abitum legatorum Solymanus egregium Ianizarum Solyman-begum (*olim ex Vngaria cum captiuis raptum, & in Mahometismo educatum*) constituit, primum Bassam-Budanum, & inde Belgradum rediens, Hieronymum Iaski

ex car-

ex carcere retractum in Vngariam dimittit, constitutoq;
nouo Bassa-Belgradi in Thraciam se recipit. Ferdinandus
responsum Solymani proceribus Christianorum reuelat.
Carolus V. interea in Africam eduxerat classem, & 23. O-
ctobris, Algieram urbem oppugnare cœperat, sed partim
imbre telorum hostium, partim aduersis tempestatibus
repellitur.

Carolus rediens in Europam Spiræ comitia celebrat. 1542
Ioachimus II. Marchio Brandenburgicus creatur Archidux
Christianorum militum, D. Philippus Melanchton epi-
stolam ei mittit, cuius exemplum subiicio.

*Joachimo 2. Marchioni Brandenburgensi
paranti expeditionem in Vngariam.*

ET Reipub. gratulor V.C. mitti ad patriæ, atque huius
Reipub. defensionem, & V.C. gratulor hanc mentem,
quod à DEO auxilium, & salutē petit. Christus ait: Quic-
quid petieritis patrem in nomine meo, dabit vobis. His
freti promissis oremus DEVM propter Christum, & glo-
riam sui nominis, vt V.C. gubernet, tueatur, ac defendat,
& feliciter reducat victores, reiectis ac deletis immanif-
simis hostibus. Id precari, id orare, & pro nostro impera-
tore clementissimo atq; optimo principe, & pro V.C. &
pro vniuerso exercitu, conuenit. Etenim cum omnes o-
mnium gentium historias, populorum mores, militiam,
domesticam aut castrensem disciplinam, res gestas atque
imperia colligo & considero, inuenio nullam nationem
extitisse, in qua plus fuerit impietatis, crudelitatis, flagi-
tiosarum libidinum, deniq; immanitatis in omni genere,
quàm in Turcis. Alij Reges ac populi ita gesserunt bella,
vt postea Respub. legibus, moribus, & religione ornarent.

At Turcæ nullis iustis de causis bella mouent, gerunt crudelissimè, postquam vicerunt, religiones, bonos mores, & totam ciuilem disciplinam tollunt, & deuictas nationes ad miserrimam, ac fœdam seruitutem redigunt. Itaque sciat C. V. bellum iure & mandato DEI, tanquam aduersus sæuissimos homines gerendum esse. Ipsi enim iam inferunt bellum tot seculis, & in lege sua Mahometica id profitentur, se hostes esse omnium gentium. Itaque tanquam latrones depelli debent. Magna consolatio est, quod mandato DEI cogamur illos depellere. Hac consolatione confirmet se C. V. & meminerit DEVM adiuuare nos cum ea gerimus, quæ iussit nos, vt ait Dauid: Reuela Domino viam tuam, & ipse faciet. Sed nolo esse prolixior, extant enim libelli de hac re diligenter, & accuratè scripti, & lectu vtiles.

(*Quibus verbis sine dubio Philippus nos etiam remittit ad Lutheri scripta anno 1529. adita.*) Huic epistolæ addant studiosi elegiam Sabini libro 4. Eleg. 2. Quid Lutherus hoc tempore egerit in hac causa, testantur eius epistolæ Tom. vii. Ienensi, fol. 392. & Tomo viii. fol. 186. quibus hortatur pastores, vt orationem contra Turcos, & excitationes ad resipiscentiam omni Zelo vrgeant: & Tomo 7. fol. 450. Rationes, causas, & modum precandi contra Turcos præscribit. Sed ad historiam redeo.

Pest. Ioachimus II. Marchio Brandeburgensis educit 30000. pedites, & 7000. equites in Vngariam, Pestum oppugnat, Turcos viriliter hinc inde cædit, & spolia auferit.

Mauritius Dux Saxonicus 21. annorum (*qui propriis sumptibus in Vngariam iuerat*) incautius in Vngaria obequitans cum famulo suo N. à Ribisch nobili Saxónico, incidit in aliquot

aliquot Turcos, hos aggreditur, Ribiscius comitatur eum, reliqui à longè subsequuntur. Turci, vt victi, pedem equo Mauritij amputant, Mauritius cadit in terram, Ribiscius prostermit se super suum principem, & excipit ictus Turcorum, donec reliqui equites succurrunt, & Mauritius cæsis Turcis liberatur, Ribiscius vulneribus plenus expirat.

Solymanus sentiens Ferdinandum Vngariam nolle per 1543
deditionem relinquere Turcicæ coronæ, nouam expeditionem suscipit, vt vi sibi subiiciat. Legatos mittit ad Franciscum I. Galliæ regem, & petit ne se bello huic immisceat, dum Vngariam stipendij loco sibi debitam petat. Gallus responderet sibi nihil negotij esse cum illis hæreticis, iubet vt modo veniat (*Hoc fœdus Gallorum cum Turcis A. G. 1553. artissimè est confirmatum, & durat in hunc vsq; diem. Quemadmodum & Venetorum pactum cum Turcis 1539. confirmatum, etiamnum durat.*)

Classis Turcica milites suos ad Macedoniam exponit, quos Achmeth-bassa recta in Vngariam educit.

Exercitus Turcicus terrâ emissus in duas se diuidit partes: Vna Danubij ripam, vt ducem sequitur, & Strigonium expugnat, deditionem facientes contra datam fidem necat, Virgines & matronas stupratas partim dissecat, partim in profluentem abiicit cum reliquis infantibus, & senioribus & clericis.

Altera pars Quinqueecclesias & Albam-regalem expugnat, deditionem qui faciebant in aprium ducuntur tanquam ad homagium præstandum, & statim à circûstantibus Turcis crudelissimè trucidantur, virgines & adolescentes generosiores in Turciam abducuntur. Tatârus quidam deprehensus est in obsidione huius vrbs, qui in pera sua dimi-

Grat.

*Stult & Geif-
senburg.*

dimidium infantem bimulum habuit, & vnam medieta-
tem forsan crudam paulo ante deuorauit.

Fortis & eXtreme VeraX atatis ELias

1546

CeLsa pIVs CœLi teCra LVthere sVbis.

18. Febr. die Concordiæ sub initium concilij Tridentini,
& belli Germanici.

1547

Solymanus annum iam vnum quieuerat, vt vires re-
colligeret, sed vocatur in Persiam à fratre Sophi Persa-
rum. Hoc bellum eò libentius suscipit, quod frater cum
fratre dimicabat: Arces & urbem VVan, & VVastan ad
Armeniaë limites occupat.

1548

Ferdinandus autem à Turcis in Persiam euntibus, in-
ducias ad quinquennium emit.

1549

Muleasses rex Tuneti (*Carthaginis nouæ*) à filio suo ex-
oculatus Augustam ad comitia fugit.

1550

Dragutes classiarius Turcicus Aphricam (*al. Aphrodi-
sium al. Leptim*) & Monasterij occupat. Sed Andreas D' O-
ria, sequenti anno easdem vrbes Aphricæ recuperat, &
Dragutes Constantinopolim vsq; fugatur virtute Iohan-
nis VVegæ, qui eum insecutus est, & in reditu Tripolim
Turcis 10. Septembris ademit. Andreas verò Aphricam
littoralem gladio & flamma vastat, ne Turcis receptacu-
lum vllum vlterius relinquatur.

Solymanus duos exercitus emittit, vnum terrâ alte-
rum mari. Classem quidem mittit vt Maltam, Siciliam,
& Hispaniam inuadat: Exercitum alterum in Vngariam
Austriam, Boëmiam, ad Germaniam vsq; iubet penetrare.

1551

Malta vehementer concutitur machinis Turcicis sed
18. Septembris re infecta Turci decedunt. Sinan-Bassa ve-
rò Tripolim recuperat.

Reliquus exercitus Turcicus, qui terrâ emissus, diui-
dit se

dit se, & vna pars vi viam per Transylvaniam sibi faciens ad Tibisci ripam Zolnocarci, oppositam nouum castellum ædificat, ex quo Vngariam superiorem inuadat Zolnoco expugnato (*Hec est illa fides, hic est mos seruandæ pacem, & inducias quinquennales. Culpa adscribitur regi Gallie, qui tamen se excusauit.*)

Iohannes VVeiuoda cum matre Isabella ad Ferdinandum deficit, ei que Transylvaniam se traditurum pollicetur, si exiguis copijs iuuetur. Ferdinandus mittit Iohannem Baptistam Castaldum Italum, qui cum Isabella & Iohanne hoc modo transegit, vt Ferdinando Transylvaniam sponte cederet, & vicissim Cassouium itemq; vicies quinquies mille aureos ex ducatu Opoliensi annuos perciperet. Turci hanc permutationem ægerrimè ferunt, & à Temesio depulsi nouas copias colligunt. Episcopus VVaradini Castaldo iubente per sicarios occiditur, eò quod Turcis magis faueret, quàm Christianis.

Acomathes-bassa Temesium secundò obsidet, & tandem ad deditionem cogit.

Hali-bassa Zolnocum vi occupat.

Tandem *Ersam* etiam obsidet, sed partim virtute ciuium, partim violentia frigoris repelluntur Turci in hyberna.

Henricus II. Rex Gallie bello cum Carolo V. implicatus, clam Aramontium legatum suum, ad Persie limites vsq; ablegat ad Solymanum in Persia agentem, & petit, vt clam classem in Italiam, aut Hispaniam mittat, vt Carolus ad sua defendenda auocetur. Aramontio classis Turcica datur, quæ cum Gallicis nauibus coniuncta insulas mediterranei infestat.

Mauritius Dux Saxonie, summus Dux exercitus ab imperio declaratus in Vngariam proficiscitur cum copijs

*Germani
sunt tri-
butarij
Turcorū.*

Christianis contra Turcos Agriam iam oppugnantes & totam VVallachiam inferiorem suo Sultano adijcientes. Quia verò Turcica vis maior deprehenditur, quàm sperasset mittitur Antonius Verancius cum Francisco Zay ad Solymanum. Hos legatos Turca vltra triennium secum Constantinopoli detinet, & tandem pacem concedit pactione pensionis annuæ triginta millium aureorum, quam singulis annis Ferdinandus suis sumtibus Constantinopolim mitteret.

Rossa (*al. Russa, id est, Rbutenica quia filia Russici ducis*) vxor Solymani priuignum suum Mustapham (*vt cui pater regnum tanquam primogenito traditurus*) apud patrem accusat, quasi regnum affectet, & cum Persis coniuret, ac proinde tempestinè è medio tollendum. Solymanus præ amore non sentiens dolum Rossæ vxoris (*quia suum filium volebat successorem*) statim Mustapham accersit, & læto animo accedentem, vt nihil mali sibi conscium, neruo arcus suffocat, & insuper ipsius filium, suum nepotem Amurathem. Giangir videns iniquum fratris supplicium, suo pugione seipsum iugulat, ne simili modo olim etiam tollatur à fratre Selymo. Neque verò Rossa satiata hoc modo, sed & vltèrius omnes neruos intendit, vt discordes reddat fratres, Selymum & Baiazeten, vt Selymus solus successor supersit, vt suo loco dicetur.

1554

Classis Turcica, ad postulata Regis Galliarum venit in Tyrrenum æquor, insulas Elbam, Corsicam, Gerben & Maiorcam hostiliter inuadit, donec tandem pax inter Carolum V. & Gallum facta.

Turcici autem latrones agrè ferentes reconciliatorem hostium, nihilominus hostiliter grassantur circa Siciliam & Calabriam.

Pan-

Pandulphus Contarinus cum classe Veneta limites custodiens incidit in Bassam Callipolitenum (*qui superiori anno naues Venetorum diripuerat*) & vindictæ cupidus inuadit Turcos, eosq; cædit, & Dyrrhachium diripit.

Bassa verò recolligit vires, Plumbin & Elbam Insu- 1555
las, Florentinis subditas, occupat, simulq; literas ad Solymanum mittit, quibus hortatur, vt arma sumat, contra foedifragos Venetos.

Corfica à Turcis denuo vehementer laceratur: Papa 1556
tributum colligit vt Turcis resistatur: Iudæos egregiè argento emungit, & bona eorum in arresto detinet. Quare Solymanus supplicationibus Iudæorum motus in hunc modum scribit Pontifici.

Solymanus Sultanus Caesar potentissimus

inter Caesares, filius Selymi Caesaris Caesarum,

cui DEVS æternam det victoriam,

Pape Paulo 1111. S.

EXcellentissime & potentissime Domine, de genere Messæ Iesu, princeps & Dominator Romane, Dominus omnipotens te custodiat. Vbi acceperis sigillū meum cognoscēs ex meis literis, Ebræos quosdam venisse ad me, qui conqueruntur se nimis exactionibus à te expilari, quando negotiandi causa Anconam veniunt. Hoc oneris, vt ab eis tollas, & bona eorum ipsis restituas, vt mihi tributum debitum soluere porrò possint, peto. Si, quod spero, feceris, fauorem nostrum senties. Vale, ex Constantinopoli die vltimo Benedicti mensis Rabelachi, anno Mahometi nostri, 964. (*id est nono Martij A. C. 1556.*)

In Vngaria interim Hali-bassa, circa Paschatos ferias Drauo superato Zygethum vehemèter oppugnat simulq; Zygeth.

*Pugna ad
Baboz.*

& Babozam ad Stiriaë limites. Nicolaus Polvviler à Ferdinando missus Turcos vt abigat, cum Bali-bassa congregitur ad Babozam, & victoriam cum Nicolao comite Serinenfi obtinet. Quare vterque Nicolaus eques auratus creatur cum multis alijs, qui egregiè in hoc prælio se viros præstiterant. Marcus Horvvath præses Zygethi Turcos profugos ad Quinqueecclesias cædit, & spolijs onustus redit ad suos. Adam Gall Iaurini præses ad Strigonium Turcos etiam cædit, & spolia ampla refert. Excitabantur enim nouis honoribus à rege collatis.

*Turci in
mittantur.*

Galliarum Rex cum Philippo rege Hispaniarum beligerans Michaëlem Codignac legatum ad Solymanum mittit, vt Christianos inuadat, ne Philippo succurrant. Ast Michaël quia insolentius Sultanum alloquitur parum impetrat: nihilominus tamen Solymanus odio in Christianos antiquo flagrans, piratas aliquot emittit, qui Caietam, & Neapolim hostiliter adoriuntur, dum Philippus cum Gallo ad Sanquintinum præliatur.

1558

Rossa non quiescens luctificam Ale&to dirarum ab sede sororum excitat, & odium inter Selymum suum filium, & Baiazeten priuignum suum, seminatum ad maturitatem perducit. Cruento enim prælio victus Baiazetes ad Sophi Regem Persiæ confugit. Pater autem eum per Bassas suos blandè reuocatum neruo suffocari iubet.

1559

1560

Philippus Hispaniæ rex, Caroli V. filius colligit classem, Gerben Insulam recuperaturus, & 1560. 16. Aprilis feliciter obtinet. Ast Draguthes-Rays-bassa 13. Maij Hispanos triumphabundos, & securè lætos ex improviso obruit, Gerben Insulam, & nouam arcem longa obsidione domitam, recuperat.

In Vngaria autem Turci Filekum (*al. Filleck*) suo Sultano subijciunt.

Hispa-

Hispanus per classarium suum conatur Gerben recu- 1561
perare, sed tempestatum vi repellitur.

23. Nouembris Ibrahim-Bassa (*al. Abraham Strozza polo-* 1562
nus) legatus Solymani Francofurtum ad comitia (*in quibus Francfort.*
Maximilianus coronabatur rex Romanus) venit cum 60. comiti-
bus, & etsi serius accedens sub tertiam horam noctis in-
tromittitur, & inde occultam iram in Germanos concipit:
Tamen tanta ei conceditur licentia vt per subsequentes
dies omnia in vrbe liberè contempleretur.

27. Nouembris Ibrahim-bassa auditur in corona pro-
cerum, petitque pacem octennem (*sed dolosè vt sequentia do-*
cebunt.)

2. Decembris Ferdinando donat equum Turcicum ho-
norarijs onustum, & pretiosè exornatum, pariterque ca-
nem, & duos camelos, arcum & sagittas, duas item viri-
des, & duas rubras hastas Turcicas, & pace impetrata re-
dit in Turciam.

Melchior Balas, nomine Maximiliani regis Vngariæ, 1563
aliquot oppida ad limites Transyluanie occupat, si Budam
vel Temesium suo tempore possit recuperare: præcipuè
quando audit Turcos recipere arma: Iccirco Melchior
potius præuenire voluit vt qui iam experientia edoctus,
Turcos violatores esse fidei, & prætextu pacis se colloca-
pletare. Iohannes VVeitoda Transyluanie Debretzen
arcem, nuper Melchiori à Maximiliano donatam diripit,
incenditq; , & à Solymano 4000. Turcos, & 3000. VValla-
chos impetrat contra Melchiorem.

Lazarus à Suendij nobilis Sueuus cum 2000. Christia- 1564
nis in Transyluaniam mittitur, vt Melchiori succurrat: &
4. Februarij arcem Toekai (*al. Doggeum*) obsidione cingit, *Toeky.*
& sub initium Martij deditione accipit.

Interea Marcus Lilineſius à Solymano ad Maximilianum mittitur, monetq̃ ne violet pacem. Sed dum de pace Viennæ tranſigitur, Turci ipſo facto contrarium probant. Baſſa Temefienſis enim tria caſtella circa Iulam occupat, videlicet Pankoto, Sene, & Deſme. Zygethenſes vindicaturi damnum, Raſciam inuadunt, & ſpolijs ſe ditant.

In VValachia Iacobus Heraclides Baſilicus Deſpota Szmi (qui VVallachiam ante biennium Alexandro pulſo, auxilijs Alberri à Laſco, occupauerat) à coniuratis, Toniffa & alijs trucidatur, & Viſnouiocius dux in VVallachia captus, poſtea Conſtantinopoli vnco appenſus: & hoc 1564. anno Alexander tyrannus iterum in VVallachiam Turcicis auxilijs eſt reſtitutus.

*Deſpota Fr eſt Ceſvs ViſnoVeCIVsq̃Ve tyrannvs
RVſvs ALeXanDer VLaChI Ca regna regit.*

1565

Turci Erdenam expugnant, dum Suendius febris laborat. Cernouitiuſ legatus Maximiliani redit Conſtantinopoli Viennam, & teſtatur Turcos prætextu pacis, quam videbantur vrgeri, nihil niſi bellum quærere, & Sultanium dixiſſe: Vngariam ſibi deberi, & proinde ſe contra pacis articulos nihil ſuſcipere.

Rab.

Fiunt vtrinq̃ præparationes ad bellum, Baſſa-Bosſinus (al. Baſſa-Bofna) amiſſis 5000. Turcis in fugam conijcitur à Chriſtianis. Maximilianus Iaurinum munit, & Neſtadium paulo ante à Turcis præreptum recuperat. Turca terra mariq̃ copias mittit. Claſſis Turcica per ducem Muſtapham-Baſſam apud Methonem luſtratur, inueniuntur 124. naues maiores in quibus 36000. Turci, & 13000. Mameluci. Malta Inſula 13. Maij obſideretur: 12. Septembris omni-

Malta.

omnium maximè oppugnatur. Dragutes, qui succurrebat Mustaphæ, occumbit cum multis Turcis, ex Africa adductis. Pialis-bassa ex Asia adducit nouas copias. Iohannes Valeranus Magnus-magister Maltæ, Dux equitum Rhodiensium, seu Iohannitarum, implorat auxilium Pontificis, à quo pecuniam, & Proregis Siciliæ Friderici Tolothani, à quo classem accipit. 6. Septembris Turcis magnam suorum cladem sentientes, & insuper Toletani aduentum olfacientes, 1000. leues milites adlittus relinquunt, qui Toletanum tentent, sed nihil nisi cladem auferentes, discedunt ab insula Malta & Valetanus DE O gratias agit cū suis equitibus (qui Rhodienses dicuntur cō quod ex Rhodo hic recepti) auratis.

Bassa Budanus 6. Iulij cum 8000. Turcis & 25. bombardis magnis *Palottam* obsidet. *Georgius Helffensteinus* à Maximiliano missus Turcos ab obsidione repellit & *Palottam* nouis præsidijis munit: *Eccius comes* à *Salm* 30. Iunij *Vesprinum* (al. *VVesprinium*) expugnatione, & 21. Iulij *Dotis* arcem deditione recipit. 1566

Suendius febris liberatus arcem *Husth* oppugnat. Turci ad *Palottam* redeunt: *Georgius Thuri* eos repellit. & *Rabam* (al. *Iaurinum*) vbi Gallos duce *Guifio*, & Italos auxilia adferentes, inuenit.

Nicolaus comes Serinensis nuper eques auratus creatus, & præfectus *Zygethi* constitutus *Halam-Sangiacum* (al. *Halla Sanziack*) ex insidijs ad *Quinqueecelesias* obruit, & spolia ampla refert. *Solymani* prodromi ex improviso adsunt, hoc factū vindicaturi, *Zygethū* (in quo *Serinensis* tantum cū 12000. parum exercitatus militib.) obsidet ita arctè, vt ne tabellarium

rium quidem Serinensis, ad Maximilianum mittere posset, & suam sortem significare.

Quin & in superiori Vngaria ad limites Transyluaniae, Tataři Præcopitæ Iulam (*al. Guilam al. Çzulam*) obsident: ast Tibisci exundatione vehementi repulsi 50. pagos in discessu incendijs vastant.

29. Augusti Zygethum vehementissimè oppugnant, Serinensis haud siccis oculis Viennam versus aspiciens viriliter Turcos repellit. Si Imperator credidisset rumoribus, & Serinenfi subuenisset, aliquid profecisset.

2. Septembris *Iula* à Tataris capitur proditione Ladislai Keretschin, qui tamen proditionis mercedem à Solymano accepit. Ligatis enim manibus in vas vacuum vnde quaque cuspidibus clauorum plenum mittitur, & volutatur donec moriatur, addito elogio: En accipe præmium auaritiæ ac perfidiæ tuæ, Iulam vendidisti auro corruptus: si igitur tuo Maximiliano non es fidelis, nec mihi fidelis fores.

Nicolaus Serinensis columbam sibi grammatophoram (*de quibus alijs legimus in historiis Italia & Africa*) optasset, si saltem vnicum verbum Maximiliano referre posset.

4. Septembris, Solymanus alui profluuiio correptus, ad Quinqueecclesias vitæ, & Tyrannidis finem fecit ætatis 76. regni 46. Mahometis 973. salutis nostræ 1566. Mahometh-Bassa archiatrium cum socijs Pharmacopæis suffocat, ne Sultani mors reueletur, & Ianizari reuocentur à Zygetho. Solymani cadauer solitis vestibus ornat, & in lectica, vt podagra laborantem, sub tentorio erectè sedentem Ianizaris mortem olfacientibus ostendit, hortaturq; ad con-

Columba grammatophora

Mors Solymani.

ad continuationem expugnationis. 7. Septembris Nicolaus comes Serinenfis nulla auxilia ab Imperatore accipiens, & omnibus viribus exhaustus portam aperit, reliquias pulueris nitrati bombardis maioribus in hostem explodit, & magnam stragem edit. Turci succedunt occisis & in ponte Nicolaum viuum capere conantur. Ast Nicolaus Serinenfis comes, ad extremum vsque spiritum cum hostibus luctatur, & cadit, caput ei abscinditur, & rubro panno inuolutum Eccio comiti Salmensi dono mittitur, addito epistolio cuius sententia. Mahometh-bassa Eccio à Salm, Salutem. Ecce caput fidelissimi, & maximè strenui tui capitanei tibi in signum amoris mitto: reliquum corpus honestissimè sepeliui, vt tam fortem virum decet. Zygethum autem longum tibi vale dicit.

TyrCICVS expVgnat SIgetht Castra TyrannVS:

DVX noster sæDIS OCCVbVItqVe getIs.

Interea Itali Rabæ aliquot ædes incendunt (*quo incendio & arx est labefactata*) vt eò melius ditiorum ciuium bona diripere possint, quod 29. Septembris factum aiunt. Quare Eccius à Salm murarios, & pecuniam mittit, vt re-
aurinum exustum.
 ædificetur.

Mahometh-Bassa per celeres suos *Selymum* vel ex *Caramania* (*id est, Cilicia*) Constantinopolim ire iubet: Similiter & *Saray-bassæ* scribit, vt *Selymum* solenniter in *Sarayo* ducat, & imperatorem salutet, quod etiam incredibili celeritate perficitur auxilio *Bostangi-bassæ*. Zygethum præsidij Turcicis munitur, & milites ad hyberna reducendi dicuntur (*ideo Mahometes-bassa Sultani mortem celat*) *Mahometh-Bassa* *Solymanum* vt viuentem, in lectica erectum sedentem per mulos portat *Belgradum*, afferens eum podagra vehementer laborare, & quia medici defuncti

functi, magis ad hyberna festinandum, vt alij archiatri consulantur. Ianizari facilè credunt, vt quia iam per aliquot annos Solymanum lectica vehi viderant, & vel saltem eius præsentiam felicem, etiamsi ægrotus, nihil præstare possit viribus corporis, credebant. 20. Octobris Belgradum venit, Selymus patrem, sed mortuum in lectica sedentem excipit, & quia non fit absque lacrymis adeoque satellitium Imperatorium adest ex Sarayo, statim à Ianizaris Imperator Turcicus salutatur in locum mortui patris. 22. Nouembris Constantinopolis attingitur, & Solymanus (qui per 200. al. 230. miliaria mortuus vultus fuerat) in Moratha hospitali olim à se condito regali pompa sepelitur: Moratha autem nouis redditibus annuis ex comitatu Zygethensi diratur.

Soboles Solymani	Mustapha qui infans in nouerca suffocatus.	Amurathes qui cum suo patre ab anno Solymano suffocatus.
	Mahometes qui in Carmania obiit.	
	Selymus qui patri successit.	
	Baiazetes qui studio Aleclo nouerca e medio sublatus cum quatuor liberis.	[Homares Amurathes Selymus Mahometes]
	Iangir qui gibbosus, Unde & nomen accepit, ad supplicium fratris Mustapha obstupescens, seipsum pugione transfudit, dicens: olim etiam me ita tolleres frater, ideo iam gladio moriar, ne nervo ita crudeliter crucier, antequam expirem.	qui cum patre sublatus ab anno.
Synchroni Solymani	Chermeria que Rossano-bassa (Ibrahim-bassa Solymani successori) copulata.	
	Imperatores	Carolus V. 1519. 59. Ferdinandus I. 1558. 7. Maximilianus II. 1564. 12.
Pontifices		Leo. X. 1513. 9. al. Iohannes Medices. Hadrianus 6. 1522. 1. Clemens VII. 1523. 11. al. Iulius Medices. Paulus III. 1535. 15. Iulius III. 1550. 5. Marcellus II. 1555. 22. dies. Paulus IIII. 1559. 4. al. Iohannes Peter Caraffa. Pius IIII. 1559. 6.

Electores Bran; } Ioachimvs I. 1499. 35.

deburgici. } Ioachimvs II. 1535. 36.

Iesuitæ à Paulo III. confirmantur circa annum 1556.

5. SELYMVS SECVNDVS 8.

Quintus VVallachiam Selymus, Cyprumque
(subegit.

Selymus eius nominis secundus, filius Solymani, fratribus per matris technas sublati, vnicus regni hæres, vir 42. annorum, ingenio admodum temerarius, & inconstans, adeoq; totus Veneri, & Libero deditus, vt nunquam ipse met in castra venerit, adeoque ll. aui sui primus violarit 23. Septembris ex Magnesia vocatus Constantinopoli per Bostangi-Bassam exceptus, & per Sarai-Bassam in Sarayo (*id est palatium regale*) introductus, Imperator à Ianizaris salutatur, 24. Septembris in publicum prodit ornatu imperatorio, & Encam, (*id est psalmum pro morituro*) pro patre suo quasi morituro solenniter recitari curat in templo Sophiæ, sacrificat victimas, gratulationes audit, & in Sarayo reducitur 25. Septembris, Ianizaris per Scander-bassam clam indicat mortem Solymani, honoraria debita distribuit, & auctionem stipendij eis promittit. 26. Septembris fit præparatio ad iter 27. Septembris Constantinopolis relinquitur, & magnis itineribus Belgradum veniunt. Selymus patrem mortuum osculatur & lugubri habitu cum Cadilescheris, Bassis, Begis, & Sangiacis funus comitatur: 22. Nouembris redeunt Constantinopolim, funus solenni pompa obuiam euntium excipitur, de curru ad portam sumitur cadauer, & per Bassas in hospitale Solymani deducitur: sacerdotes & ciues cantu lugubri

funus comitantur, fit concursus hominum, cadauer lauat-
 tur, vngitur, thymbo imponitur, & ad latus Cimetæra
 collocatur (*eò quod in bello vitam finisset*) tiara ad verticem
 bacillo imposita erigitur, cerei duo non accensi ad latera
 collocantur: sacerdotes suo officio alacriter funguntur:
 tandem sepulcro imponitur, & adhuc hodie ostenditur.
 Ad latus etiam ostenditur sepulcrum Rosiæ vxoris dile-
 ctissimæ, atq; interfectorum filiorū monumenta. Tandem
 conuiuium solène præbetur proceribus per aliquot dies.

Hinc omnes hortantur Selymum, vt continuet bel-
 lum patris in Vngaria, reditus annuos comitatus Zygethi
 solenniter dedicant Hospitali Solymani, quod post Ma-
 hometis II. & Baiazetis II. omnia alia longè superat præ-
 stantia ædificij, & abundantia reddituum.

Begus Transyluanix (*al. Erdel-begus*) omni contione
 conatur arcem Tockei recuperare, obsidet eam, adducit
 decem machinas maiores, oppugnat muros, Suendius vi-
 riliter repellendo hostes, arcem defendit. Mox nunciatur
 Tatarorum, & VVallachorum discordia, qui tamen mitte-
 bantur Bego in auxilium. Begus igitur relinquit arcem,
 & prima vice à seditiosis victus, secunda vice relictis
 copijs eosdem vincit, & in fugam conijcit.

1567

15. Ianuarij Lazarus à Suendy arcem Zatvvar (*al. Satmar*
al. Sachmar) ad Transyluanix limites obsidet, & quia obses-
 si globis ignitis certant, vt pallium Suendij pellibus ob-
 ductum incenderetur, Vngari Suendio vrgente 26. Ianua-
 rij eam deditione accipiunt. Hinc etiam Mongacium
 (*al. Muncarz*) & Hufth arces diripiunt Begus. Transyluanix
 Selymi auxilium implorat: Portu-bassa, & Begler-begus
 Romanix iubentur exire contra Suendium, quia verò Se-
 lymus audit legatos Maximiliani venire, eos reuocat, vt
 prius

prius audiat, quid velint. Antonius Verancius Episcopus Erlauiensis, & Christoph à Tirsffenbach Baro.

Interim & Suendius reuocatur ne vltcrius pergat, & pro violatore pacis habeatur. Turci putant Suendum fatigatum fugere, sequuntur & Risvvan arcem occupant, sed statim à Iohanne Rubero expelluntur rursus.

Legati Maximiliani Constantinopolim veniunt, gratulantur nouo Sultano, dona opima offerunt, pacemque Transylvanus, Vngarus, & Turcus octennem ineunt, hac cōditione, vt quisq; id retineat, quod armis acquisiuerit. Hac ratione Maximilianus spaciū 40. miliarium vltra Tibiscū fl. suæ Vngariæ adiecit, quare certas ob causas omnes arces illic Germanis præsidibus & præsidijs muniuit.

Quin & Veneti pacis continuationem, per suos legatos petunt, sed haud seruatur, quod promittitur.

Nam Selymus exemplo suorum prædecessorum hospitale conditurus Adrianopoli, & in eodem sepulcrum sibi præparaturus, sollicitus de redditibus annuis, quibus hospitale sustentetur, Consilio Mustaphæ & Pialis Bassarum pacem cum Venetis initam violat, & Cyprum Insulam omnibus rebus, quibus indigemus ad victum, & amicum abundatissimam inuadere parat. Mahometes-bassa dissuadet & monet, fidem etiam hosti seruandam: Selymus irascitur illi, qui duorum consilij vnicus contradicere audet, & minatur mortem; sed quia inconstans mutabatur in horas, mutato animo iubet vt Mahometh Bassa, pœnæ loco, primam classem in Cyprum educat. Hæc omnia autem consultantur, ita ne Venetorum legato continuè Constantinopoli degenti, vel verbulum reueletur. Sed negotiatores quidam clam hæc audiunt, & Venetis nuntiant.

1570

Ludoicus (*al. Aloisius*) Mocenigo Dux Venetiæ, præfidentem Cypri monet, vt paratus sit resistere hostibus, mittit Marcum Quirinum amiraliū in Cretam contra hostes. Cubates legatus Turcicus (*quem comitabatur Venetorum legatus perpetuus*) 11. Februarij Venetiam venit, Selymi nomine Cyprium sibi poscit. Dux Ludoicus conqueritur de violatione pacis, & quia non nisi bellum quærunt Turci, testatur se classem emissurum pro Cyprio.

Pialis-bassa cum 80. triremibus & 30. nauigijs, paulo post & Ali-bassa cum 36. triremibus, & 12. nauigijs Cyprium inuadit, 2. Iulij Lissimo & Salinæ occupantur. 25. Iulij Nicosia vrbs Cypri nobilis obsidione cingitur per Mustapham-bassam. Nicolaus Dandalus præses Nicolisæ suos hortatur ad animositatem, & implorat opem Venetorum: 27. Iulij Pialis-bassa Famagustam Cypri metropolim obsidet, 24. machinas maiores applicat.

Sebastianus Venierus classiarius Venetorum Corcyram petit, vt inde Cypriotis succurrat.

3. Augusti Nicosia à Venetorum duce suo Domino, nullum auxilium accipiens, deditioem facit, pia matrona puluerem bombardicum incendit, & omnes naues quibus captiui abducendi erant disijcit, rata melius esse mori quàm abduci in Turciam. Miserum sanè spectaculum, vbi Christiani cum hac matrona in aërem coniecti sunt, & quasi volare visi, antequam exspirarent. Hoc enim vis pulueris nitrati effecit.

Veneti cum Pontifice agunt, & cum Hispaniæ rege reconciliari cupiunt, peruntque opem contra Turcos. Pius III. Papa mittit Amiralium suum Antonium Columnnam, cui Veneti suum ducem Zancum D' Oria addunt, ast hi totum tempus consultando terunt.

Veneti

157 I Veneti Sebastianum Venierum cum noua classe mittunt, si vel hic obfessos liberare possit. 19. Maij Famagusta vehementer bombardis quatitur, 30000. Turci cadunt: 13. bombardæ Turcicæ globis maioribus ex vrbe eiaculatis disijciuntur: 21. Augusti Turci nouas munitiones, & propugnacula contra urbem ædificant. Marcus Antonius Bragudinus præses vrbs videns sibi nullas auxiliares naues mitti à suo duce Ludoico Mocenigo, & nihilominus Turcos inexpugnabile propugnaculum contra urbem extruere, 4. Augusti deditioem facit, & in castra hostium cum nobilibus suis veniens, contra datam fidem capitur, nobiles comites Turcicis gladijs feriuntur, ipse Antonius auribus abscissis, demùm excoriatur: Vrbs Famagusta Turcicis præsidijs munitur. Interea reliqui Bassæ vicinas Insulas Zanten, Zephaleniam, Antiuari, Duligno, & Cerigo vastant ferro & igne, adeoq; bonam partem Cretæ, dum Cyprus tota à Turcis subigitur, captiui Christiani, infantes, virgines & iuuenes triremibus, Constantinopolin ducendi, in itinere naufragio pereunt.

Famagusta deditioem facit.

Iohannes Austriacus (*al. Don Ian di Austria, al. Ian, D' Ostria, notus Caroli V. frater Philippi Hispaniarum regis*) classem foederatorum Messinæ collectam educit (*nesciebat enim Cyprum iam occupatam*) liberaturus Cyprum. Venierus & Columna incredibili gaudio eum excipiunt, quærunt quid, & quomodo pergendum, imò an pergendum. Iohannes dicit non consultandi, sed conflitandi esse tempus, & si Insula amissa, Turcos sine cæde & sanguine non dimittendos. Columna dextrum, Venierus sinistrum cornu, Iohannes Austriacus medium occupat.

Turci exanimantur tam subita Venetorum mutatione, quomodo iam aciem adornent, qui ultra sesquiannum

*Clades
Turcarum
ad Echinadas
d. se.*

num consultationibus certauerunt. Hali, Hazon, & Portu Bassæ coniungunt vires, consultationes ineunt, quomodo occurrendum hosti. Dum consultant, & Selymi mandatum expectant, Iohannes D' Austria classem magis magisque propius adducit: 7. Octobris in sinu Corinthiaco supra Zazinthum sub Albania apud Echinadas concurritur, prælium nauale committitur, mare ex sanguine occisorum rubet, Ali-bassa cadit, Portu, & Hazan Bassæ ægrè aufugiunt: Turci plurimi caduntur, plurimi submerguntur, & Iohannes Austriacus memorabilem victoriam reportat.

1572

Chocim.

Bogdanus VVeiuoda VVallachiae inferioris à Turcis deficit, & cum Polonis coniurat: Quia verò in Russia uxorem ducturus, capitur à Sebrouizio Iohannes Masouius Polonus, auro sibi emit VVallachiam, & auxilio Turcorum Chocim Metropolin occupat.

1573

Iohannes Austriacus nouam expeditionem suscipit in Africam, Tunetum à Mamelucis restauratum occupat, itemque Goletum, & nouum castellum seu propugnaculum medio inter Tunetum, & Goletum loco ædificare incipit, operis continuationem Salazerò, & Gabrieli Serbellioni Hispanis committit, atque in Europam reuertitur, vt ad ædificationem necessaria subministrari curet.

Sinan-bassa testatur hoc nullo modo concedendum: hortatur vt Ochialis Cair-bassa consilio subscribat, & illud opus Christianorum interrumpat.

Bogdanus in Russia ex carcere liberatus per Polonos reducit in VVallachiam: Quia verò videt se Turcis resistere non posse, rursus aufugit, & in Moscouia exulat.

1574

Sinan-bassa 160. triremes educit contra Africam, Pjallis-bassa pluribus triremibus sequitur, Ochiales Cair-bassa

Bassa succurrit sua classe, ita vt Africa littoralis nauibus ferè tota obtegeretur: 15. Iulij propugnaculum nouum ædificant Turci ex quo Goletam oppugnant, 200. globi, vno die ex Goleta in hostem emittuntur ex bombardis maioribus, Petrus Carrera Præses Goletæ auxilia à Gabriele Serbelione accipit, 16. Iulij aliud propugnaculum ædificatur à Turcis. Petrus viriliter resistit hostibus, eruptionem facit, 3000. Turci cadunt. 30. Iunij Iohannes Zanaguerra Petro plures copias ex nouo castello mittit, videlicet 500. Soldatos. Turci fossas vrbs adimplent tribus in locis, & oppugnationem continuant, vsq; ad diem Bartholomæi, tunc vrbs vi expugnata occupatur, & solo æquatur, reliquæ ciuium Cimetæris dissecantur, vñ cum virginibus, iuuenibus, & infantibus: Rex Tuneti Mahometh adolescens adhuc, capitur, & cum Petro Carrera compedibus vinctus in nauigio Ochialis custoditur, tandemq; Constantinopolin Selymo mittitur. Quanta spolia, arma, & præsidia in vrbe inuenerint Turci, non facile dixerò, sed & 40. triremes, vulneratos & ægrotos Turcos Algerum vehunt, vt curentur.

24. Augusti Pialis Bassa poscit sibi deditione tradi, nouum castellum, quod nondum absolutum, Gabriel Serbelion respondet: deditionem facere non possum, & quia defensionem Domino meo sanctè promisi, & quia iam senex Turcicum iugum ferre nequeo: quapropter ad extremum vsq; spiritum pugnabo pro aris & focis, cum 3000. meis Soldatis, qui mecum parati potius mori, quàm in captiuitatem abduci.

25. Augusti Nouum-Castellum obsidet Pialis Bassa: Don-Salazar eruptionibus crebris Turcos multos cædit: Serbelion oppugnatores armis ita excipit, vt vitam & arma sua

ma sua deponant. Turci maiore clamore DE I auxilium implorant, & indefinenter Hala, Hala, Hala clamant, pariterq; oppugnationem noctes & dies continuant : 13. Septembris Serbelion duobus globis feritur sed non lethalliter. Quare mori potius volens quàm capi medios se proijcit in hostes. Pialis-bassa aduolat, & viuum capit cum Salazare : Serbelioni Pialis-Bassa alapam infringit, & filium eius ipso spectante crudeliter maciat, castellum inuadit, Christianos miserrimè tractat.

Petrus VVeiuoda VVallachia superioris fratris sui auxilio & consilio Iohannem accusans, & maius tributum, promittens, VVallachiam à Consiliarijs Selymi, auro corruptis emit 120000. Vngaricos aureos tributum promittit cum Iohannes (*al. Iuonia*) tantum 40000. pendisset. Iuonia consilio suorum Procerum recusat dare tantum tributum, quantum Petrus promiserat, implorat Poloni auxilium, non autem impetrat. Hinc Cosaccorum opem impetrat, & eorum viribus Turcos cadit, & Brailouam sedem VVallachia superioris VVeiuodæ obsidione longa domitam expugnat, & solo æquat. Hinc vicina loca vastat, & quater Turcos memorabili prælio vincit virtute Cosaccorum. Hinc Turca crebris orationibus DE VM suum inuocat : tandem Zarnauius Iohannis (*Iuonia*) capitaneus auro à Turcis corruptus, & lacrymis Petri motus simulat acerrimum prælium, & dum præliatur deditionem spontaneam facit. Cosacci tamen Turcos aliquoties memorabili prælio victos, repellunt. Quia verò Turci plus auro, quàm armis certant, & subinde Iohannis duces corrumpuntur, deditionem facit, & contra fidem datam in castris, crudeliter cranio dissecto, aliquot vulneribus perimitur, caput abscinditur, &

truncus

truncus caudæ mulæ alligatus, per castra rapitur. Hac ratione Selymus totam & superiorem, & inferiorem VVallachiam suo imperio adiicit. *VVallachia Turcis subijcitur.*

Interea Veneti & Galli fœdus suum cum Turcico Sultano renouant, inscio Pontifice, & Hispano. Sed 15. Decembris (*al. 13. vel 15. Septembris*) Selymus secundus crapula & libidinibus confectus, animam exhalat. Anno ætatis 51. regni 8. Mahometis 981. Salutis nostræ 1574. (*al. 1575.*) eius mortem celauit Memmates Bassa, donec Amurathes ex Magnesia Constantinopolin vocatus venit. 29. Septembris Sinan-bassa Tunetum multo labore expugnat, & ita totam barbariam, aufugientibus reliquijs Hispanorum suo Sultano subijcit, & Constantinopolin redit ad sepulturam Selymi.

	{ Amurathes III. qui patri successit.	
	{ N. Filia copulata Scander-Bassa, qui ad Siseccum ad Colapris latus perijt, & causæ fuit Violationis pacis.	
<i>Goboles Selymi secundi.</i>	{	Mahometes.
		Aladinus
		Ziangir
		Abdalla
		Solymanus
	{ in fratris Amurathis conspectu secundum leges Othomanicas suffocati.	
	{ N. Filia copulata Mahometh-Bassæ.	
	{ N. Filia copulata Siaus-Bassæ.	

	{ Imperator Romanus Maximilianus II. 1564. 12.	
<i>Synchroni Selymi secundi.</i>	{ Pontifices	Pius IIII. 1559. 6.
		Pius V. 1565. 6.
		Gregorius XIII. 1572. 13. Bononiensis Ictus.
	{ Elector Brandenburgicus Iohannes-Georgius 1571.	
	{ Caspar Colignius Castilioneus amiralus gallicus Parisiis cum inueneris reformationis crudeliter trucidatur 1572.	

6. AMVRATHES III. 19.

1574

Sextus Amurathes Iaurini mœnia cepit.

Amurathes eius nominis tertius primogenitus Selymi II. ex Christiana matre natus: vir virilis staturæ, macer, pallidus, barba rara & proluxa, secundum Physiognomiam nihil Tyrannicum facie referens, religionis, pacis, & iusticiæ studiosissimus, omnem à *scythar* patris exemplo introductam, sua temperantia & seueritate in ebriosos remouit, vino absynthiaco tamen sæpè ad ebrietatem vsq; vsus dicitur: morbo caduco obnoxius, & calculi doloribus satis vexatus: auarus, & plus consilijs matris, vxoris, & sororis, quàm Bassarum tribuens, 20. Decembris ex Amasia per celeres accitus in Sarayo, conclaue imperatorium, est ductus, vnde in templum Sophiæ ad preces, & inde in palatium, seu aulam ætatis suæ 27. (al. 30.) 25. Decembris, quo die Saluatoris nostri natalem nos celebramus secundum constitutionem primitiuæ Ecclesiæ, ille secundum constitutionem Othomanicam, quinque suos fratres adolescentulos (*inter quos maior natu octennis*) suffocat: Mater Solymanuli infantulum filium suum in conspectu patris ita suffocari videns, præ animi dolore seipsam pugione transfodit, vnde Amurathes ipse in lacrymas solutus dicitur, vt qui hoc facto damnaret Othomanicum fratricidium (*addit quidam, & duas nouercas pregnantas sublatas.*)

Quia à Bassis ex Amasia vocatus erat Ianizaris (*vt sedet murmur eorum*) non solum honoraria vsitata & stipendij augmentum confert, sed insuper nouo priuilegio donat, vt nimirum eorum liberi, quamprimum ad iuuenilem ætatem (20. annum) peruenirent in numerum Ianizarorum iuniorum recipiantur, & eorum priuilegijs fruantur.

Guber-

Gubernationem suam inchoat publicatione legum, 1575
 mutatione valoris monetæ, & largissimis elemosynis
 pauperibus distribuendis. Et etiam si potius quietis &
 pacis amantissimus est, tamen ne videatur degener, Bassis
 vindictæ cupidis obtemperat, & exercitum mittit in Rus-
 siam, qui ducentas sedes nobilium, præter innumeros pa-
 gos, & oppida, ferro & igne vastat, viros crudeliter tru-
 cidat, pecora & iumenta abigit, equos nonnullos exco-
 riat, & ex crudis pellibus ligamenta facit, quibus capti-
 uos Russos ligatos abducit in VVallachiam: dum verò
 spolia Petrus VVeinoda, seu Bassa VVallachiæ cum Tur-
 cis diuidit, Cosacci in Præcopitas Tataros irruunt, & si-
 militer spolia auferunt.

In Persia Ismaël secundus Schach-Sophi (*id est, rex re-* 1576
formatus) propter Tyrannidem, & iniquitatem, qua nec
 proprijs fratribus pepercit, à suis consiliarijs veneno sub-
 latus eijcitur, & Mahometh-Hodabendi (*id est, Mahometh*
vindicis DE I minister, seu ut alij volunt cultor vindictæ diuinæ,
vel Mahometh cecutiens, ut alij volunt) ex Corasena vel inuitus
 vocatus Technæ patri in locum fratris veneno sublato,
 rex constituitur, vir pacificus & modestus, ægris autem o-
 culis, & debili visu, amicitiam init cum Sangiaco-Curdi-
 stan (*id est, præfecto Chaldaæ*) viro pio & magis Homaristis,
 quàm Musulmanis fauente, ad eò ut coniurarent, & San-
 giaco promitteret recuperationem iuris hæreditarij,
 quod eius proavi in Chaldaæa habuissent.

Vstrefus-Bassa (*al. Husfeno*) vicinus hoc sentiens hosti-
 liter Persicos limites inuadit, & Mahometh-Schachi le-
 gato causam querenti respondet: Quia tuus Dominus ex-
 cipit profugos Turcos, & colludit cum illis. Neque hoc
 contentus Vstrefus, sed & Amurathi crebras mittit literas

& monet vt tempestiuè rebellem Sangiacum tollat, & expeditionem in Persiam, prætextu pacis clandestinas coniurationes molientem.

His postulationibus excitantur, & Cadilefcher, & augures Turcicæ aulæ, vt qui non delectabantur otio, & quiete sui Sultani.

Sed Mahometh-Bassa gener Selymi II. vir ætate, & prudentia grauis subscribit votis Sultanarum (*id est, matris & uxoris Amurathis*) & testatur melius esse pacem, quæ coailuit, fouere, quàm serpentem dormientem excitare.

Hoc consilium primò sacrificuli, vt qui nullo modo ferre poterant, quod Homaristarum religio præstaret Musulmanicæ, refutant fictis suis visionibus: Deinde & Augures somnij Amurathis (*qui serpentem sub arbore viderat recubantem*) sinistra interpretatione, quasi serpens ad radices non sit tolerandus.

Amurathes DEO magis quàm hominibus Mahometi Bassæ, & foeminis obedire volens (*vt putabat*) annuit, & iubet, vt Mustapha-Bassa, Cypri euerfor istas partes in se suscipiat, cum illas præ alijs expectat.

1577

Mahometh-Hodabendi sentit sibi insidias strui, & vim parari, imploratam Georgianorum opem impetrat, & Turcis non in Persiæ, sed Turciæ campis occurfare laborat.

1578

*Persici belli
continuatio.*

Mahometh-Bassa 200000. Turcos educit contra Persas, & mense Augusto Georgianorum regionem hostiliter inuadit: tùm quod Turcis nondum subiecti Georgiani, tùm quod Persarum foederati, & Mahometicam non agnoscant legem: Regina Georgianorum vidua minorem natu filium Manuchiarem Mahometi-Bassæ obuiam mittit, & contra procerum consilium supplex subiectionem offert.

offert. Bassa verò contra datam fidem Manuchiarem victum mittit Constantinopolim.

Hinc ulterius in Persarum fines tendit, occurrit ei Tocomacus, concurritur militariter, Mustapha tamen crucentam obtinet victoriam, Tirlin urbem occupat, & novum Beglerbegatum constituit.

Quia verò ulterius conatur pergere, Canacus fl. rapidissimus, & profundissimus videtur obstare: Mustapha vi cogit, ut trajiciant Turci, præter camelos & arma 13000. Turci submerguntur vno die: ast ille hoc non curans instat virgendo, hinc Eres Mediæ urbem occupat, & similiter Beglerbegatum condit (*abutitur autem titulo, dum non dat tantum regionis, quantum Beglerbego competit, ut magis excites suos milites contra Persas.*)

Videns autem plus laboris, & sudoris, quàm auri & honoris in his locis acquiri, Othomanum-Bassam constituit Vicarium, & ipse Mustapha-Bassa Trapezuntem recurrit.

Chamzenus Persici regis filius (*al. Chamze Mirise*) Othomannum-Bassam insigni prælio superat, Eres urbem recuperat, Beglerbegum tollit, & Persicis militibus eandem commendat. Othoman-Bassa Sumachiam fugit, Chamzenus sequitur, & in itinere Tataros Turcis subuenientes cædit: Sumachiam obsidet, Othoman-Bassa ex urbe fugit ad Caspium mare: Summachia à Chamzeno recuperatur.

Othomanus Bassa confugit ad Georgianorum principem Semalium (*al. Schembali*) simulat subiectionem, filiam eius ducit uxorem: Semalius veneno (*sive per filiam, sive per generum*) tollitur, Georgiam Othoman-bassa sibi vendicat ut dotem, & ab Amurathe auxilia poscit.

1579

*Bellum
cum Persis
continua-
tur.*

Amurathes Tataros vocat contra Persas: Othoman-bassa ex Temircapi arce subinde in Persiam excurrit, spoliisque onustus in arcem suam redit.

Mustapha-Bassa, vt promissis & consilijs suis satisfaciat, iubetur denuo exire, & Othoman-bassæ succurrere: Quare copias colligit, & Georgiam, seu Georgianam petit.

Interea Amurathes Manuchiarem circumcidit, vt olim Vassallus Turcicus in patria sua, Georgianorum regione esse possit: Alexandrum autem fratrem dimittit.

Ali-bassa classe in Colchidem pergit, nouum propugnaculum contra Georgianos & Persas ædificat, vocatq; Passam. Persæ superueniunt, & vix absolutum rursus destruunt.

Hodabendus Ecbatanam venit, vt lustret exercitum, & videat, quid Chamzenus filius agat: suos milites in Turcorum fines emittit, vt spolia auferant. Mustapha-Bassa conatur eos repellere, ast Ianizari ipsi Mustaphæ, vt imperito, & auaro ductori mortem intentant.

Hæc in aula Turcica narrantur Amurathi: Sinan-bassa erumpit indignabundus, & ait: Quid hoc rei est, cur tam desidiosi mittuntur? si mihi concederetur ista prouincia, non quiescerem nisi Hodabendum in Casbin aula sua visitassem. Amurathes iubet, vt eat, mittitque lictorem, vt Mustapham tollat è medio.

1580

*Persicum
bellum conti-
nuatur.*

Mustapha-bassa, lenitate Sultani fretus, callidè lictorem decipit. Amurathem accedit, & per Sultanas in gratiam redit, mense Aprili. Vt autem Sinan-bassæ superbo voto satisfiat, creatur à Sultano Visirus-bassa: Quare 25. Aprilis osculatur manus Sultani & Sultanarum, donatur Cimetæra, & vexillo imperatorio, Constantinopolim relin-

relinquit, & cum copijs suis Mediam petit.

Hodabendus Maxutum legatum mittit ad Amurathen si pacem impetret, absque restitutione occupatorum locorum: At Maxutus pollicitis Amurathis corruptus, suo regi responsum Turci quidem refert, mox ramen deficit, & ab Amurathe, secundum datas promissiones creatur præfectus Ecbatanæ.

Hoc anno post plurimum annorum labores collationes & conclusiones.

VILLIS ILLE Liber ConCORDIA DICIVS In oris

Te Vion Ie penetrat RegVL a grata Bonis.

*Formula
Concordia
publicas
tur.*

Interea Mustapha-bassa moritur: & Maxutus multum quidem mouet: parum autem promouet.

Sinan-bassa videns consilijs euentum non responde- 158 I
re, utpote qui sperabat opes ex hoc honore, mutat sententiam, & ne prodat animi sui morbum auaritiam, & ambitionem, Hodabendum per literas hortatur, ut pacem ineat cum Amurathe III. similiterq; & Amurathen, quem sciebat pacis amantiorem.

Ultra Euxinum etiam noui motus audiuntur. Nam Mahometh-Chan-Precop (*id est, Mahometes rex Precopitarum Tatarorum*) à proprijs suis fratribus hostiliter premitur quare arma sumit: Fratres Hali, & Salometus fugiunt, & in itinere intercipiuntur, & in Poloniam ad regem ducuntur.

Ibrahim-Chan legatus Hodabendi regis Persarum Constantinopolim venit, non solum ut circumcisioni Mahometis III. interfit, sed etiam ut de pace agat. Hoc natalitium festum, admodum solenniter celebratum est, per aliquot dies. Legatus Gallicus (*Henrici III. Valesii*) videns sibi præferri legatum Rodolphi II. Imperatoris Romani,

Mahometes III. circumciditur.

domi manet, & non accedit ad solennia conuiuia Turcorum, ratus nimirum amicos foederatos præferendos alijs.

Ad has solennitates circumcisionis filij sui Amurathes etiam multis precibus ex Polonica aula liberatos fratres regis Tatariaë Halinum, & Salometen adduci curat: eosque secum detinet contra voluntatem regis Tatariaë affirmans sed id facere, ne denuo quid seditionis in fratrem molirentur.

Interea dum Ferrathes bassa nouum propugnaculum, contra Georgianos, & Persas ædificat, in Vngaria superiori Zolnocensis Præses cum 6000. Turcis Zepusiensem comitatum inuadit, obuia vastat, & Onod arcem occupare conatur. Erlauienſes eis se opponunt: Onod à Turcis incenditur, & relinquitur. Archibufiri Erlauienſibus succurrunt, & Turcos in fugam conijciunt. Hinc querelæ in aulam Turcicam deferuntur, quasi Erlauienſes violauerint foedus. Mox tamen alia fama testatur, Erlauienſes à Turcis irritatos hoc fecisse, & Amurathes iubet, uti ulterius quid moueant.

1583

Ferrathes bassa absoluit propugnacula duo, vocatq; nouo nomine Lori, & Tomaries.

Othoman-bassa ab Amurathe Ianizaros, & bombardas poſcit, quas Amurathes quidem mittit, at interim-Sinan-bassam reprehendit, cur dixerit pacem peti, cum tot sumtus iam denuo requirantur. Sinan-bassa respondet: Sicut Sol & Luna regunt diem, & noctem, & Sol non admittit plures Lunas: Ita & Sultanus Turcicus non feliciter quatuor bassis nititur. Quare prius Bassæ plures remouendi, cum experientia testetur negligenter profici, quod pluribus committitur. Præterea & nouum regem adserit esse creandum contra regem Persarum, qui quasi sibi-

sibi ipsi regnum quæreretur. Amurathes sentiens Sarcasmos Sinan-bassæ consilio matris, eum exautorat, bona eius fisco adscribit: & Siaus-bassam Vngarum, sororium suum ei substituit.

Othoman-bassa accipiens ab Amurathe quod petierat, magno labore Sumachiam, Tabbassarou, & Cabbam vrbes Temircapi vicinas occupat, & hac ratione suos famelicos, & ægrotos milites parto commeatu recreat: mittitque septendecim clauas Amurathi de septendecim occupatis oppidis, & petit sibi Tataros mitti.

Amurathes implorat Tatarorum opem, non autem impetrat, eò quod Mahometh-Chan testatur suos milites nondum accepisse stipendia superiorum annorum (*alij dicunt ideo recusasse auxilium ferre, quod fratres Hali & Salomet ex Turcica aula nondum dimitterentur*) Amurathes mittit debita stipendia 180000. Daleros germanicos: Chan seu rex Tataricus educit exercitum, & testatur se iam exire contra Persas: vbi verò legati Turcici abierunt, ipse Tataricus rex etiam reuertitur in suam arcem, quæ Crym vocatur, imò & Capham hostiliter inuadit, ostendens se nolle amplius esse Vasallum Sultani Turcici. Quin & Hali, & Salomet negligentius custoditi ex custodia aufugiunt.

Hinc irascitur Sultanus, & Othman-bassam ex Temircapi reuocat, substituitque ei Isfer-bassam: mox classe Othman-bassam instruit, & Capham vt liberet, mittit. Interea & Islanum (*vel fratrem, vel consanguineum regis Tatarici*) ex carcere Iconio retractum vocat, pollicetur ei magnos honores si Mahometh-Chan-Precop vel domet, vel expellat regno. Islanus pollicitis motus, & potius vasallus, quàm captiuus esse volens, annuit, salutatur Beglerbegus Tataricæ, donatur vexillo aureo pro signo fidelitatis.

Ali-bassæ Islamus regno Tatarico præficiendus commendatur: Capham venit, Mahometh-Chan Tataricus rex à suis consiliarijs auro corruptis proditur, & cum duobus filijs adolescentibus neruo arcus suffocatur, & Islamus ei substituitur.

In Africa Ianizari admodum abutuntur lenitate sui Sultani. Nam Ramatham-bassam, cum in Africæ seu Libyæ arenis periclitaretur, interficiunt, vt qui suos non commodè ducere sciret. Sultanus Beglerbegum Cypri mittit eò, vt istos puniat: Ianizaris reuelatur hoc, ideo Beglerbegum conantur etiam tollere. Beglerbegus dolorem aggreditur, laudat eorum virtutem, ac factum, vituperat, Ramathan-bassam, vt inexpertum, & imprudentem: Ast Ianizari paulo post etiam Beglerbegi satellites interficiunt, dicentes: Quia contra te loquuntur, & dicunt te carnificem, non gubernatorem venisse. Beglerbegus sentiens non solum dolum dolo pelli, sed & sibi infidias strui, retrocedit.

Islanus nouo bello implicatur per patruelem moto, quare Othoman-bassæ auxilium implorat, & 60000. Turci cum Othoman-bassa Sinopen veniunt, & hybernant ibi: interim & Alibassa Islano mittitur succurrere contra patruelem.

In Europa Kal. Ianuarij Amurathes cum Rodolpho II. Imperatore pacem renouat ad aliud Oñennium: Hinricus Liechtenstein tributum, & honoraria solita quinq; nauigijs Budam vsq; defert, vbi à Sinan-bassa splendide excipitur, & Turcico comitatu munitus vltius pergit cum tributo Constantinopolim.

Amurathes ipse equestri ludo certans cum suis Mutis inter equitandum morbo caduco correptus, ab equo decedit,

cidit, tumultus oritur inter Ianizaros, Sultanum mortuum putantes, tertio tandem die Amurathes viuus in publicum prodit, & tumultus sedatur.

Christiani inter Turcos nouam Tyrannidem experiuntur. Etsi enim hætenus tributa soluerant, vt templa libera haberent: tamen iam non solum Constantinopoli, sed & Ierosolymæ plurima templa eis eripiuntur, & Musulmanicis seu Turcicis sacerdotibus commendantur. Patriarcha contradicens, & fidem datam volens inuiolatam seruari, cum tributa soluta sint, ab officio remouetur (*alij volunt factum eò, quod cum Christianis in germania, videlicet cum M. Crusio, & D. Chytræo clam sentiret*) & alius ei substituitur.

24. Octobris Rasciæ Begi cum 10000. Turcis in Carniolam vsque excurrunt, & spolia quærunt: 26. Octobris verò à Christianis repelluntur: vbi hoc in aula relatum, & Bassæ iniuriam vindicandam dicerent, Amurathes respondit: Audiamus prius alios, forsan nostri Christianos » (*qui non facile pacem violant*) prouocarunt, vt nuper circa » Tockaium factum: Quamobrem literæ mittantur ad Budanum, & Temesiensem bassas, vt suos contineant milites, ne temerè vicinis Christianis vim inferant. (*vox nihil iniqui, aut Tyrannidis redolens.*)

Veneti nauem Turcicam fœminis, pueris, & supellectile splendida onustam, & vi tempestatum in angustias Adriatici pulsam, diripiunt, fœminas stupratas concidunt: præcipuè autem virgo, Christiano sanguine nata, precibus & lacrymis petens virginitatis suæ conseruationem, adeoque deditioem, & Christianismi receptionem sanctè promittens, ab ipso Petro Hemó, Venetorum patricio vi stuprata discinditur: supellex omnis diripitur.

Amurathes mittit legatos, & petit, vt secundum articulos confederationis rei supplicio afficiantur, quod & factum, & Hemus decollatus est.

1585

Ali-bassa, rebus in Tataria compositis, Constantino-polim redit, accusaturq; quod antea auarus com meatum, & stipendia militibus debita in priuatum vsum conuertir, & nunquam exercitum contra Persas eduxerit.

Othomanus-bassa ex Tataria etiam redit contra Persas, & præ tendens se Nassiuam petiturum, callidè flectit iter, & per campos Calderanos, & periculosissimas montium angustias magno labore Ecbatanam venit: si hoc modo Persas non lussisset, absque dubio in angustijs montium oppressus fuisset.

Chamzenus dolum sentiens etiam reflectit iter, & Othomano circa Ecbatanam se obijcit: bis congregiuntur armis, & Turci bis caduntur: dum Chamzenus respirat cum suis copijs Othomanus Ecbatanam obsidet. Alyculi Præses Ecbatanæ eruptionem facit in Turcos, Chamzenus à tergo Turcos obruens succurrit suis, Turci ferè omnes cadunt, Othomanus-bassa cum exiguis equitibus aufugit quidem, sed nimio labore fatigatus, diarrhæa superueniente, moritur: Chamzenus continuat victoriæ cursum, proximos Turcos circa Sancazan, Othomanum lugentes obruit, 18000. camelos & mulos eis aufert, adeoque omnia spolia, quæ Turci in Persia corraferant.

Sinan-Cigalogli substituitur Othomano-bassæ. Chamzenus incautius spolia abducens à Sinane non vi sed dolo, & ex insidijs obruitur, & tamen viriliter disijciens Turcos victoriam, etsi cruentissimam obtinet. Aiunt 85000. Turcos, inter quos 40000. lectissimi Soldati seu Ianizari, occubuisse.

Ibra-

Ibrahim-bassa vir stratagematum inuentione callidissimus, & bellator acerrimus, nouam initurus apud Sultanam suam gratiam Drufos (*al.Trufos, al.Trufchos*) populos Libani, ex Bilionæi posteris ortos, & in cauernis munitissimis habitantes, ineffabili astutia & labore vincit, eosque suo Sultano tributarios subijcit, quod hactenus nemo inter ducentos, id tentantes, perficere potuit.

*Drufi sũt
Tributarij
Turcorum.*

Chamzenus Ecbatanæ arcem, patris sui regiam sedem conatur diuturna obsidione recuperare. Ferrathes-Bassa nouum propugnaculum exstruit, & Sinan-Cigalogli exercitum nouum educit, quasi Cosbim petiturus: Persæ hoc videntes, ab obsessa arce discedunt, Sinanum intercepturi: Ast dum Sinano occurrunt, Ferrathes ex insidijs erumpit, Ecbatanam recuperat, & obsessos Turcos recreat: quin & Chamzeni copiæ à Sinane cæduntur, & Chamzenus ipse fuga salutem inuenit.

1586

Mense Iunio Constantinopoli cicadas pluiffe dicunt. Mense Decembri Turci in Croatia latrocinia exercentes à Christianis cæduntur, caput fratris Bassæ Bosnæ Viennam, cum nonnullis alijs captiuis mittitur.

Bassa Zigethensis, Sangiacus Mogacensis, Sangiacus Quinqueecclesiensis, & Sangiacus Copanensis pacem violant, & 17. vicina castella deuastant: Christianos multos, & pecora abducunt. Georgius à Serin (*Nicolai filius,*) & Nicolaus Nadaßius callida celeritate vsi, latrones hos ante ortum Solis obrutos ad Canissiam intercipiunt, cæsis multis spolia recuperant, duo Sangiaci capiuntur, inter quos Copanensis vinctus Viennam mittitur, & Copan à Christianis occupatur.

1587

Nocte

Nocte inter 3. & 4. Decembris inaudita copia anserum, & anatum, ad exemplum præliatorum rostris se scindentium circa VVihitz auditur, mane incolæ innumeras anseres, & anatas ex hoc prælio necatas colligunt, & culinam suam egregiè ditant.

Ali-bassa Budanus iussu Amurathis strangulatur, eò quod violauerat pacem, & suos Sangiacos non continerat. substituiturque ei Sinan-bassa (*paullò antè intercessionem uxoris suæ in gratiam receptus.*) in Beglerbegatu.

1588

Ingens seditio Constantinopoli: Spachi enim seu equites ex Persia redeuntes, stipendia sua poscunt, satis quidem pro imperio: Sultano consentiente monetæ valor augetur, & tributa noua sine discrimine à subditis poscuntur. Subditi sua priuilegia vrgent, & resistunt, Aga, seu Dux Ianizarorum monetur suos Ianizaros instigare, vt postulatum tributum soluant, sed periclitatur, & mox vt rebellis ab officio remouetur, & stabularius ei substituitur: Hunc Ianizari ne admittere quidem volunt, sed minitantur mortem: incendium sequenti nocte oritur, Ianizari iubentur ex officio aquas adferre, & extinguere. Hi verò non solum recusant, & nouum Agam suum lapidibus petunt, sed & partim alios, qui aquas adferebant, abigunt, partim ad exemplum Spachorum vasa olei, & vini adusti affundunt, vt incendium augeatur: consumuntur hoc incendio septem templa, 25. Hospitalia 15000. ædificia, 130. institutoria.

Post dies non multos Beglerbegus Græciæ & David Passy Iudæus (*primi autores noui tributi*) iubentur vel colligere tributum, & Spachis instantibus soluere stipendia, vel alia ratione turbam sedare, ibi & Sacerdotes publicè omnes dehortantur ne soluant, sed priuilegia defendant:
templa

templa clauduntur, conciones & preces publicæ suspenduntur: ædes procerum expugnantur, gliscit nouum incendium, & quid multis opus? Amurathes cogitur obœdire Ianizaris, & Spachis ex suo regio thesauro soluere stipendia, suasores noui tributi libidini Ianizarorum subiicere, & noui tributi mandatum rescindere. Quàm crudelissimè verò duo illi autores huius tributi à Ianizaris, & Spachis tractati sint, non facilè dixerim, equi caudis alligati per urbem rapiuntur, capita abscinduntur, abscissa pro pila huc illuc iactantur, & alapis excipiuntur.

In Asia vrbs Geuze (*al. Geugie*) à Persis relicta, Turcis fit præda: ast Ferrates blandis verbis Persas fugientes reuocat, promittitque eis restitutionem, si tantum promittant tributum. Persæ sponte in annuum tributum promittunt 5000. ducatos. Ast dolus dolum trudit. Dum enim Ferrathes rursus ex vrbe exit, & non solum tributum, sed & securitatem sibi pollicetur, in proxima sylua à Persis ex insidijs erumpentibus cæditur, ita vt amissis plurimis militibus, perceptisq; pluribus vulneribus vix fuga salutem inueniret. Idem & Temircapensi nouo Beglerbego accidit, adeoq; & Cigalogli-bassæ, circa Neha-uenth, & inde secundo circa Arnidan conflictantur, Turci enim fugiunt, Persæ insequuntur, certatur vsque ad occasum Solis, & vtraque pars fatigata recedit, vt vires recolligat.

Hinc & VS-beg-chan Tataricus dux cum suis Tataris ferè funditus à Chamzeno deletur, & Chorasena regio Persis redditur.

Quamobrem Hodabendus ad Ferrathen scribit, hunc in modum: Tu & Sultanus tuus scitote, quod nunquam vobiscum foedus iniuero: dum enim pacem fronte promittitis,

mittitis, re ipsa & per vestros Turcos, & Tataros duobus in locis me angustatis, belligerabo contra vos, dum vixero. Ferrathes hanc epistolam Amurathi mittit, & plures copias, pecuniamque petit. Ast Amurathes rescribit, & hortatur vt omnes neruos intendant, & quibuscunque conditionibus pacem ineat cum Persis: præsertim cum Constantinopolim tanta calamitas & incendij & penuria pecuniae premat.

In Europa Sinanus-bassa Budanus, cum vicinis Begis, & Sangiacis, præcipuè Corcuthe bego Filleccensi & Mustapha Sangiaco Serzinenfi vires coniungit & 4. Octobris 11000. Turcos congregat, quibus 6. Octobris arcem Putnocum (*Putnoc*) obsidet, & quia actum agit, deserit, & castellum Sichso incendit.

Claudius à Russel cū suis copijs se ijs obijcit, pugnatur acriter: Sigismundus Ragozius præses Erlauiensis succurrit, clam maiores bombardas Turcorum aufert, archibufiri omni vi in hostes explodunt, Turci fugiunt, & conqueruntur de inaudita ratione pugnandi, imò quidam dicunt Diabolos Vngaris adfuisse, non enim humanum ita continuè globos eiaculari (*Archibufiri enim sunt equites, qui præter gladium tribus bombardis, longa & breuib. duabus, instructi veniunt, & continuè explodere possint beneficio padronorum, vt vocant*) Vngari arces vicinas Blobnstein, Kerkes & Gesthes occupant. Sinan-bassa ob hanc pacis violationem Constantinopolim victus abducitur, & Beglerbegus Bosnæ, nimirum Ferrathes-bassa, ei substituitur.

1589

Cosacci irruptionem faciunt in Tatariam, & spolia colligunt. Tataři consensu Amutathis vim vi repellunt, & Podoliam inuadunt: Zamoisci corradit 3000. Polonos, & Tataris obuiat: ast Tataři hoc olfacientes spo-
lijs

lijs onusti in fugam se conijciunt. Cosacci vltcrius pergunt in Tatariam non contenti prioribus spolijs, & maiora captant, & Codon oppidum mercatibus nobile inuadunt: Tatars occurrunt, sed tandem ex insidijs oppressi cæduntur, cum bis victores extitissent. Quin & Zamoiscius inuadit eos, & similiter plurimos cædit prælium erat sparsum per aliquot miliaria, & cohortes sparsim pugnabant.

Turci mittuntur succurrere Tataris, sed quia cum Polonis foedus sanctè seruare volunt, ad Nestrum à longè vt spectatores otiosi, morantur: Et Beglerbegus Græciæ literis Zamoiscium monet, vt Cosaccos reos puniat, & reliquos in posterum intra limites contineat, si pacem sactam testam velit: Sin minus, se adesse, vt succurrat pressis Tataris: præterea monet, vt honoraria & tributum debitum Sigismundus III. Suecus, nouus rex Poloniae mittat, ad exemplum antecessoris sui, si nolit vi auferri.

Hac epistola motus Zamoiscius tristissimam famam spargit per totam Europam, & poscit tam militem quàm pecuniam: Polonici proceres contribuunt cum subditis, & Zamoiscius suam crumenam, & regium thesaurum sudore subditorum ditat. Fama illa euanescit dicto citius (*vt fictam decebat*) comitia celebrantur: triburi relaxatio postulatur, & Zamoiscius accusatur VVarfauia, vt vel deponatur, vel eius potentia limitetur, absque respectu promissionis, qua testabatur se vel in VVallachiam vsque exiitum contra Turcos.

In Asia Persæ multum mouët, Turci spectant quorsum euasuri: arcè Nehauent (*superiore anno à Turcis edificatam*) expugnât, & totâ regionem (*quam Hamidan vocant*) occupant.

Cigalogli-bassa petit auxilia ab Amurathe, ast nemo ex Turcis in Persiam vel pedem ponere vult, nisi Sinan-bassa præcedat. Quia verò Sinanus-bassa sibi metuit (*ut qui iam expertus Persas*) hinc inde diuerticula quærît.

Constantinopoli post paucos dies schedulæ hinc inde inueniuntur à Spachis (*equitibus*) sparsæ, quæ talia verba continebant: Necessitas cogit nos aliquid tentare, rogamus Sultanum ne se immisceat. Explicatio horum verborum re ipsa mox probatur. Nam Sinanus-bassa Visirus (*qui antea Bassa Budanus*) à suis cubicularijs (*famulis ex Vngaria olim raptis*) in lecto inter dormiendum trucidatur 11. Octobris, ipsique cubicularij (*aiunt nobili genere oriundos, & olim Nicolai à Serin ministros fuisse*) arreptis thesauris præcipuis Sinani aufugiunt, neque uspiam reperiuntur.

Alij hac ratione mortem eius adferunt.

Legionarij ex Persia reuersi, adiunctis sibi Ianizaris, ob non solum iusto tempore iusti valoris stipendium, ita furere incipiunt, ut Sultani aulam cingant armati, possunt sibi dari Beglerbegum Græciæ, & quæstorem aulæ Turcicæ, ut præcipuos autores non soluti stipendij. Amurathes ut suæ, & vrbs saluti consulat, tradit eis postulatos duos procures, etsi inuitus, & mœsto animo: Hi à Ianizaris & Spachis in minutissimas partes discerpuntur, & incendium insuper in vico Iudæorum, quo 12000. ædes conflagrarunt, oritur. Forsan hæc turba est eadem quæ superiore anno accidit, & hoc anno aliter in Europa est relata.

Polonis Turca pacem petitam non abnegat, sed vel hæreditariam promittit, si Mahometismum suscipiant. Hic paroxysmus per totam Europam supra modum eleuatus (*ut antea etiam dictum*) citò euauit, constituta pace inter

inter Turcam & Polonum, intercedente Angliæ regina (*cuius rei gratia Amurathes Elisabethæ reginæ Angliæ familiarissimè respondit.*)

Præterea & Poloni in VVarfauienti conuentu sequenti anno centum quadragenas (Zimmer) pellium Zabellinarum ab Amurathe in compensationem damni à Cosacis illati postulatorum, contribunt. 1590

Dum itaque pacificus Amurathes foedus cum Polonis, Anglis, Gallis, & Venetis renouat, adeoque & cum Persis inire laborat, Turcici quidam Latrones circa Maltam, & Massiliam naues negotiatorum intercipiunt, plurimosque captiuos abducunt. Quare Veneti legatos ad Sultanum mittunt, conqueruntur de latronum violentia, quod impediunt liberum cursum negotiationis, & petunt, ut renocentur, & supplicio debito afficiantur.

Hispani à latronibus Turcicis sibi metuentes, classem armant, & simul legatos mittunt, qui inducias ad triennium ab Amurathe, ut Rodolphus II. Imperator ad octennium, impetrant. 1591

Persa vix inierat pacem cum Turcis, & in ipso apparatu confirmationum pacis filius regis Persarum, in aula (*vbi obsidis loco*) Turcica moritur. Persæ reposcunt arma: Amurathes filium defunctum decenti comitatu patri in Persiam remittit, & non solum apologia addita, se ab omni suspitione violentæ sublationis filij excusat, sed etiam pacis confirmationem flagitat.

Turci pacis & quietis impatientes, & spolijs subinde inhiantes, ex Bosna progressi arcem VVihitz in finibus Croatiae munitissimam, longa obsidione domitam, expugnant, indeque Zagabriam, & Canisiam (*Camisiam Germaniæ*) hostiliter petere dicuntur. 1592

Hazon-bassa (*al. Affon bassa*) Bosnæ præfectus arcem *Siseck* acerrimo, & tamen irritò conatu oppugnat: vtpote à Christianis in vicinia confluentibus, repulsus.

Hazon indignè ferens suam cladem, recolligit copias, & Petrinium (*al. Petrinam*) nouum propugnaculum ex roboribus arborum, vnà cum ponte ad Colapim fl. contra Christianos ædificat, & inde in Turopoliam vsq; excurrit, spolijsq; onustus redit, antequam Christiani conueniunt.

Hinc & Siseccum arcem propter transitus in Stiriam Carinthiam, & Carniolam oportunitatem denuò oppugnat: Legatos ad Nicolaum Miccatium præfectum Sisecci mittit, & deditiōem poscit: Nicolaus legatos amicè exceptos, lauteq; ad ebrietatem vsq; tractatos per fenestrā in Colapim abiicit, & quia ex his omnes conatus, & vires Turcorum didicerat, Hazonem ex insidijs adortum cædit.

In superiore Vngaria Valetinus Præpostvvarius Præses Erlauiensis Turcos in negotiatores hostiliter irruentes, & mercatum inhiabentes circa Toccaium adortur, ast 700. Vngaris, & Germanis amissis Erlauiam redit.

Quia igitur in omnibus locis, ad limites Vngariæ, Croatiaq; Turci vel fame, vel auaritia coacti, vel à Mahomete III. qui suas vires ostentaturus, excitati, pacem violant, Vngari vim vi repellendam suadent, & pacem non seruandam, statimq; vicinas arces inuadere parant.

1593

Hazon-bassa *Trentzinum* expugnat, Siseccum per decem dies bombardis quassat: Rupertus ab Eggenberg succurrit obsessis: Hazon occurrit Ruperto, 2. Iunij concurritur circa Petrinam 18000. Turci partim gladio, partim vndis Colapis intereunt, inter quos & Hazon ipse, & (*Scander-bassa*) sororius Amurathis, cum pluribus alijs begis, & Sangiacis occubuerunt.

Soror

Soror Amurathis audita morte sui mariti, ad fratrem Sultanum supplex confugit, & mortis mariti sui vindictam petit: interea nostri Petriniam obsident.

Amurathes Sororis precibus, adeoque Sinanis-bassæ monitis excitatus apertum bellum Rodolpho II. Imperatori nostro clementissimo, rupto foedere, indicit, exercitū conscribit, eiq; Sinanū-bassam proregem al. Protouezirū suum præficit, ut cui reliqui Bassæ & Begi obtemperent.

Hæc fama ut percrebuit deposita cunctatione pensio annua Constantinopolim versus mittitur.

Quamprimum in Vngariam veniunt, Begler-begus Græciæ 24. Augusti Siseccum expugnat: Sinanus Visirus-bassa 26. Septembris *Vesprinum*, & 30. Septembris *Palottam* expugnat, & contra datam fidem deditionem facientes trucidat, Ferdinandum Samaria in fuga interceptum captivum abducit, & 3. Octobris castella Tihan, & Tissan occupat.

Vbi verò hæc innotuerunt, legati cum pensione annua reuocantur, milites corraduntur, qui reprimant vim Turcorum, & procures imperij Romani Ratisbonam ad comitia conuocantur.

Interea Hussarus-Petrus (*id est, Petrus dux equitum Vngaricorum*) Thesaurarium Turcicum 10. Octobris stipendia militibus distribuentem, in castris obrutum cædit, & pecuniam sibi rapit. 21. Octobris Melchior à Redern 600. Turcos velitari prælio cædit, & plurimos captiuos Christianos ex eorum manibus eripit.

Eodem die & Ferdinandus ab Hardec Albam regalem obsidet, Hussarus-Petrus suburbium primum vastatum incendit: Turci accelerant obsessos liberaturi; Hardecus & Melchior à Redern cum Christianis copijs, viriliter prælio

prælio acerrimo exceptos, in fugam conijciunt, 24. Octobris 8000. Turci cadunt, & Christiani, amissis multis socijs spolia amplissima auferunt (*aiunt 32. bombardas maiores 500. currus commeatu onustos, & 1500. Tauros*) & laurinum victores redeunt.

In Superiori Vngaria Christophorus (*al. Fridrich*) à Tiefenbach 8. Nouembris arcē Zabatca obsidet, sequenti die expugnat, 250. Turcos in ea obrutos cædit, & victor Fillecum urbem, & arcem munitissimam, Sangiaci Turcici sedem 12. Nouembris obsidione cingit: Turci aduenientes cæduntur, & spolia gratissima Tiefenbachio relinquunt.

Fillek.

Hinc Fillecum omni conatu oppugnat, & 14. Nouembris expugnatam urbem occupat; 16. Nouembris etiam arcem, sedem Sangiaci, expugnat. 18. Nouembris altera arx deditionem facit: & sic Fillecum (*quod 800. pagos habere dicitur*) in Christianorum potestatem redit.

Hæc expugnatio vicina castella, Diuin, Zebschin, Blobnstein, Drogel, Pallancka, Zamoschi deditionem facere mouet. Hinc ulterius Vngari pergentes, etiam Nouigradum, Holky, Hollock, & VVaske occupant.

Cicali-bassa legatus Turcicus Venetijs splendide exceptus opiparè tractatur, omnia urbis arma, & ædificia ei ostenduntur, & magno comitatu remittitur in Thraciam. Quin & Zengenses ab irruptionibus in Turcos, mandato Ducis Venetorum, reuocantur.

Tatari in Podolia direptionibus indulgentes, & Turcis contra Vngaros subuenire volentes à Cosaccis dissipantur, & ad VVallachiam vsque profigantur.

Constantinopoli Fridericus Krecvitz orator Imperatoris nostri, compedibus vinctus, in carcerem abijcitur, & in-

& inde Albam Græcam ductus, vicissimque in carcerem coniectus, vitam in compedibus finit.

In comitijs Ratisbonæ Rodolpho II. promittuntur nouæ contributiones, & copiæ contra Turcos, tanta quidem vis pecuniæ ei promittitur, quanta nulli antea: & ne quid omittatur, etiam peculiæ horæ precationum instituuntur, in quibus DE I auxilium imploratur contra Turcos foederis, & pacis violatores.

Franciscus Dux Lavvenburgicus, & Augustus Dux Lunæburgensis exercitus suos mense Aprili in Morauia lustrant.

Cosacci Albam-Nestri, & Ciliat emporia Turcorum occupant, & spolia amplissima auferunt.

Matthias Austriacus Nouigradum arcem, postquam urbem superiori anno occupauerat, ad deditionem cogit: & tria vicina castella occupat.

6. Aprilis Tiefenbachius Hatvvanum arcem, & urbem munitissimam obsidet: 2. Maij in prælio 2500. Turcos, qui obsessis succurrere conabantur, cædit. 6. Iunij urbem vehementer oppugnat, & denuo cum Turcis confli- git, & 10. Iunij, deficiente commeatu, & munitione, re infecta, retrocedit.

4. Maij Matthias, Archidux Austriæ, frater Imperatoris Strigonium (*Gran*) obsidet: 11. Maij castellum in S. Thomæ monte expugnat: 7. Iunij castra in insula collocat, & 27. Iunij suburbium proximum incendit. Turci crebris eruptionibus Christianos laceffunt, qui aliàs fame, & tæbe consumebantur. Hardecus Marscalcus-campi, clam Turcis fauens, & cum Bassa Budano conspirans, plurimos germanos proditoriè Turcicis gladijs obijcit. & 28. Iunij castellum S. Thomæ relinquitur, Turci Chri-

tianorum discessum non solum mirantur, sed & discedentes sequuntur: Dotis arcem, similiterque Sant Martinsbergum 13. Iunij deditiōe accipiunt.

20. Iulij Sinanus-bassa Iaurinum (*Rab*) propugnaculum Christianorum obsidet: Christiani Tsettam insulam occupant Iaurinum liberaturi: obsessi crebrò erumpunt, sed victi repelluntur. Iohannes Medicæus & Augustus Dux Lunaburgensis viros se præstant, & non paucos Turcos cædunt. 29. Augusti Turci Danubij brachium traiciunt, & noctu Christianorum castra in Insula inuadunt, dum duces alibi occupati detinentur, & auferunt quicquid inueniunt, simulque suis Turcis obruta castra Christianorum committunt. 10. Septembris præsidarii milites, exemplo Hardecci, sui præsidis animum abiiciunt, plurimi clam aufugiunt & Altenburgum veniunt. 19. Septembris Hardeccus cum 6000. militibus deditiōem facit: Turca ruinas restaurat, templum cathedrale humo explet, machinasque supra illud disponit: & præter 2000. equites etiam 4000. Ianizaros in arce relinquens *Papam* à nostris incensam & relictam occupat: 3. Octobris Comorram obsidere parat, sed virtute Erasmi Braun. 14. Octobris repellitur.

Hardeccus proditiōis insimulatus Viennæ in carcerem coniicitur.

Sigismundus Bathori VVeiuoda Transylvaniæ Christophori filius Stephani olim regis Poloniæ patruelis, iuuenis pius, & Heroicus, defectionem à Turcis meditatur, consiliarios contradicentes, & cum Balthasare patruale suo in carcerem coniicit, & Temesium mense Iunio obsidet.

Tatari ex Sinani-bassæ castris in hyberna dimissi,
in

in VVeiuodam incidentes, defleſcunt iter, & Tockaium adeunt, ſed à Polonis, & Coſaccis repelluntur, ideoque per Tranſyluaniam viâ quærere conâtur. VVeiuoda Temeſium relinquit, vt ſuâ Tranſyluaniam à Tatarorû incurſionibus defendat. Tatari igitur viam nullibi inuenientes, tetrocedunt, & ad Veſprinum in hyberna ſe recipiunt.

Quin & Michaël Horvvart capitaneus VVeiuodæ Turcos in VVallachia hyberna quærentes cædit, Tranſalpinam occupat, & ad Danubium vſq; progreditur.

Mahometes-begus, Sinanis filius, literas ad Hardeccum mittit, & hortatur ad recuperationem pacis quaſi iam ſatis vindictæ ſumtum, de ſororii Amurathis morte. Sed noſtris, vt aiunt, viſum fuit fraudulentam pacis oblationem non admittere, & potius bellum contra ſœdiſragos continuare.

5. Octobris Lecouicius urbem VVihitz noctu obruit, muros conſcendit, & incolas cædit: ædificia incendit, 1200. Chriſtianos captiuos liberat, & arcem obſidione cingit.

Interea Sigismundus VVeiuoda Tranſyluania, VVallachia & Moldauia ſocietatem, & ſœdus cum Rodolpho II. Imperatore noſtro clementiſſimo æquis conditionibus init, & in confirmationem ſœderis Maria Chriſtina (*al. Anna Chriſtina*) Caroli Auſtriaci relicta filia, ſoror vxoris Sigismundi III. regis Polonia, & Suecia) ei petenti deſpondetur.

Sub initium anni conuentus Praga, & Poſonij celebrantur, & deliberatur de modo, & medio, quibus I 595 Turcis obuiam procedatur.

Interea Amurathes III. & mœrore animi, & calculi dolore exanimatus vitam cum ſceptro Conſtantinopoli

1595 deponit, ætatis suæ 51. (al. 52.) regni 19. Mahometis 1003.
Salutis nostræ 1595. anno, die 8. Ianuarij.

Soboles A- { Mahometes III. ex *Magnesia* Vocatus patri successit.
murathis { Selymns, qui puer obiit.
111. { Filia Huma Kisi, qua copulata est Ibrahim-bassa.
{ Alia filia quarum nomina nondum nobis relata.

{ Imperator Rom. Rudolphus II. 1576. cui *DEV* S felicitatem,
in Ne storios annos.

{ Gregorius XIII. 1572. 13. Calendarij reformator.
Sixtus V. 1585. 5.
Pontifices { Urbanus VII. 1590. 12. dies.
{ Gregorius XIII. 1590. 1.
{ Innocentius IX. 1591.
{ Clemens VIII. 1592.

Synchroni { Elector Brandeb. Iohan-Georgius 1571.
{ *Hunc pater alme patrem patriæ imperijq; columnam*
{ *Teutonici salua pro bonitate tua.*
{ *Angelici cœtus ipsum comitentur euntem.*
{ *Ne forè impingat protege Christe senem.*
{ *Non secus ac aquilæ, vires renouato senectæ*
{ *Aras atq; focos, Spiritus alme, regat.*
{ *Da pater vltcrius superet, pietate fruatur,*
{ *Nos foueat: superet Nestoriosq; dies.*
{ Concordiæ opus publicatum 1580.

7. MAHOMETES TERTIVS.

Septimus est hodie Mahometes Induperator.

Quando { Mahometes eius nominis Tertius, filius Amurathis tertij,
fuit circum- { Anno Christi 1582. secūdo Iunij, ætatis verò decimo sex-
cisus. { to anno circumcisus: in Magnesium, vt ordinariam se-
dem primogenitorum Sultanorum, missus. à Ianizaris
Constantin-

Constantinopolim per celeres vocatus, patri substitui- 1595
tur, ætatis suæ 29. anno, Christi verò 1595.

An & quot fratres (*cum nulli hætenus certò innotuerint*)
è medio sustulerit (*volunt enim nouendecim sublato nervo arcus,*
& nescio quot nouercas submersas, matrem verò genuinam in exi-
lium missam.) quæritur. In adolescentia sua sane aliquod *Ingenium.*
specimen virtutis Othomanicæ exhibuit, quâdo instinctu
Siaus-Bassæ anno 1584. suæ aulæ-Magistrum proprijs suis
manibus interfecit.

Dum hic Constantinopoli facit quæ ad procuratio-
nem imperij requiruntur, patrisq; sui Archiatrum nobi-
lem Iudæum velut vitæ insidiatorem è viuis tollit, nihilo-
minus bella in VValachia, Moldauia, Transyluania &
Vngaria suscepta, per Bassas continuantur.

VValachiæ enim VVeida Michaël 9. Martij Tataros
in Vngariam tendentes repellit: Albam-Nestri obsidet,
suburbiumque vastat.

Moldaviæ VVeida Aaron similiter cum Cosaccis vi-
rum se præstat contra hostes publicos.

Grætijs verò Christina-Austriaca Sigismundo Ba-
thoræo Sponso absenti, (*pro more inter reges recepto*) copu-
latur.

Carolus comes Mansfeldicus ex Belgio in Vngariam
vocatur, vt damnum ab Hardecco & eius complicitibus il-
latum, recuperet.

Tertio Martij Sultanus in frequenti procerum con- *Conuentus*
uentu Ianizarum quendam nobilem VVusuodi Kiezo vo- *Turcos*
catum, in carcerem deduci iubet, vt qui Sinanum-Bassam *rum pro*
avaritiæ infimulare, laurini occupationem extenuare, *cerum.*
VValachiæ amissionem exaggerare præsumisset: Reliqui
autem Ianizari, conspiratione facta, vi socium suum ex

1595

carcere liberant, & ipse Sultanus ægrè euadit. Eo ipso in conuentu, & ambaffatores seu legati electi, qui Transyluania principi hæreditariam possessionem VVallachia Moldauia & Transyluania promittant, adeoque omnis restantis tributi remissionem præter honoraria amplissima, si à Romano Cæsare ad Turcicum redeat. Verùm bonus princeps potius oblata respuere, quàm semel datam fidem fallere voluit: &c. vt animum verbaq; sua factis declararet, Turcis itum reditumq; ad Danubij ripam intercludere perrexerit.

Quamobrem Sultanus VVusuodini verba altius perpendens, Sinanum Bassam tanquam auarum patriæ proditorem ad supplicium quærit, ipsique Ferrathen substituit, qui vi requirat quod muneribus obtineri non potuit. Hunc Ferrathen vt adulatione potius quàm militia nobilem, Ianizari ducem agnoscere nolunt, ideoq; periculosus tumultus ortus dicitur.

Turci castr. Kalèdis Aprilis Turci & Trãsylvanus ad Temesiũ denuo congregiũtur: Turci cædũtur, & Proilla, Gírgio & Simillio oppida VValachia Transylvano relinquere coguntur.

Sultanus Ferrathen nouis copijs instructum committit: Transylvanus ea qua potest celeritatè corradit reliquias, & hosti obuiam properat his & Nadaftium adfuisse volunt. Concurritur circa Danubium.

Ferrathes victus fugit: Nadaftius vexillum Ferrathis raptum, à victore Sigismundo, triumphabundè Albam Iuliam ingrediente, honorarij loco aufert.

*Aaron in
carceratus.*

Hinc Aaron Moldauia VVeida, seu præfectus, vt parum fideliter & viriliter arcem Tegeine obsidens, adeoque cum Turcis & Cardinale Polonico proditoriè colludens, Albam-Iuliam vocatus vñdecimo Maij in carcerem conijcitur:

citur: Consiliarij eius merito afficiuntur supplicio: bona eius militibus diripienda propinantur, Thesaurus solus Sigismundo reſeruatur: & in Moldauia præfectura Stephanus quidam Boyiarius Aaroni ſubſtituitur. 1595

Papa Romanus, vt probet ſe vtrumq; gladium politici & Eccleſiaſtici gerere, hinc inde milites in Italia conſcribit, qui paulo poſt in Vngariam mittantur. *Papa Clemens VIII.*

Carolus comes Mansfeldicus, deſideratus Vngariae locum tenens vocatus iamq; Viennæ ſplendidè exceptus, ad Altenburgum 29000. milites luſtrat, ad expeditionem neceſſaria arma munitiones, animosque præparat. Hic ad Leytham ſi. nobiliſſimos vt ignobiles, foeminas vt matres, virgines vt adoleſcentes, pari conatu noctes diesq; laborando laborare & ad expeditionem caſtrorumq; munitionem neceſſaria præparare vidiffes. *Mansfeldicus luſtrat ſuum exercitum.*

Vtque opus mira celeritate peregit, ita miro ſilentio prudentia & rigore ingreſſus eſt iter, quod ne tertius quidem ſciuit. Omnes enim ſuum ducem ſecuti ſunt, anxie inquiriſſantes quorſum eatur. *Educit ſuos.*

Adueniunt interim & Germani & Itali ex Belgio adducti & Banditæ Italiq; ex Italia à Pontifice miſſi.

Viennæ autem, in atrio aulae Imperatoriae 16. Iunij, Ferdinandus comes ab Hardec Vngarus & Nicolaus Perlinius Colonellus Italus, extremo capitis ſupplicio afficiuntur: huic quidem caput tertio ictu, illi verò caput & dextera amputata. Reliqui octoginta ſocij Iaurini adeoque patriæ proditores partim decollati, partim ſuſpenſi partim in exilium eiecti ſunt. *Proditores patriæ puniuntur.*

In Tranſyluania interim præparationes ſunt ad Nuptias Principis & dies certus intimatur. Turci reſciſcunt, repente arma ſumunt, nouis ſponſis haſtas pro tadis, gladios. *Turci conuocantur tuſſare nuptias.*

dios

1595 dios globosque igniuomos pro gamelijs oblaturi. Spon-
sus & Turcorum conatum & sponsæ febrim audiens, diem
dictum prorogat. Turcis occurrit & ad Sophiam vsq; va-
stabundus pergit.

Gran.
Nitzgen
stat.

Wassers
stat.

Comes Mansfeldicus præter exercitus sui spem & o-
pinionem 21. Iunij (*seu in vigilia visitationis Mariæ stylo nouo*)
Strigonium obsidet: primum suburbium à vicinis Rascijs
nuncupatum, & à meticulosis Turcis desertum, occupat.
27. Iunij muros quassare incipit. Primo Iulij alterum sub-
urbium ab aquæductibus vndas in arcem deferentibus di-
ctum vehementer concutit, arcem ipsam in montis verti-
ce sitam, ex proximi montis propugnaculo S. Thomæ ho-
stiliter oppugnat.

Idem stat.
'vel
Bohern.

Quinto Iunij Nicolaus Palsius ad ripam custos viæ
constitutus, vi Turcorum ex castris suis pellitur, & obses-
sis comeatus milesque adducitur. Sexto Iulij Ger-
mani & Palsius tertium suburbium à Iudæis incolis vo-
catum, inuadunt, & muros ligneos (*utpote ex continuis tra-
bibus, in medio terra repletis contextos*) magno labore destruunt
& 13. Iulij expugnatum suis militibus committunt. 19. Iu-
lij Turci eruptionem faciunt, ast plurimis socijs amissis
redeunt intra mœnia. 27. Iulij nouæ copię obsessis ex
Turcia veniunt, sed à soldatis Germanicis cæduntur, Ca-
meli, Muli, Machinæ, Turci que multi capiuntur (*ex qui-
bus duo præcipui Turci Viennam mittuntur.*)

Italici Soldati & Banditæ, ne soli Germani viri dice-
rentur, etiam suas exerunt vires, urbem ipsam arci con-
tiguam crebris oppugnationibus varijsq; machinationi-
bus ad extremas adigunt angustias. Obsessi, quæsi an
deditionem facturi, respondent: se potius mori quam ar-
cem tradere paratos, cum deditionem facientes æquè ac
prodi-

proditores patriæ puniantur à Sultano Turcico.

Kalendis Augusti pars prædæ Viennam venit, quare non tam diuo Laurentio (*cuius festum peragebant iuxta stylum nouum*) preces, quàm DEO grates referuntur, & sonitu bombardarum & cantu vocalium instrumentaliumque Musicorum.

Secundo Augusti Carolus comes à Mansfeld, diarrhæa subita correptus Comorram subducitur vt morbum curer. *Mansfeldi-
cus agrop-
sat.*

Tertio Augusti suburbium quo adhuc reliquum vt-
pote ab aquæductibus nomen habens vi expugnatur. Sol-
dati enim Italici & Germanici proprio (*vt loquuntur*) mo-
tu coniurant, dum quidam intempestiue, in absentia du-
cis sui, de primatu certant, & mira animi vehementia in
urbem se coniiciunt per ruinam muri. Turci hoc viden-
tes, incendant suas ædes & in arcem fugiunt: Germani
qua possunt celeritate flammam restinguunt, & Itali spo-
lijs se onerant. *Wasser-
stat.*

Quarto Augusti (*seu die ascensionis Mariæ secundum nouum
Calendarium*) Carolus comes Mansfeldicus, cùm non sine
inigni læticia audisset vltimi suburbij expugnationem, *Mansfeldi-
cus mori-
tur.*
animam Comoræ exhalat. Medici caduer secantes,
causam mortis inueniunt non venenum propinatum, sed
prauum humorem ex nimio peponum & vini glacie frige-
facti vsu generatum, tandemque compositus decenti
ritu & comitatu in Belgium Lucelburgum defertur & ibi
sepelitur.

Sultanus Ferrathen Bassam, vt vel timidè vel perfidè *Sinan Bas-
sa restitui-
tur.*
agentem reuocat: & Sinanum in gratiam receptum pristi-
næ dignitati restituit: qui tamen magis defensiue quàm
offensiue in Vngaria ageret.

1595

Poloni.

Poloni, autoribus Andræa Bathoræo Cardinale, Ioanne Zamoscio Archicancellario, & Stephano Bathoræo (*Andræa fratre*) nouas turbas excitantes hostiliter in Moldauiam, (*quasi quæ magis Polonica quàm Romane Corona debeatur*) irruunt, dum Transyluania princeps Turcos ad Fogiethum arcem Temesio vicinam, profligat, Lippam expugnatam occupat, & eius incolas Turcos in exilium dimittit.

Lippa occupatur.

Matthias Archidux Austriae, vices Mansfeldici defuncti suscipiens, virtute Marchionis Burgouij, Turcos Budâ aduentantes 25. Augusti cædit, arcisque oppugnationem ita continuat vt nulla domus integra relinqueretur.

Strigoniam occupatur.

Tandem 30. Augusti Turci nulla auxilia videntes, infidiosè hinc inde cum occultassent ignem, qui reliquias disijceret, deditionem faciunt, & iuxta pactum triginta nauigijs accommodato datis Budam exules 2. Septembris migrant.

Quare arx præsidij Germanicis munitur, & ædificatores mittuntur, qui ædificia disiecta restituant: verum irruentis hyemis, frigore ab opere capto pelluntur: & Palsio Strigonium committitur.

Transylvaniam nup̃tiam.

Eo ipso autem die quo Mansfeldicus expirauit, in Vngaria, Sigismundus in Transyluania nuptias celebravit Albæ Iuliæ cum Anna-Christina Austriaca. Sponsam Stephanus Iosua Cancellarius Transyluania gratulatoria oratione excepit: Legatus Pontificius Sponsos ritu solenni copulauit.

Sinanus relicta Vngaria totus in Transyluaniam conuertitur, vtpote nuptias turbaturus, & amissa recuperaturus.

Ar

At Princeps gaudijs Nuptiarum abruptis, 23. Augusti Turcis suos prodromos obijcit, qui eos retundunt. 1595

Vndecimo Septembris ipse Princeps ipsi Sinano occurrit: Sinanus victus fuga salutem quærens inter festinandum ex lectica de ponte cadens semimortuus in castra defertur: vt verò recollectis viribus audiuit suorum cladem & vexilli sacri amissionem, (Sacrum vocatur eò quod sit quasi sacra anchora & extremum auxilium Turcorum contra hostes. Est autem vexillum ex viridi serico paratum & sub iridis forma, iconem Mahometis Prophetæ Turcici referens) sui ipsius quasi oblitus equum poscit, si vel vexillum sacrum recuperet: ast actum agit. De hac clade tale extat Epigramma:

Ponte Sinan nuper nauali strauerat Istrum

Daciam vt infesto milite diriperet:

Subq; iugum antiquum violenter cogeret armis:

Victor in Vngariam deinde rediret ouans.

Non tulit hoc factum princeps, Sigemundus: in hostem

Expediit instructam præualidamq; manum.

Pugnatur dubio discrimine: terq; resumptis

Viribus hac illac tota peracta dies.

Tandem clade Sinan magna succumbit: in vndas

Præceps delapsus vix caput inde refert.

Quin viride amittit Mahometis (at omine longè

Infausto.) Signum: pluraq; damna capit.

Interca etiam Craſtovvitz & Petrinia arces Turcicæ recuperan-

1595 perantur, & tredecim Machinæ bellicæ recipiuntur per Christianos milites in Croatia contra Turcos agentes.

Vizegrad Palsius oppidum Vizegrad cum arce Blindenburg occupat, & irruente hyeme pedem retrahere, Exercitumq; partim in hyberna mittere, partim omnino dimittere, cogitur.

Transylvanus Transylvanus per legatos à pontifice petit sibi mitti Episcopos & sacerdotes, quibus partæ & recuperatæ Ecclesiæ committantur.

Ferrathes Zamoiscius Tataros repellit ne Turcis subueniant.
strangulatur, Ferrathes Bassa triginta viris comitatus Constantinopolim venit, & quasi rebellis, strangulatur, bonaq; eius ad fiscum rapiuntur iuxta legem Othomanicam. Dicitur quinque myriades auri (*sūnt milliōn Goldes*) habuisse, ita donat & aufert Sultanus opes suorum ministrorum: Vxores autem & liberi hæreditate priuantur.

Aquila Princeps Transylvaniæ Sinanum fugientem quærens ad Tergouistum dum commoratur, quindecimo Octobris Aquila è vicino Saxo Rönigstein in castra Transylvanorum præcipiti cursu volat, & supra tentorium Principis sedens capitur & principi offertur.

Cometa. Quin & eodem die Cometa in oriente conspectus est, cauda sua Transylvani castra notare.

Sinan fugit faciem Sigismundi. Sinanus audiens principem venisse Tergouistum, retrocedit. Princeps sequitur. Sinan Buccarestum fugit: subueniunt ipsi Hasson-Bassa & Michaël Vveida olim Vvalachiæ (*qui iam ad Turcos defecerat.*) Princeps subsequitur: Concurritur: Hasson Bassa in manus principis devenit, & lytrum 100000. ducatorum promittens, tamen non dimitteitur: Castra Turcorum occupantur: Mille Turci prædatum emissi spolijsque iam onusti ad solita castra

Hasson capitur. rede-
Lepidus fuit.

redeunt & prædam ostendunt: videntes autem socios suos 1595
comilitones eiectos & castra ab hoste occupari, fugamq;
adornantes caduntur & præda Transylvanis manet. Hinc
princeps victoriam continuans Sinanum vltius quærit.
Ast Sinanus etiam castrum S. Girgio, (*seu S. Georgij quod
Zarga Turci sua lingua vocant*) Transylvanicè dictum, ad ri-
pam Danubij situm deferens, fluvium superat, pontemq;
abrupit, ne princeps vltius subsequatur. Quare Prin-
ceps Buccarestum & Tergouistum præsidij suis munit, vt
& S. Georgij castrum, & exploratione facta cognoscens
hostem abiisse, victor Albam-Iuliam ingreditur: consul-
tat quomodo res belli porro instituenda, & vigesimum
quemque virum ad bellum euocat.

Sultanus novas copias conscribit omnesque nervos
in Transylvanum extendendos intimat. Maximilianus
Austriacus Zolnocum tentat: Lencouirius Carlstadij præ-
fectus incendit Vvihizium quando arcem vt vix expu-
gnabilem domare non potest. Turcici exercitus copiae al-
iæ Iaurinensibus comeatum & militem adducunt: alia
Petriniam recuperare conantur: alia alibi hostibus pro-
virili se opponunt, Itali & Reitenauenses milites latro-
cinijs, & libidinibus ipsos Turcos faciliè superantes inter
amicos sæuiunt, & ius hospitij non curantes, inhumanis-
simè ipsos hospites suos trucidant, quamvis non omnino
impunè. Sinanus Basa tribus distinctis legationibus Con-
stantinopolim reuocatur. At veterator sibi metuens & O-
thomanicum statutum Sultanorumq; ingeniū sciens, eò
proficisci recusat, nisi prius sacro iuramento ei saluus
conductus sanctissimè promittatur. Hoc impetrato de-
mum adit suum Cæsarem, splendidè excipitur & princeps
Visirorum constituitur: & quia rude donari, vt senem o-

*Sinan cal-
lidè prout
dus.*

1595

ctogenario maiorem decebat, recusat, sponte suam operam vsq; ad extremum halitum offert casari suo, afferens, se in castris natum & educatum in castris moriturum. Addunt & Sultanum Sinano promississe seipsum in Transylvaniam comitem ipsi futurum.

*Papa, non
exiosus.*

Clemens VIII. Pontifex maximus literis & legationibus Zamoiscium Archicancellarium & Sigismundum III. Regem Poloniae & Suediae monet ne quid hostiliter in Transylvaniam prouincias sibi perficere praesumant: Andream Bathoraeum Cardinalem Poloniae, vt primum huius tumultus autorem, Romam citat. Poloniae rex literis responsorijs afferit se pronum ad foederis conseruationem cum Christianis initam: ast Zamoiscius Moldauiam & VValachiam inuadit, VValachos multos caedit, Risuanum VVeidam capit & hastae infigit. Quamobrem Sigismundus Transylvaniam Princeps exercitum suum mittit qui Polonis resistent, alium qui limites contra Turcos muniant: Ipsemet vero in Bohemiam ad affinem suum Imperatorem Romanum iter suscipit consilia & auxilia allaturus.

1596

Sub initium sequentis anni, Turci Strigonium callide recuperare laborant, sed frustra, dum dolus eorum detegitur & pars eorum caeditur noua munitione destructa.

*Rex Tataricus ad
Turcum.*

Tatarorum Chan seu Rex literas ad Sultanum mittit & in posterum ne asinum quidem se in Vngariam aut VValachiam missurum dicit, nisi prius stipendia Tataris debita soluantur, & reliqui Tataři in Vngaria tolerabilius tractentur & alantur.

Chasse.

Chaffetus-Bassa duodecim millia Turcorum Budam 1596 ducit, & Budam & Albam-regalem muniturus, antequam verò aduenit, Palsius dicitur ad Budæ muros fuisse & 2500. Christianos ex captiuitate Turcica in veteri Buda habitantes, liberasse.

4. Februarij Sigismundus Bathoræus Princeps *Transylvanias Pragæ* Transylvaniæ Pragæ Bohemorum venit, vndecim rhedis & viginti circiter equitibus stipatus. Ast sequenti die, & febris corripitur & postulis inficitur. Quare cum valetudinem curasset 25. Februarij templum ingreditur, ubi à Patriarcha Iesuitarum oratione longa excipitur: Princeps verò Patriarchæ ex tempore latinè ita respondit, vt non solum omnes eius facundiam mireretur, sed ipse Cæsar præ gaudio lachrymas mittere diceretur. Tandem 4. Martij, re peracta, auxilij impetratis & valetudine recuperata redit in Transylvaniam.

Dum verò adhuc in via est, Turcorum alij in Moldavia cum Polonis facere & aliquid monstri contra Transylvaniam alere referuntur (*contra quorum conatus principissæ Treffenbachium vocasse dicitur donec maritus redeat.*) Alij ad Budam confluere vt principem redeuntem intercipient: Alij verò cum Bassa Temesiensi in Boffinam secedere: Alij verò Strigonij recuperationem tentare, ast Germanos vigilantes inuenire, dicuntur.

In Dalmatia Vscochij (*id est, socij classis Zengensis*) Clissam urbem obsident, vi & dolo expugnant, & præ-clissæ terea Spalato tentant. Ast Veneti precibus Turcorum expulsorum moti, Christianos vicissim repellunt & Turcos pristinae vrbi restitunt.

Transylvanus circa medium Martij, cum Viennam pertransisset circa Budam in hostes incidit: verum Turci ita

1596

ita intercipiunt redeuntem principem vt plures suorum
sociorum deliderarent, quàm Transyluanorū occidissent.

Palsius, qui huc vsq; comitatus fuerat Principem, ad
suos redire parans, similiter incidit in Turcicas cohortes
quas tamen copiosas exiguo comitatu suo DEI auxilio
cecidit.

*Transyluanus redijt
in suam
terram.*

Sub initium Aprilis princeps domum reuersus exer-
citus conuocatum lustrans inuenit 14000. pedites, &
3000. equites, vt vulgò numerant: ex his aliquot cohortes
VVeidæ VVallachiae mittit contra Polonos si quid
moliantur: reliquum exercitum ducit contra Turcos &
Tataros Lippam obsidentes. Antequam verò eò venit,
audit Turcos sub prætectu deditiois cæsos, & ignitis ca-
tenis è maioribus machinis missis dissipatos adeoque de-
pulsos esse. Quamobrem subsistit & magis ad defensio-
nem necessaria præparat, præsertim quando audit Turcos
Adrianopoli colligi & tam vias reparare, quàm necessa-
ria ad belli continuationem præparare.

*Circumciso
nouo Sultano.*

Interea Sultanus Filium suum Solymannum Constan-
tinopoli solenni pompa circumcidere, & Sinanum-Bas-
sam virum 85. annorum Apoplexia extinctum audire per-
hibetur.

Maio mense, Princeps rectà Tataros circa Lippam &
Temesium sæuientes adoritur (*ne nimirum exercitus dies &
nummos perdat antequam promissa Germanorum auxilia adueniat*)
urbem ipsam, vt Bassæ Temesiensis sedem ordinariam, ob-
sidet: Tatarorum reliquijs cæsis fugatisque omnia vrbi
proxima solo æquat, atque ita vehementius obsidionem
vrget.

Iulio mense, dum Germanicus miles conscriptus con-
nenit: Albertus Cardinalis Austriacus de Calisio nobili
Artœ-

Artoclesia: emporio expugnato triumphat: Papa Transylua- 1596
ni confessionarium dimittit: Dania ad sui regis corona-
tionem necessaria operose pręparat: Persa nouas iras in
Turcos concipere dicitur: Gallia Anglia & Belgium ab
Hispanis agitur: & Iesuitę hinc inde tumultus pericu-
losissimos excitant; Arcturus & Iupiter sub vltimis vrsę
maioris cometam, virgā Zenith notantem, ostendit, an *Cometę*
hic idem ille sit quem Veneti mense Maio vidisse dicun-
tur, tempus docebit. Superiori autem anno etiam ad ca-
stra Transyluani visus est.

Faxit Deus vt hi Cometę regni Turcici ruinam por-
tendant, & ipse nos oculis misericordię suę respiciat,
adeoq; ex omnibus malis clementer eripiat. Euentus Tra-
gicos plerumq; habuere Cometę. Nam Pontanus ait:

Illi (Cometę) etiam belli motus feraq; arma minantur,

Magnorum & clades populorum & funera regum.

Et Lucanus: *Et terris mutantem regna Cometen.*

seu vt alij legunt: *Et terris minitantem bella Cometen.*

Et Camerarius: *ὅτι τὸ ἰσχυρὸν τῆς οὐρανίας οὐκ ἔστιν ὀφείναι.*

Visus enim rarò frustra flammare Cometa.

Id quod plurima Exempla, hinc inde, pręcipuè in Peu-
ceri de diuinatione fol. 358. obuia testantur.

Eia age pręsto veni Christe optime maxime nobis

Dum furit in miseras, trux Mahometus oues:

Quas sacer ille tuo fusus de corpore sanguis

Æterna patri conciliauit ope:

Et quibus impertis diuini balsama Flatus,

Vt mancant regni portio cara tui.

O igitur defende tui nunc cordis ocellos,

Nec sine delicias quas operire tuas.

*In Scythicas potius stringe Iram atq. arma phalanges
Latronumq. una reprime strage ducem.
Et quoniam ille tuum reputat sine numine nomen
Effice Te verum sentiat esse DEVM,
Gloria sic crescet tibi perpes nostraq. semper
Lingua erit in Laudes officiosa tuas. Amen.*



Appen-

APPENDIX

Exhibens explicationem quorundam
 nominum quorum mentio fit in hac compendio-
 sa relatione (*tantum diuersas appellationes annotavi, ut
 alibi copiosius vberiores explicationes legi possint,
 & in tabulis Geographicis
 inueniri.*)

Archibursi recentiore vocabulo vocantur equites Germanici qui
 prætergladium tribus bombardis instructi, eisque ita uti sciunt,
 ut eiaculationes continuare possint, beneficio Padronorum, ut
 vocant.

Alcairum (rectius Al-Cairum, quia al. tantum articulus est) al. Cairum,
 al. Cairo, al. Algiero al. Memphis, al. Messer, al. Moph, al. Noph,
 vrbs & regia sedes AEgyptiorum Regum, de qua plurima pluri-
 mi scripserunt: Memphis occasum, Babylon noua, al. Cairo or-
 tum spectat: vtramq; fecit Nilus: 15. germanica miliar. dicitur
 habere in ambitu: pyramidibus nobilis. *Algeria* autem est in
 Africa, & alia vrbs.

Athene al. Cechinæ, al. Athena, al. Setines, al. Cecropia, al. Mopso-
 pia, vrbs Achaïæ ad litus finus Megarici, olim nobilis, hodiè
 casæ piscatoriæ.

Alepo al. Aleppo, al. Halepum, al. Alep, al. Epiphania al. Antiochia,
 al. Berrhæa: Vrbs Syriæ ad Amanum ferè, media inter Eufra-
 tem, & mediterraneum.

AEnus al. AEnos hod. Ignos, al. Icnus, al. OEgnus al. Enio.
 Vrbs Græciæ ad Hebri ostium, & litus Archipelagi.

Auco al. Auco al. Auco olim Abydus Vrbs Asiæ ad Hellespontum,
 Sesto opposita & ex poetis notissima.

Alba-Nestri, al. Bialgrod Nester, al. Nester-Alba, al. Momastro, al.
 Bialogorod, al. Billagrod, Vrbs Besarabiæ, seu VVallachiæ ad
 Nestri ostium, & litus ponti Euxini: & non ad Borysthenem,
 quæ Neper, non Nester dicitur.

Alba-Iulia, al. *Alba-Iula* Siebenbürgisch *Weissenburg* / al. *Sermisdacia* al. *Gulafeyruar*. metropolis *Transyluania*, vbi *Tochiorkeretz* in *Morossium* fl. exoneratur; nobilis collegio *Iesuitico*.

Alba-longa, Vrbs *Italiae* satis nota.

Adriaticum vide mare mediterraneum.

Altenburg vide *Ovvar*.

Alba-Graca, al. *Nondar-alba*, al. *Asprocastron* al. *Ac-Chisar*, al. *Accihisar*, al. *Acce-Chisar*, al. *Belgradum*, al. *Bellogradum*, al. *Bialgrad*, al. *Griechisch weissenburg* / al. *Kriweissburg* al. *Krichisch weissenburg* al. *Taurunum*, al. *Taurynum*: vrbs & propugnaculum olim *Vngariae*, ad confluentiam *Danubij* (quem ad *Boream*) & *Sauj* (quem ad *Austrum* habet) situm, natura & arte munitissimum.

Alba-regalis al. *Stuell weissenburg*: Vrbs *Vngariae* inferioris, vbi olim reges *Vngarici* coronabantur, ad *Sarvvizam* fl. non procul a lacu *Balaton* in loco paludoso.

Adrianopolis al. *Adrianopoli*, al. *Orestias*, al. *Adrysa*, hod. *Edrenedes* Vrbs *Thraciae* ad *Coprissam* fl. 25. *meiss von Constantinopell* / al. iter tridui volunt, sita est ad radices *Rhodopi*.

Adranes al. *Edrenes*: Vrbs *Bithyniae*, *Prusae* vicina in *Asia*.

Apollonia hod. *Bolina*, al. *Apolline*

Vrbs *Macedoniae* ad *Atho* montem.

Amphipolis hodie *Empoli*, al. *Emboly*, al. *Lembalo*, al. *Le Embalo*:

Vrbs *Graeciae* ad *Hebrum* fl. in *Chersoneso*.

Ancyra hed. *Enguri*, al. *Engori*, al. *Encyra*

Vrbs ad *Galatiae* & *Bithyniae* limites in *Cappadocia*.

Adana al. *Adena*, al. *Adenna*, al. *Ladene* pro *La-Adene*

Vrbs *Ciliciae*.

Albanta est regio, sed vna est in *Europa*, quae olim *Epirus*, altera in *Asia* ad *Euxinum*, quae hodie *Mengrelia* dicitur.

Aulon al. *Velona*, al. *Selona*, al. *Aulon*, al. *Valona*, al. *Volona*, al. *Bolona*:

Vrbs *Albaniae* *Epiri* ad littus *Adriatici* maris, *Hydranto* *Apuliae* opposita, vbi mare *Adriaticum* ita angustatur, vt spatium inter littus sit vix iter vnius noctis.

Apulia *hod. Puglia, al. Puglia, al. Pucçli,*
regio Italiae ad Adriaticum mare.

Africa *al. Aphyrica*

Tertia pars orbis, estque duplex: Africa maior, quæ ultra Atlantem, hodie Aethiopia, ubi *Proto-Chan* imperat. Africa minor hodie barbaria, quæ ad littus mediterraneum est.

Achaia *hod. Linadia, al. Lenadi*

Regio Græciæ Sinum Atticum efficiens, ad Aegæum mare Huius incolæ vocabantur Achæi, & Achivi.

Armenia Regio Asiæ, estque duplex: Armenia maior *hod. Persarmenia, al. Turcomania:* Armenia minor vulgo Armenia dicitur, ad Euxinum & Caspium maria: Euphrates utramque diuidit.

Ascania *al. Lacus Ascanius, al. Palus Ascania, hod. Achsu,* Lacus seu stagnum circa Nicæam Bithyniæ in Asia minore.

Archipelagus, al. Archipelago, al. Mare Aegæum, al. Mare Icarium, al. Asprathalassa, Das Weisse Meer / Turcis Ac-Denici, al. Arcipelazo, pars maris Mediterranei insulis præcipuè Cycladibus nobilis.

Aladula *al. Amandula*

Mons Armeniae.

Amasia Regio Natoliæ ad Euxinum continens Paphlagoniam Galatiam, & Cappadociam ad Trapezuntem usque.

Amanus *hod. Mons-Niger Schwarzhberg.*

Mons Asiæ Armeniam à Mesopotamia, & Cilicia diuidens.

Antitaurus, Mons Asiæ minoris, sic dictus, quod Taurum aspiciat, & in Cilicia Amano coniungitur.

Alfanto, al. Al-zanto, ol. Zanthus, al. Zante

Insula Mediterranei maris ad Cephaloniam, & Peloponnesum sub Aetolia, seu Græcia.

AEgymus *al. Zervas*

Insula in mari Africo inter Gathæen, & templum Apollinis.

Aldinelli regio Natoliæ inter Aegæum, Amasiam Caramaniam & Mediterraneum olim Pamphilia dicta à Metropoli.

B.

Babylon *ol.* Babel. *hod.* *Bandas*, *al.* *Bandias*, *al.* *Bagadet*, *al.* *Bagadath*, *al.* *Baldach*, *al.* *Baldac*, *al.* *Felugo* Metropolis olim Chaldaë, ad limites Persiæ, quam Tygris fl. mediam secat. (*Nam supra eam duo flumina conflunt*) ambitus fuit 12. miliar. altitudo muri 200. cubitorum, latitudo tanta, vt duo currus sibi obuiarent super eum, centum portas &c. Hodie vrbs noua ostenditur 9. miliaribus distans à verò loco veteris vrbs, & vocatur *Elugo*, seu *Felugo*, seu *Veluco*: vestigia veteris vrbs vocantur *Baldac*, communiter *Bagadeth*.

Belgrad, vide *Alba* &c.

Buda, vide *Ofen*.

Beduini sunt populi Arabiæ desertæ latrocinij incumbentes, & viatoribus, qui sancta loca visitant admodum infensi,

Budinum

Metropolis Bulgariæ ad Danubij ripam.

Bursia *al.* *Prusa*, *al.* *Prusia*, *al.* *Byrsa*, *hod.* *Burusa*, *ol.* *Bithynia*, *al.* *Brusia*: Metropolis & sedes regum Bithyniæ, ad Olympum, & Propontidem in Asia. Thermas habet saluberrimas ad radices Olympi.

Buga vrbs Bursiæ vicina.

Borli. Sunt duæ huius nominis vrbes 1. *Borly* *al.* *Borli* vicina *An-cyræ* in Bithynia. 2. *Tarachi-Borli* vicina *Sinopæ* in *Paphlagonia*.

Barbaria *hol.* *Biledulgerid* pars Africæ ad Mediterraneum cuius limites sunt columnæ Herculis, Mediterraneum, Aegyptus, & Atlas. aliàs recensetur ad *Lybiam* Interiorem &c. breuiter. Totus ille tractus Maritimus qui olim vtramque *Mauritaniam* & *Africam* minorem continebat.

Brailona, *al.* *Brolouia*, *al.* *Brailona* forsan corruptè, vrbs *VVallachiæ* superioris ad ripam *Istri* in monte sita, sedes *VVeiuodæ*.

Bulgaria

Regio Mysiæ, media inter Mysiam superiorem & inferiorem. Eius incolæ olim *Triballi*, item *Bulgari* & *Mysij*. Hinc *Mysiam* & *Bulgariam*, & *Triballos*, vt Synonyma vocant. Situs eius est inter

est inter Vngariam, Macedoniam, Thraciam, & VVallachiam, sub Danubio qui ibi iter mutato nomine dicitur.

Bosna al. Bosnia al. Bossena, al. Bosina penult. correpta, al. Bessen. Regio sub Sauo fluuio à Bosna fl. sic dicta. Eius limites ad Bosream Sauus fl. seu Rasciæ pars, ad Occasum Croatia: ad Austrum Dalmatia (al. Macedonia) ad ortum Seroia, notantur. Bosna superior dicitur, quæ Croatiam attingit: Altera dicitur Bosna inferior. Oberwossen und Niederwossen.

Bols al. Bolli al. Panderatia, al. Spenderatia, al. Paphlagonia, Regio Asiæ minoris ad Euxinum pontum & Bosphorum.

Boiana, fluuius circa Scutari, seu Scodrum in Epiro, stagnum, seu paludem efficiens.

Bosphorus, Est nomen quo communiter angustia maris efferrî solent, vt 1. Bosphorus Cymerius est angustia maris Tauricam Chersonesum ab Asia diuidens, inter Mæotin, & Euxinum. 2. Bosphorus Thracius est angustia maris Constantinopolin seu Thraciam à Natolia diuidens, inter Euxinum, & Propontidem. 3. Bosphorus Phrygius, vsitatiùs Hellespontus, est angustia maris, Sestum & Abydum vrbes diuidens, inter Propontidem, & Aegæum mare. 4. Bosphorus Siculus, est angustia maris, inter Siciliam, & Italiam ad cuius littora sunt Scylla, & Charybdis.

Bolga al. Volga, al VVolga
Fluuius Rusiæ.

Borysthenes al. Neper, al. Nyper, al. Dercoz, al. Tergosth: fluuius Lituaniam, & Rusiam, Tartariamque diuidens.

C.

Cair vide Al-Cairum.

Calcis al. Chalcis.

Metropolis Eubœæ

Coron, Corona, Corone al. Coro, olim Sparta

Vrbs maritima Peloponnesi. Est & alia huius nominis in Transylvania Cronstad ad VVallachiæ limites, & radices Alpium-Daciæ, al. Preßouia.

Curti al. Curtij, al. Cyrti, ol. Cadurchi, & Cardueni populi ad Assyriam

riam & Tygrim fl. inter Mediam & Melopotamiam, & Armeniam. Nestorianismum hodie habent, & Turcis parent: ab his quidam Turcos dictos volunt, ut suo loco capite primo dictum. *Cosacci, al. Chofazi al. Ruffacen / al. Casocoxen, al. Cassachi* id est, latrones, sunt milites vagi circa Nestrum collecti ex Polonis, Moldauis, Vngaris, & Moscovitis: operam suam, mercedem sufficientem numeranti in bellicis negotijs præstant: ideo tam à Turcis, quàm Christianis conducuntur: viuunt ex perpetuis latrocinijs.

Constantinopolis al. Byzantium, al. Bisantz, hodie Stambol al. Stampelt, al. Esttamboll / al. Roma-noua. Metropolis Thraciæ ad Bosphorum, & limites Europæ, in sinu Ceratio, sedes olim Imperatorum Orientis, hodie Turcorum. Sub Euxino ad Boream habet πόλιν κεράρων, & ultra eum sinum *Peram* urbem, sepulcra Turcorum. Ad ortum habet Bosphorum Thracium & ultra eum Calcedonem, hodie Scutari urbem in Asia sitam. Ad meridiem habet Propontidem. Ad occasum habet Thraciam, quæ hodie Romaniola.

In hac urbe est Sarayo, seu Palatium, & aula (*quàm portam vocant*) Turcici Sulthani.

Aiunt in hac 4492. plateas maiores 2985. minores 845. templa maiora 4492. minora seu sacella: 442. templa Christianorum: 418. diuersoria: 100. Xenodochia seu hospitalia: 895. Balnea: 947. puteos: 584. molas seu Molendinas: 20 fora 515. Scholas maiores: 1652 scholas minores: 24. portas inueniri. Ambitus eius 18. miliaria Italica seu $3\frac{1}{2}$ miliaria germanica æquare per-

hibetur, & in muro 360. Turres conspici. Anno Christi 334. al. 332 à Constantino Magno restaurata ampliata, & dedicata, ii. Maij & Roma-noua vocata cum prius Byzantium diceretur: vulgus verò Constantinopolim vocauit, quæ appellatio præualet. Anno Christi 1453. Mahometes II. eam expugnauit, & sedem Turcorum fecit. Hodie vastatoris vestigia præcipuè ostendit, plures autem vastatæ, quàm habitatæ plateæ visuntur.

Cassa al. Capha, al. Cophe, al. Coffe, al. Theodosia vulgo Tendasia, al. Tendosia,
corruptè Tendasia, Vrbs

Vrbs Tauricæ Chersonesi ad Euxini littus, sedes regia Regis Tatarorum Præcopitarum.

Callipolis al. *Gallipolis*, al. *Gallacrtum*, *hod. Geliboli*,

Vrbs Chersonesi in angulo, ad Hellespontum & Propontidem, à Callia Athenarum duce condita, & vocata, & non à Gallis, Euboico, & alijs id probantibus. Quin & Gallipolis est vrbs Calabriae in Italia.

Calcedon al. *Chalcedon* *hod. Scutarium* Turcicè *Scutari* seu *I-schudar*, al. *Scudar*, al. *Ischuderet*, al. *Schuderet*,

Est vrbs Asiae minoris ad littus Bosphori, Constantinopoli opposita. *hod. castellum* est, ad cuius latus Australe est munitissimum castrum, seu arx *Medina* vocata, quam Mahometes II. condidit, & ex ea Constantinopolim oppugnauit. Vrbs autem ipsa olim à Chalcedonenſi concilio celebris.

Cæsaria *hod. Catissaria*, al. *Gassaria*, al. *Gazaria*,

Vrbs Natoliae ad Ciliciae, Licaoniae, & Cappadociae limites, ad radices *Antitauri*.

Cauala al. *Cafala*, al. *Bucephalum*, al. *Cavvala*,

vrbs Macedoniae, vicina Philippis.

Columbacium al. *Colombetx*, al. *Taubenberg* / al. *Colombratto* : Oppidum olim Triballorum ad limites Seruiae & Mysiae, ad ripam Istri. Turci vocant hodie *Gugercutlic*.

Chaldea *hod. Keldan*, Turcis *Curdistan*, al. *Casdim*

Regio Asiae ad Arabiae limites, cuius metropolis Babylon.

Chiurli al. *Chiorli*, al. *Tzurli*, al. *Zurulus*, al. *Zurulloë* Non pagus sed vrbs hodie mercatura nobilis ad littus Propontidis.

Cerasus, al. *Kureſon*, al. *Omidio*, al. *Hemid*, al. *Emid*

Vrbs ponti ad pontum Euxinum in Natolia.

Cutheia, al. *Cutahge*, al. *Chute*, al. *Chuteio* al. *Chintai*, al. *Kinthat*. Metropolis Phrygiae maioris, sedes Beglerbegi Natoliae, qui latine dicitur praefectus praetoriorum Orientis.

Chiurlum, al. *Chiurlun*

Vrbs Media inter Adrianopolim, & Constantinopolim.

Chilia, al. *Kiliat*, al. *Cilia*, al. *Cylla*, al. *Chelta*, al. *Lithostomum* al. *Achillea*, al. *Killia*

Urbs VVallachia maioris, ad litus Euxini, & ostia Danubij.
Castro Urbs vicina Hydrunto.

Canea Urbs Cretæ.

Casbin al. *Cosbin*, al. *Kosovin*, al. *Chasvotin*, al. *Arfacta*

Urbs Media Regia fedes Schachi Persia.

Castamon Urbs circa Sinopen ad Euxinum in Paphlagonia.

Cosona al. *Casova*, al. *Cosovo*, al. *Cassonia*, al. *Rigomezzen*, al. *Minsfeldt*
 Campus Merula, & campus Casouia. Planities magna ad
 Rascia, Seruia & Bulgaria fines, & ad radices Orbelia montis,
 cuius longitudo 20000. & latitudo 5000. passuum, vndiquaque
 montibus cingitur, *Schitniza* fl. mediam fecat. ad cuius ri-
 pam ostenditur collis, qui creditur sepulcrum Amurathis primi
 cum intestina illic sepulta: corpus autem Bursia in Asia: aut si
 est sepulcrum, creditur esse Iacuppi, filij Amurathis, iussu fratris
 Baiazetis illic suffocati.

Ciambrj fl. diuidens Triballos, & Maefios Bonfinio referente.

Culpa al. *Colapia*, al. *Kelpe*, al. *Chenipe*, al. *Khilp*, al. *Colp*
 fluuius in Liburnia Oriens, & ad Sileccum in Saunum se exone-
 rans, & latus Duropolia efficiens.

Canab al. *Cars*, al. *Carasa*, al. *Canac*

Fluuius Media in Araxim se exonerans, adeoque Mediã, &
 Georgiam diuidens.

Caspium mare, al. *Culzum-denezi*, al. *Beher-Cutzum* al. *Bohar-Corsun*, al.
mare Hircanum, al. *Dabacuth*, das Caspische oder Hircanische
 meer | al. *Mar-de-Bachn*, al. *Corazum* al. *Corsun*, al. *Chualenska*, al.
Cunzar, al. *Terbestan*.

Mare miraculosum, quia lacum refert, cum nullibi adhæreat æ-
 quori, & tamen excipiat fluuios maximos, inter quos principa-
 tum obtinent, *Oxus* *hod.* *Ongus* *Jaxartes* *hod.* *Jayk* & *Rhasen Volga*
 fluuij nauigabiles. Hircanum dicitur quod Hircaniam attrin-
 gat. *Beher-Cutzum* id est, mare rotundum, à forma dicitur
 Turcis, quod videlicet lacum seu paludem referat. Eius aquæ
 sunt dulces (*Ortelio verò falsa.*) Amplitudine autem longè superat
 Euxinum pontum Ortelio teste.

Candia ol. *Creta* Insula Archipelagi vna ex Cycladibus.

Cühera

Cithæra *hodie Cerigo* Insula Cretæ vicina sub Peloponneso Spartæ seîd
opposita.

Corfu *al. Corfun, al. Corfinium, ol. Corcyra.* Insula ad Epirum in mari
Mediterraneo littora Ciliciæ & Syriæ aspiciens, in ambitu 14.
miliaria Germanica habet.

Cyprus *al. Ciprus, al. Zypren, al. Zypern*
Insula in ambitu 14. miliaria Germanica referens.

Cephalenia, al. Cefalonia, Insula in Ambracio sinu ad Zanthen, Græ-
ciam, & Peloponnesum.

Canobizus mons Bulgariæ. Hemo contiguus.

Caucasus, al. Grancausus parens montium Asiæ. Extenditur enim
in omnes plagas mundi, & excipit Taurum, Amanum, Paro-
panisum, Coracem, Imaum, Emodium, Tagurum & plurimos
alios montes: imo à Tanai & Euxino ad Sinarum vsque regio-
nem excurrit secundum longitudinem: Latitudine verò penè
totam Zonam temperatam obtendit.

Carpathus (mediam producit differentię causa, cum Carpathus me-
dia brevis sit insula) *al. Tatri, al. Tatars* id est, das Rauchgebirg/
al. Turzal id est, das Ralegebirg.

Mons Ungariam & Transylvaniam à Polonia & Russia (*que Rus-
sia Polonia dicitur, regio inter Poloniam, Volhyniam, & Podoliam sita*)
diuidens.

Calderani campi sunt planicies notissima in historicis circa Armeniæ
limites. ad *Periardum* montem.

Caramania *ol. Cilicia* regio Asiæ ad Mediterraneum, patriâ Pauli no-
Cussetan regio est Assyriæ. (tissima.

Chersonesus generaliter dicitur terræ angustia inter maria, Peninsu-
lam efficiens. *Chersonesus Cymbrica est Dania.* 2. *Chersone-
sus Taurica* est Tataricæ Præcopiensis pars. 3. *Chersonesus*
Thracia, seu Thraciæ est ad Hellespontum. 4. *Chersonesus*
Græciæ, vltatius Peloponnesus. 5. *Chersonesus Byzantina, vlti-
tatius* *κόλπος κεράτιος* dicitur. 6. *Chersonesus Halicarnas-
sensis* Doris dicitur.

Druzi, al. Druzi, al. Truschi, al. Truzi sunt populi bellicosissimi in ca-
uernis Libani qui gloriantur se esse de posteris Godfridi Billionæi:

fatentur se esse Christianos, dum Christianismum profitentur, sed vita peiores sunt Turcis, dum pater suas filias, frater sororem, & matrem agnoscit, & ita pro coniugio horrendam confusionem libidinum habent. Hi tandem anno 1585. sub Amurathe III. incredibili sudore, labore, & astutia Ibrahimi-bassæ domiti Turcico iugo subiecti sunt; cum antea ferè omnes reges, & Imperatores Turcici eos frustra oppugnaverint.

Dimoticum al. *Demotica*, al. *Dimotuc*, al. *Didymotichum* al. *Dimetichum*, al. *Diametoco*, al. *Demetoc*.

Vrbs amoenissima ad Euxini littus in Bessarabia celebris propter Chytropæos, & vasa fœtilia, quæ inde per Turciam vehuntur. Leonclavius dicit eam esse in Græcia ad Hebrum fl.

Dardanelli al. *Tardanelli*

Sunt duæ arces se mutuo respicientes sub Propontide in Chersoneso Græciæ: condita à Mahomete II. Anno Christi 1453.

Demircapi al. *Temircapi*, al. *Demir-Capi*, *hod. Capiderbent*, al. *Derbent*, al. *Capi-derbent* id est, porta ferrea, ol. Alexandria. Vrbs ad limites Bulgariæ & VVallachia oblonga, & munita ad portam ferream per quam in Scythiam itur. Leonclavius dicit arcem esse ad Caspium mare.

Dyrrachium, al. *Dyrrhachtum*, *hod. Durrazo*, al. *DuraZZo* vrbs Epiri ad littus Adriatici.

Diarbech ol. *Mesopotamia*, Turcis Almanacher, Regio inter Tygrim, & Eufratem in Asia, vex Iacobi Patriarchæ historia nota.

Don ol. *Tanaïs*

Fluvius distinguens Europam, & Asiam, & exonerans se in Mæotini paludem, indeque in Euxinum.

Drauu al. *Trauu*, al. *Draa*, al. *die Dray*, al. *Drawe* al. *Draue*, al. *Draua*, al. *Mora*, al. *Trage*, al. *Drag* Fluvius ex Carinthia per Styriam fluens, & ad Dracath oppidum in Danubium se exonerans.

Danubius al. *Ister*, al. *Donaw* / al. *Donaw* / al. *Thona*, Fluvius in Suevia circa limites Helvetiæ, & Basileam ad pagum Doneschingen scaturit, indeq; Bavariam & Franconiam diuidens, & limites Bohemiæ attingens per Austriam, & Vngariam fluit, vsq; ad Albam-

bam-Græcam, vbi nomen amittit, & Ister dicitur. Indeque Transylvaniam à Seruia, VVallachiam à Bulgaria, Mysia & Thracia diuidit. Tandem in Bessarabia seu VVallachia maiore per septem ostia, mare Euxinum intrat. Eius ostia propriè sic vocantur. 1. Hierostomon ad Kiliath vrbem, vbi Peucinatorum insulas facit. 2. Narcostomum. 3. Callostomum. 4. Pseudostomum. 5. Boriostomum. 6. Stenostomum. 7. Spirestomum, al. Tisagola fl. Hic fluuius Europæ primus est, qui 60. nauigabilia flumina excipit, & versus ortum rapit in Euxinum pontum.

Dacia hod. Transylvania, vide Transylvania.

Dacia-alpes dicuntur montes inter Transylvaniam & Danubium, idq; differentie causa, quia Alpes-Italiæ sunt montes Italiam à Germania distribuentes. Alpes autem Daciæ à Danubio seu Istro ad Carpathum vsq; extenduntur, & ita Transylvaniam hi montes, instar coronæ, cingunt.

Damascus hod. *Scham*

Vrbs Syriæ ad Libanum montem.

E

Epirus hod. *Albania*, al. *Chaonia* al. *Molossia*

Regio Græciæ ad Adriaticum mare.

Eubœa hod. *Nigroponto*, al. *Nigropontum*

Insula Aëgaei maris.

Euxinus pontus, al. Euxinum mare, Euxinisch meer hod. Maurothassa, Das Schwarzmee / sic differentie causa dicitur, & non quod nigras vndas habeat.

Maris Mediterranei pars. Longitudo eius est 200. miliarium germanicorum: Latitudo 70. miliarium: εὐξείνου, quasi ἄξεινον dictum volunt. Ab arcto Marotim & bosphorum Cymmerium: ab ortu Colchidem & Trapezuntem (vbi creditur cete Ionam prophetam expuisse) ab Austro Asiam minorem: ab Occasu VVallachiam, vbi Danubium excipit.

Euphrates media longa, al. *Enfrates*, al. *Phrath*, al. *Pufrates* al. *Buphrates* Fluuius Asiæ nobilis, oritur in Armenia sub Babylo[n]e, excipit Tygrin, clauditq; Mesopotamiam, & inde apud Balsara vrbem exonerat se in sinum Persicum.

Echinades *hod. Curzolari.*

Insulæ Aegæi maris.

Epidamnus *hod. Durazzo*, vide D.

F

Famagosta *ol. Salamis*, *al. Salamina*, *al. Tamasus* *ol. Constantia* Cypri, *hod. Nicosia*

Est Metropolis Cypri Insulæ ad littus maris sita, natura & arte munitissima.

Sünstfirchen *al. Quinquecclesia*, Turcis *Petschen*

Urbs Vngariæ inferioris, non procul à ripa Draui.

Francki hoc nomine Turcos vocant omnes Christianos ex Italia, Gallia, Hispania vicinisque locis.

G

Gaur, *al. Gafr*, *al. Gavor*, *al. Chtafer*, *al. Giafir* hoc nomine Turci nos Christianos vocant, præcipuè Germanos.

Georgiani *ol. Iberi*, *al. Iberes*, *hod. Curggini*, *al. Kurki*,

Populi inter Trapezuntem Euxinum, & Armeniam sic dicti à S. Georgio, quem patronum colunt. Dicuntur adhuc hodie retinere Christianismum etsi corruptum, & Turcis nondum subiecti.

Georgia *al. Georgiana*, *al. Curgiana*, *ol. Iberia*, *hod. Curchistan*, *al. Gurgista*, Regio iam dictorum populorum inter Mengreliam (qua Euxini littus tangit) & Caspium, & magnam partem Armeniæ, & Colchidis, & Iberiæ complectitur.

Graci, *al. Archini*, *al. Argini*, *al. Achai*, *al. Graij*, *al. Pelasgi*, *hod. Veumlar*, Populi sub Danubio in sinu, qui est inter Adriaticum & Hellespontum.

Gran Strigonium, *al. Strigonta*, *al. Istrogran*

Urbs Vngariæ inferioris ad littora Danubij à vicini fluminis ostio sic dicta: respectu munitionis secunda post Budam numeratur. Thermas habet saluberrimas. Fuit olim sedes Archiepiscopi Vngariæ qui custodiuit coronam, & regalia regni Vngarici.

Granus *al. Strigon* die Grane.

Fluvius Vngariæ superioris circa Gofarn in Danubium fluens, & nomen vicinæ urbi tribuens.

Gomorre al. Gomoronium, al. Camora, al. Comara al. Komarn, al. Comorren

Vrbs munitissima in Insula Danubij Vngariæ inferioris ad ostium Vuagi fl.

Galatia

Regio Natoliæ inter Paphlagoniam, Cappadociam, & Bithyniam. Huius incolæ dicti sunt Galatæ, ad quos Paulus Epistolam scripsit.

Galipoli Vrbecula Thraciæ ad Hellespontum.

Golfo di Vinetta olim mare Adriaticum al. Sinus Venedicus. al. Mare Superum.

Galata vide Pera.

Galatba, al. Galatbe, al. Goletbe

Insula & vrbs inter Maltam & Siciliam.

Gozum *hod. Sacellum-Iunonis.* Insula Maltæ vicina.

Gerbe al. Gerby, ol. Menynx

Insula maris Ligustici circa Elbam, & Caprariam.

Georgij-brachium al. Sancti Jürgen arm / ol. *Barbyses, hod. Pezzin*

Lacus & fluuius Bosphori supra Constantinopolim.

H

Hussari sic equites Vngarici dicuntur die *Hussären* al. *die reuterey.*

Hydruntum al. Otranto, al. Odronto, ol. Iapygium

Vrbs Italiæ in Apulia ad littus Adriatici, vbi angustia maris Adriatici à Selona ad Hydruntum est 55000. passuum, seu vndecim miliarium germanicorum, à nautis iter vnus noctis censetur.

Heraclia *hod. Panderatia.*

Vrbs Ponti ad Euxinum, vicinæ regioni nomen suum tribuens.

Hexamilum murus fuit per Isthmum Corinthiacum qui Isthmus annectit Peloponnesum Græciæ, facitque peninsulam. Dicitur autem hexamilum quod longitudine sua æquet sex miliaria Italica, seu sesquimiliare germanicum, à sinu Corinthiaco ad Megaricum. Huc murum primò ædificauit Emanuel Palæologus

Anno

Anno Christi 1400. (cum perfoſionem Iſthmi à Caſaribus tribus, & vno rege, videlicet Demetrio, Iulio, Nerone, & Herode, fruſtra tentatum, irrito conatu denuo tentare nollet.) Anno Christi 1445. Amurathes II. partem huius muri deſtruxit, & vi ſibi viam in Peloponneſum ex Græcia fecit. Corinthij mox reſtituerunt. Anno Christi 1458. Mahometes II. totum deſtruxit, & Corinthum expugnauit. Anno Christi 1463. Chriſtophorus Morus dux Venetus claſſarios ſuos, & 30000. murarios miſit, qui hunc murum intra 15. dies (lapides ex veteris muri ruderibus recolligentes ad celebrandum opus) reſtituit: aſt eodem anno Mahometes II. eundem cum adhuc eſſet recens, & nondum ſatis coaluiſſet, deuſtauit funditus, ita vt in hunc vſque diem non reſtitui poſſit.

Helleſpontus dicitur anguſtum mare, Græciam à Natolia diuidens, eius latitudo eſt 1000. paſſuum, ſeu vnus miliaris Italici, ſeu Græci. Longitudo numeratur ab Archipelago ad Propontidem.

Hebrus *hod. Mariza*

Fluius Helleſponti.

Hemus *al. Emus, al. Hamus, al. Cratouo, al. Kiratovvo* id eſt Eiſſerberg. Mons Rhodopo & Orbeliæ montibus contiguus. Incipit à Meſſembria, & extenditur in Macedoniam, & Thraciam, indeq; ad Varnam vſq; , facitq; valles amœniſſ. & feraciſſ. præcipuè apud Varnam.

I

Iayza *al. Iaza*

Vrbs Boſnæ in vertice montis ſita ad Illyriæ fines, ferè inexpugnabilis. Duobus enim fluuijs cinſta, & præcipitijs montium. Fluuij illi Miliaſca, & Plena tandem ſub vrbe confluunt, & inde in Sauum exonerantur.

Iaiza, al. Iatca, al. Geiſa, al. Geiza, al. Chatza,

Vrbs Tranſyluanix olim ampliſſima, vnde Tranſyluanix populi ad hanc habitantes *Iazyges* dicti, & ipſorum regio *Iazygia*.

Iazygia regio Tranſyluanix.

Icontum *hod. Conia, al. Aladinia*

Vrbs Natoliæ.

Iſthmus dicitur anguſtia terræ inter duo maria, qualis eſt plerumque ad peninſulas.

Erabaten

K

Krabaten Croatia, al. Crovratia

Regio inter Saurum fl. & Adriaticum mare, itemque ferè hìstria, & Bosna terminata, adeoque ad Dalmatiam.

L

Lepanto al. Lepantum ol. Naupactum, al. Naupactus, hod. Inebachii.

Vrbs Græciæ in Aetoliæ sinu sub Epiro ad littus maris Adriatici, vbi incipit sinus Corinthiacus, qui inde ad Hexamilum vsq; extenditur. Quare non est in Peloponneso, seu Morea, sed tantum respicit Moream è regione oppositam.

Linadia ol. Achaia regio Græciæ.

Lemnus hod. Stalimene Insula maris Aegæi Thraciæ opposita & Artho monti.

Lesbus al. Lesbos, hod. Methlia, al. Metelin: al. Metelinum, al. Mitylene, al. Metellinum.

Insula Aegæi maris.

Lezina, al. Lexyn ad Dalmatiam in Adriatico.

Lyssa al. Liza, Insula Lezinæ vicina.

Libanus, al. Lebanon, al. Lebano

Mons velex sacris literis satis notus.

M

Malta al. Melita, al. Meilda, al. Mellite

Insula ferè media inter Siciliam, & Africam.

Maronita populi Libani, Drusis mixti, à Marone Hæretico sic dicti: Turcorum hostes olim acerrimi, cum Drusis hodiè Tributarij.

Machan al. Macran Vrbs & regio ad sinum Persicum.

Mayto, al. Madytus, Vrbs ad Hellespontum.

Modon al. Methon, ol. Methona, al. Modona, al. Mantinea: Vrbs Peloponnesi fluuio intermedio in duas vrbes diuisa, yna dicitur Mantia, hodiè Modon: altera Mantinea id est, noua Manti.

Megalopolis hod. Leontarium

Vrbs Peloponnesi.

Melatige al. Melatia, al. Malatia, al. Melitine, al. Melatin:

Vrbs Armeniæ maioris ad Euphratem fl.

LI

Monca-

Moncastro vide Alba-Nestri.

Mogacium, *Mohatz*, *al. Mochatz*, *al. Mogara*

Oppidum ad Danubij ripam, & Sarvvizæ fl. ostium, ferè medium inter Budam, & Belgradum.

Mongazium, *al. Moncatium*, *alias Munkatz*

Arx ad limites Transylvaniæ, vbi in Poloniam, & Austriam itur.

Myfia *al. Mesia*, *al. Mesia*.

Regio maxima sub Istro in Europa, ideoq; diuiditur in Myfiam superiorem, & inferiorem. *Myfia superior* complectitur *Ratianos* die *Ragen*: Seruiam superiorem, & inferiorem, seu Dardaniam, Rasciam, & Picenos. *Myfia inferior* complectitur *Bulgariam*, vbi & Triballos, adeoq; omne spatium à campo Casouiz, vsq; ad Varnam, & Euxinum pontum. Hæc qui obseruabit aliquo modo diuersissimas sententias, & explicationes aliorum conciliabit. Historici verò mirificè confundunt *Rascios*, *Ratianos*, *Servios*, *Triballos*, *Bulgaros*, *Myfios*q;.

Myfia, *al. Misia*

Regio Asiæ minoris seu Natoliæ ad Hellespontum & Propontidis partem, inter Bithyniam, Lydiam & Phrygiam. Hodie Bursiæ annumeratur. Nam Bursa complectitur Pontum, Bithyniam, & Myfiam. Dicunt Myfios ex Europa in Asiam traiecis-
se, cum admodum angerentur, & ibidem in Natolia nouas sedes fixisse, vt ita Mysij in Europa & Asia habitarent.

Macedonia

Regio Europæ ad Thraciam, Aegæum mare, & Scardum montem. Emathia pars est Macedoniæ, vbi campi Philippi.

Moldania *al. Morodacta* die *Moldau*.

Regio VVallachiæ, Transylvaniæ, & Poloniæ contermina: Estq; duplex: Superior Moldauia dicitur, quæ Transylvaniam, & Poloniam tangit: Inferior Moldauia est, quæ Bessarabiam, & Nestrum tangit: Non igitur potest esse Transylvania.

Mesopotamia *hod. Diarbeck*, *al. Diarbeker*, Turris Amanacher:

Regio Asiæ inter Tygrin, & Eufratem fl.

Media *hod. Siruan*, *al. Schirvan*, Turcis *VVaspracania*

Regio Asiæ maioris, ad Hircanum, & Caspium.

Morza

Morea vide Peloponnesus.

Magnesia al. *Magrissa* *hœd.* *Maniſſa*

Regio & vrbs Natoliæ ad Meandrum fl. intelligiturque tota regio, Helleſponto annexa, videlicet Bithynia, Myſia, Phrygia, Ionia, Lydia, Caria, Dotis. Alij dicunt & in Europa Macedoniæ prouinciã ſic vocari.

Meander al. *Meandrus*, *hœd.* *Madre*

Fluius Natoliæ, ex Celeno monte fluens, ſub Colofſis Lycum fl. excipit, & ſub Epheso mare AEGæum intrat, & Samum inſulam ferit.

Mora Fluius Morauiam, & Vngariã diuidens.

Moroffes al. *Maryſus*, al. *Mariffus*, al. *Marius*, al. *Maros*, *die Mörſch* / al. *Marafi*, al. *Marafius*, *der Mörſch*.

Fluius Tranſyluanie ex Carpathi radice erumpens, Albam-Iuliam ferè alluens, indeque Lippam præterlabitur, & ſub Maſſo oppido in Tibiſcum ſe exonerat.

Mare mediterraneum, mare magnum eſt, quod longitudine ſua à columnis Herculis ad Palæſtinam vſq; Europam, & Africã diuidit: Brachio autem ex AEGeo in Tanain extenſo, Europam ab Aſia diuidit, varia autem & diuerſa nomina ſortitur, à diuerſis regionibus, quas alluit. Nam Hiſpanicum, ſub Hiſpania: Gallicum ſub Gallia, Liguriæ, Tyrrhenum, al. Toſcanum, Sardinum, Corſicum, Siculum, ſub Italia: Adriaticum (*quod & mare ſuperum*, *item Golfo di Venetia id eſt, ſinus Venedicus*) dicitur brachium ad Venetias vſque extenſum: poſtea Epiroticum ſub Epiro: Græcum ſub Græcia: Ambracius ſinus ſub Aetolia: Corinthiacus ſinus, qui ad Iſthmum vſq; extenditur, & Megaricus ſinus, qui ab Oriente opponitur Corinthiaco ſinui, & Athenas alluit. Hinc effundit brachium verſus Boream id eſt, ex AEGeo mari inſulis reſerto Helleſpontũ, Propontidem, Boſphorum, Thraciam, Euxinum pontum, Boſphorũ Cymmerium Mæotum paludem in Tanain vſque ſe extendit, & Aſiam ab Europa diſpeſcit. Ab AEGeo mari extenditur verſus Ortum, & vocatur Creticum, Rhodium, Cyprium, & ſinus Iſicus (*qui Iſſum vrbes & Amanum montem alluit*) Hinc verſus Austrum deſcendendo

dendo vocatur mare Syriacum, Phœnicium, Samariæ, Iudææ, Philistinorum & Aegyptium. Inde versus Occasum ad columnas Herculis, mare Africum, Punicum, & Libycum. Huius maris consideratio difficillima videtur, eò quod nouissima & diuersissimis nominibus vocetur.

Mariza *ol. Hebrus, al. Moriza*

Fluius Thraciæ ex Rulla, seu Rhodope monte Philippopolim profluens, & supra Adrianopolim Coprisam fluium excipiens, ad *Oenum* urbem, & Portum Album in Aegæum mare fluit, & suo cursu Chersonesum Helleponticlaudit. & excipit quatuor alios fluuiolos.

Mecha *al. Mecca al. Mocce al. Macche*

Vrbs Arabiæ felicis, patria Mahometi, vicina Edæ fl. sita ad limites Arabiæ desertæ & felicis in arenoso loco, tridui itinere distans à Medina.

Medina *al. Al-Medina, al. Madina al. Medina-Talnabt.*

Vrbs Arabiæ desertæ, in qua Mahometh docuit, postquam ex Mecha fugit sita ad lictus Sinus Arabici.

Mengrelia *al. Colchis, al. Iberia*

Regio ad Euxinum, Iberiam, Colchidem, & Albaniam comprehendens, sed tamen ita, vt partem aliquam de his terris Georgiani habeant.

N

Naupactum vide Lepanto.

Nesmel, al. Nesmil.

Vicus ad ripam Danubij inter Iaurinum, & Strigonium.

Nauarrinum *ol. Pylus hod. Iuacum, al. Gianco*

Vrbs Peloponnesi.

Nonomontum *al. Nouamont*

Vrbs Seruiæ superioris, ferè ad Scaturigines Drinæ fl.

Nicea *hod. Isnic, al. I-snick, ol. Antigonía, al. Schnyck al. Isnich, al. etiam Patanium vocarunt.*

Metropolis Bithyniæ à Nice Lisymachi vxore: Antigonía ante ab Antigono rege dicta, cõcilio & symbolo Nicæno nobilis hodiè.

Nicomedia *hod. Isnigimid, al. Ismid, al. Comidæ, al. Nicbar*

Vrbs

Vrbs Bithyniæ ad Propontidis littus, Ascanius lacus (*sen lacus Ascania*) medius ferè est inter Nicæam & Nicomediam. Ad Nicæam enim colligitur, & inde flectit cursum versum Nicomediam, mox tamen reflectit, & in Propontidem se exonerat.

Nicosia vide Famagusta.

Nicopolis *hodie*, *Nigeboli*, *al. Preueza*

Vrbs Bulgariæ, quam Ister mediâ secat: pars vrbis quæ VVallachiam tangit, dicitur Nicopolis superior seu maior, à Traiano condita: Pars quæ sub Danubio in Bulgaria est, dicitur Nicopolis inferior, seu minor ab Adriano condita. Hinc quidam dicunt eam esse Bulgariæ, quidam VVallachiæ urbem. Diuersitas igitur illa facile conciliabitur. Alia est enim Nicopolis in Cappadocia.

Nyssa, *al. Nizæ*

Vrbs Cariæ, Ephesino Episcopo subdita.

Natolia rectius *Anatolia*, olim *Asia minor*.

Regio in flexuram brachij maris Mediterranei ab Euftrate extensa. Clauditur enim Euxino ad Boream: Helleponto & Aegæo ad Occasum: Rhodio & Cyprio mari ad Austrum: Euftrate ad Ortum.

Eius regiones olim fuerunt: Armenia minor, Bithynia, Cappadocia, Caria, Cilicia, Commagena, Dotis, Galatia, Ionia, Lycaonia, Lydia, Lycia, Meonia, Mysia, Pamphilia, Paphlagonia, Pisidia, Phrygia, Trapezus.

Hodie verò Turci tantum in tres partes diuidunt dictas regiones, videlicet, in Amasiam, quæ sub Euxino à Chalcedone ad Trapezuntem: 2. Magnesium quæ ad Hellepontum: 3. Caramaniam quæ reliquam partem, videlicet, Lyciam, Pamphiliam, Ciliciam, Commagenam, & Armeniam minorem complectitur. Leonclavius seipsum valde confundit in huius explicatione.

Nigropont vide Eubœa.

O

Othomanech *al. Othomanes*, *al. Othomaneicum* *hodie*. *Othmanziach*:

Vrbs Paphlagoniæ sub Sinope ad fluvium Zaliscum qui sub Sinope in Euxinum cadit: olim pagus: Othomanus verò urbem fecit.

Othomania regio huic vrbi vicina : complectitur pontum, & Paphlagoniam, adeoque bonam partem Bithyniæ, & Galatiæ, terras videlicet quas Othomanus primò subegit.

Ovvar Germa. *Ungrisch Altenburg*.

Vrbs Vngariæ inferioris ad ripam Danubij excurrentis & ad ostium Leyræ fl. ad limites Austriæ.

Osen Buda

Metropolis Vngariæ, & sedes regum, à Thermis quibus facile omnes regiones superat Buda, quasi Bada pro Badà Germanis dicta. Etsi Iouius à Buda Attilæ fratrem vocari contendat. Munitissima est vrbs, quæ exundationes Danubij non curat, utpote in editiore agro, seu potius colle sita. Inter Thermas una piscina callida est, quæ à feruidis aquis *Purgatorium* vocatur.

Pestum al. *Pest* est opposita pars in Vngaria superiore.

Budam enim & Pestum Danubius saltem diuidit : ponte nauali coniunguntur.

Petrina al. *Petrinia*

Castellum munitissimum ad Colapim circa Siseccum in Croatia à Turcis contra Christianos ædificatum in vertice collis, ad ripam Culpæ seu Colapis, & Duropoliam respicit.

Presburg al. *Posonium*, al. *Bregetium*

Vrbs & sedes Episcopi Vngariæ superioris, ad limites Austriæ, sita in colle ad ripam Danubij.

Pera al. *Galata*.

Insula dicitur vulgò, cum tamen sit Peninsula, seu Chersonesus, inter Euxinum, & Pæstin lacum, Constantinopoli opposita. In hac Turci sepulcra sua habent.

Propontis *hod.* *Mar di Marmora*.

Palota, al. *Palotta*, al. *Pollotta*

Vrbs Vngariæ inferioris 8. meil von Rab/ 2. meil von Stullweis senburg/ sita in colle Verthis montis.

Pontus *hod.* *Zenic*, al. *Genic*, al. *Chenic*, al. *Chenigo*

Regio ad pontum Euxinum. & Bosphorum Thracium contermina Bithyniæ, Galatiæ, & Paphlagoniæ.

Paphla-

Paphlagonia *hod.* *Panderatia* *al.* *Bolli.* *al.* *Pentheracia*

Regio ad pontum Euxinum, cuius metropolis est Synope. Hodie annumeratur Amasiæ regno.

Peloponnesus *hod.* *Morea*, *al.* *Apia*

Peninsula est Græciæ, cui adnectitur Isthmus, quem Demetrius, Iulius & Nero Cæsares perfodere conati sunt, & ex Peninsula Insulam facere.

Panissus fl. ad radices Hemi oritur, & in Euxinum fluit.

Pannonius *hod.* *Perthes*

Mons Iaurino vicinus, incipit circa castellum S. Martini & extenditur vsq̃ue in Albam-regalem, & Strigonium ab hoc monte Vngaria olim Pannonia dicta.

Persia *hod.* *Farsis*, *al.* *Pharfi*

Regio Asiæ satis nota.

Porphyræa *hod.* *Hayphe*, *al.* *Chayphe*, *al.* *Cayphe*

Vrbs Palæstinæ, ad Carmeli montis radices.

Prusa vide Bursa.

Panormus *hodie* *Palermo*

Vrbs Bithyniæ, vina optima generans.

Plagiari pagus Callipoli in Chersoneso vicinus, vbi Solymanus filius Orchani sepultus dicitur. Nullum verò monumentum illic hodie inuenitur, etsi quædam vestigia: vnde patet eum vel vulgariter sepultum, vel monumentum à Græcis dirutum.

Polonia Posen à Pole id est, planicie sic dicitur, quod nimirum plana sit terra, montes & valles nesciens. Maior Polonia dicitur quæ Boream: Minor quæ Austrum spectat. Maioris metropolis est Posnauiæ & post hanc Gnesna. Minoris metropolis est Cracouia ad caput vistulæ, quæ regionem diuidit.

Pamphilia *hod.* *Scauri* Regio Natoliæ.

Pazinaces dicuntur incolæ Bosniæ à Turcis.

R

Rab, *al.* *Raab*, *al.* *Iaurinum*, *hod.* *Jaur*, *al.* *Gewr*

Propugnaculum munitissimum Vngariæ ad Danubij excursus.

Rab: *Rabus*, *al.* *Arrabo*, seu *Narrabon* penult. correpta Fluius Vngariæ ad cuius ostium est arx munitissima, Danubij vndis cincta, & à fluio *Rab* vocata.

Rodope

Rodope, al. *Rhodopus*, *hod. Rulla*

Montis Bulgariam à Macedonia & Thracia diuidens, extenditur à Rascia ad Varnam vsque.

Romaniola, al. *Romania*, *hod. Rumuli*, al. *Thracia*

Hoc nomine Turci totam Græciam intelligunt in genere, aliàs in specie Thraciam sic dicunt.

Ramala al. *Ramath*, al. *Ramatbaim* *Zophim*

Vrbs Palæstinæ patria Samuelis, ex sacris nota.

Rascia

est pars Scruia superioris, ad Cassouia campos.

Ratiani vulgò dic *Ratzen*:

Populi Mysia superioris ad Sauum, & Dryna ostium. Rascia superior est pars Vallachia minoris. Rascia inferior est in Dardania, ad Rodopen. Ratiani verò sunt inter Sauum, Drauum, & Danubium.

S

Suriiani al. *Soriant*

Populi sparsi per Palæstinam, qui profitentur aliquo modo Christianismum, à Turcis autem valde premuntur.

Serua, al. *Sirnia*, al. *Sirfen*, al. *Zirfen*, al. *Dardania*

Regio Mysia. Serua superior est, quæ Danubium & Ratianos attingit: Serua inferior, quæ Rasciam, & Dalmatiam tangit, vide Mysia. An hi ad Lusitaniam peruenerint, & Zorbeb, & Zerbst ædificauerint, probent qui dicunt.

Scodra al. *Scutari*, al. *Schurri*, al. *Scudry*, al. *Droia*

Vrbs Epiri seu Albanie ad lacu Bassona, circa Dalmatie limites.

Selona vide *Anlona*.

Sebam, al. *Damascum*, *hod. Seiam*, al. *Szam*

Vrbs Syriæ nota.

Sparta, al. *Mistira*, al. *Coro*, *hod. Coren*, al. *Corona*

Emporium Peloponnesi maritimum, seu ad littus maris, vide *Corona*.

Sigethum, al. *Zigethum*, al. *Zygeth*, al. *Sigeth*, *hod. Sasuvar*

Vrbs munitissima Vngarie inferioris ad Drauum fl. vnde tota regio dicitur comitatus Zigethi. Sita est in paludoso loco, aquis vndiq; cincta.

SAYCIN

Sarcum Regio Natoliæ ad Hellespontum olim Phrygia & Mysia.

Sinope, al. *Synope*:

Vrbs Paphlagoniæ ad littus Euxini maris, sedes Archiepiscopi Amasiæ.

Scopia, al. *Scupia*, al. *Schopy*:

Vrbs Rasciorum munitissima ad Rhodopen montem, & VVar-darum fl.

Sinderouia, al. *Synderouu* id est, *S. Andreas*, al. *Singidunum* al. *Spendero-be*, al. *Simandria*, al. *Samandria*, al. *Sunderouum*, *hodie Zenderew*.

Metropolis Ratianorum, seu Seruiæ inferioris, ad ripam Danu-bij sita.

Sophia, al. *Sardacta*

Vrbs Bulgariæ in Mysia, à Iustiniano restaurata, & pretioso templo in honorem S. Sophiæ exornata. Sita est ad Rhodo-pen montem, ad viam regiam superiorem, quæ ducit ex Vnga-ria in Thraciam, *Esch's tagreiß von der Donau*. Alia est ad A-driaticum mare, de qua hic nihil.

Sabatx, al. *Sciabacium*, al. *Sauatium*, al. *Sabatium*

Castellum munitissimum ad Sauiripam à Turcis contra Vnga-ros exstructum.

Sogutha, al. *Itea-vicus* id est, *Weidenstadt* / *salicum vicus* al. *Soguth-Iug*, al. *Sogut-Gai*, al. *Soguth-zug* Vicus Paphlagoniæ seu Cappadociæ 250. stadijs ab Euxini littore ad limites Paphlagoniæ, & Cap-padociæ, ad ripam Soguthi fl. nobilis propter Othomanum, cuius patria est. Nam in hoc habitauit Zichus pater Delini, qui Othomanus ab Othomancico oppido, ab Aladino donatus, di-ctus, vt suo loco monui. Leonclavius dicit in Mysia esse, & ta-men ad Soguthum fl. quod non convenire videtur.

Sinas al. *Sebastia*, al. *Senastia*, al. *Syvvasi*, al. *Sivvastus*, al. *Siba*, al. *An-gusta*, al. *Sebastopolis*:

Vrbsolim Episcopalis ad Cappadociæ & Armeniæ minoris li-mites, ad radices Scordisci montis.

Salina, al. *Salkberg*.

Vrbs Cypri 3 meiß von Nicosia.

Syria *hodie Sori*, al. *Soria*, al. *Sora*, al. *Affan*, al. *AZam*

Regio Asiæ nota.

M m

Sela.

Sclauonia, al. *Illyria*, al. *Illyrium*, al. *Illyris*, al. *Windschmeer* / al. *Vvinidarium-Marchta*, ol. *Liburnia*

Regio ad Adriaticum, & Dalmatiam: complectitur Histriam, Carniolam, Duropolium, Croatiam, & Lyburniam. Eius termini sunt forum-Iulij, Adriaticum, Dalmatia, Bosnia, & Drauus id est, Sauuseam quasi secat ab Orientali parte.

Sangaris, al. *Sangarius*, al. *Sagaris*, al. *Zacari*, Turcis *Zachri*, aut *Sacare*, al. *Sagarius*

Fluuius in Phrygia maiore ad Didymum montem erumpens, & inde sinuoso cursu per Bithyniam & Pontum in Euxinum fluit.

Stella hod. *Appadi*:

Mons Armeniæ minoris, Antitaurum respiciens.

Sur, olim *Tyrus*, vrbs Galilææ nota.

T

Temesum, al. *Temesovar*

Vrbs Vngariæ ad limites Transylvaniæ.

Tigris hod. *Hühchel*, forsan *Hidkel*

Fluuius Asiæ Armeniam à Mesopotamia diuidens.

Tatari, al. *Tattari*, ol. *Tartari*, *Scytha*

Hodie præcipuè triplices. 1. Casani, & Astracani ad Moscouiæ limites, & Volgum fl. 2. Præcopientes seu Præcopitæ, qui ad Tauricam Chersonesum, & Tanaim fl. 3. Crimnicenses, qui ad Podoliam, & Nestrum fl.

Alij quatuor genera faciunt, & prioribus addunt Zehaloenses, qui ad Caspium mare, in Iberia, & Colchide sunt: & Astracanis annumerant Nohacenses.

Leonclaudius decem genera facit. 1. Mogli, seu Mongli. 2. Sumongli, qui ad Tatarum fl. à quo nomen acceperunt. 3. Tangori, vel Tanchori, vel Tancari. 4. Charaini vel Chitaini. 5. Nogai, qui al. Nohacenses. 6. Cosan qui al. Casani. 7. Astracan. 8. Præcop, qui aliter Præcopitæ. 9. Kerai. 10. Descht, die Weissen Tatern in Taurica Chersoneso.

Trusi al. *Truschi*, vide *Druſi*.

Tauris, al. *Teuris*, al. *Teuoris*, al. *Tefris*, al. *Tebris*, al. *Ecbatana*.

Tanaïs hod. *Don*, fluuius Europam & Asiam sub Boreo limite diuidens & in

& in Meotidis paludem seexonerans indeque in Euxinum.

Vrbs Media ad Zagri, & Iasonij montium contingentiam, & non ad Euphratem sita, à quo fluuio distat itinere 20. dierum.

Trapezum, al. *Trapezuntum*, al. *Trabifonda*, al. *Tarabosan*, *hod. Tarabosane*, al. *Trasjibonda*

Metropolis olim Cappadociæ, sedesque imperatoria, ad littus Euxini maris.

Tripolis *hod. Taraboli*, al. *Tarabolos*, al. *Tarapoli*, ol. *Leptis* :

Emporium nobile in Syria, seu Syrophœnicia, ad littus mediterranei, & ostium Orontis fl. à mercatoribus quibusdam vocatur *Tentrana*. Est & vrbs huius nominis, quæ tum in Africa, & etiam maritima.

Turcomania regio ad Georgianam, & Armeniam maiorem à Turcis sic vocata, præcipuè Armeniam maiorem comprehendens.

Teuthranta, al. *Teutrantia*, *hod. Terapolis*

Regio Syriæ circa Tripolim.

Thessalonica, *hod. Salonich*

Macedoniæ vrbs Termis, & Epistolis Pauli nobilis, eò quod emporium celebre ad littus Aegæi maris.

Tocatum, al. *Tockey*, al. *Doggai*, al. *Daggei*

Arx munitissima ad limites Vngariæ & Transyluanici, ad confluentiam VVodragi, & Tibisci (Bedrog & Teiß) in comitatu Zepusensi.

Thunis, al. *Tunctum*, al. *Thunisi*, al. *Thynissa*, ol. *Carthago*, al. *Carchedon* : Vrbs Africae minoris ad littus mediterraneum, in Pœnorum regione.

Temircapi, vide *Demircapi*.

Transyluania al. *Pltrasyluania*, ol. *Dacia ripensis*, al. *Pannodacta*, al. *Iazygia* *Siebenbürgen* *hod. Erdel*.

præcipua olim regio Daciæ. Dacia enim habuit Transyluaniam, Transalpinam, & Moldauiam. Regio vndique montibus septa, videlicet, Alpibus Daciæ, Sarmaticis iugis, & Capatho monte. Cum Vngari post Lombardicum bellum, ex Scythia redirent, & Daciam ab exteris (*Gothis*) occupari sentirent, in Transyluaniam cum vxoribus, liberis, & pecoribus castra sua

erexerunt, eaque in septem partes, seu catenas diuiferunt, & septem duces sibi elegerunt. 1. Arpadum. 2. Zabolchum. 3. Iulium (à quo *Alba-Iulia* nomen adhuc habet) seu Giulam. 4. Keuundum. 5. Lechelum. 6. Berbulchum, seu VVerbulchum. 7. Vrsum. Inde nomen innotuit septem castrorum, quod Germani *Siebenbürgen* interpretati sunt.

Transalpina est regio seu pars Transylvaniæ ad VVallachiam minorem, & Alpes Daciæ. & Danubij ripam.

Taurica-Chersonesus *hodie Chazaria, olim Theodosia*

Peninsula inter Mæotin & Euxinum ad Bosphorum Cymmerium, à Metropoli Capha, quæ olim Theodosia dicta, dicitur, etiam Theodesia à quibusdam. Eius longitudo est 24. miliarium & latitudo 15. miliarium Germanicorum; Hodie Præcopitæ Tauricæ incolunt.

Thracia *hodie Rumæli, olim Romaniola, olim Romania*

Regio Rhodope Macedonia, & Propontide determinata, vel Euxino, Propontide, Aegæo, Macedonia, Pannonia & Hæmo determinata. Regio nec cælo nec solo læta, montibus abundat quorum præcipui sunt Hæmus, Rhodope, Orbelus, & Pangæus, ad Austrum fert vina optima quæ Rummeny vocari aiunt.

Tibiscus, olim Tissa, olim Dyssa, die Teiß/ Teissa, olim Tirza, olim Partissus.

Fluuius Daciæ à Pannonia diuidens.

Taurus

Mons Asiæ Armeniam, & Mesopotamiam diuidens, ut Ciliciam, & Commagenam Antitaurus.

Togarus *hodie Zogan olim Zoga.*

Mons Thraciæ amœnissimus, & vini & frugum feracissimus, in quo Turcici Sulchani recreandi gratia crebro versantur.

Tiflis, olim Tiphlis, olim Tyflis.

Vrbs Armeniæ Maioris sed Georgianis subiecta.

V

Vizegrad, olim Visehrad germ. Plindeburg

Arx munitissima ad ripam Danubij inter Budam, & Strigonium, à Matthia Coruino, olim Huniade exstructa in vertice præcipitis montis, in modum munitioum Italiæ.

Vaspra

Wesprim al. Wesprim, al. Wesprim

Urbs Vngariæ, vicina Albæ-regali, sita in colle dicta à candido seu albicante fonte, qui ad collis radices est: dicitur quasi *Wesprim* referente Iouio: Dicitur magna, sed non ita munita.

Varna al. Varna al. Varna, ol. Dionysopolis

Urbs amœnissima in valle ad radices Hemi, seu Rhodopi (*Hemus & Rhodopus enim ibi coeunt*) ad sinum ponti Euxini: versus pontum habet colles vitibus nobiles: in vallibus verò versus Hemum frugum feracissima est regio, & pagis referta: versus Galatam promontorium, planè paludosus locus est, & quasi inaccessus.

Ubat al. Lapadi, ol. Lopadium, al. Leopodium,

Urbs vel oppidum Bithyniæ.

Vngaria, olim Pannonia

Regio de qua disceptatur inter Christianos & Turcos. Olim Pannoniæ pars, videlicet Pannonia inferior (*Nam superior Pannonia est Austria, Styria, & Carinthia*) vel à Pane DEO pastorum, vel Pœone Anturi filio, vel Pannonio monte sic dicta.

<i>Vngaria</i>	{	Superior dicitur pars illa quæ supra Danubium Moraniam, Poloniam, & Transylvaniam tangit dic <i>Bergstete</i> à fodinis metallicis dicunt.
		Inferior dicitur pars sub Danubio, Drauo determinata. Quamuis non desit, qui putet superiorem Vngariam esse, quæ Temesium habet. Inferiorem quæ Austriam tangit.

Volga al. Rha, al. Edel, al. Volga, al. Bolga

Fluvius Asiæ Tataros à Moscovitis diuidens, Perondino teste. Oritur ex communi fonte cum Duina fl. & Boristhene seu Neper, qui fons hodiè lacus Voloc vocatur. Volga autem in Caspium se exonerat, reliqui duo in Euxinum.

VV

VVallachia

Regio inter Danubium, & Nestrum, Euxinum & alpes Daciæ. Estque duplex: VVallachia minor, quæ & superior dicitur, eò

quod ad Alpes Daciae eminentiore loco. Huius prouinciæ sunt Rascia superior, VVallachia superior, & Transalpina. 2. VVallachia maior, quæ & inferior, eò quod Euxinum declinui loco spectet. Huius Prouinciæ sunt Moldauia, Bessarabia, item Caucaensij, Piarensij, & Peucini populi.

VVibitz, al. VVichitz

Vrbs munitissima ad limites Croatiae, & Bosniæ in paludoso loco, & Vna fl. ibi Insulam efficiens, eam vtrinque cingit.

Z

Zoyntch al. Zonicum

Oppidum Rasciae metallicis fodinis celebre.

Zorls

Arx munitissima, Calli vicina in Chersoneso.

Zomakie, al. Semachie, al. Sumakie

Vrbs ad Caspium mare.

Zante ol. ZaZynthus

Insula Ionij, seu Aegæi maris.

Zerbi insula maris mediterranei, olim Lothophagitis, & Africam aspicit.

F I N I S.

ERRATA.

fol. 12. lin. 18. l. מן הנה נהר יבד. *ibid.* lin. 20. l. sua, ut comma ponatur post sua. fol. 14. lin. 9. testatur l. testabatur. *ibid.* lin. 24. quæ l. quasi. *ibid.* lin. 27. Nossent, lege nossent, & include ea verba parenthesis (ut qui nec legere nec scribere nossent) amanuenses enim sine dubio fuerunt docti. fol. 24. lin. 8. sic lege: Soffi, id est, cantores (soffus enim est cantor) in Moschea &c. fol. 25. lin. 6. Nabatores l. Turbatores. fol. 32. lin. 19. Pontem l. Ponte in. fol. 34. lin. 10. Insere Ne ante δωροφάγος. fol. 37. lin. 18. Othomam l. Othomani. fol. 44. lin. 13. Pancei l. parent ei. fol. 45. lin. 34. Coran l. Capan. *ibid.* lin. 35. Temesmet l. Temesuar. *ibid.* lin. 39. Lipu l. Lippa. *ibidem* Semendui l. Semendria.

*mendrin. fol. 46. lin. 27. Lucentis luna l. lucente luna. fol. 47. lin. 24.
 Supple verbum uiuantur. fol. 54. lin. 21. Parapiriaciuss l. Parapinaciuss.
 fol. 64. lin. 21. Sic distingue Imperatores*

Imperatores	{	Orientis seu Bizantini	{	Andronicus pater
			{	Andronicus Filius
	{	Occidentis seu Romani	{	Henricus VII.
			{	Ludoicus IIII.

*fol. 69. lin. 3. BeleZno l. BeleZug. fol. 71. lin. 72. Hidryn l. Hildryn.
 fol. 72. lin. 26. iungi l. iungit. fol. 73. lin. 11. Baiacetes in sua delectur
 in. ibid. lin. 30. Virumq; l. vicungq;. fol. 74. lin. 6. Sigismundi l. Sigisf
 mundum. fol. 76. lin. 20. Commoranti l. Byrsa commoranti. fol. 80.
 lin. 6. Frislanam l. Frislariam. ibid. lin. 30. Sex l. aquet Sex. fol. 83.
 lin. 11. In capitolini l. Tu capitolini. ibid. lin. 13. Extremum l. non
 extremum membrum. fol. 88. lin. 10. Ioncol. Ianco. fol. 126. lin. 25.
 Kiliat l. Kiliat. fol. 134. lin. 1. Antonium l. Andrean.*

Similia errata bonus lector ipse candidè corriget.





5119

